





~~VITT EMMERLE~~

122 a 1



HIERONYMI
CARDANI,
MEDIOLANENSIS,

CIVISQUE BONONIENSIS,

Medici longè celeberrimi,

OPUSCULA MEDICA SENILIA
in quatuor libros tributa,

QUORVM

- I. De Dentibus.
- II. De rationali curandi ratione.
- III. De facultatibus medicamentorum, præcipuè purgantium.
- IV. De morbo Regio.

*Omnia nunc primùm ex MS. Bibliotheca Romana in lucem data:
ad singulare philatrorum, omniumque sanè philo-
sophantium emolumentum.*

ADIECTIS INDICIIS NECESSARIIS



LVGDVNI,

Sumptibus **LAVRENTII DVRAND.**

M. DC. XXXVIII.

CVM PRIVILEGIO REGIS.

Permeo ad Ant. L. de Vite





Eminent^{mo} ac Reuer^{mo} Principi
LÆLIO BISCIAE,
 S. R. E. CARDINALI .
 AMPLISSIMO.



VM Romam venissem, visen-
 dæ non modò Urbis gratiâ, sed
 perscrutandi, si quid noui litte-
 * 2 rarum

rarum inter tot eruditorum bona ingenia reperirem (P R I N C E P S E M I N E N T I S S I M E) delatus etiam in Bibliothecam Tuam, nobile illud Musæum, libellum de Dentibus Hieronymi Cardani in eâ nondum editum, & manu Autoris exaratum inueni, quem cùm vnà cum illo Facij eiusdem Autoris pronepotis accuratè contulissem, delectatus tunc operis elegantia sum maximè, doctrinæque multiugi, deinde bonæ frugi atque æqui consulturum, mihi persuasi, si opus ad rei Medicæ peculium typis, atque hominum manibus euulgarem; quod statim ac cœpi facere, illud venit in mentem potissimum, vt ad fulgorem nominis Tui recurrerem, dum lucem operi procurarem; atque ad id non vnico sum pellectus admonitu, verùm agminatim suadentibus causis, quæ Tibi hoc donarium reflagitant. Primò enim cùm è Bibliotheca Tua exemplar fuerim mutuatus, obstringi plagio credidissem,
fi

si alteri , quàm Tibi domesticum , &
quod Tuum est , inscripsissem. Adde,
quod Autorem Patri Tuo Bernardino
inter seculi Iurisperitos facilè Principi,
obsequio, ac virtute iunctissimum gaudi-
surum in Superis credibile est, quòd Ti-
bi hoc cedat munusculum , cuius ille
adolescenciam admiratus tenellum in-
genium in oculis habuit : sanè Tua Co-
lumna Draconis

—— τῆς Δι' ἐμέας
ὁλκὸς ἀπειροσίησεν ἐπιφείαςων φολίδαςιν
κέκλιται.

—— *quam per mediam*
Tractus innumeris horrens squammis
Voluitur. Dionys. Afer.

instar tripodis Pythij ad Phœbum ac-
cerfit ingenia , vt Musarum in ipsa sta-
tionem, & numina venerantes citharas,
& calamos suspendant, virtutum oracu-
la procurent. Huic ego igitur tholo tan-
quam Mineræ , operis tabellam figo,
CARDINALIS AMPLISSIME, Tibi

* 3 interim

interim aduolutus, ut vagam hanc pro-
lem sinu purpuræ hilari excipias, & vix
natam, & iam dentientem lacte Chari-
tum Tuarum admoucas, quo gloriæ
crescat ad incrementum, & lucis publi-
cæ radios absque fæce priuati liuoris, at-
tingat; ut si fortassè, quia parente orba-
ta est, & posthuma, inuidiæ dentes sen-
serit, nec titulo, quem præfert, sat erit
munita, Anguis illius Tui salutaris, at-
que Epidaurici dentibus custodita la-
trantium morsus non reformidet, tem-
porisque Antagonistæ edacitatem re-
fringat. VALE, & litterarum bono diu
viue.

Reuerendiss. Eminentia T.

Addictissimus, atque obser-
uantissimus

LAVRENT. DVRAND.



LECTORI AMICO TYPOGRAPHVS.

DECIDERAM *ferè spe*, *Lector*
beneuole, quòd cùm sapissimè
noua cuderem, nihil tamen ha-
berem, quod extra seculi esset
cancellos, saperètque quodammodo *vetusta-*
tem, quæ irritare quidè palatum literato-
rum nunc solet. *Auctorum* siquidem *altiuscu-*
lè transactorum si scripta in lucem proferan-
tur, iique fama iam valeant, ita gaudet le-
gentium animus, perinde ac si deperditam olim
rem reperiamus, atque homini, cui rumor
obitum intulerat, occurramus. cùm ecce mihi
tandem BISCIAE Cardinalis doctissimi, opti-
mique Principis è Bibliotheca Cardani libel-
lus de Dentibus praefertur, quo statim re-
cepto cæpi Iasonis, aut Cadmi conditionem

* 4 mihi

mibi sperare, ut videlicet ex exaratis meis
paginis totidem è dentibus amici in Repu-
blica literaria nascerentur, quot illis nati sunt
hostes. Non destiti præterea inde rursus ef-
flagitare, (non enim omnia Romæ procura-
ueram) ut si quid ex illius Principis custo-
dia Cardani adhuc reperiretur, saltem ti-
tulo tenus communicaretur, quamquam &
Codices ipsos ab humanitate Cardinalis Pru-
dentissimi, quæ est in litteris admirabilis, me
consecuturum sperarem. Cùm ecce Leo Alla-
tius, & Joannes Argolus, cuius primi Tu-
lector nomen iam tot editis libris admira-
ris, alterius ingenium, & eruditionem nosti,
syllogen cæterorum, quæ in eadem Bibliothe-
ca Cardani reperiiebantur, scriptorum, trans-
misere. Interim hoc tantummodo in præsen-
tiarum frui, vigili mea curâ ac prompta
in studiosos voluntate recognito; exscripto
enim, cùm Romæ essem, è Bibliotheca Emi-
nentissimi Biscia exemplari unâ cum illo
quod à Facio Cardano Autoris pronepote vi-
ro ornatissimo acceperam, contuli, examina-
tisque

*tisque ita omnium locorum symbolis, maiori
qua potui diligentia emendatum publicum
feci. Nota denique scriptorum Cardani, quæ
in Bisciana Bibliotheca sunt, partim excepto-
rum, partim Autoris manu exaratorum, ut
erat Biscia familia percarus, atque observator
maximè Hieronymus, hæc est:*

INDEX SCRIPTORVM
HIERONYMI CARDANI,
quæ in BISCIANA Bibliotheca
seruantur.

De Dentibus libri tres. Quartus, qui
de Dentibus etiam inscribitur, agit
de curâ morbi Regij. Quintus, de
Dentibus quoque inscriptus, de Po-
dagrâ agit.

Commentaria duo in quatuor primas
Principis primæ sectionis doctrinas,
quæ & Libri floridorum inscribun-
tur.

Commentarium primum in Galeni Ar-
tem

tem Medicam , quod Cardani Auctoris lectiones nonaginta tres continet.

Commentaria itidem in quatuor libros distributa , quæ etiam lectiones nonaginta sex in libris de Victu in Acutis complectuntur.

Eiusdem de Propria vita liber capitibus quinquaginta quatuor comprehensus.

APPRO

APPROBATIONES
Doctorum.

EGO FR. STEPHANVS MOLIN Carme-
lita, Doctor Almæ Facultatis Parisien-
sis, hos quatuor libros Hieronymi Cardani
Mediolanensis Medici euolui, nihilque con-
tra Fidem, bonosve mores reperi, imò opus fa-
tis curiosum & Medicis perutile iudicaui. Da-
tum Lugduni die trigesima Aprilis 1638.

Fr. Stephanus Molin.

EGO quoque præfatz Almæ Facultatis
Parisienſis Licentiatus Theologus idem
quod ſuprà euolutis his quatuor libris Hiero-
nymi Cardani Mediolanenſis Medici cenſui
& ſentio, vnde pro publica vtilitate typis man-
dari poſſe, imò & deberi, affirmo. Lugduni
in Conuentu S. Bonauenturæ Fratrum Mino-
rum, anno & die prædictis.

Fr. Bernardinus Molliaffon.



SERIES
LIBRORVM, PARTIVM,
ET CAPITVM.

LIBER PRIMVS.

De Dentibus.

CAP. I.	D E dentibus in genere.	pag. 1
	2. De morbis dentium in specie.	17
3.	<i>De fluxione, frequentissimâ causâ morborum dentium.</i>	<i>34</i>

LIBER SECVNDVS.

De rationali curandi ratione.

PROOEMIUM.

PARS PRIMA.

De contemplatione communi.

CAP. I.	D E morbo, & eius differentijs.	57
	2. De causis morborum.	69
	3. De	

Series Libror. Partium, & Cap.

3. De symptomatis.	72
4. De signis tam demonstratiuis, quàm prognosticis.	74
5. De curatione.	78

PARS SECVNDA.

De institutione generali.

PROOEMIUM.

CAP. I. De consideratione natura.	93
2. De nomine morbi, & de morbo ipso.	95
3. De causis morborum, eorúmque symptomatis.	97
4. De signis prognosticis.	99
5. De curatione.	102

PARS TERTIA.

De speciali tractatione.

INTRODVCTIO.

CAP. I. De temperatura agri.	114
2. De nomine, essentiâ, & speciebus morbi propositi, nempe Parulidis.	124
3. De causis affectûs propositi.	130
4. De symptomatis affectûs propositi.	135
5. De signis prognosticis.	138
6. De curatione eiusdem affectûs.	142

SECT. I.

Series Librorum, Partium,	
SECT. I. <i>De custodiâ, seu curâ prophylacticâ.</i>	
<i>ibid.</i>	
2. <i>De curâ propriè dictâ, eâque generali huius affectus.</i>	154
3. <i>De curâ huius affectûs, eâque speciali per diætâ.</i>	168
4. <i>De curâ speciali huius affectûs per Pharmaciâ.</i>	183
5. <i>De curâ speciali huius affectûs per Chirurgiâ.</i>	208

LIBER TERTIVS.

De facultatibus medicamentorum.

P R O O E M I V M.

P A R S P R I M A.

De primarum qualitatatum, atque ex
his ortarum operatione.

CAP. I. V <i>aria facultatum in medicamentis diuisiones.</i>	215
2. <i>De varijs calidi operationibus, in primis de vstione.</i>	224
3. <i>De</i>	

& Capitem.

3. De potestate calidis, aut frigidis. 232
4. De actu calidorum, ad humanum corpus comparatorum, effectibus. 244
5. De operationibus frigidis. 260
6. De facultatibus secundis & tertijs, oriundis ex primarum miscellâ. 264
7. De facultatibus medicamentorum arte acquisitis : item de odoratis, Lithontripticis, specificis membrorum, & quatuor modis assumptorum. 275

PARS SECVNDA.

De purgantibus medicamentis in genere.

- CAP. I. *Varia medicamentorum purgantium divisiones.* 288
- 3 *Lenientium à purgantibus distinctio.* 299
 2. *Lenientium medicamentorum varia species.* 306
 4. *De medicamentis purgantibus propriè dictis.* 317

PARS TERTIA.

De medicamentis purgantibus in specie.

- CAP. I. *Qua purgando leniunt.* 232
2. *Qua*

Series Librorum, Partium,

2. <i>Qua bilem flauam ducunt.</i>	328
3. <i>De pituitam ducentibus.</i>	345
4. <i>Qua bilem nigram ducunt.</i>	360
5. <i>Qua aquam ducunt.</i>	367
6. <i>Corruptos humores ducentia.</i>	377
7. <i>De atra & aruginosa purgantibus.</i>	380
8. <i>Qua bilem flauam, & pituitam.</i>	382
9. <i>Bilem utramque purgantia.</i>	389
10. <i>Qua pituitam & nigram bilem educunt.</i>	390
11. <i>Qua pituitam, & aquam ducunt.</i>	391
12. <i>Qua bilem atram, & aquam.</i>	394
13. <i>Qua tres humores purgant.</i>	395
14. <i>Qua omnia purgant.</i>	411
15. <i>Qua tenues humores educunt.</i>	404
16. <i>Crassos humores purgantia ex ventriculo, & venis, ac etiam articulis.</i>	412
17. <i>Qua sanguinem purgant.</i>	418
18. <i>De superpurgatione.</i>	422
19. <i>De purgantibus incertos humores.</i>	424
20. §. 1. <i>Cum medicamentum non opportunè purgat.</i>	427
§. 2. <i>De conseruatione medicamentorum.</i>	428
§. 3. <i>Epilogus.</i>	ibid.
§. 4. <i>Pilula, seu catapotia vite.</i>	429
§. 5. <i>Calorem innatum excitantia, & Φερέσσια ἢ Φυσίδια.</i>	430
§. 6.	

& Caputum.

§.6. *Herba Regia.*

ibid.

§ 7. *Medicamenta varia , & penè ignota.*

431

LIBER QVARTVS.

De curâ morbi Regij.

P R O O E M I V M.

CAP. I. **D**E nominibus morbi, & ratione eorum. 434

2. De morbi naturâ. 436

3. De differentijs ipsius, & causis. 437

4. De speciebus morbi regij. 442

5. Quomodo reducantur species ad vesicam felleam, & lienem. 445

6. An Regius morbus sit symptoma. 447

7. De signis specierum eius. 448

8. De quadam specie morbi regij, aliâ ab his. 455

9. De quibusdam causis morbi regij coniunctis: & sunt præcipuè septem, febris, durities iecoris, aut lienis, hamorrhoides, cachexia, seu hydrops, morbus Indicus, venenum, & phthoë. 457

10. De signis prognosticis. 459

11. An in morbo regio sit secunda vena. 463

12. An

Series Librorum, Partium,

12. *An febris cuiuspiam sectio vena conueniat.*
464
13. *De curâ generali morbi regij à bile flauâ.*
471
14. *De curâ generali morbi regij à bile nigrâ.*
475
15. *De curâ morbi regij per aërem, somnum, motum, animi accidentia.* 477
16. *An vinum, an aqua sit melior in curâ morbi regij.* 478
17. *De curâ per cibos.* 479
18. *De curâ per euacuationem.* 486
19. *De curâ per praparatia.* 487
20. *De medicamentis proprijs.* 488
21. *De balneis aqua dulcis.* 490
22. *De his quæ à proprietate agunt.* 491
23. *De potu aquarum naturalium calidarum.*
492
24. *De curâ morbi regij à crisi.* 493
25. *De curâ morbi regij à veneno.* 494
26. *De curâ morbi regij à sola caliditate iccoris.*
ibid.
27. *De curâ morbi regij ex inflammatione, vel phlegmone iccoris.* 495
28. *De curâ morbi regij ex solâ abundantia congesta bilis.* 497
29. *De curâ morbi regij ex obstructione in superiore loco.* 498
30. *De*

& Caputum.

30. De curâ duplici morbi regij ex obstructio-
ne lapilli, vel duritie iecoris, aut lienis.
500
31. De curâ morbi regij per consensum à ventri-
culo. 503
32. De curâ morbi regij ex obstructione in vesicâ
fellis. 505
33. De curâ morbi regij propter imbecillitatem
in vesicam fellis, vel in attrahendo, vel in
expellendo. 506
34. De curâ morbi regij cum febre. 507
35. De curâ morbi regij cum duritie iecoris.
508
36. De curâ morbi regij cum duritie splenis.
510
37. De curâ morbi regij cum fluxu hamorrhoida-
rum. 511
38. De curâ morbi regij cum hydropc asciticâ, vel
tympante, vel hypofarcâ, & fluxu hepa-
tico. 512
39. De curâ morbi regij, ex accessione morbi In-
dici. 514
40. De curâ morbi regij, ex accessione phthoës.
517
41. De curâ morbi regij, cum accessione prauorum
symptomatum, & sunt præcipuè duo, mala
coctio ventriculi, & flatus; & de fluxu
sanguinis narium. 518

Series Libror. Partium, & Cap.

42. De curâ quatuor specierum morbi regij, scriptarum ab Hippocrate. 520
43. De symptomatibus quæ relinquantur, è quorum numero præcipuè sunt, alui durities, sitis, tristitia, & vigilia. 525
44. De custodiâ à morbo regio. 526
45. De iecoris tribus morbis maximis. ibid.
46. & ult. De abscessibus celeriter occidentibus, qui quasi clam inuadunt, præcipuè cerebrum. 529

PROOE



PROOEMIUM.



V M anno M. D. L X I I. animadu-
uertissem curam dentium à nullo
antiquorum , sed nec recentio-
rum Medicorum traditam esse;
eâ ratione *primum hunc librum de Dentibus*
conscripsi. Mox verò *rationalem curam* insti-
tui, ciûsque exemplo, cæterorum morborum,
atque ita confeci *secundum librum*. Pòst vbi
viderem quàm necessaria esset *purgantium me-*
dicamentorum notitia, tum etiam *lenientium*
alium, ad generalem curam, addidi & *ter-*
tium, & vt etiam speciatim prodesse posset,
procuravi. Anno autem M. D. L X V I. cùm
Franciscum Gratum *ex morbo regio* curan-
dum suscepissem, adeóque implicitam curan-
di rationem, sed etiam tractationem totam
inuenissem, addidi & *quartum librum*. Con-
sideravi deinceps, an quicquam præter hæc
in totâ Medicinâ desideraretur; id autem tum
mihi facile fuit, absoluto his diebus *Promptua-*
rio: inuenique *Tympanitidem* vnâ desiderâ-

P R O O E M I V M.

ri, cuius ratio & causæ essent prætermittæ; cura autem cum illa quæ est Ascitidis inuoluta, non solum perperam, sed etiam contrariâ ratione. Quamobrem illius tractationem paucis hîc adieci, & curam, etiam tum (quod frequentissimè accidere cernebam, quòdque à nemine traditum animaduerteram) cum Ascitidi iungitur. Quia verò vsus secandi venam, non solum in phlegmonis, sed etiam in febribus, adeò frequens erat, ut quotidie non semel occurreret; non tantum curando, sed consulendo: atque de priore iam scripisssem in *secundo libro*, visum est ut ante curationem tympanitidis, paucula verba de hoc facerem, de illius in febribus administratione. Cum enim febres aut cum abscessu fiant cerebri, pulmonis, iccoris, aut ventriculi, aut mēsaræi; ut quandoque etiam, sed rariùs, renum, vesicæ, aut intestinorum, aut illos progignant, easque pestilentes vocare (licet non rectè) soleamus: non ipsis venæ sectio debetur, nisi quatenus phlegmonarum ratio habenda sit. Ideoque & sectionis venæ quarti generis memineris; & quòd in aliis non mittimus, nisi quia non seruamus in ediam, quæ tutior secùs esset, cum nec cogamur dare cibum, si non secemus: ideoque nec morbi materia augeatur, nec ex loco transmutetur, nec trahatur in membra principalia,

P R O O E M I V M.

palia, sed concoquitur, neque natura terretur.

In phlegmonis autem iccoris & ventriculi, tres sunt ordines: vel enim magnus est morbus, & vires imbecillæ, & tunc (inquit Galenus 10. *Artis cur. cap. 5.*) æger nullam habet spem; si enim cibū dederis, augebitur morbus, & etiam non concoquetur primo principio corrupto & eius calore: si non dederis, virtus vitalis, (*cuius merito solum exhibetur cibus*, vt est *primo de Vi& in acut. comment. 44.*) cadet & morietur. Et etiam videberis hominem interfecisse: & quod maius est, vt *aliàs* docuit, suspectam inediam his quibus proficere posset, reddes, velut in duobus sequentibus casibus, atque etiam ob id eiusmodi ægri morientur. Secundus ordo est eorum in quibus validæ sunt vires, & hos deducere oportet prorsus sine cibo, donec morbus declinauerit. Et si morbus non magnus, nihil dabis prorsus, nec medicamentum ratione incoctum in aquâ: si magnus, dabis, vt dixi, colocynthidem etiam & centaurium, si duritiem contraxerit. Nam dupliciter periclitari potest æger: vel malè suppurato abscessu per febrem, & breui; vel indurato seriùs, & per hydropem quam vocant ascitem: antea verò maximè per filiculam & hellebori corticem. Sed si vires sint penè mediocres, nec morbus adeò magnus vt sperare possis, tunc

P R O O E M I V M.

huiusmodi cum ptisanâ dabis modicâ , aut (intellige) cum cremore , vide rationem victûs phlegmonarum 11. *Methodi*, cap. 17. Non meminuit autem sectionis venæ, quoniam præsupponit factam ab initio. Vnde nota quòd longè meliùs etiã ac tutiùs administretur ante initium phlegmones. Quinimò contrarium eius faciunt Medici ad vnguem , quod facere debent, & contra Galeni sententiam : ante enim quàm synochus in synocham conuertatur, tum mittendus est sanguis, & tutò semper , & maiore cum utilitate, & per sæpe vsque ad animi deliquium. Et tunc urina, vt planum est, bonæ sunt, quia nullum ostendunt signum putredinis, sed & pulsus sunt æquales & ordinati ob eandem causam, licet sint quantumcunque magni, veloces, & frequentes. Cùm autem apparent signa putredinis, inæqualitas in pulsu, & urina rubra & crassa, tum periculosius est mittere sanguinem, & minùs etiã utile, saltem nunquam debemus adeò largâ uti sectione venæ. Hæc autem demonstrata sunt nono *Artu Curandi*, cap. 4. & in undecimo, cap. 14. quòd ad parcitatem attinet. Inquit enim: Cùm neque putredo, neque obstructio sanguinis missione currentur, cùm horum alterum affuerit, tantò minùs detrahendum sanguinis, quantum sufficiat ad concoquendum reliquum humoris, aut
aperiendum

P R O O E M I V M.

aperiendum obstructions. Liquet igitur cùm vrina bona est, tum securiùs, tum vtiliùs mitti sanguinem; cùm est cum signis putredinis, periculosius esse, licèt maior tum vrgeat necessitas, quàm volens Princeps indicare, *quartâ primi, cap. 20.* illis verbis: *Et cùm apparuerit vrina crassa & rubra, illicò mitte sanguinem:* occasionem dedit Medicis toties aberrandi. Similiter cùm de cataplasmate actum sit, vt videretur illa probare, cùm vix in duobus aut tribus casibus conueniant præcordiis, abscessu iecoris, ventriculi, & lienis; in cæteris dicat Galenus, *11. Artis cur. cap. 15.* pernicioſa esse cataplasmata præcordiis, & ob ea diuites, tum phlegmone corripi, cùm pauperes ad morbi finem peruenere; tum verò plurimos ex eis suffocari: eos autem qui illis non laborant morbis, innumerabiles esse; illos autem [qui laborent] quàm paucissimos, constat Medicos causam mortis penè omnibus præbere, cùm etiam non solùm præcordiis, sed pectori eadem adhibeant, cui nullo in casu conuenire videntur, nisi phlegmone laborent, idque perrarè, iubetque *cap. 17 lib. proximè citati, cibis tantum nos fidere.* Quòd si quis obiiciat, ipsum *cap. 16. lib. eiusd.* docere medicamenta & perfusiones, quibus vtamur ad iecur, & ventriculum, & lienem; palàm est loqui solùm de phlegmonis, nec vllò modo in casibus aliis,

PROOEMIUM.

sed prorsus abstinendum, vt etiam ab Epithematibus cordis, nisi ex aquâ & vino, refrigerandi causâ.

Circa autem tympanitidis curam, quæ pura est, & incipit à voluulo, & hæc sola est sine aquâ; voluulus autem à coli dolore distinguitur, & si confirmetur, ad hydropem siccam necessario perducit. Primum ergo vinciemus strictè fasciis ventrem à superiori inferiùs: & glandibus assiduè vtemur, rutâ, nitro, cenaurio minore, cyclamino, cucumis anguini radice cum absinthio decoctâ, aloë, bitumine. In omnibus fouere podicem calidis spongiis iuuat, [iuuat] & cuminum. Inde apponenda cucurbitulæ ad locos inanes, post, supra: & demum scarificandæ, vlceraque sale inspergenda: & post imponendum emplastrum è lauri baccis. Potus anethi decoctum: à potu, panis ex aquâ feruente. Victus tenuis & leuissimus. Diatrion pipereon, & theriaca. Et non purgandus aut propriis & validis; validis nō propriis, hierâ Archigenis ex colocynthide: propriis nō validis, rhabarbaro, & nostro succo cichorij cū spicâ, & erythrodano; cit enim vrinam. Proprium validum, scilla cruda, ammoniacum. Iréos partes iiij. galbani ij. opopanax j. cum aceto: & radix rapuli dulcis, rauanellus vocata, quæ cruda estur in acetariis, detur.

Cura

P R O O E M I V M.

Cura verò compositæ cum ascite adhuc est difficilior, quia, vt dixi, non distinxerunt vnā ab alterâ; & cū distinxerunt, curam non posuerunt; & vna est alteri contraria, cū ascites indigeat exsiccantibus & purgantibus, tympanites neutro; cū, vt Paulus inquit, fiat à ventriculo, colo, & siccitate peritonai, & uteri, & post febres longas, intellige ex acutis relictas, ex Hippocrate 2. Prognost. 1. sicut ascites ex lienis scirrho aut iecoris, semper autem cum eius vitio, nisi ob renes accidat, aut venarum emulgentium rupturam. Illud etiam indiscussum relictum est, an omnis tympanites ex vitio iecoris fiat? Emplastra autem vtrique noxia ex æquo sunt; calorem enim naturalem dissolunt, præternaturalem accendunt, transpirationem quæ maximè necessaria est, prohibent, imò inflammationem in visceribus & maximè iecore accendunt. Neque conueniunt etiam *extenuantia* secundum Paulum, per quæ intelligo quæ vrinam prouocant & sudorem. Vt tamen aliquid agamus, cū frequentissimus sit hic casus complicationis vnus cum alterâ; rarissimè inueniantur simplices: tribus modis obuiam eundum est. [hanc parenthesin in MS. fugientibus literis scriptam, hariolari oportuit.] (Memineris autem quàm facile educitur aqua, etiam eam paritè absorbeas,

P R O O E M I V M.

beas, & sensum, & non repente, ne corpus emacietur, & vires debilitentur:) vel per ea quæ vtrisque profunt, & hæc sunt optima; & si flatus exuberet, cibi sint panis ex iuribus crassis, & somnus: potus perquam exiguus, oleum recens amygdalarum & pistaciorum, punica, allium, cancri, testudines, panis ex zeâ, frictio, & exercitatio moderata, ex 14.3. *tract. 4 in cura*. Ex medicamentis filix & anethum, de quo etiam *suprà*. Cibi autem medicamentosi, alium recens maximè cum centaurio, plantago, apium, hyssopus, cyperus, cinnamomum: & præcipuè lac equinum loco camelini, aut saltem caprarum depastarum hederam ferentem aureas baccas, chamelæam, & ebulum, saluincam, aristolochiam, scopam regiam, anethum plurimum. Duo illa antidota Pauli, vnum ex *Caryophyllis*; aliud ex 15. *rebus: Asaro, amomo, balsamo, cassiâ, calamo aromatico, cumino, dauco, glycyrrhizâ, iunco rotundo* (lego ego, odorato,) *hyperico, myrrhâ, petroselino, pipere, seseli, sphondylis*. Sed hæc duo ego potius in secundo genere auxiliorum ponerem: scilicet quæ plus profunt vni, quàm alteri noceant: velut etiam vinum absinthites, quod ab Alexandro *lib 9. cap. 3.* laudatur: & scilla cocta, cruda, & eius acetum, adeò laudata à Theodoro Prisciano, *lib. 2. cap. 19.* & ab Apuleio *lib. de Herbis, cap 42.*

præter

PROOEMIUM.

præter consuetos authores. Illud animadu-
tere decet, plures ob imperitiam periclitari,
quoniam non sensim hic morbus plerumque
traducitur, vt alij, & vt optarent patientes, sed
post aliquot dies quasi irritâ operâ, repentè
exoneratâ materiâ detumescit venter. Sufficit
ergo vt non crescat: vnde & mensura illius,
& comparatio potûs & vrinæ fieri præcipitur.
In tertio genere sunt quæ plurimum profunt
vni, licèt alteri parum obûnt, atque idèd pro-
pinanda cùm exuberauerit, velut tympanite
[superante,] Pastillus noster tetrpharmacus,
[videlicet] crocus, origanum, spica, anethum,
in aceto triduo macerata, inde aceto subacta:
quandoque spicæ loco anisum, aut fœniculum.
Superante autem ascite, tetrpharmacum
Apuleij, [quod recipit] chamelæam, chamæ-
daphnem, chamædrin, chamæpityn. Item elle-
borus niger ritè exhibitus, maximè autem ex
athere resolutus per longos circuitûs, sicut per
vrinam halicacabum. At si plurimum ascites
præualuerit, & spes decidat, tentabimus valida
& securiora medicamenta: Principis validis-
sima & securissima. ℞. Seri equini (pro cameli-
no) ℥. ij. pityusæ. ʒv. salis gemmæ ʒj. terantur
& bulliant: & incipiat à ℥. ʒ. augendo ad ℥. j.
Aliud validius. ℞. Cotonei dimidium, infun-
datur in aceto, & pòst tundatur cotoneum,
cum

P R O O E M I V M.

cum tantundem foliorum chamelææ in vmbrâ ficcatorum, exemptis omnibus neruis: accitum autem cum faccharo bulliat, vt in mellis fpiſſitudinem redigatur: inde addatur coto-neum cum chamelæâ, & ab igne tollatur. Exhibeatur à 3^ſ. aſcendendo uſque ad 3ij Et cùm accipit, huiuſmodi ſeruet, vt ambulet, nec cibum accipiat, donec deiecerit quantum eſt quod accepit. Tertium eſt Hiera Paccij, deſcripta à Scribonio Largo, & Marcello, & eſt tutior ſalubriorque, debétque accipi cum ptifana, & nihil aliud ſumat æger, neque bibat, donec ſanetur. Quod autem dixit Cælius Aurelianus 3. *Chronic. cap. ult. quòd debeant cauere, cùm urinam prouocant, ab aromaticis, vt antùrque velut ſeminibus cucumerum*: intelligit, vitandam eſſe caliditatem; ob urinam tamen prouocandam, & viſcerum vtilitatem, vt dixi, odorata admittuntur: quamobrem crediderunt multi perperam, frigidum eſſe affectum, cùm calida admittantur. Sed non niſi ob dictas duas cauſas: ſecùs frigidis etiam recentiores vtuntur, quamuis dicant morbum fieri à frigiditate. Idque licet videre in Galeni medicamento. Similiter aberrauerunt, quòd cibaria calida conuenire viderunt: ſed non ob affectum, ſed quia illa ſolùm facilè concoquantur; velut & humida, nec tamen dixerunt

P R O O E M I V M.

runt ascitem fieri à siccitate. Et scias quòd hydrops vtraque est finis malus morborum acutorum, sed tardior: Regius autem est morientium iam: quòd si non statim perimat, desperatarum febrium solutio est.

At si aqua exuperet, medicamine vtemur Principis, *in fine cap.* quod vrinam cit sub forma purgantis. ℞. Ellebori nigri, sem. vrticæ, partem j. spicæ Indæ, sem. halicacabi, part. iij. Quantitas aureus, cum syrupo ex aromatibus. Tum iuxta pubem locus ceratis regentibus [muniatur, quæ] attenuando, [constent] flore iunci odorati, siccando, stercore caprino; educendo, cyclamine; purgando, sem. chamelææ, succo aut radice cucumeris asinini. Mastiche siccatur & roboratur; ammoniacum concoquit & digerit: resina, tenax reddit. Ter aut quater ut maduerit in die, siccandum calefaciendumque, nitroque prius fricandus locus aut vino, aut lixiuio. Cùm declinauerit morbus, & tædet, vulturis pelle aut lupi, aut purpura foueatur ad palmum minorem, ita & pedes. In calida [causa] fantalis; ubi [MS. frigidiora sint,] frigidior adsit, mastiche ex aceto iecur [foueat.]

Demum si in morbis, maximè febribus, deficient vires, illud vulgatum Galeni, *comment. ad aphor. 9. sect. 1.* malè interpretantur;

Casu

P R O O E M I V M.

Casu dissolvente vires , cibum dare cogimur.
 [dum]ad tempus casûs referunt: id autem nisi
 nuper vocato te sine vituperatione fieri non
 potest; cum seu pereat, seu sanetur, per te, vel
 alium , infcitiz arguaris. Quapropter dicit,
ante casum dandus est , non potest autem esse
 utilis , si phlegmone adsit , vt *duodecimo Artis*
curandi, cap. 3. & antea docuerat , nisi cùm vi-
 talis citra naturalem cadit, *decimo eiusd. cap. 5.*
in fine. Id contingit vel naturâ, vel ætate , vel
 euacuatione, vel dolore, vel oris ventriculi vi-
 tio, vel humorum tenuitate, cum raritate cu-
 tis , aut venenosa qualitate: cùm sperare pos-
 sis, medium te posse procedere inter summam
 vitalis facultatis imbecillitatem, & oppressio-
 nem naturalis producto morbo , *decimo eiusd.*
cap. 3. & *duodecimo , cap. 6.* Contingit enim
 etiam in aliis casibus, tum ruere vitale robur,
 plusquam ex morbi & causæ vi sit necessa-
 rium. Et tunc si omnino speres moriturum,
 prænunciata morte aliquantulum vitam pro-
 ducere præstat, quàm turpiter statim mori
 sinere, sed aliquanto melius ab initio abstinere
 à curatione.

HIERO



HIERONYMI
 CARDANI,
 MEDIOLANENSIS
 MEDICI,
 DE DENTIBVS
 Liber Primus;

Quæ est exemplum cuiuslibet alterius tractationis, summatim benè tradita. Et non, ut nunc mos est eorum, qui ex libris turpiter tractatus conficiunt. Acriùs etiam illos coarguit, qui mille nugas præter propositum immiscent, auxilia sua etiam mirum in modum laudantes.



ENS est os multiplex ad mandendum, quod solum naturaliter cadere consuevit, in senectâ. Eorum tria sunt genera, anteriores qui nobilissimi sunt, quoniam cibum incidunt, & sermonem iunant, & ob decorem; & sunt quatuor. Quatuor qui illis assident; minus nobiles sunt, faciliùs excidunt,

A

dunt, angusti, & radicibus minoribus implantati. Quatuor denique à lateribus eorum, acutiores, & canini dicti, quòd extra cæteros longitudine promineant, qui nobilitate secundum obtinent locum. Atque hæc duo genera vnicam tantum radicem habent. Reliqui omnes ad molendum facti in homine absoluto; quinque sunt vtrinque in mandibula suprà, & totidem infrà, vt omnes sint triginta duo; quam aliquibus hominibus desint, sintque viginti octo: aliis intra maxillam, vsque ad senectutem, & mortem contineantur; atque his inferioribus plerunque duæ tantum radices, superioribus autem tres. Nonnunquam inferiores ternis radicibus infiguntur, & superiores quaternis. Cui sunt dentes intùs, vt nutriantur, & vt vox prolata, elisa quasi ex fornice splendidiùs resonet; firmantur ipsa sede arcta foraminum maxillarum, & gingiuis circundantibus; alliganturque sedi ipsi, neruo tertij paris, qui in ipsum dentem penetrat: vnde in auulsione principalis causa doloris, si ille non rectè eum eximat. Cavitates mandibularum, vbi dens erutus cum radice fuerit, obcæcantur & concluduntur; & ob id, homines qui omnibus carent dentibus, viuunt ac mandunt tam benè fermè, vt quibus omnes sunt dentes, consolidato osse mandibulæ. Quòd si nouus dens exoriatur, non per priorem cauitatem prodit, sed aliud sibi foramen pangit, natura ossis mandibulæ cerea fermè, ad id apta. In concauitate autem dentium membranula illis assidet tenuissima, calidi, & frigidi sensum habens: sicci, humidi, & fracturæ, ni ad illam perueniat, expers. Ex omnibus dentibus anterioribus, atque etiam molaribus (sed non adeò euidentis discrimen) nobiliores sunt inferiores superioribus.

rioribus. Vnde cornigeris dentes anteriores inferiores sunt : superiores nequaquam , nam ad incisionem plus faciunt inferiores dentes : nec hoc fraudi fuit ceruo , quin lustris plurimis viuat ; nec elephanti , qui anterioribus vtrunque caret ; quin ducentos annos excedere possit. Diximus autem plura de dentium origine , & his quæ eis accidunt in Paralipomenis.

Nunc tantum ea adiiciam , quæ ibi tradita non sunt. Ergo duodecim dentium radices, in vtero generantur in singulis mandibulis : cavitates per totam ferme radicem extenduntur , quod extra gingiuas prominet totum solidum est. Venæ , & arteriæ ad imum radices perueniunt, vnde dentes nutrimentum trahunt , neque enim par est os ex sanguine , cum album sit , & durum , nutriri. In generatione autem dentis antequam erumpat, folliculus quidam circumtenditur (quæ natura est omnium quæ oriuntur) ex quo dum oritur, erumpit. Postquam infans exortus est, dentes geniti iam erumpunt , & alij generantur, duo hinc inde superiores, totidemque inferiores. Ex eadem radice quandoque, nonnunquam ex alia, cum dentium natura fecunda fuerit , prodeunt dentes, (si non celeriter qui iam nutat in pueris euellatur) in malis plerunque extrà , in maxillis intrà : nam hoc putat malam superiorem mandibulam esse Fallopius , maxillam autem inferiorem : quam nos distinctionem breuitatis causâ sequemur ; etsi non nesciamus etiam, teste Cicerone , idem esse prorsus malam, & maxillam. Porro in illis , velut reliquis omnibus, contingunt tria opera Medici , conseruare , custodire, sanare. Conseruamus confirmando robur , atque augendo , tum his quæ admouentur , tum his quæ

prohibentur. Prohibentur vnde noxæ adueniunt, scilicet à capite, ventriculo, & his quæ eduntur, velut dura, aut lenta, aut calida vehementer, aut frigida; & maximè si alterum alteri succedat. Quæ etiam propriè nocent, porri, lac, pisces saliti. Ergo mandere mastichen malū est. Quod si ori solūm noceant, velut punica, dentifriciis, & collutione oris vino, vel aqua satisfaciemus:capiti autem aër frigidus & humidus, & caput lauare ac madefacere, nec siccare, maximè si somno se dedat, & aër nocturnus, & crepusculorum, & habitare circa stagna, & lacus. & cohibere fluxiones ad nares. Ex ventriculo autem cruditates. Et dactyli nocent valde proprietate sua, & ob lentorem. Quæ verò dentibus sunt amica, sal, inula, & mel, & purgationes humorum crudorum, & collutio à cœna, & manè cum aqua frigida, sic vt cerebrum non lædatur, aliter cum vino.

Custodia debetur læsis parum, aut debilibus, aut vbi signa læsionis apparuerint; senibus ergo, & his quorum parentes infœlices hac in parte fuerunt; si mandendo vim debitam non retinent; si scabri, aut caui, aut rubiginè teneantur; si calorem, frigus, aut dura non ferant benè; si paululum doleant; si frigidum videantur, si erosi, si locum, situmve mutant; si colore non sint candido, peius autem si nigro, si tophi lapidei adhæreant; si findantur; si gingivæ crescant diminutis dentibus, aut minuantur crescentibus illis, tunc causam venari statim debemus, quæ si ex manis est, ea edere debemus quæ confirmant, colluere, & abstinere: si ab ætate, dicemus infra ad dentes firmandos, & quæcumque robur naturæ adaugent. Sunt verò exercitatio, somnus, cibi boni, alacritas, etiam vsque ad iram, vinum moderatum, venus

venus turgens, & moschus ac crocus. Quæ autem sunt à cerebro, maiorem noxam afferunt, quæ à ventriculo fœdiorem. Si igitur à capite, purgabis illud cum elleboro, agarico, vel melle roseo. Propria tamen capiti sunt catapotia dura & magna, quia diu manent in ventriculo, cochia, vel aurea Nicolai. Rectâ victus ratione institutâ, decoctum ligni sancti exhibebis, saltem matutino, ut sudet, inde ad errhinâ transibis. Caput conseruant præcipuè aër lymphidus, tenuis, non siccus valde, nec magnis ventis agitur; habitare in cubiculo quod astate primos tantum radios solis exorientis excipiat, hyemè ad tertiam ferè diei partem, quod sit ratione astronomica loco aprico, atque salubri. Somnus longus, quietus, cubiculo frigido, sicco, perflato, claro, contextum mollibus & calidis operimentis, non tamen pluma, nec grauib; singulo die cum exurgit, alui, vrina, & cerebri excrementa purgare: aqua etiam tepida per nares attracta. Caput frigida lauare post calidam, ut Celsus. Contegere oportet illud perpetuò, ut Hippocrates solebat, aut nudum semper habere, ut Æthiopes; cum nostra ætate nec semper, nec totum contextum habeamus, aut nudum. Ex cibis columbi teneri, cerebrâ gallinarum, amygdalæque, ut Auenzoar, sed & pinæ. Ex medicamentis, ambra orientalis, fœli semen, sphondilium, serpillum, nux myristica media ex Galeno. Pura medicamenta, stæchas, & in frigida valde intemperie, castorium, ex purgantibus colocynthis, elleborus, & agaricus. Agallochum verò, & betonica, & verbena multum conferunt capiti. Sed & amomum, garyophili, lignum sanctum. Suffitus quoque in calida, animæ albæ (lachryma est Indica) & santholorum, quos citrinos

vocamus, & cuiuscunque lachrymæ caliditate non exuberantis, astringentis, atque odoratæ. Hepar puræ violæ, & vtriusque floris nymphææ, & rosæ odor suauissimus; cuiuscunque autem arboris odor æstate gratus est, confert; & si spinosa sit, nec amara valdè, lachryma illius utilis est in suffitu, velut & rosæ leuiter in furno siccata, & inter lintea seruata. Ex amuletis Smaragdus Oriëntalis collo appensa. Iuuant & fontes in adiutoriis brachiorum in difficili, cum tenuis humor abundat, & lædit: optimum est autem in his vti cibis bene coctis, vt etiam in ventriculi imbecillitate. Sed & exercitatio matutina optima est ad confirmandum ventriculum, & ad sensus acuendos, & animum exhilarandum in loco libero, amœno, & aprico. Purgat ventriculum mel roseum in quo vel radix atriplicis, vel mercurialis, cum semine macerata permanserint, addito gingibere, aut nuce myristica, aut cardamomo. Sed & polium, organum orientale, thymus, sphondiliûmque propriè incocta veteri gallo, ius efficiunt optimum ad purgandum ventriculum. Nec transeundum ad topica vocata, nisi præpurgato corpore, aliter particula impletur. Validior autem debet esse purgatio in iam laborantibus, quàm in his quos custodimus propter temporis breuitatem.

Signa autem purgati corporis sunt leuitas eius, & claritas sensuum, & vigor operationum, bona vrina, & quies. Et neque per dolores, nec fomenta, nec vini potum morbus exacerbat, imò alacrior, & robustior videtur ager, si tamen sola adsit iniquies cum sensuum claritate, vaporum abundantiam cum pauca materia significat, quam, vt plurimum excrementorum eiectio, & deambulatio leuis soluit. Sed

si

si cum sensuum obscuritate, & corporis grauitate fuerit, multam malam materiam peccare ostendit; eadēque est ratio partis. Corpus autem mundum naturaliter est, quod ex paruis contusionibus in defluxiones non incidit. Et si ex contusione in eas deciderit, nihil perpetitur præter solitum, parūque durat inflammatio; sed sine contusione resoluitur. Est etiam leue in motibus, boni coloris, & promptum ad operationes. Est autem id in cuius venis non exuberat sanguis, nec extra propria loca sunt humores: in propriis autem locis exiguum in vesica fellis bilis flauæ, in liene nigræ, in intestinis pituitosi succi, atque mucosi: sed solum residet quod aggeneratur in dies, quoniam in dies etiam resoluitur. Et quod præcipuum est, cuius humores in venis sunt adedè permisti, vt solum potentia humores, actu autem sanguis existant, atque idedè non faciliè separantur. Vnde multi sunt biliosi, pituitosique natura, mundo tamen corpore; vt contra cacochymi, & immundi temperamento proximi; habent enim humores æquales, sed non permistos. Hoc est, quod dixit Hippocrates in libro de humana natura, oportere hominem commodatum esse in humorum quantitate, & nihil secreti habere. Hinc fit vt in euacuationibus ab aliquibus multa, ab aliis nulla educantur: nam si humores benè permisti fuerint, parum aut nihil educitur, tametsi homo sit biliosus, aut pituitosus; aliis qui videntur temperati, plurima. Quare indicium immundi corporis est, ex medicamento plurima educi. Inde illa Hippocratis 2. *Epid. sect. 2. in princ. excretio sincera mala*. Et illud, 2. *Aphor. 37. qui bene se habent corpore, difficulter ferunt medicationes*. Atque hæc eadem singulis in membris obseruanda sunt. Errhi-

na autem, aqua maluæ cum manna, succus bliti, & amaraci, vel radicis colocynthidis, & elaterium cum lacte.

Quæ verò dentibus seruandis propria sunt, hæc sunt: collutio oris manè cum frigida, & fricare illos cum sale, alumine, & capite leporis exustis, quotidie læuigatis: Græcè est quòd ex Archigene scriptum est à Galeno 5. *de co. secund. loc. cap. 9.* & manauit in Principem, scilicet quòd collutio oris bis in mense, ex vino decoctionis tithymalorum, præseruat illos ab omni dolore. Poterat credi, nisi hoc non contentus, addidisset, detracta amariore parte Ægyptiæ fabæ, ac cum reliquo gingiuis confricatis, tum dentibus, semel in anno, toto eo anno non dolituros dentes. Hoc ut impudens mendacium subticuit Princeps, 7. 3. *cap. 2.* Primâque laudem tithymalo relinquit. Ego prodesse inultum hoc existimo, quoniam auocat à dentis substantia, teste Galeno *cap. 12.* sed neque auxilium fabæ prorsus contemno, modò pudicè proferatur. Marcelli medicamentum efficax ex aceto acri, & cedriæ pari pondere, & quarta parte ponderis ex communi alumine, incoctis æneo vasi, & tæda pingui permistis, donec in mellis spissitudinem coëant, ter in mense dentes, ac gingiuas fricando cum eo. Refert etiam succo satiuæ cucurbitæ confirmari dentes, & à dolore prohiberi. Plures affirmant inulam commansam ieiuno ventriculo, assiduè dentes à labe immunes reddere. Scribonij elegans dentifriciū, quo vsa est Octauiæ Augusti soror. Parietariam cum semine, & radice ablutam vno die sicca; rursus muria merge, & sicca, post in olla altera cum sale foliis in cinerem redigito, ac spicæ parum addo, dentes purgat, dealbat, confirmat, & gingiuas æquat. Plinius secundus ad
dentes

dentes iam male affectos, nec prorsus incolumes, gargarisma per septem dies ex marrubij decocto imperat, fasciculos autem tres illius coquit: mox sparso semine alterci super prunas, iubet hauriri fumum, ut gingivæ siccentur, & dentes confirmentur. Affirmat Aërius *lib.8. cap.28.* si in libram & semis, succi racemorum vitis albæ sexcunx corticis radiceis mori incoquatur, eum, qui septem diebus continuis hoc medicamento os colluerit, perpetuò dentium dolore cariturum, quòd etsi utilissimum esse crediderim, non tamen verum esse potest. Arabes iubent gingivas, & dentes fricari radice nucis. Contra venena plerâque, & argentum viuum, seu etiam coctum illitum corrumpit omnino dentes, & sædat eos.

Cum verò dentem fricare volumus, pulvis sit tenuissimus, & in pollinem redactus, mollitèrque fricentur, & prius inter se constringantur. Et cum laborat vnus dens, illi solia auxilium adhiberi debet. Curatio verò fiat præpurcato corpore, & cerebro, ut dictum est, non tamen hoc expectare oportet: sed symptomati cum dolorem mollientibus occurrendum; aliter dolor materiam trahendo, semetipsum auget, & noxas affectu intolerabiles; sic & motus infirmum reddit dentem, augetque illius mobilitatem. In reliquis affectibus causam antea possumus tollere, quàm partem medicemur. In omni autem dolore ac motu, tum erosione, iuvat, imò plerunque necessarium est à mandendo abstinere, utique sorbitionibus, & similiter cum dens est confractus, aut auulsus, propterea vitendum est cibis valde coctis, & si necesse sit mulrum nutrire, adhibeantur oua forbilia. (nam oua, & iecora, & cerebra animalium, & lac, alioqui mollia, coctione dura euadunt tactu, & etiam ad concoquendum.

dum. Vnde etiam partes aliquas huiusmodi esse in piscibus verisimile est) & succus carnis, & ius illius, cum pullus iam coctus, contusus leuiter, eidem incoquitur, inde pinguedo tollitur.

Sæpenumero autem licet rariùs quàm Medici iubeant contingit, vt necesse sit dentem eruere. Imperitus enim Medicus facilè ad hoc recurrit, ne spòte, aut ab alio Medico æger sanetur, & ipse ignorantiae arguatur. Sed vt & aliquid egregij facere videantur, imperiùmque in homines habere, Tonsores autem lucri causa. *Gal. 5. de com. med. sec. lo. cap. 8. & p. 7. 3. cap. 5. & 17.* Sed neque audire illos oportet qui dicunt, quòd si causa doloris sit in neruo, nec semper, nec per se finiri dolorem extirpatione, sed solum quandoque patefacto loco in quem materia, quæ in neruum tendebat effundatur. Nam licet neruus solum denti adhæreat, eruto tum dente, primum cessat compressio, quæ erat causa saltem magnitudinis doloris; inde etiam ipse neruus adeò læditur, vt sensus fermè expers reddatur. Cuius indicio est quod relictæ radices plerunque absque dolore extrahantur; & etiam quia obducta post auulsum dentem carne, non amplius dolet locus: Iuuat autem ad hoc auulso dente, statim colluere locum frigidâ, & sanguinem sistit, nec os lædit, quoniam durius est neruo, nec conuulsum vt ille. Auellitur quatuor in casibus, vel ob dolorem cui nulla profunt auxilia, vel quia mouetur sine spe vt confirmari possit, vel quia corruptus, & maximè si inutilis sit, ob id & fœtorem oris pariat, vel quia congeminatus impedimentum mandendo pariat, atque deformitatem. Non tamen ob has causas semper extrahere eum oportet, sed cum, vt dixi, inuictæ fuerint, & affectum maximum pepererint:

pepererint : aut cùm multæ vnà coëunt, vt inquit Hippocrates in libro de Affectionibus pag. 2. Si dens erosus & commotus dolet, eradica illum : si autem neque commotus, neque erosus, exustione illum rescabis. In dubio videtur esse si commotus sit, & non erosus, aut contrà. Pater autem tentandam esse mitiorem viam, quandoquidem ex hoc altera non præcluditur : namque sæpe accidit etiam senibus, & in caninis dentibus, vt dolerent vehementer, essentque commoti & erosi ; & tamen prorsus restituerentur quibusdam ex toto, aliis excideret pars corrupta solum. Adeò verò hoc dubium est, vt nullum sit securius euellendi dentes argumentum, quàm diuturna, & perseuerans commotio, quæ nullis cedit auxiliis, tunc enim non solum labant ; sed etiam à radice elongantur : Et hoc cùm ex morbo acciderit, nam ex ictu tandiu manet spes confirmandi dentem, quandiu est in ore ; vel si ita computruit, vt cadauer sit, non dens, vel cùm adeò exesus est, vt ad mandendum prorsus sit inutilis : quartum cùm morbus, propagatur ex vno in alium : tunc enim melius est seruare bonos, extractis corruptis, quàm illis retentis omnes corrumpere. Atque hoc tum illud de sphacelo rarum est, reliqui duo casus accidunt frequentissimè.

Tria autem sunt in hoc consideranda, primum quòd cùm dentes numero suo constant, tunc cauendum est ne eruantur. Et si ex eadem parte integra sit series, tunc cauere oportet : at contra cùm sunt quasi alterni, atque hinc inde deficiunt, lacerones, aut si ex aduerso positus in mandibula alia deest, tunc extirpatio utilis est, non solum non incommoda. Nam si ex aduerso positus deficiat dens, crescit, & mandendo collidit alios, atque colliditur, vt sine spe

spe bona, etiam alios ex aduerso positos moueat. Caninos etiam ferro eximere ob radicis magnitudinem periculosum est; tum quia nonnunquam portio nervi, aut venulæ educitur, vnde fluit sanguis vsque ad mortem, non quia tantus fluere possit, sed quoniam cerebrum male afficitur ex consensu; & cum finitum credimus morbum, sanguine arteriæ maximè coërcito, moritur homo, hoc autem senibus præcipuè accidit. In anterioribus noxa est, vitium sermonis, ac deformitas; in molaribus, detrimentum maximum est, quodd vitæ, & valetudini extracti plurimum ob sint. Est etiam in his id incommodi, quodd persæpe habeant radicem obliquè infixam, vt cum vi extrahitur, pars ossis mandibulæ sequatur, lacereturque gingiua, vt mors etiam quandoque contingat: certè magnum malum est, & incommodum: propterea periti artifices sensim illos eruunt, & si contumax sit dens, illum frangunt, radicēsq; relinquunt, quæ etsi tædium afferant, paulò post tamen sponte commotæ, atque laxatæ sine periculo, atque molestia decidunt, & eruuntur. debet autem antequam extrahatur per plures dies antea dens moueri, seu quia exesus sit, seu quia iam motus ob dolorem, extirpare illum sit propositum; tandiu ergo (quod ego in meis expertus sum) mouendus est, vt nullo negotio educi possit. Ergo cum multi iam dentes sparsim deficiunt, commodius agitur, si omnes extrahantur. Sine dentibus enim multi diu vixerunt, è quibus pater meus viginti duobus annis supersuit, cum quinquagesimo octauo ætatis anno omnes amisisset. Et Iacobus Hebræus Papiæ iam decem, & nouem (viuit enim cum sexaginta octo natus amiserit illos) nec solum vixere, sed robusti

& crustas panis atterebant, mandebantque dura, & concoquebant egregiè: nam os maxillæ tum vicem dentium subit, & multis, vt dicemus, dentes imminascuntur qui neque dolent, nec cadunt; verum nec etiam prominent. Præstat ferro eruere dentes, cum iam moti sunt, & labant; nec ager morâ ferre potest.

In aliis autem, & maximè cum ob erosionem educere illos proponimus, cauendum est ne ante centesimum vigesimum diem curemus: eo enim termino finiuntur cõtinui morbi, sicut intermittentes anno. Plerunque autem commoti finiuntur in quadraginta diebus, & dolores sedantur: circuitibus enim morbi omnes præter fixas intemperies aguntur, tum maximè febres & fluxiones. Quomodo enim dixisset Hippocrates, *Quibuscunque morbi podagrici sunt, hi sedata in quadraginta diebus fluxione finiuntur*: vnde interrim velut in febribus, quanto plus egeris, tanto plus nocebis, vt sufficiant communia remedia acopa, ob dolorem, abstinencia à mandendo, sorbitiones tenues, facilis coctionis, & euacuationes. Si igitur eruere dentem per medicamenta propositum sit, nudabis illum gingiua, & lappæ radice calefacta illum tanges. Vel cera munitis dentibus altrinsecus cinerem lumbricorum superpone, & cum refrixerit mutato, post etiam cera super dentem contineatur horis duabus, vel pyrethrum in aceto acerrimo per quadraginta dies coniice, & siccatum serua ad vsum: fertur autem in hora dentem confringere, & eximere, propterea cum feruidum etiam imponatur, præmunire oportet diligentissimè vicinos dentes, non solum ob proprietatem, sed ob calorem qui semper noxius est dentibus; quanto magis hæc quæ præter vehementem calorem, vt dixi, proprietate malefica prædita

prædita sunt. In corrosos autem immittitur eundem ad affectum cedria, seu chelidoniæ radicis succus, aut radicum capparorū, vel radix ranunculi, vel euphorbium, aut lacertæ iecur, sed maximè tithymali, & caprifici loco arido natorum lac. Verùm ne linguam exurant, & in dente retineantur, cū imposita fuerint, cera obduci foramen debet. Hæc omnia dentes frangunt, & eximunt. Sed ranæ adeps, vt testatur Princeps frangit, & eximit, nec exurit, sed proprietate quadam. At præcipua sunt, & sine malitia, aqua separationis, quæ vim ignis habet, salis, nitri, atque aluminis, quorum altero calefacit, altero astringit. Nullus primum est dolor, seu super gingiuam, seu dentem ponatur, quanquam super gingiuam posita, statim illam dealbet, & fumum velut ignis vrens efficiat. Quinimò duo habet præcipua, primum quod corruptum à sano separat, atque corruptum extrahit, sanam partem confirmat, sicut in dente meo anteriore dextro, atque superiore cū moueretur, nec durum quicquam premere posset, squammam eduxit quartæ parti dentis fermè cœqualem ab imo, vsque ad radicem, reliquum firmavit, & sanum reddidit. Secundum quod dentes qui per illam excidunt, quoniam quod sanum est, ab eâ non vitatur, iterum redeunt, ac renascuntur, modò radicis portio aliqua sit incorrupta. Ea enim naturali vi incrementum accipiens, liberâque à putrefactâ parte dum in dies augetur, dentem producit, sed non eminentem à gingiva; verùm quasi altitudine cœqualem illi. Atque ita duo nati sunt molares Hieronymo Guerrino Geminario, cū duo excidissent illi eodem loco, anno supra sexagesimum quartum. Erant autem vltimi maxillæ dextræ inferioris. Non possunt autem
multum

multum crescere, quoniam radix exigua est, quæ subministrat alimentum. Modus autem est ut bis in die cum gossipio stylo circumuoluto, & ex ea aqua imbuto ter gingiua in radice, & totus dens tangatur, idque quatuor perpetuis diebus: mutare autem gossipium bis in die oportet, & labia diuellerè dum tangitur dens ac gingiua, nec linguam admouere debet patiens. Si tamen admoueat, saporem solum sentiet acerbum. Excidit autem plerunque citra vigesimam diem: sed si cauus sit dens gossipium aqua imbutum cera obducta intra illam cauitatem recluditur. Hæc Guerrinus me docuit. Nuper experimento didici huius aquæ vsum securiorem esse in dente, quàm in gingiuis; erodit enim illos immoderatus vsum, quibus sublatis dens nutat, & excidit, etsi sine dolore. Qua de causa olei ex sulphure vsum introduxi, is enim securior est, & toti denti copiosius illinitur, donec gingiuam etiam attingat, & acerbò sapore saliuam elicit plurimam, quam expues, semel in die vteris, manè scilicet, sufficiuntque duo dies, aut tres. Primum, si errare non times, est longè sincerius. Scribonius autem Largus *cap. 53.* erosos dentes, & cauos curare docet ferro, nec quicquam requiritur, nisi peritus artifex, tuncque superflua sunt reliqua auxilia, & ignis hic celerius frangit, separat, & educit. Verum timorem pauidis affert, & non adeò certè separat purum ab impuro, ut ferrum. Modus hic est, canaliculus ex ferro, loco superponitur, huic stylus similiter ferreus ad mensuram, qua ad dentis medium pertinere possit, ac terebrare, eousque clauī capite prominente ne plus iusto queat descendere candens igne immittitur, donec prope gingiuam peruenerit, tum celerrimè premitur, donec dentem parte aliqua terebrat:

brarit : quo edueto vlcus butyro curatur. Sed si caries est in radice, imbecillitas & commotio est insanabilis ; ideò dens extrahatur. Indicium est quòd dens contrahitur , & fit deformis ; & quoniam sensim aduenit. Et si neruus, aut gingiua laborat , tunc non conuenit dentem extrahere. Sed saluo illo partibus laborantibus succurratur.

Medicationes autem propriè sunt nouem generum, contraria auxilia, causæ anodyna, seu super dentem, seu collutiones , exurentia quæ stuporem inducunt, fomenta indita in aurem , suffitus, amuleta , & præcantationes. Porro collutiones nisi mitigatoriæ, & temperatæ non conueniunt : nam si propria , & contraria adhibeamus , vt potè labanti astringentia, si frigida applicueris, non proderunt, aut valde parum. Si calidas collutiones, primum intercedit gingiua, & tanta mora opus esset, vt nullus æger perferre posset. Sed fac vt perferat : nunquid non astringet hæc collutio alios dentes qui non laborant , at si astrictæ sanorum dentium radices ab ossè , & multis diebus contabescant, inde redeuntibus mandibulis ad naturalem statum, laxabuntur reliqui dentes , & hoc erit lucrum egregiæ illius tuæ curationis. Vt verè dici possit, quod in adagio fertur. Qui vult sanitatem amittere illam committat Medicis. Sed & quantum auris distat à dentibus ? Dices , Hippocrates monuit nos, quòd in suppuratione dentis suppurationem auris facit. Sed aliud est de opere naturæ, aliud Medici : cur enim in colica non apponimus cucurbitulas dorso , cum tamen colica quandoque in resolutionem neruorum, qui à dorso oriantur finiatur. Sed liceat in aurem transmittere aliquid quod humorem à capite deriuantem temperet , & neruos eius partis demulceat ;

ceat; quid de aliis auxiliis dicendum erit? Nónne etiam illud admirabile est, cùm addunt debere medicamenta fricari super dentes, qui vix ferunt ob dolorem & commotionem seipsos; hi tamen volunt ut ferant fricationem? Atque in hoc Princeps magis tolerandus est, & reliqui Arabes, nam inter multa absurda, etiam aliquorum excellentium auxiliorum meminerunt. Et scias quòd nihil est deterius, quàm curam facere laboriosam & leuem, ut contrà est optima non laboriosa. Quocircà nostrà ætate meritò Medicos reliquerunt, & Tonforibus, Circulatoribus, & præcantatoribus adhæserunt. Et rectè, nam à Medicis exhauriuntur, molestiâ afficiuntur, & læduntur: unde in *ἰπποκράτης* illam desinunt, quâ consulunt ut dens tandem eximatur; quod cùm fit, nullum certius experimentum imperitiæ Medici haberi potest, si sæpius id eveniat. Demiror autem Galenum tam oscitanter hæc tractare, ut nullâ excusatione dignus sit, & illud dici possit, *Et crimine ab uno Disce omnes*. Nam de Aëtio, & Principe, & aliis, nil mirum est, cùm illum secuti sint, nec tantam professi sunt in medendo diligentiam: at methodi auctorem methodo prorsus caruisse mirum est. Ergo in huiusmodi curâ, stylo cum gossipio auxilia denti laboranti soli imponenda sunt, & strenua & tepida, vel etiam feruentia; & super gingivam, & si oporteat etiam vicinos munire dentes, nedum ut per modum collutionum adhibeantur.

CAPUT II.

De morbis dentium in specie.

MOrbi igitur qui eis contingunt, sunt quandoque dolor, commotio, imbecillitas, stupor, & defor

B

defor

deformitas. Priores tres sunt, videnturque morbi; stupor est, sed non videtur; deformitas videtur, sed non est. De *Dolore* igitur primùm agendum est. Causas igitur perquirere oportet, quæ septem esse possunt, Materia quævis; solutio continui omnis quæ fit; & in neruo etiam quæ facta est; qualiscunque abscessus, flatus, vermes, frigida inteimperies. Nam calida dolorem non facit, nisi dum vlcerat: ficca, priuatio quædam est; vt nec humida, quod Galenus fatetur: sed vt beatas illas tetradas complerent, talia commentum sunt. Erosio etiam facta in dente, dolorem non excitat, cum per multos annos aliqui patientes sine dolore maneant: est tamen obnoxia quibuscunque causis. Verùm putredo dum fit, dumque facta est, & alteri communicatur, propriè doloris causa est. Pre curâ autem iam plura, vt dixi, habes communia auxilia, speciatim autem quærendum diligenter, tum etiam comunibus non eodem modo vtendum, contegereque interim atque fouere maxillas, si iuuat, succidâ lanâ & œsypo, vel rosaceo oportebit. Iuuant etiam tepida in os indita & innoxia, oleum rosaceum, sapa minùs & lac; sed os postmodum vino colluere oportet: aurem quoque eisdem lateris gossipio ex moscho propriè obturabimus, nam & dentis dolori conferet, & aurem securam reddet: inde ad communia auxilia procedendum; velut si rubent genæ præter solitum, aut inflantur, aut dolor spargitur per eas, nec obstat imbecillitas virium, illicò sanguis mittendus ex aduerso latere patientis particulæ. Et vbi eadem signa maneant, nec sponte omnia defecerint, ex eodem latere ex venâ comuni mittendus est rursus sanguis. Sed si ab initio hæc signa apparuerint, statim sanguinem mittes, catapotiorum exhibitionem differes,

res, sufficietque cibum non habere, neque cruditatem in ventriculo: post autem, aut statim antè, aluum lenies cassiâ nigra, vel clystere molli. Inde ad frictiones, cucurbitulas, lotiones brachiorum & crurum transibis, donec influere in caput materiâ desierit prorsus. Tunc considera an dolor sit ex gingivâ, & sufficiet butyrum imponere, & suppuratam dissecare, & est cura levis. Si verò dolor sit in dente, considera an in radice, an ubi detectum est, an in neutro loco, sed quasi ubi gingivæ committitur. Si ibi, periculum est ne sit ob erosionem: si in radice, percipies locum doloris in radice, quasi in cavitate: & si sit in parte detectâ, erit in dente ipso: & si in toto dente, & aliàs non est questus de hoc, origo est à radice: & si questus est aliàs, & fœdus est dens, & parum validus etiam in intermissione doloris, dens est corruptus & erosus interiorius. Et si subito sit vehementissimus, deinde commotus paululum, ad quendam situm cessat, ut aliàs de meipso narraui, qui cum tangerem certo digito, statim leuabatur dolor, & non fecissem cum aliò digito; tunc est à vapore, qui moto dente in illam partem viam exitûs inuenit. Semper medicaberis è regione patientis partis, tum maximè in radice, & cum his quæ multam materiam ex loco proliciant, cuiusmodi sunt radices tithymali, & pyrethrum, & ex genere apophlegmatismatum, ut staphysagria, & succus hederæ nigrae. Præpurgato dente atque eius radice, ea apponito quæ intemperiem repriment, veluti quæ proprietate etiam dentium dolorem sedant, talia sunt dens canis; iubet Aëtius cum qui mittitur, nomine laborantis sumere. Hic suffitus plurimùm prodesse creditur. Millefolium quoque, aliàs stratiores, in vino decoctum, sicûs sicca supposita, quæ toto tempore

morbi prodesse consueuerunt. Alterci semen suffitum, unde ob id dentalem vocant herbam. Refert Amatus Lusitanus quendam dolore dentium prorsus liberatum radice alterci supra dentem calefactâ per horam retentâ. Plantaginis radices, asparagorum semen, radix ephemeris, & solani succus aut decoctum, oleumque rosaceum, & Theriaca, confirmat, æquat, torporémque inducit: Camphora etiam in dolore & erosionem multum prodest, nec vrit, sed perfrigerat. At si nihil horum profuerit, tunc per canaliculum stylum oleo feruenti ex gossipio imbutum sapiùs super radicem pone; etenim facile est vt ob dolorem materia foràs protrudatur & sanetur; si non, terebra dentem cum gingiuâ ipsâ prope radicem, descendetque forsan dolor, & curabitur à morbo. Quòd si nec hoc profuerit, putaminibus nucum, id est, durioris cortice, non sepius ignitis diuisâ gingiuâ, dentem è regione loci dolentis excoque: efficit dolorem minorem acerbitas cruciatûs dentis; neque enim potest multum sentire auxilij sensus qui adeò morbo premitur. Quòd si nec hoc iuuat, ardentibus acubus, velut suprâ diximus, toties variis in locis dens perforetur, quòd dolor desinat: sit ferrum, non chalybs. Verùm periculum est ex hoc auxilio ne dens frangatur, & per frustra exeat. In huiusmodi autem affectibus iuuat etiam per se scalpello gingiuam diuidere, & refecare carnis crassioris tubercula obtuso gladio, non incidente; dolor enim dolorem leuat; & effusio illa sanguinis atri alleviat patientem. Natura quoque solet illuc transnittere materiam, & ex abscessûs imagine in dente, aut nervo denti substrato, efficere in gingiuâ verum abscessum, quod longè leuius est. Et cum dolor intolerabilis est, nec sedatur auxiliis, curari solet assiduâ super dentem

dentem aquæ frigidissimæ administratione. Et creditur quòd pungere gingiuam atque exulcerare cum radio pastinacæ, vel aculeo qui in dorso draconis piscis inuenitur, statim leuet dolorem. Cùmque ego aculeos hos habeam, non tamen ausus sum experiri. Ex illorum vulnere aliqui prope mortē adducti sunt. Sed pastinacæ radius securior est. Quòd si dolor dentes infestet, alios atque alios inuadendo, nec firmatur; tunc spes est certa salutis: sed oportet vt à topicis omnibus auxiliis caueas, confidendo in generalibus. Sed si sedem firmam retinet, perinde tamen etiam vagatur in loca diuersa, hic sanè morbus grauis est; habet enim rationem primigenij, & per consensum facti. Sed & in hoc cauere oportet à topicis, donec exactè corpus & caput præpurgaueris, atque eodem donec doloris vehementia cesset, & post confirmare vniuersos dentes, antequam eum qui laborat, cures, & forsan cura valida illius cogget naturam obliuisci, ne alios infestet.

Communia autem auxilia non solum in dentium morbis, sed in omnibus sunt septem; Venæ sectio, cucurbitulæ, alui lenitio, purgatio, frictio, quies, cibus exquisitè tenuis, vel facilis coctionis, & boni alimenti. Generalia autem dicuntur contraria in qualitate, vt calida, frigida, repellentia, astringentia, discutientia. Victus exquisitè contrarius, abstinentia à vino, tum reliqua similia. Quibus cùm perperam vsus fueris, vel quia non illi morbo propria sint, vel quoniam magnitudinem illius excedant, febres sequuntur, ventriculi deiectiones, renum lapilli, coli dolores, flatûs, alui astrictæ, atrophia, imbecillitates, herniæ, fluxus vrinæ, & similia, iuxta naturam contrarij primi morbi.

Quòd si nec communibus, nec generalibus, aut propriis auxiliis dentis dolor mitigatur; Marcellus ad-

B

3

habet



hibet præcantationes, Lunâ decreſcente, die Martis aut Iouis, dicet patiens ſepties, *Argidam margidam ſurgidam*. Aliud: Nudo capite & manibus, ſub diuo in ranae os inſpuet, dicens vt *auferat dolorem tui dentis, aut dentium*, càmque dimitte incolumem. Aliud: Suspende vermem qui in fructu cardonis, viuum in ſericeo panno purpurei coloris, & cum filo ſimili. Sed & in dentium conſeruatione dicit, quòd ſi quis ſingulo anno cùm primùm videt hirudinem ad aquam limpidaſt statim tacitus accurrat, & pleno ex aquâ ore, digitis mediis vtriſque tam dextræ, quàm ſiniſtræ manûs, quos infames vocat, dentes fricet dicens: *Hirudo tibi dico, quemadmodum hoc in roſtro tuo non erit, ſic dentes mihi non doleant toto anno*, dentes nunquam dolituros. Dices, quas nugas agis: hæcne decora Medico? hæcne ſacra? Reſpondeo ſacra & pia eſſe omnia quæ ad bonum finem fiunt, & ſolum in Deum intentâ mente. Si de Dæmonibus malis cogites potiùs periucundum, ne idololatra ſias aut deterior. Quod ad naturalem ſpectat rationem, non ſum vt reliqui ſuperſtitioſus. Eſt ratio vna naturalis, ſeu ex ſiderum conſpiratione conſtans, ſeu aliâ cauſâ, quâ dolores ſinguli ſtatim tolli poſſunt: hoc ſcio, quia expertus ſum partim, partim vidi experiri, (non eſt autem in aliis, præterquam in hac, & hæmorrhagiâ.) Ergo ſi quis talia nouerit, ſtatim ſanabit. Omnes autem homines omnia ſciunt: forſan aliquando detegetur: forſan virtus eſt in illis ipsis hominibus qui hæc agunt, non in aliis. Si ita, eſt parum proſperum auxilium, quòd in fortuna conſtitutum eſt, vt in tales homines incidamus. Sin aliter, ars eſt ignota, nunc pro præcantatione habetur, ſicut eſſet ars vitri, & hiſtrionum, & organorû, ſi eſſent ignotæ. Sat eſt cogitatione ac fide huiuſmodi conſtare, non auxilio Dæmonum,

mōnim, aut aliā ratione, quandoquidem sensus doloris fit solū animā ægrotante, & fluxiones subiacent (præcipuè sanguinis) spirituum motibus, & visionibus nostris interioribus. Cū ergo in his semper, & solū in his hoc possunt animæ cogitantes, manifestum est huiusmodi subiacere illis, & per eadem fieri.

Secundus morbus est *Commotio dentis*, quæ in senibus dolorem non affert, aut perexiguū etiam in mandendo, idē educi non postulat, nec sanari spes est; sed sufficit aquā frigidā aut vino afferre solamen, cibisque qui optimè nutriunt. Vnde cū senī dolor labanti denti aduenit, non est ut Medicus excuset sed de ætate, sed perinde curandus ac si iuuenis esset. Nam commouetur vel ob imminutam radicem, vel laxatam ossis cavitatem, vel humidam substantiam obliuentem radices dentium. De neruo non video: nam neque tenditur, neque adē annexus est, ut continere possit: vel ratione separationis gingiuarum. Sed cur ex dolore firmè semper nutant dentes? Forſan aliquis dicat prius quærendum esse, cur qui nutant dolent? Sed verè prius sæpe videmus dolere quā nutare; & quod magis dolet, eō infirmiores reddi. Causam igitur esse reor, quod ad dolorem materia confluit, quæ inter dentem & cavitatem posita, illum & auellit, & etiam labare facit, ut oleum quod infixum emollit. Altera est quod longè paucior materia dolorem excitare potest quā mouere dentem, ex quo fit ut dolor cū perseverat, commoueat dentem, & dens commotus, dolorem faciliè perpetiatur; nam si commouetur, inane relinquitur; *Ad loca autem inania*, ut Hippocrates inquit, *flatus faciliè impellitur, & impellit humorem*. Quamobrem & dolor, & commotio se inuicē vicissim augent. Eiuscē autē rei causā difficilis cura redditur, cū inuicem iun-

guntur. At commotio quæ non ex dolore prouenit, deteriorem habet causam; neque enim humorem, sed vel siccitatem radicis, vel laxitatem cauitatis, vel quia loco motus est, vt dixi, causam habet: sed tamen cum leuis fuerit, & humidam quandam ob substantiam, sed temperatam, vel ex ictu contigerit, facile curari solet. Sed si magna commotio sit, & citra dolorem, vel cum exiguo dolore, primùm expurgabimus, vt dixi, diligenter totum corpus, ventriculūque præcipuè, & peculiariter caput, & per errhina; à vino prorsus & omnibus eduliis nutrientibus abstinebimus. Potus decoctum ligni sancti moderatum, & pro ratione temporis, vt nunc in æstate feruentissimā & siccissimā huius anni M.D.LXII. quotquot fuerint iam centum fermè annis, sufficiet vnciā ligni iam decocti pro syrupo, in libras duas aquæ infideat viginti quatuor horis, & coquatur ad consumptionem tertiæ partis; immisceatur, si quis velit, optimè percolatæ lulebum rosaceum. Errhina quoque fiunt iuxta naturam peccantis materiæ si qua sit, & quæ dentibus à proprietate conferunt, vt ex succo cucurbitæ, si siccum immoderatè sit cerebrum, vel albæ violæ decocto, partim succo, partim decocto, si humidum. Nec sternutatio exciteretur, quia affectus labore non indiget. Pòst fortè legendum: [*vti localiter procedatur,*] vbi aliquāliter procedatur, ex pulueribus præseruantibus radix commoti dentis, dente manu fixo retento paulatim friceretur. Et si prodest, die sequenti magis, augendūque sensim, donec firmetur, abstinere à locutione, quantum fieri potest, debemus, præsertim si qui laborat dens, ex anterioribus sit. Quòd si non iuuetur, ad ea quæ multam materiam educunt, est properandum; cuiusmodi sunt tithymali lac, & radix anguini cucumeris.

meris. Sed si lapsus sit à siccitate, tunc inungantur ter & quater oleo lentiscino in radicibus bene pingui. Quòd si sit à materià humidà, & iam illa non profecerint quantum velis, tunc vel perfora dentem in confinio gingivæ cum terèbrâ, ita vt non lædas: sed acut ignitâ perfora ipsum in radice, & sic tum ob effluxionem, tum ob siccitatem ab igne contractam, firmabitur; debet autem vlcus quamdiu potest apertum teneri. Et scias quòd margaritæ & corallia confirmant dentes, si radicibus illorum affricentur, & si parti quæ prominet, exterunt illos & reddunt candidos, & gingivas ad [MS. ob] mediocritatem reducant. Iacobus Philippus Airoidus retulit Empiricum commotos dentes curasse candido tartaro & cocco affricatis; astringit vehementer certè tartarum. In pollinem deduci omnia talia oportet, tum quia magis hærent, tum quia penetrant gingivas, minimè cruentant: humorum autem fluxiones deteriores sunt in hoc quàm flatus, & maximè ad radices dentium, quòd illos putrefaciant & extirpent.

Quòd si sit *Dentis imbecillitas*, nec per se dolet dens, nec tamen potest ferre contactum alicuius rei duræ, licèt à reliquis non lædatur; est pessimus morbus, & difficilior dolore ad curandum, nisi quòd non adeò tollit somnium, vt dolor; & hic est morbus, quem ego nunc patior; & habet curam generalem cum prioribus duobus. In speciali autem considerare oportet, an sit brevis dens, & carne multâ & fœdâ obsitus; aut longus & sine carne. Oportet etiam animadvertere à quo magis lædatur; si à calore, calidus humor est in radice; si à frigore frigidus; si à duris propriè neruus qui subest intumuit, neque enim potest abscessum pati, et tunc enim in dolore maximo atque assiduo. Nec tra-

B 5

hatur,

hatur, etsi enim attractione alleuietur dolor, magis commouebitur dēs: si comprimatur, dolor augebitur: & dum sic manet, continuè sit imbecillior, eò quòd natura dentem remouet, vt dolorem leuet. Oportet igitur locum doloris vngue ad amussim deprehendere, & è regione affricare, quæ materiam extrahere possunt copiosam; inde siccare vehementer; & si materia calida sit, cum leniter frigidis; si frigida, cum calidis valdè, sic etiam vt ad exulcerantia transeas & exurentia. Prætereà si caro superexcreuerit, separare ab imo, id est, iuxta dentis apicem, non radicem incidere, permittere fluere sanguinem inde, lauare frigidâ aquâ, vel vino pro intemperiei ratione. Pòst medicamentis discutientibus vti, velut lachrymâ Elemi, quæ trahit, siccât, confirmât, hæretque loco, & est odorata, & utilis capiti. Quòd si ista non prosint, transibimus ad adurentiâ, vt in dolore; solùm omittere præstat perforationem dentis absque exustione, est enim parum efficax, & molestiâ plenum auxilium. Terebrare autem cum acu igneâ radicem, est vltimum & vehemens, sed horrendum auxilium, plusquam in dolore, quia antea homo non dolet; sed si perferre possit, si dens non sit putridus, liberat. Sed si inter radicem & radicem permeet, tunc sanatur & seruatur dens. Sed hæc spes in anterioribus dentibus esse non potest; quare melius est vt vstio ad corticem dentis finiatur. Et si imbecillitas sit ex veneno epoto aut inuncto, finitur intra quadragessimum diem, eiectâ per os materiâ, & sentitur sapor quidam, sicut sanguinis, aut salis pituitæ, aut calidæ rei, & quia intra hunc terminum dens cadit aut confirmatur. Ideò qui inungunt laborantes Indicâ lue, vntur collutionibus astringentibus, admistis dulcibus propter pectus. Et si sit putridus, ob aliam scilicet causam,

causam, procedit semper in deterius, & est eradicandus. Et si non est putridus per se, paulatim tandem sanatur cum bono regimine post illum terminum, quia materia vel congelatur, vel ad suppurationem transit, vel expellitur, ut in iuncturis etiam. Et paulatim etiam assuescit ferre luxatus, quod non poterat ab initio: & si omnino ferri incommodum diu non potest, limâ dens ex aduerso comminuendus erit. Palam est autem quod causæ imbecillitatis, non possunt esse nisi materia præsens, vel solutio continui in osse, vel putredo, vel frigida intemperies: nam abscessus & solutio continui quæ fit, & vermes, & flatûs, dolores sine contactu rerum aliarum etiam excitant. Solutio autem continui in osse iam facta, dum comprimitur dens, aliam potest nouam facere solutionem, aut neruum offendere, sicut & leuis frigida intemperies. At cum non læditur, nec à frigidis, nec à calidis, intemperies non est, læderetur enim à simili. Excavato etiam dente qualitas statim ad profundum permeans, dolorem excitat. Dentibus autem propriè confert corallium album seu colore.

Stuporis autem causæ sunt, corruptio dentis, aut in neruo læsio magna, quæ si fuerit ex frigido, sentietur ad tactum frigidior; læditur si ab humido, vel sicco, vel à materiâ infusâ, nihil plus patitur ipso stupore. Hic morbus perniciem affert, ex quo materna mihi auia mortua est: non enim licet mandere cibum, quoadusque oportet. At si est ab obstructione, facilè recedit. Aliter plerumque iungitur imbecillitati, & est ex non perfectâ corruptione dentis, sed membrana tamen illa corrupta est, & est sphacelos dentis. Et morbi omnes dentium trahunt se inuicem; nam stupor si perscueret, trahit imbecillitatem; & imbecillitas, ut visum est, dolorem & commotionem; & commotio dolorem & imbecil

imbecillitatem & stuporem in mandendo ; & similiter dolor reliqua omnia. Et illa rursus fœditatem ; & ex fœditate imbecillitas aduenit , aut corruptio gingivarum ; ex quâ fit commotio & reliqui morbi dentium. Et ideò cura stuporis huius debet ab initio esse, scindendo gingiuas , & fricando cum nitro vsto , & prouocare saliuam , & colluere os modò cum frigidâ, modò cum vino austero, & exercere dentem vt sentiat, modò piper, modò pyrethrum supponere , & taminearuar grana , vt & lenius gingiber melle aliquo celebri conditum, quo etiam si affricentur dentes , conseruantur, & à carie tuetur eos. Est etiam genus stuporis, quod congelationem vocant, & ex esu ciborum acerborum. Et est symptoma leue , quod per se finitur , de quo intentio non est loqui in hoc libro ; sufficit enim sal assidue affricare. Sicut neque de difficili eruptione dentis è gingiuâ, in quâ sufficit mel cum butyro , aut cerebrum leporis adhibere , & perferre Ephemeram æquo animo, etiam si per tres dies laborantem vrgeat. Vnde suadeo ne dolore vel pruritu victus , iubeat sibi diuidi scalpro gingiuam, vt erumpat dens ; consolidatur enim interdum vlcus , & intumescit , & fit phlegmone cum eleuatione carnis , & fit res postmodum laboriosa, sic ;

Maxima de nihilo nascitur historia. Sed neque quomodo infantes sint curandi in emissionem dentium, præsertim cum conuelluntur, hæc enim aliò pertinent. Sufficiat ipsos alere parum nutrientibus sorbitionibus, & aluum lenem facere, & loco tepido continere, & sinaragdum appendere, ex his quæ dicta sunt, illinere gingiuas , & fouere mandibulas, & loca neruorum circa illas, vsque ad collum, & spinam dorsi irino vnguento.

Deformitatis autem plures sunt species; color, scabrities, fractura, situs, numerus, nuditas, breuitas, longitudo,

do, tophus, fætor, raritas, squalor. Colorem candidum maximè præstat inter multa, frictio cum nitro & sale lapideo, & rebus notis, & iam dixi quòd aqua separationis admista vino rubro, inde infuso linteo candido bona est. In scabritie & tophis iuuat eadem aqua, & succus limonij, & smiris, & vitrum vstum, & calx corticum ostreorum, vel limaciarum. Et quandoque peruenire oportet ad puluerem adamantis, si sit diues, vt lapis impediatur ortum gingiuarum. Et scias quòd tonfores isti cum suo ferro nocent plurimum dentibus: primum quidem cum vi nituntur auellere crustas illas & lapides, dentem concutunt, & in radice debilitant; & etiam quoniam ferrum dentibus nocet, non ita gingiuis: Et idè ferrum nunquam denti adhibeas. Denti-scalpia optima metallica fiunt ex auro. Si ergo tale quid sit amouendum, fricando cum his auferri debet; si non vnâ vice, pluribus. Fractura similiter æquanda est smiride, ac similibus. Ita autem agere oportet; huiusmodi pulueres in linteo rariuscule reclude, inde colliga firmiter, vt speciem cereæ parui referat, & cum illo fricabis locum. Sæpius autem colluat os, vt mundetur, & dens refrigeretur. In his enim actionibus quatuor pericula imminet; primum, ne lædatur dens trahendo quod annexum est; secundum, ne pre-mendo commoueat in radice, tamen [fortè legendum, *tametsi*,] & tunc nō fiat manifestum; tertium, quia dens assiduâ frictione incalescit; quartum, ne à naturâ ferri vitietur. Et quanto longior & magis laboriosa fuerit operatio, tanto diutius à mandendo quiescere oportet, & sæpius frigidâ aut vino acerbo in fundo putei refrigerato, dens collui & digito lauari. Et Tonfor exponat oculos & os infirmi versus lucem, vt docet Hippocrates. Situs obliquus causa est vt alios euertat dentes,

dentes, & ab aliis euertatur, ideóque si imbecilles sint alioqui, cadunt in iuuentâ. Huic non aliud est auxilium quàm mandere rotundè, non rectè, & vt circumactus dens nec collidat, nec collidatur; hoc autem fit lentè mandendo. Numerus est [indebitus] vt duo sint in vnâ sede: & si non obsunt multum, dimittantur; aliter ferrâ tenuissimâ & durissimâ secetur qui è regione non est: & locus sectionis aceto madescat, & dens sæpius aquâ frigidâ refrigeretur; & si aliquid relinquatur, auferatur cum pulueribus dictis, & etiâ locus sectionis æquetur cum eisdem, ne rursus generetur. Pro generatione autem gingiue deficientis, primùm causam diligenter perdiscere oportet. Eroditur ob dentis scabritiem & squalorem, ob pituitam descendentem à capite erodentem, ob vapores malos à ventriculo ascendentes, frictionem non commodatam, dum nimium student dentibus. Et si scabrities est in causâ aut squalor, remoue illa: & si destillatio, purga caput: & si ructus, purgetur lien à melancholiâ, & ventriculus ab humore crudo: & sæpe colluat os frigidâ, & maximè cum ructat: & vtatur Trageâ Francisci de Pedemontibus, & [fortè leg. ex,] Coriandro, melissâ, cassiâ ligneâ optimâ, atque saccharo post cibum; & ab acribus & falsis abstineat. Et si fuerit frictio, desistat ab illâ. Pòst sublatâ causâ summa curationis est in sanguine draconis, seu cinnabari Dioscoridis, & Iridis Illyricæ radix, & thus, ac eius cortex, & sarcocolla. Et [si] quæ prohibent erosionem est, vt lauetur gingiua aceto scillitico, inde lacte asinino. Si verò crescat nimium, incidatur cum ferro quod supereminet, aut est nigrum vel fœdum, & sinas fluere sanguinem. Pòst impone Chalcanthum cum myrrhâ, aut alumen exustum. *Medicamen-
astringens dentes, & prohibens erodi gingiuas.*

℞. Rosar.

℥. Rosar. rubr. Balauſtior. vel cyrinor. Fructuum myrti, & myricæ, rhu. an. partem j. Fructuum corni, rubi, mori, berberis. an. partem j. cum i. Tribulorum part. ij. Gallarum & nucum cupreſſ. an. partem iij. Santal. citrinor. partem iiij. (qui etiam cum ligneis prius coquantur.) Coriandr. partem mediam : vuæ paſſæ cum arillis exiguis, partes iij. mellis Orientalis vel Hiſpani, partem j. ſ. Aquæ, in quâ argentum & chalybs decies extinſta ſint (ſed ſæpius argentum.) partes CXX. coquantur iuxta rationem, & in defectu vnum pro alio augeatur : ſic tamen vt ſint ſex ſaltem.

Cùm autem dens ſanus fuerit & breuis, accidit hoc plerumque ob longitudinem eius qui illi ex aduerſo poſitus eſt. Itaque comminuere eum oportet limâ. Nam ſi (vt referunt) B. Hieronymus limâ aptauit dentes, vt Chaldæam pronunciationem abſoluere poſſet; quanto magis ob ſalutem id faciendum erit? Etenim etſi paruum hoc videatur detrimentum, cùm tamen longior in edendo neceſſariò ex aduerſo poſitos allidat, fiet debilis & excidet, quamobrem & breuior. In omnibus ergo qui vel breuiorem habent dentem ex aduerſo poſitum, vel nullum, ſummâ ope niti decet, vt quod ſupereminet ex alio contrapoſito tollatur. Quod ſi imbecillis ſit dens vel ſenectâ, vel malè firmus, & citra periculum comminui non poſſit ferro, tunc cote puluere ſmerilli vel adamantis illitâ comminuendus eſt, præſtâtque incertum certo periculum poſthabere. Breuiem verò vt augeas, canino canis dente conſimili affrica, & caput ac ventriculum purga, & carnem mandibularum vtrinque dentes habentium, aut [*locus corruptus à librario*] ſi ex inferioribus anterioribus ſecurè cædes, & ſuccum etiam oſſis exſuge; & oſſe ſiccato, &
in

in puluerem redacto radicem iuxta gingiuam dentis intus & extrà fricato. Squalorem propriè aqua separationis cum vino, succus limonij fructus, & puluis margaritarum tollit affricatus. Fœtor dentis vel ob gingiuæ putredinem contingit. Curetur igitur vt supra dixi cùm corrumpitur & extuberat, maximè myrrhâ: vel ob cariem, & ferro dens purgari atque excindi debet purgato corpore: vel quia retinentur cibi reliquiæ in cauitate, vel inter dentem & dentem ob raritatem, & tunc aureo dentiscalpio, durato à cibo purgetur diligenter, & colluatur os sæpe aquâ. Et ex his quæ plurimum iuuant in omni eiusmodi fœtore, est colluere os ex decocto foliorum & radicis apij cum vino, vel aquâ matutino, & à cœnâ, & mandere folia illius, dum ieiunus est. Nec laudo eos qui mandunt garyophyllos & cassiam odoratam, & cætera huiusmodi ad commendandum oris odorem. Corrumpunt enim alia dentes, alia gingiuas, & pituitam ad os trahunt, materiam morborum dentium, nec tollunt prauum odorem, sed miscent. Raritas autem dentium naturalis vitæ obest, quòd malè mandunt cibum. Vixit tamen diu Augustus. Alij quòd infirmam vim genitalem significet. Alij quòd cerebrū minùs expurgetur, nam vbi dens prodit, eò patèt viæ: sed hæc ratio etsi Peripatetici sit, infirma est: constat tamen ita esse. Est ergo hic affectus infanabilis, seu ab ortu, seu pòst in radice dentes diducti fuerint. Quod optimum est, est vt caro inter dentes bona excrescat, si fieri potest. Mandat autem lentè & diligenter, vnde commodum iacturâ persæpe maius; inde expurget reliquias tenui interscalpio, ex his quæ generant carnes, vt sanguinis draconis ligno, & santalo rubro: videtur enim pingue succo & minimè acri, sed carnem generans.

Viētus

Viſtus autem eorum qui ex dentibus conualeſcunt, ſunt iecora gallinarum; friabilia enim ſunt & optimi alimenti, atque guſtu iucunda, ſed gratiam omnem breui amittunt: ob id in quouis morbo ab animali vt ſtatim perit, coquenda in iure vel aquâ, & exhibenda. Dignoſcitur optima præparatio cùm durum ac nitidum exteriùs eſt, intus ſuaue ac molle; ſimiliter & ventriculi pullorum & auium bene cocti, abiectâ interiore tunicâ. Hæc duo & carniū glandoſarum omne genus, quoniam ſilis carent, facillimè concoquuntur, & vt mandantur non exigunt. Eſt autem, vt quæuis alia fluxio quæ ex putredine non eſt, ſed velut iſchiæ dolor & podagræ, morbus hæreditarius plerumque; tum ob exhalationes, tum ob imbecillitatem partium, tum ob edendi uſum atque conſuetudines, ſicut [MS. ſecus] maximè creatur ex decubitu ſuper terram, & ablutione capitis non exiccando illud, & omnibus quæ ſuperflue caput humectant: & ſi humidum illud corruptum ſit atque ſanioſum, vel acre, vel ſaliſum, deterius eſt. Poſt ex aſſiduīs cruditatibus, item venenis, atque Indicâ lue: vt ſint quinque principaliores. Verumtamen ſi Medicus expertus ſit atque ſapiens, ac æger patiens, corpùſque mundum, nec temporis conſtitutio obſtiterit, facilis eſt omnis morbi dentium curatio, ſeu ad ſalutem, ſeu eradicationem finiatur; nam materiæ quæ ad locum confluunt, paucæ ſemper neceſſariò ſunt, & plerumque tenues, & celeriter affectum ſentiunt partes, membrum quoque oculis ac manibus ſubiicitur, & auxilia promptè auertere atque educere poſſunt influentem influxamque materiam. Et facile auellitur; & homo non conuellitur, & non intercipitur cibatio neque ſpiratio. Quocirca ex dentium morbis neminem, etſi ſæpius errauerint, periſſe
C vidi,

vidi, nisi importunè aulso dente. Vetumtamen curatio non à [MS. ex] Medico fit, sed minister aduocetur peritus: experimentum enim in hoc plurimum prodest, vt tutò, promptè, facileque omnia peragantur; præterea vt certiùs dignoscant.

C A P V T III.

De fluxione, frequentissimâ causâ morborum dentium.

CUm verò partes nostri corporis sint tres, 6. *Epidem. partic. 8. Continentia, contenta, & intrus permeantia*, tria fient genera fluxionum, membrorum, humorum, spirituum. Membra autem dura non possunt fluxere, sed luxantur: Mollia autem vt intestina & vterus; vnde hernia; sed hæc non solùm ex intestinis, verùm etiam omento, flatu, humore aqueo, vt varicosa carneæve. Triplex autem est, vmbilici, inguinis, & scroti, quæ deterior: vt etiam intestinabis, & Epiplocele, quæ lethalior est, cùm infrà ab omento ventriculus trahatur, [MS. habet, vt ex duos mortuos Vesal. *nullo sensu*] talem in latomo mortuo vidit Vesalius *lib. 5. cap. 4.* Quare ab initio vinculis à scapulis, aut ferreis cohibendum: incredibile enim in quam excrescat magnitudinem, vt perpetuò affligat ventriculum, etiamsi suo loco maneat. Enteroceli autem coriacea diu sufficiunt. Prandium leue absque potu, aut perexiguo. Caueant à ponderum eleuatione, crutum diuarricatione, tussi, sternutatione, clamore, alui duritie; cornua non inflent, aut tibias, nihil enim deterius à cibo, aut motu, equitatione, venere. Cura quintuplex, tot enim substantiis locus occluditur: per constrictionem, tophum,

phum, cicatricem, aut didymum superius conuersum. In pueris sufficit didymi partes inuicem constringisse vt coalescant, cum etiam ossa iungantur in eis. Inungantur ergo oleo nucum antiquo, post irrigationem ex glutinantibus atque astringentibus, quale est decoctum Io. Ambrosij Ayroldi, inde vincula adhibeantur. Secunda omnium melior fit inducto topho, conuenitque omni ætati; etenim ligna & lapides cum glutino inseparabili iungantur, cur non etiam didymi partes? Verum oportet calidum & humidum interponere liquorem, vt refrigeratum siccetur, immobiléque seruetur corpus supinum, aut aduerso lateri incumbens, eleuatisque cruribus ad dies XL. Comprimatur autem locus, tusa enim ac semiputrida facilius ac melius cohæret. Cumque hi omnes modi communes ferme sint omni generi ramicis, præcipue tamen hæc duo in curâ conueniunt: cibi glutinosi, liquidi tamen, vt vitulorum & suum pedes. Alius oleo, butyro, sale molliatur. Radatur inguen, aut calce & auripigmento cum oleo pili tollantur, & intestinis repositis imponatur vnguentum calidum; id fit coctâ pelle arietis cum lanâ & symphyti radice, donec vt liquidum gluten euadat, cola & adde gluten piscium, & gluten quod vocant carauellam mastichen, in aceto dissoluta singula pro duodecimâ parte; Sarcocollæ, aloës, Elemi, resinæ, ex sextante. Pro arbitrio adde Chalcanthum, & si libet, bolum Armenum, sanguinem draconis, lapidem magnetis; calida quantum ferre potest applica, inde puluïnaria imponantur. Post decem dies suffunde medicamentum calidum, non amoue bis quicquam ne partes separentur, sed arctius stringe. Post decem dies sequentes idem facito, ad quadragesimum vsque nihil moueto. Post auferes omnia vino frigido disso-

luta, & vinculum firmum imposito, quod astrictum locum contineat per alios quadraginta dies, ut deambulare possit absque periculo. Optimum signum est, si à primo vinculo quinque vel sex diebus punctio sentiat; indicium est enim coalescentium parrium. Memento quod sumpta per os, etsi à pluribus prædicentur, parum tamen aut rarò multum profunt. Sed ab hac curâ orta est ratio sanandi vteri prolapsum ab obstetricibus peritis cum quibusdam orbiculis cereis intus cauis, cerato astringente vehementi, quale comitissæ, lumbis applicito. Supinus etiam magis in huiusmodi, & in pedibus altior decubitus desideratur quàm in herniis; sed & celerius sanantur; vidi enim in septem diebus perfectè sanatam. Redit & vterus ad superiora suppositis ovīs hypenemiis sub gallinâ fouendo putrefactis; verum referunt tantum reddi foetorem, ut à nemine altantium perferri possit, unde patet quàm perniciosa sit eius corruptio vera. Tertia fit per cicatricem: incisâ enim cute ablaqueatur didymus vinculis è serico crudo crassis, inde præciditur quod superest & consolidatur. Quarta fit per carnem, & est Albucasis *lib. 1. cap. 47.* ut è regione ossis pubis, ubi descendunt intestina, candenti ferro duplici orbiculo usque ad os vratur, consolideturque regeneratâ carne in quadraginta diebus: eadem conditiones ac observationes in curando: Arnaldus tamen quosdam ex huiusmodi curatione periisse refert. Quinta fit separando didymum ab annexis in scroto, inde eo reducto superius præscinditur cum teste & vritur; quæ horrenda est, longa, ac perniciosissima, aded ut multi mortem huic curationi præposituri sint. Et si ouaserint, manci teste vno, & cerebro ac nervis malè affectis per totam vitam plerique degunt, ut nonnullos eorum non multo post obiisse attonito,

attonito morbo viderim. Differt Enterocoele ab Epiplocele formâ oblongâ, tenui, rotundâ, interdum dolore, rugitu, fœcum impedimento, flatu: non tamen aded ventriculū[afficit.] Et cū restituitur, in Epiplocele remanet pondus in imo ventris, ideò cura est incisio.

Humorum autem & contentorum [fluxiones,] aliæ extrâ, vt sanguinis per anum, vel mensium, vrinæ, stercoris: aliæ interiores; & quædam ex venis, aliæ extra venas. Extra venas, tres; crudi humoris aquei, & cocti, & pituitæ. Ex venis, ichoris sanguinis, flauæ bilis, & atræ. Et quædam sunt quia fiunt, quædam iam fluxerunt & abscessûs pepererunt. Et in initio cū humor crudus fluit, etsi serosus sit aut biliosus, purgat medicamentum non iniucundum ex scammonio, turpetho, gingibere, & saccharo. Quod etiam congestum iam humorem viscidum & lentum ex profundis iuncturis educit. Oportet autem audacter purgare ab initio, vel etiam postquam resederit, corpus autem est præparatum iam scillitico oxymelite. Causæ verò crudorum humorum in Indicâ lue, sunt caloris naturalis vitium per corruptionem, unde sanatur vino ex cortice ligni sancti in L X. diebus, & si os computruit, extrahitur vnguento ex hydrargyro, nam natura non potest separare quandoque: & mihi videtur, quod aqua separationis, de quâ superius dictum est, aut ignis hoc possit, quod sit melius. Non tamen hæc sufficiunt, nisi medicamento prædicto materia fuerit perfectè repurgata. Sunt etiam fluxiones fortuitæ, aliæ naturales atque continuæ.

Ichores autem cū fluunt extra corpus, sit vrinæ redundantia, si sint incorrupti, & conuertitur ac in aquam ad incredibilem quantitatem, vt in Helenâ De-

sideriâ virgine patritia Bononiensi, in qua summa vrinæ in tribus mensibus excessit CCCCL. libras, deductis aliis excrementis, cibus & potus non attigit CCC. libras, pondus totius corporis non attigit LXXX. libras, & cum hoc absumebatur à febre, nec tamen extenuabatur, & sanata est. Et si febris non obstat, cura est exercitatio, vix passæ pingues, & margaritæ, aliter difficilis. Ipsa verò multo diatriopipereo liberata est. Et si paululum corrumpuntur, fiunt scabies & vlcera, & cura fit per medicamentum serosum educens humorem, dictum hydragogum, & vnguentum ex hydragyrio, aut quod vehementer siccet. Et si putrescant omnino, fiunt febres. Et si abundant, & medio modo putrescant, fit hydrops Ascites, & non fit ex frigiditate tantum, ut putat Galenus, nisi calor etiam corruptus sit; aliter qui multum mingunt, omnes in hydropem deciderent, ideò curatur morbus per vrinam prouocantia propter iter rectum, & ne viscera corrumpantur, & alimentum quod in eis continetur. Velut in calidâ succus cichorij cum erythrodano & spicâ. Quidam retrahunt ad aluum, sed celerrimè succo radicis colocynthid. Quæ verò humida extra venas fluunt, alia quidem in cavitates membrorum, ut in coxendicum dolore; alia in neruorum cavitates, ut in distentione; alia in substantiam nerui, ut in resolutione, ideò materia valdè tenuis est. At quod in Podagrâ fluit, est humor cum ichore; ideò triplex est Podagra, sicut & humor potestate in sanguine.

Forma verò omnium vna est, aliter non esset vnus morbus. Et est cruditas illius & ichoris & humoris. Et fit ex raritate caloris, ideò etiam Venus & crapula, cum rarefaciant calorem naturalem, sicut & lectum calefacere, & huiusmodi, sunt parentes Podagræ. Ut
ergo

ergo Indica lues fit ex putrido succo qualicunque in venis contento; ita Podagra ex qualicunque humore crudo: & idèd vix passæ sunt cibus Indicam luem patientium, quia maximè resistunt putredini; & aquæ potus Podagricis confert, atque abstinencia à Venere: quia prohibent humorem crudum penetrare ad loca concaua iūcturarum: & Indica lues & Podagra conueniunt in hoc, quòd fiunt ex humore contento in venis, Aqua intercus ex ichore, resolutio autem & destillationes, & ischiæ morbus, ex humore crudo tenui qui est extra venas. Ex quo patet quòd Indicæ pesti & Podagræ sectio venæ debetur, non illis: & magis Podagræ, quàm Indicæ pesti: in ea enim humores toti corrupti sunt, licèt non tota sit corruptio: & etiam quia contagiosa est, idèd non iuuatur per se venæsectione: propagatur enim celeriter, nisi statim occurratur: quæ causa est vt minùs etiam conueniat in pestifera febre: sed talia alexipharmacis & propellentibus ad cutim, & putredinem prohibentibus, atque idèd exsiccantibus indigent. Vnde in Indica lue exercitatio ad sudorem vsque continua magnum commodum affert. Causæ autem fluxionum præcipuæ sunt, flatus calor externus, dolor, & ichores. Quæ autem ab illis præseruant generaliter, sunt purgationes & vomitus cruditatis tempore plurimum, & concoctio: & cùm materia iam est in venis, inedia summa, potus aquæ, ac fontes.

Concoquunt autem somnus, exercitatio, frictio: vnctio ventris, balneum, vinum, quies, molle stratum; tenebræ, cubiculum frigidum, operimenta, multa lotio extremitatum, & frigida, & potus eius ab assumpto cibo, cubare cum puerulis, vel adolescentibus, puluini; lana illota, vel lota & tincta ex cocco, & pelles alba-

rum leporum Sarmaticarum super ventriculum & præcordia gestatæ. Cibos mandere diligenter firmis cum dentibus & exactè coctos. Diatrion pipereon, astringentia medicamenta à cibo opportuna, Venus, impinguatio, lætitia, & à proprietate caro pullorum columborum omnis generis, nux henden, crocus, amomum, nux myristica, lactis pinguedo, buglossum, ficus sicca, ginger maximè recens & conditum, longum piper, satyrion, passerres pingues, caro accipitris, caro ventriculi pullorum, belzoi seu assa dulcis, ozymum, inula, glans vnguentaria, eruca odorata, nux Indica, palmæ fructus, & radix violæ albæ, fœniculum, mentha, & ruta ante cibum. Et piper Telim seu Anthrapophagorum, formâ phasellis simile, nigrum & pingue, & acetum scilliticum, & breuiter omnia odorata, gustu iucunda, calida & humida, vel calida & sicca cum superfluo humido per se adiuuant coctionem, & pleraque ex illis etiam augent Veneris facultatem. Quæ verò talia non sunt ex dictis ruta & acetum scilliticum sunt loco medicamenti. Contra maximè cruda sunt, vigiliæ, inertia, tristitia, crapula, ebrietas, dura, acerbæ, acida, motus post cibum, & varietas ciborum, ut vina tenuia, calida, non mollia, aut ex vuis non maceratis.

Cùm verò fluxio ex loco moto in membrum, quod periculum affert ingens si lædatur, sit, velut ex capite in pulmones, reuellentibus etiam validis utemur, ut emplastro ex sinapi, aut stercore columbino. Nam ubi fluere desierint, non facillè irritantur; ab initio autem ex quavis causa: quod motus motum ciet, ut in navibus quæ tam debili re, qualis est ventus, tanto impetu aguntur. Sed si fluxio diuturna est, astringente valido, quia parum reuellere licet, & temperato, ut diu uti possit,

possit, ac bene odorato, ob membri nobilitatem vten-
dum est, quale ex rubris santalis, aceto, partēque sam-
pluchi constat. In fluxionibus autem ex venis ad no-
bilia membra, præter reliqua euacuatione opus est,
per venæsectionem aut purgationem validam. Sed si
sanguinea sit fluxio, per sæpe inhibetur cibus crassis &
pauci alimenti.

Fluxiones autem crassorum, ac lentorum atrocium-
que humorum confirmatas, prævertere decet validis
medicamentis, inter quæ præstat stibium ex arte Mat-
thioli præparatum, cum quatuor grana illius per supe-
riora & inferna vehementissimè purgent; & si bene
præparati sint [humores,] sine noxâ; sicut & carcino-
mata inchoata duntaxat, curabat Galenus *quarto decimo
artis curandi, cap. 9.* aquâ lactis & semenciâ Orientalis
epithymi. Sic & erysipelas per initia infrigidantibus
& humectantibus, in ultimo tepidis & paululum
astringentibus, veluti solano indiget; & si intolerabi-
lis est calor, etiam actu frigidissima applicari debent.
Cum verò fluxio inueterascit, nihil melius esse inun-
ctione olei ex tartaro, experimento deprehensum est.
In abscessibus etiam generaliter repellere ab initio, &
dolorem lenire oportet, & euacuare, & similiter in in-
cremento fluxionis. Duo enim sunt ordines tempo-
rum. In statu autem mollire, concoquere, inde aperire
vel digerere. In omnibus autem memineris ventriculi
& iecoris actionem seruare; fluxiones enim biliosæ,
ex 7. 3. Doct. 3. cap. 3. magis corrumpunt operationes;
pituitosæ debilitant eas; & artæ bilis, faciunt utrum-
que. Et ideo tum ob id, tum ob contumaciam humoris,
per sæpe sunt insanabiles; sicut & contumacissimæ sunt
ex hoc genere, vel flatu: ex exustâ aut flauâ bile aut
nigrâ vitiosissimæ, & omne morbi genus.

Porro fluxiones humorum secretorum, vt in diarrhœis, fiunt ex vasis propriis, liene, vel vesicâ fellis; aliter contingit Dysenteria cruenta, quæ deterior est, quia non fit separatio; Diarrhœa autem propter causam separationis, quæ est febris, aut si sine febre humoris prauitas, vel abundantia, ideò curatio est purgatio valida illius humoris, & victûs ratio contraria illi. Sed si ad febrem subsequatur, & febris minuatur, abluere sufficiat. Si non, ab initio sanguis copiosus mittatur, & emplastrum ex violis & maluâ herbis cum oleo violaceo super spinam dorsi, & carpos, & talos, & iuxta radicem digitorum pedum, vbi magnæ arteriæ & venæ apparent, superponatur. Et curatio melior est, cû fuerit materia vltra hepar, vrinæ prouocatio. Victus verò vinum granatorum, omphacium, saccharum rosaceum, oxalis, endiuia, vel sonchus, ius pulli cum pane; locus frigidus, quies, frictio mollis, diaphoresis, & sudor, & semina peponum, & erythrodanum, & vrinam prouocantia. Fluxionum etiam aliæ sunt dolorificæ magis, aliæ incommodæ, & aliæ periculosæ magis. Pedum quidem minoris sunt doloris, & minùs incommodæ. Vehementiores & magis incommodæ, quæ in genu. Vehementissimæ & maximè incommodæ quæ in ischio; quæ etiam crus decurtare solent, & claudicationem facere, & nonnunquam interimunt. Quæ verò ad manûs digitos, omnium sunt acerbissimæ, sed minimè incommodæ. In initiis autem earum, & dum materia fluit, minimè exercere conuenit membrum, nec si corpus immundum fuerit, & præpurgato corpore. Vbi fluxio substiterit, vtilis est exercitatio, donec dolor ferri potest, & membrum non grauatur. In his verò in quibus membrum sub certo situ minimè doluit, cûmque distorquetur, grauissimè in tendonibus, sunt

sunt è genere conuulsio potius, quàm podagrico. Et quæcunque ad rectum situm quiescunt, in musculis sunt dirigentibus membrum; & quæcunque occupauit musculos aliquos membrum inflectentes, dolebit æger sub quouis situ, & quandoque id accidit & sæpius, cùm materia fuerit in ossium vinculis, & secundum vnum situm recta manent, secundum alium distorquentur. Et quæ fuerit cum pondere fluxio, deterrima est, sicut leuissimæ sunt, in quibus celeriter dolores adueniunt, intenduntur, & desinunt. Fluxiones quoque omnes ex venis, hæmorrhoidarum fluxus fluxionibus temporis magnitudine respondens sanat.

Fluere autem facit hæmorrhoidas radix colocynthid. & cyclaminis, hæc autem epota, vel succus, & supposita, & porrorum succus ex ʒij. aut aqua horum: & stercus columbinum adhibitum; violaceo autem oleo madefacere oportet. Perniciosas verò fluxiones aliquando balneum calidum reuocat, & perfrigeratos ad vitam reducit.

Ex mutationibus autem æris, post siccitates, & antequam pluat, vt in initio veris & autumnii, fiunt circuitus & exacerbationes fluxionum, quæ pluuiâ cadente minui solent; & similiter in motibus luminarium, & in congressibus Saturni, cùm materia fuerit frigida, & est mala valdè: & Martis, cùm fuerit calida, & ex colliquatione: & Veneris, cùm fuerit ex incontinentia; & Iouis, cùm fuerit fluxio sanguinis, sicut obseruauimus in peritissimo Græcarum literarum Gualterio Corberâ Senatore, amico nostro: & Mercurij, in incertis quasi causis. Fluxiones autem quæ per cavitates directas fiunt, velut ex cerebro in ventriculum, vel pulmones, per sæpe in habitum transeunt, vt vix curari queant. Quæ verò ad pulmones, periculosiores videntur,

tur,quanquam magis innoxia sint, si humor prauitate careat,celeriter enim tussi eiicitur. Sed si ad ventriculum deferatur, noxâ nunquam caret, quòd seriùs expellatur,& ventriculus tenuior sit ac exanguis, & quia coctionem vitiet. Curatio fit per cœnæ exilitatem,ac cibos edat pauci alimenti & crassi, & paucos, & facilis coctionis,velut lentes & pedes boum diu coctos. Et à cibo mespila condita aut granata: huiusmodi quæ ad compositionem membri pertinent, & quæ calorem attrahunt, iuuant etiam cum non adhibentur: at quæ ad temperiem pertinent, si non naturalem, & illa iuuant; si naturalem, nocent. Velut vina potentia dum vtimur,coctionem iuuant; sed vbi cessaueris, debilior fit coctio quàm antea: ideò vsus eorum nec tempore nec magnitudine finem habet donec curantur. Et prandium sit tempestiuum, & à prandio nec moueatur,nec omnino dormiat; & somnus sit in cubiculo, & stratis frigidis valdè ac siccis, vt paleâ & pappis arundinum aquaticarum, & lino, ac serico, & cum multis operimentis. Et per nares plurimum ac assiduè expurgetur caput,& si ventriculus aggregauerit pituitam, expurgetur radiculâ acri valdè, tenuissimè incisâ, cum melle Hispano & menthâ & sale comestâ. Est enim sapor eius comestus,acidus & acris,ideoque diligenter mandi debet, quoniam grauis est, hæc enim statim educit illam.Quòd si ratio victûs non satisfacit, purgetur cum hoc medicamento.

℞. Medullæ colocynthid maturæ, recentis & candidissimæ, *drachmam unam & mediam*. Incidatur minutim, & infundatur in mellis Hispani vel Orientalis ʒss. per tres dies, sic vt sit in vase vitreo vel figulino non maioris capacitatis. Inde coquatur in aquâ per duas horas,sic vt aqua penetrare non possit. Coletur,
&

& exprimatur, eique addantur Menthæ rubræ viridis, siccatae in furno, sic ut odorem retineat 3ij. nucis myristicæ 3j. Cardamomi maioris 3. s. caryophyllor. redolentium pinguium, gran. v. Redigantur omnia in pollicem, & cum gutt. vij. aquæ ardentis trium destillationum, menthâ circumpositâ cum modico sacchari, fiat bolus.

Capiat horâ somni, cum nihil cœnauerit, à Nouembri ad Februarium bis in mense : à Martio ad Maium, & ab Augusto ad Octobrem, semel ; & manè sequenti edat panem cum vitellis ouorum duris, item in cœna : & post statim ceratum ex Coralliis ponat super ventriculum, & liberabitur in vno anno : nihil enim fermè generabit cerebrum excrementorum, & illud erit tenue, concoctum, & coactum ; retinebiturque donec per palatum expurgetur. Et si descenderit in os, descendet ad pulmones, aut excitabit hominem à somno, ut excreet illud. Quod si non sufficiat hoc propter cerebri repletionem iam factam & intemperiem, nec stilla aquæ ferreæ diuturna & copiosa, imò nec exustio in futurâ coronali ; tunc imponatur ceratum ex melle anacardino, sinapi, euphorbio, cantharidibus, thapsiâ cum pice nauali, & ammoniaci guttâ. Exulcerabit enim locum, & trahet aquam aliquando ad libras duas singulo die. Et tu progredere fidenter, donec æger bene dormierit ; hæc enim meta. Quod si fluxiones capitis medicamentis non cedant, stillæ thermarum pro natura morbi curandæ sunt. Quod si nec hoc, & res vrgeat, exustione capitis, iuxta Hippocratis præceptum *septimâ aphorism. ultimo* : ignis enim omnem morbum necessario finit ; licet prius quandoque vitam. Considera igitur tolerantiam, & similiter si fluxio sit à iecore vel liene, ut iubebat Hippocrates per

per fungos, vel fusos. Semper autem in curationibus violentis iubet Hippocrates crassefacere corpus, id est, pinguefacere, & robustum reddere, lacte præsertim bubulo, vt in libro *De suppuratis*.

Fluxiones autem flatuosæ violentissimæ sunt, & dentes excutiunt, crescunt & decrescunt celerrimè, acceduntque repentè, ac recedunt. Quarum cura est per causam, vt in reliquis; & per discutiencia flatûs & sudores, & concoctionem exactam, & mutationem temperiei vehementem ad calidum, vel frigidum. Et generaliter omnium ad sanandum sunt difficillimæ. Recentes tamen, & in cauitatibus propriè neruosis ideò curantur è nucleis persicorum, & è semine fœniculi, & vterinæ ex semine lini, quoniam etiam à proprietate confert. Est autem oleum è fœniculi semine viride, & gustu acre & ardens, ideò semen aquâ, non vino aspergi debet. Sescuncia in singulas libras pituitam purgat, præsertim per vomitum, quem vehementer excitat. Præstantissima etiam sunt, oleum ex sulphure & sinapi. Fluxiones autem omnes, maxime ad ventriculum, vt in vomitibus, & vertigines sedant emplastra quædam, aut Cerata valida ventriculo applicata, & crocus cordi superpositus, cum perfectâ quiete iacendo, adeò vt nauigantes, qui hoc præsidio vtuntur, nec vomitum nec conturbationem sentiant.

Quandoque etiam vapores ad animam feruntur, & melancholicas afferunt cogitationes; iuuant, ex Paulo *lib. 3. cap. 14. & 16.* Scobs pedis asinini, smaragdus, topazius, præonia, zedoaria, crocus, ex auatis carne & sanguine aqua destillata, vel anseris, aut canis. Auxilia extrema vtrique venæsectio, helleborus niger, & iuxta sententiam, vt mori cupienti venenum: Melancholia

liæ

lia Aloë, Absinthium, Veratrum; furori hippomarathrum.

Fit etiam fluxio spirituum ad cor ex membris, vnde palpitatio. Similia autem ferè, attonitus morbus, comitalis, hysterica affectio, lipothymia, syncope, Caros, Catalepsis, somnus, & mors. Atque utinam tam hæc, quàm reliqua distinxisset Galenus. Porro mors est omnium extinctio; Caros, violentus somnus; somnus, vires spiritus animalis; attonitus morbus, interceptio animalis spiritus, aut quia obrutus, aut corruptus, & hæc est deterrima, aut via ad cor obstructa. Comitalis, immotis & conturbatis impeditisque spiritibus, nam est vapor concutiens, qui in spumam resolvitur. Catalepsis seu deprehensio fit ob frigiditatem ac [MS.] siccitatem spiritu corrupto; levis autem, ab operatione impedito, semper enim hoc præcedit. In hysterica affectione, quoniam audiunt & vident, cor pulmo primùm afficiuntur. Est igitur qualitas venosa cordis spiritum ab operatione impediens, atper id communicata cerebro, ut spiritus torpeant, ut non possint, sensum tamen præstent. Lipothymia autem, spiritu cerebri refrigerato, exhalante; neque enim statim ad cor redire potest, neque si extingueretur, in corde pulsus maneret: si periret spiritus animalis, tam citò extingui posset, & citra noxam recuperari; ut etiam in hysterica affectione. Syncope autem fit extincta maximâ partem vitalis in corde, aded ut etiam cerebri spiritus moreretur. Quocirca in syncope semper sensim omdeunt, non ut à purgatione & vomitu cruditatis ore, sed ut à concoctione. Et cum materia iam est vis, inedia summa, potus aquæ, ac fontes, in hysterica affectione, aut lipothymiâ. Extinguuntur autem
in

in venis in febribus pestilentibus corrupti; in hæmorrhagiis & magnis defluxionibus, utpote sanici, dissoluti & corrupti. Dissoluuntur autem substantiâ partim euacuatâ, partim ob refrigerationem. Suffocati etiam intereunt in magnis constantibus timoribus: ut sint tres causæ generales.

Pro curâ autem speciali, veluti Podagræ, eam iuxta singularum fluxionum naturam instituemus. Aliæ enim à iecore vel toto & ex sanguine; aliæ per venas ex humoribus crudis; aliæ ex redundantîâ ventriculi. Dignoscuntur hæ fastidio; illæ quoniam venæ & musculi implentur & rubent; in aliis neutrum. Eadem fermè in attonicis, aut enim ex toto fertur sanguis, aut ex ventriculo, ut *1. Epidem.* Ex toto autem crudus humor non defertur, sed cerebrum eo repletum est, atque hoc solum à Podagrâ discrimen; in reliquis consuetiunt: & si aberraueris in curâ initio, tantum abest ut iuues, ut attonitos prorsus occidas, Podagricos autem vehementer lædas. Nam ubi fastidium ventriculi adfit, vomere coges, ac in eo præseruabis non solum per oxymel, sed etiam per flores genistæ, ricinum, glandem vnguentariam, narcissi radicem, anethi, lauri folia, verum etiam Elleboro albo, elaterio, & vomicâ nuce, quam reor esse vocatam Methel: opportunum enim est, ut exiguâ quantitate opus efficiat egregium. In fluxione sanguineâ mittatur sanguis, vel ex brachio eiusdem lateris, vel aduerso pede. In attonito autem ex communi lateris dextri. Et quandoque iuuat in podagrâ ex poplite eodem sanguinem mittere, ut præoccupes defluxionem, sic enim iubet Princeps. Meta autem omnium est alleuiatio morbi, donec ferat virtus, ideoque non mediocrem quantitatem extrahere oportet. Neesse est enim egregiè & statim iuuari,

si non sit morbus insanabilis: at huiusmodi manum admo-
uere non oportet. In reliquis & in his vt reli-
quæ tollantur, curatio similis ad vnguem curationi
febris ex abundantia crudorum humorum, quæ ad
syncopen ducit, *Duodecimo artis curandi, cap. 3.* quant
Galenus diligenter describit, tam in inedia, quam in
frictionibus assiduïs, quarum terminus minimus est
vnius diei, maximus septem dierum, medius vsque ad
quartum. Sed non oportet fricare in Podagrâ mem-
brum laborans; & iuuat, imò necessarium est persæpe
cucurbitulas magnas apponere atque incidere, vt ce-
leriùs trahas, & minuatur dolor. Vt verò non redeat,
eadem est ratio præcauendi & curandi. Nam ante
tempora aduentus ieiunio præmissio fricetur corpus.
Quinimò vbi sæpe corpus intumuerit, & pustulis sca-
eat, eò natura se exonerabit. Et in attonito quoniam
non est locus tam diuturnæ expectationi, candenti
igne futuram verticis exuremus. Et sunt qui dicant
experimento compertum esse, si exuratur iuxta Atlan-
tam colli vertebam, vnâ aut duabus in collo inter-
ossitis prodesse. In membro autem patiente frictionis
loco astringentia suprâ, id est, in tibiâ apponenda sunt
digerentia. Eiusmodi est emplastrum ex aquâ, &
eto, & furfure. Curæ igitur potentes quinque au-
gis sunt, coctionis, vt in stibio; infusionis & circuli,
in Elleboro; expressionis, vt in fœniculo; empla-
storum, quorum coryphæus hydrargyrium; & nutri-
tis gallinarum quæ admirabilis est, & per solos ci-
os, vt in Elephantiasî. Generaliter autem quæ poten-
tius astringant & digerant, aut miscere hæc cum illis.
Liora tamen sunt quæ natura miscuit, quam quæ
vt lupini, rhaponticum, gentiana, centaurium, bel-
lithica, rosinarinus, & quæcunque ad contusiones
D valent,

valent, sunt à similibus indicatione sumenda medicamenta. Et auxilia quæ concoquunt nimis aut parum, aut coctionem omnem prohibent in Podagrâ, sunt contraria Podagræ, & tamen non sunt salus; cruditas enim est contraria Podagræ, non ex parte quâ morbus est, sed qua sanitas: constat enim ex humoribus semicrudis, in quibus est aliquid coctionis. In eorum autem præseruatione, non oportet totum purgare humorem, sed melius est ut reliqua coctione consumantur. Aquæ etiam thermarum copia etsi fluxiones sanat, vel euacuatione humoris peccantis, vel auersione ad oppositum locum in Podagrâ, tamen rarò conferunt, quia cruditatem quæ fit ex raritate caloris innati non prohibent, & defluxum, aperiendo vias, irritant. Cæterum inhibere defluxiones podagricas etiam cum euacuatione, sine exquisitâ victûs ratione iam dictâ, & præsertim cum exiccantibus & calefacientibus, & in habentibus renes calidos, est causa generationis lapidis in illis: qui morbus longè deterior est Podagrâ, quoniam minima portio quæ supersit euacuationi, sufficit ad lapillum generandum. Cura igitur experta est assumptio iulebi violati sæpe cum aquâ, & nihil ferre super renes. Et generaliter cum omne contrarium saluti sit morbus, non tamen contrarium morbo est salus, sed aliqua excedunt aut deficiunt magnitudine, alia contraria sunt ex aduerso; velut curatio morbi Indici in Podagra cum impresserit, morbus est: est enim sanus in eo. Cum autem declinauerit, potus est decoctum glycyrrhizæ; in attonito addatur agaricum, aut pyrethrum, vel amaracus, aut serpillum, cibus ficus excoctus. Et in attonito etiam diluere cum potu; & vua passa post ficus, inde panis modicum. Manifestum est igitur, quod præter hanc tractationem sola

la superest quæ de febribus est & vermibus, ad Medicinam Physicam perficiendam, (*vide 6. Contrad. 57.*) nam reliqua ad Chirurgiam pertinent, cuius etiam partem hîc attigimus. Et ultimum in curâdo difficillima vlcera est incisio, & ignis maximè cum auro; prohibet enim ne spargatur corruptio & malignitas, tollit intemperiem omnem secundum Albucasim, & verè; sed iuxta principem 4. 1. *cap. 29.* frigidam, & consumit humorem omnem prauum cuiusuis generis, & sistit sanguinem, sed in ossibus timendum est prope cerebrum tantum; & in carne cum propinqui sunt nerui aut ligamina. Et quia ægri respuunt hoc auxilium, optima videbis medicamenta, *quartâ quarti.* Item 3. 3. *cap. 10. & 11. & 7. 4. cap. 13.* Et ad vlcera praua ex metallicis & centaurio, & ad edncenda ossa corrupta, aristolochiam, euphorbium, & lac tithymalorum. Refert Iosephus Lusitanus in Brasiliâ curari solita carcinomata facîle arenâ, (marinâ an fluuiali incertum,) tusâ & læuigatâ, inde calefactâ eò dum vt ferri possit, paulatim ab extremis ramis extincto morbo, ac pluribus vicibus repetito, in singulis primùm extremitatibus, in medio non multos post dies totum simul excidere.



HIERONYMI
CARDANI,
MEDIOLANENSIS
MEDICI,

De rationali curandi ratione,
LIBER SECVNDVS;

In que tota Medicina particulatim, & vno exemplo abscessus gingivæ, cura omnium morborum specialiter instituitur. Vtilissimum opus ad extemporaneè profitendum, disceptandum, consiliaque conscribenda, necnon ad medendum.

P R O O E M I V M.

In quo res tractanda proponitur, necnon ordo observandus in hocce libro.



AT I O tradendæ Medicinæ quadruplex esse debet, scilicet vt demonstratiuè tradatur, perfectè, clarè, & quàm breuissimè fieri potest. PrimatRIA Hippocrates, tanquam de his dubium non esset, potius præstitit, quàm faciendum docuerit: hoc vltimum

unum quod facere oporteat, etiam docuit 1. *Aphor.*
 1. quia dubium videri poterat, si clarè ars tradenda
 esset, quoniam pacto breuiter posset tradi. Nam
Dum brevis esse laboro, Obscurus fio, ut inquit Poëta.
 Quocirca decepti Themison & Thessalus, spera-
 runt Medicinam breuem efficere posse. Sed aliud
 est artem breuem esse, aliud breuiter tradere: nam
 Medicina brevis esse non potest, quamuis breuissi-
 mè tradita sit, quoniam breuissimè per compara-
 tionem dicitur; absolute, etiam si aphoristicè tradi-
 tur, longa est propter multiplices partes: idè rectè
 consulit Hippocrates breuiter tradendam, quia longa
 nimis sit; nam nisi longa esset, melius foret eam
 diffusè tradere, quia clarior esset. Errarunt ergo illi
 sperantes posse efficere Medicinam breuem, quod fieri
 non potest. Sed & Galenus cum breuem facere concu-
 pierit, effecit imperfectam: etenim breuitatis rationem
 non intellexit; easdem enim partes esse oportet in
 utrisque, & utroque modo infinitam. Itaque duos pri-
 mum statuere scopos oportet, ex lib. de Arte, pag. 2. Im-
 pendentem scilicet morbos auertere, eos autem qui iam inua-
 serunt, ab agris in totum tollere, aut vehementes eorum im-
 petus retundere; illorum autem qui iam à morbis victi sunt,
 curationem non aggredi. Ergo primum cognitione im-
 pendentium indigemus ac custodiâ; deinde scientiâ
 ipsorum morborum, & quinam ex ipsis sanari possint,
 & qui tetundi, & qui neutro modo curationem admit-
 tunt. Ut iam sint totius artis scopi quatuor, scilicet sci-
 re, præcauere, dignoscere morbum iam factum, & an
 possit curari prorsus, an retundi, an neutrum, deum
 quomodo si possit, curandus. Et præcautio quædam est
 pars curandi, de quâ suo loco dicendum erit. Ut verò
 morbum dignoscamus, non solum illius species, sed

exem-
 rborum
 ad es-
 a, con-
 dum.
 non erit
 quadruple
 istratiue m-
 iam breuiss-
 Hippocrates
 on esset, po-
 erit: hoc r-
 rimum

54 *De rationali curandi ratione,*

& causas & symptomata scire oportet. Cum autem horum omnium sint signa, præcipuè causarum atque morborum, erunt in vniuersum partes septem; quibus si addantur contemplatio naturæ, & nominum interpretatio, fient omnia consideranda in vnoquoque morbo generaliter nouem; sed iam ad exemplum accedamus.

Contingit vt vir annos natus sexaginta quinque, habitûs satis carnosus, pectore, hypochondriis, iliis glabris, colore misto vario, rubro, & albo obscuro, capillis flauis, oculis paruis, somni longioris, promptus, ingeniosus, sed minùs prudens & timidus, ossibus tenuibus, staturâ mediocri, plus edens quàm appetens, & plus appetens quàm concoquens, minimè siticulosus, & tamen multum bibens, parum se exercens, multis obnoxius curis ac studiis, ratò ægrotans, iamdiu scabiosus, sensibus adhuc validus, quique faciliè deicitur viribus, aluo lubricâ, cuique exciderunt proximis annis iam quinque dentes paruo dolore, adeò vt manu auulsi sint, non ferro. Primùm laborauit dolore exiguo canini dentis maxillæ dextræ superioris, (in quâ parte duo iam exciderant dentes) cum manderet, non aliter; inde applicata aqua separationis non profuit, sed cœpit luxari dens, vt omnino non posset mandere, & lædebatùr à frigidis magis. Pòst cœpit vehementiùs dolere, vt etiam ab assumpto cibo & maximè à cœnâ, & esu frigidorum tam potestate quàm actu, adeò vt etiam ab aëre & cubiculo: inde omisâ aquâ separationis, gingiua exteriùs & interiùs intumuit cum dolore, non remisâ luxatione dentis, sed solùm minùs dolitante, adeò tamen vt non posset ex eâ parte mandere, sed neque ab altero latere licebat, quòd duo alij dentes commoti essent, si non dolerent. Pòst hæc etiam cœpit inflam

inflammari gargareon, vt vix deglutire posset; tempus anni, autumnus pluuiosus & frigidus. Quæritur cura.

Assumpsimus hoc morbi genus ob multas quidentur causas. Primum quod gingiua affinis sit denti, de quo in primo libro actum est; & eius consensus cum cerebro, propter materias quæ ex illo ad eas descendunt; & cum ventriculo propter tunicam communem & vapores qui ascendunt, & maximè horâ coctionis; & cum iecore propter multitudinem venarum & sanguinis, qui ad illam confluit, adeò quod, vt dixi, euulso dente, aliqui ex immoderato eius fluxu interierint; tum etiam cum liene, neque enim familiarius quicquam videtur lieni gingiuis ipsis; & cum pulmone, ob tunicam interiorem, & ob vapores, adeò vt in phthificis soleant vehementer corrumpi. Præterea gingiua cum dentibus consentiunt, ex illarum enim abscessu dens aliquando dolet, adeò vt imaginem præbeat morbi in ipso dente; & vice versâ ex dentis dolore gingiua in abscessum deueniunt & eroduntur. Consentiant etiam cum reliquis partibus oris, & maximè cum glandulis & gargareone, vnde ex earum abscessibus paracynanche frequenter, nonnunquam cynanche generatur. Est etiam locus ad vnguem medius inter externos & internos, & ob id in Physicis atque Chirurgicis ex æquo communis, & qui ad maxillam & os terminatur, vt per emplastra exterius & linimenta interiùs curationem admittat. Præterea quasi centrum in circulo, ita cura hæc propinquior omnium morborum considerationi atque curationi. Cumque leuissimus sit morbus, illius tractatio ad quemcunque alium facile accommodari potest. Nec desperet aliquis, postquam in tam arido subiecto, vbi vix quicquam ab aliis scriptum in-

uenias, licuit tot tantâque inuenire, vt vnquam desit scribendi aut consultandi argumentum. Proposuius autê abscessum, quodd in eo omnia morborum genera contineantur, scilicet diuisio continui, mala temperies, & compositionis vitiû, & quodd par esset in securissimâ particulâ grauissimi morbi historiam tradere. Adduximus quædam non necessaria, vt etiam errores aliorum imitaremur.

Antequam ergo ad explicationem casûs propositi accedam, communiter primû singula, de quibus agendum est, scire decet, vt quid sit temperatura, morbus, ac reliqua: tum quale sit id quod proponitur reliquorum comparatione, estque hæc institutio generalis. Demum specialis tractatio. Singula igitur in nouem capita diuiduntur, naturalium rerum, nominis, morbi, causarum, symptomatum, signorum demonstratiuorum, prognosticorum, custodiæ & curationis. Ita fiet vt exemplo perfectæ curationis vnius morbi, iam habitâ communi scientiâ omnium partium per generalem institutionem, quâ omnia considerantur in comparatione huius, vt à reliquis omnibus differt; singulorum morborum exacta dignotio, & curandi modus haberi possit, perinde ac si de illo ipso principaliter ageretur. Verû in cõmuni contemplatione duo prima, vt non necessaria, naturalé scilicet statû & nomen præterire poterimus. Differunt ergo communis contemplatio, & generalis institutio, & specialis tractatio: velut animalis consideratio, vt est sensûs, & vitæ, & motûs manifesti particeps, & instrumentorum, & vt est calidum, & non refertur ad aliquam speciê. Institutio autê generalis est, vt animalis cû refertur ad bipes & quadrupes, viuens in aquâ vel aëre, & vt se diuidit in differentias non generis, sed speciei. Et specialis tracta

tractatio, vt ad speciem vnā referatur, velut hominem, vel equum. In communi ergo contemplatione tractabuntur singulæ partes Medicinæ communiter. In generali institutione, vt variantur per morborum species. In speciali tractatione, vt de Parulide. Differentiæ autem simplices auxiliorum ad contemplationem communem pertinebunt; sed differentiæ eorundem in comparatione ad morbos, ad generalem institutionem.



PRIMA PARS.

De contemplatione communi.

CAPVT I.

De morbo, & eius differentijs.



ST igitur morbus dispositio præter naturam continuatè lædens operationem. Sed tam operatio quàm læsio duplex est: aut enim adeò exigua læsio aut operatio non admodum digna, vt talis operatio mereatur dici morbus, sed neutra. De illâ tamen non agemus, quoniam primùm læsio eius sæpe Medici curam non aduocat, & à patientibus negligitur; & etiam secundùm Medicos non superstitiosos, sub morbo continetur; & quod maximum est, cura eius sub curâ morbi continetur. Dicamus ergo quòd morbi quidam fiunt à corpore & in corpus tendunt, vt

febris ardens ex bile congregatâ ; aut ex animâ in corpore , vt mala coctio ex tristitiâ ; aut ex corpore in animam , velut ex humore melancholico infania vel stupor ; aut ex anima in animam , vt ex irâ vel tristitiâ delirium. Et non videntur morbi esse in animâ , sed symptoma vel causa. Delirium enim est symptoma , & tristitia , causa. Quod enim fiat symptoma contra naturam in animâ velut in corpore , causa est aliquid quod est in corpore , igitur omnis morbus est in corpore. Omitto modò quòd anima sit *ἀνάνη* , igitur morbus in ea esse non potest , nam non solum necessariò esset mortalis , sed senesceret etiam & ægrotaret , quod neque qui illam esse mortalem concedunt , affirmare audent. Sed dices , cùm homo ex symptomate puta delirio , quod fateris esse in animâ , aberrat in operationibus , & continuatur ille error. Ergo delirium & timor sunt morbi , & iam sunt in animâ : igitur morbi aliqui sunt in animâ. Dicendum quòd timor ille non est à causa contra naturam , licet sit ab homine qui eum velit occidere : nam causa dicitur contra naturam , quæ est contraria per se primò naturæ. Velut natura oculi non solum est , quòd sit frigidus & humidus , & sub certo ordine ; sed quòd sit tantæ magnitudinis , & in eo situ , & cum tali colore. Vbi contrarium vnus horum accidat ei , quod vitiet operationem , & maneat aliquandiu , dicetur morbus. Ergo timoris causa non est contra naturam. Sed vbi timor aut tristitia sint à causa quauis , & non permittant dormire hominem , lædunt operationes , & sunt dispositiones contra naturam , etiam quòd non essent contra naturam causæ timoris & tristitiæ : neque hoc est necessarium de causâ , quòd sit contra naturam , sed de morbo , ad hoc vt morbus sit. Igitur argumentum manet in suo robore , quòd erit morbus

morbus in anima. Et forsân quòd hæc consideratio non pertinet ad hunc locum; sed claritatis magnæ causâ, oportuit eam hîc definire. Dico ergo quòd neque secundùm Aristotelem, multòque minùs secundùm Plotinum, hi affectûs sunt in anima, sed in corpore animato: secundùm Aristotelem 1. *de Animâ, cap. 4.* vt sint affectûs totius, iuxta illud, qui dicit animam irasci aut timere, dicit eam texere vel ædificare. Secundùm Plotinum autem sunt vitæ. Adeò quòd hî affectûs impediunt animæ vim, ne possit operari per corpus: sicut nebulæ, ne lux Solis ad nos permeet; nec tamen lux quicquam patitur, nisi quòd impeditur, multò minùs Sol ipse. Dicemus ergo quòd morbi alij proueniunt ex animâ impeditâ in corpus, alij ex corpore impediunt animam; & reliqui ex corpore in corpus; & alij ex animæ impedimento ad animæ aliud impedimentum.

Si igitur ita est, quomodo dolor erit morbus? cùm constet eum aliquando esse morbum, vt cùm ob dolorem vigilamus; aliquando symptoma, vt coli dolor cùm infestat leuiter, & operationem nullam lædit; aliquando causa morbi, vt cùm dolor est causa abscessûs. In hoc casu ergo dicemus, quòd non est morbus neque in continuitate, nec compositione, nec malâ temperie. Et similiter tristitia & timor non sunt sub aliquo morbo, & tamen vt demonstratum est, sunt morbi. Græci quoque seu tenebræ sunt causæ timoris in melancholicis, 2. *de symptom. caus. cap. ult. & 3. de locis, l. 7. post med.* & tamen non sunt aliquid ex his: sunt enim morbi, quia impediunt operationes. Et si dicatur quòd timor ille si manet causa externa non est morbus, quia non est contrarius naturæ: & si non maneat, non est relictus in animâ, nisi propter aliquam animæ qualitatem, & illa erit morbus. Dico quòd
neutrum

neutrum horum satisfacit: nam et si manet ipse, est contrarius naturæ, & non ut symptoma potest dici contrarius naturæ, quia causa est externa; sed cum impediatur aliam operationem utpote somnum, est morbus; aliter grauedo tempore hyemis non esset morbus: cui enim vincæ sunt manūs, nulla est dispositio contra naturam, nisi impedimentum operationis, & sunt tantum duo. Sed timor exiccat, & cum impediatur somnum, est dispositio contra naturam, & sunt tria. Cum ergo sequatur ad illum vigilia, ille timor erit morbus. Sed neque secunda responsio bona est, quia timor ille præter rationem impedit somnum, sicut etiam verus timor. Ergo cum ipse, non frigiditas impediatur somnum, timor erit morbus, non frigiditas. Sed si dicas, quod ille timor est à frigiditate illa, cum sit causa timoris, non vigiliæ, imò est potius causa somni quam vigiliæ, erit timor morbus, & frigiditas causa morbi. Sed si dicas quod timor sit causa frigiditatis causæ vigiliæ, non potest hoc esse, cum non possit frigiditas facere tam constanter vigilias; neque siccitas quæ modica est, & facile remouetur: videmus enim quod huiusmodi vigiliæ, ut dixi, sunt similes vigiliis à timore vero. Præterea clarius hoc est in his qui ob timorem quandam, non ex aliquo corporis vitio natum, non possunt arrigere: talis enim morbus inest ab homine, & non in corpore. Clarissime verò & ut responsionem nullam habeat vetisimilem, in his qui dum nimium memoriam exercent, ad reliqua stupidi hoc solo euadunt. Dicemus ergo quod morbi alij sunt corporis, alij totius hominis: & morbi totius hominis sunt ut timor, odium, tristitia, & dolor: est enim morbus in sensu. Sicut sensus sanus est cum cognitione, dolor autem est sensus absque cognitione. Et nigrities seu tenebræ sunt ex morborum

horum genere qui sunt totius hominis, scilicet in sensûs operatione, & differunt à cæcitate [MS. *siccitate*,] & similibus, quia causa cæcitatis est corporea, idè etiam est symptoma, & totius hominis, In melancholiâ autem causa timoris, qui est symptoma, & tenebræ visio interna, & hæc est totius hominis. Et hæc est causa quòd melancholiæ sunt penè infinitarum specierum, & admirabiles, & cura etiam earum admirabilior, adè vt plures sanentur per quandam magiam quàm per Medicinam corpoream. (*Vide 11. Paralip. 2. 4. & 3. de Acr. ag. & loc. com. 5.*) Et sunt ex his semper lati, alij semper mœsti, alij mites, alij furiosi, alij taciti, alij dicaces, alij stupidi sicut lapis, alij vigiles, alij admodum pij, alij impij, alij imaginantur se esse Principes, alij sustinere mundum, alij gallos, alij vrceos. Vnde etiam ratio & origo curationis in his habetur, quoniam duo impedimenta maxima in his sunt, vt intelligamus curandi modum, & vt illi admittere velint: quod fit decipiendo illos in cibis & potibus, vel etiam ex supposito suo; velut ille qui ranas dicebat se habere in corpore, dato medicamento sub prætextu eiiciendarum ranarum, illis in copiâ suppositis dum purgatur, melancholiâ liberatus est. Et ita dicentes se habere Dæmones, precibus curantur, in quibus continentur imperata Deorum, seu habeant, seu non. Tertius modus vi & vinculis constat, & oppressos somniferis occupandò. At & ex eisdem curandi ratio per animæ affectûs; hi enim illis oppositi. Atque hi dupliciter mobiles redduntur; timore siquidem velut violentissimo tyrannorum animorùm nostrorùm, ita enim redduntur mœrores, & spes, & furores, & metûs mobiles in animo; & velut dentes cùm cominuantur, facîle etiam pòst euelluntur, ita hi ex maximis timoribus

bus quandoque sanantur, ostensa etiam securi, & iudicum sententiis damnatis, & diu in ea cogitatione detentis, & ut ferunt de ebuli radice, quæ dolores crurum iam habitos sanat, non habentibus inducit; ita timor insaniam habentibus, aliò auocando animum auellit, non habentibus inducit. Neque enim anima nostra duobus affectibus, imò ne vni quidem soli à diuersis causis non in idem tendentibus subiici potest, velut lactui & amissioni rei domesticæ. Alius modus constat cruciatibus corporis, vnde non malè quidam fertur melancholicos curasse, per vnum vel duos dies in aquâ detinendo vsque ad mentum, & in frigida etiam hyemè; inde pauco interposito spatio ad quadraginta dies continuabat.

Corporeorum verò morborum alij sunt in intemperie aliquâ ex octo descriptis ab omnibus, calidâ, frigidâ, siccâ, humidâ, calidâ siccâ vel humidâ; & frigidâ siccâ vel humidâ. Et quælibet illarum est simplex, vel cum materiâ, vel utroque modo. Exemplum: Qui calefactum habet cerebrum in Sole, patitur intemperiem calidam & siccam simplicem. Qui autem habet bilem effusam à iecore in ventriculum, non perpetitur [MS. *nuper patitur.*] eandem intemperiem in ventriculo, sed à materiâ. Qui verò generat bilem in iecore ex calidâ & siccâ intemperie; vel qui habet bilem multam effusam in ventriculum, atque ibi diu contentam retinet, habet in intemperie compositum ex materiâ & sine materiâ, quem constat esse duplicem. Morbi autem in diuisione continui, aut coniunctione eorum quæ à materiâ diuisâ creari solent, duo sunt ut patet: & quilibet eorum est duplex, alius quidem manifestus, ut ex contusione, vulnere, humore erodente; alius occultus, ut raritas ventriculi, coitus ventriculorum cerebri,

rebri, & sunt maximi morbi, & non tamen valdè euidentés : & vtrique fiunt sine materiâ & cum materiâ; sicut videmus in exterioribus humores quosdam in carne, & vt in præfenti casu, in Epulide enim est diuissio etiam continui, & hæc maximè accidit ex humore melancholico : & si contingat in cerebro vel iecore, tandem interficit, scilicet post longum tempus, & quandoque etiam breui. Et in iecore aliqui sanantur nacti bonum Medicum, robusti ab initio : in cerebro autem nulli. Et hoc genere morbi cum plures laborarent, & Medici nouerint hæc principia, tamen semper recurrunt ad intemperies, & obliuiscuntur principiorum suorum. Fiunt autem ex casu, ex percussione siue vulnere, vtraque scilicet tam continui diuissio, quàm materia densata, & solùm meminerunt scirrhi; sed quod dixi, non est verè scirrhus, quia in scirrhus morbus etiam est in magnitudine : in hoc autem morbo est sola diuissio continui. Vltimum genus est in compositione, quæ constat numero, magnitudine, situ & formâ; & forma diuiditur in figurâ, superficiem læuem aut asperam, meatum, & cauitatem. Sunt etiam ex morbis quidam diuturni, horum principales sunt à siccitate, inde à frigidityte, post ab obstructione, & maximè in viis strictis à materia crassa, lenta, multa. Et morbi etiam quidam fiunt ex solida compositione, quidam ex humore, quidam ex vapore, quidam ex simplici qualitate; de mistis autem non est dubitandum. Morbus præterea tria dicit, causam, vt lapidem. Membrum vt vesicam; coniunctionem cum læsione, vt lapidem in vesica: vnde lapis in vesica est causa morbi, & vesica malè affecta à lapide, est morbus. Item dico, intemperies in ventriculo est causa morbi, ventriculi affectus ex intemperie, morbus ipse. Igitur morbus dicitur magnus

gnus trifariam, vel ob causam, vel ob membrum, vel ob horum coniunctionem. Ob causam, vel est intemperies, & grauior sicca, inde frigida, & ex calidis quæ est cum motu, vt hectica. Deterior est morbus ab humoribus qui obstruunt, vel si sint valde corrupti, vel si omnino contra naturam, vt vermes aut lapis. Deterior qui facit abscessum. Medius infarctus, vt in paralyti, tensione, & qui est in tunicis ventriculi. Vlcus autem medium inter abscessum & infarctum, vt sint quinque modi. Ratione membri tres, nobilitas, difficultas applicandi remedia, & substantia mollis, vt præcipue hæc tria, pulmo, cerebrum, & oculi. Ratione affectûs permutatio magna à naturali statu, quæ potest accidere vel à causæ magnitudine, vel à proprietate, aut diurnitate.

Galenus duas dubitationes affert, & suo more in immensum difficultatem adauget. Vna est quòd morbus est affectus, qui est res quæ manet & affixa est. Putrida autem febris semper fit, nam si maneret esset hectica. Dico quòd duplex est genus morbi, & ytrumque est affectus, vel per se manens, vt hectica, vel in suis causis quæ manent, vt putrida febris, cuius materia & causa efficiens, putredo manet. Et etiam quia calor putridus cum sit in membro, aliter non faceret febrem, necessario postquam febris aliquandiu perseuerauit, manet aliquot diebus, quia nihil cessat in instanti, sed velut in vibratis & eiectis proportionem retinet, iuxta moram in eo quo motum est ab alio; & non est hectica, quia non habet tantum motûs (licet omnis calor necessario habeat motum,) vt possit conseruare se ipsum, quod est necessarium in hectica. Alia, an conualescentes sint ægri, & dico quòd sic, seu enim imbecillium operationum causa sit defectus carnis aut sanguinis.

guinis, aut spiritûs, aut corruptio eorum, seu proportio humorum indebita, seu intemperies aliqua, seu ineptia quædam, postulant hæc singula amoueri, idèoque sunt morbi. Veruntamen morborum quidam sunt leues aut leuissimi, quales sunt istorum. Rursus morbi quidam sunt dolorifici, & sunt præcipuè à solutione continui, & inter qualitates à calido & frigido: reliqui sunt absque dolore, nisi forsan siccitas leuem aliquem intulerit dolorem. Alij etiam corrumpunt particulam, idèò seu sint in toto, seu parte vitæ necessariâ, occidunt; & sunt omnes primùm qui faciunt dolores, & qui à putredine fiunt, & à siccitate etiam, & in concauitate aut viâ necessariâ ad vitam, vt sint septem modi. Reliqui vix occidunt aut corrumpunt particulam, nisi reducantur ad istos. Sunt & aliæ diuisiones, sed hæc sufficiant. Melius namque est membrum diuisionis vnum per exemplum, velut de morbo ab intemperie explicare.

Quot igitur modis fiat morbus in intemperie scimus, si cognouerimus priùs quibuscumque naturale temperamentum constet. Ergo temperamentum naturale, quod à calido naturali pendet, tot modis distinguitur, quot ipse calor, vt pote gingiæ. Dico quòd sunt illius viginti vna differentiæ; propriæ septem, & totidem à calore influxo à iecore, totidem à sanguine cordis & arteriali. Et propriæ quidem sunt. Primùm multitudo seu magnitudo subiecti; nam in multâ materiâ, est multum de formâ, & si caro est calida & humida, multa caro continebit multum calorem. Secundus modus est densitas; aurum enim etiam paucum, multum resistit causis aduersis atque illud corrumpentibus, non quia calidum aut multum, sed quoniam densum. Tertius modus est à pingui humido seu proprio subiecto

E caloris

caloris & purò ; manifestum est autem quòd hoc omnino differt à substantiâ, multitudine ac densitate, cùm illa substantia non sit pura , nec primum caloris subiectum. Quartus est à gradu, nam aqua multa, vt sæpe dixi, potest esse tepida , & pauca feruens , & hoc iam sæpius declaratum est. Quintus modus est vt calor ille sit tenuis aut crassæ substantiæ , vt in me est valdè tenuis ille calor. Sextus modus est vt sit siccus, tunc enim magis penetrat, & non adeò perfectè concoquit, & hoc plurimum differt à tenuitate substantiæ, illa enim bona est, utilis coctioni & vitæ; siccitas autem mala his duobus principalibus. Septimus modus est ex actu; hic distinguitur à potentiâ, & ab omnibus aliis modis, quia pendet à motu: calor enim in actu fit à motu, & ab illo conseruatur. Totidem autem modi, scilicet multitudo, densitas, puritas, seu pinguedo, actus, gradus, substantia, sunt qualitatibus à calore, quem transmittit iecur per venas; & totidem ab eo, quem transmittit cor per arterias. Igitur erunt viginti vna differentiæ caloris, quarum singulæ cùm saltem diuidantur in quinque species, scilicet minimum, paruum, mediocre, magnum, & maximum; constat calorem naturalem penè innumeris modis variari in vnaquaque particulâ. Qui ergo iuxta omnes modos habebit particulam calidissimam, ille idem dicetur habere calidissimam illam; & qui iuxta omnes modos habebit frigidissimam, eadem ratione. Qui verò diuersâ ratione partem calidam iuxta aliquos modos, & frigidam iuxta alios, habebit particulam illam non moderatam, sed mistam. Et calor iecoris facit ad generationem boni sanguinis, seu vt in gingiuâ ad nutritionem multam & temperatam: & calor cordis ad vitam, & spiritûs, & operationes sensûs & motûs: calor autem particulæ

facit

facit ad assimilationem substantiæ, & idè est principalis in vnoquoque membro. Et hæc est causa quòd aliquis erit pinguis, boni coloris, & carnosus, & viuax & boni sensus, & tamen erit brevis vitæ, & eius vires exiguis causis concident. Contrà alius imbecillis & exilis diu viuet, quia in hoc cor & membra principalia seruat bene temperata, & calido multo proprio abundabunt, sed destituentur ab influente. In primo influens erit copiosus & bonus; proprius paucus & malè temperatus. Et hæc habent tot modos cognoscendi, quot sunt primæ species: nam calor magnus calefacit totam partem, quam [MS. *qua*] tangit & quasi implet. Densus autem ex more augetur. Purus verò est cum mollitie partis & æqualis; nam licèt sit densus & multus, si non sit purus, non erit æqualis. Magnus autem iuxta gradum sentitur manifestè, quia multùm manus incalescit. Sed tenuis penetrat, & statim sentitur. Siccus autem molestus est. Hæc autem omnia referuntur ad actum, quia quod potestate est, vt ad actum deducitur, sentitur. Sed hoc in casu influens non dignoscitur seorsum à fixo in particulâ, cùm commisceantur: verùm ex duobus præcipuè habetur distinctio. Primum quòd fixus est adèò remissus, vt possit appellari frigiditas potius quàm calor, & est instrumentum caloris in actu potius quàm vt sentiatur per se; magnam tamen præbet vim influxo: sicut si quis foueret manum aquâ tepidâ simplici, alius aquâ tepidâ ex decocto Camomillæ. Secundum est, quòd influens est vaporosus & varius, ac quasi per momenta singula modò augetur, modò minuitur. Et est quasi quædam flamma & fuligo ascendens, & similis exaltationi ac moli igneæ per interualla erumpenti. Differt autem calor ab arteriali sanguine, ab eo qui fit à venali, quoniam arterialis est

maior, tenuior, & sicciior, & maximo impetu ferit. Vnde scire decet quòd (quia aliquis posset dicere, calores ambos quos influit cor & iecur, esse iuxta magnitudinem & robur cordis & iecoris,) potest esse magnus calor cordis & iecoris, vt in iuvene sanguineo & boni habitùs; & tamen calor in particula illa, vtpote gingiua, exiguus, quia venæ & arteriæ paucae & exiles ad illam partem veniant. Et contrariâ ratione in sene exanguis, gratiâ exempli, libido ardens ob vasa illa magna & renes calidos. Et ita etiam poterunt esse venæ parua, & arteriæ magnæ; & contrario modo. Et ideò etiam circa curam erit discrimen magnum: nam calor influens augetur fricatione, cerato ex pice, potu vini potëtis, & carniuin & ouorum vsu, atque aromatum. Sed calor crassius exercitatione confirmatur, quæ etiam iuuat ad puritatem illius & ad multitudinem, fomentis naturalibus, & his quæ cutim obstruunt. Verùm cura propria vniuscuiusque horum, si languescat calor vno ex istis modis, (cuius causâ hæc dicta sunt) etiam propriis indiget auxiliis, de quibus suo loco, vt naturalis constitutio restituatur, agemus. Manifestum est igitur ex hoc, quot sint propria intemperiei genera in vnaquaque particulâ. Nam simplices XXI. geminatæ CCX. triplices MCCCXXX. Manifestum est autem ex his quæ alibi dicta sunt, de modo redigendi artes in compendium, quòd fient genera intemperiei in vnoquoque membro MMXCVII. seu 1097151. *Vide lib. de proport. Prop. 170.* Iuxta hanc rationem, suprascriptarum vnaquæque etiam potest esse cum materiâ & sine illâ, & ratio magnitudinum palam est, quòd efficit infinitas species.

Sunt & aliæ differentiæ, præcipuè autem duæ; vna magnitudinis, veluti fistula, vlcus difficilis sanationis, profun-

profundum, callosum, & crassum, & album, quoniã particula periit, angustũ: nam cũ latũ fuerit, Chironium vlcus appellatur. Et à loco; intimi enim difficilioris cognitionis & sanationis, tum ob id, tum quia manũs admoovere non licet: idẽ oris extrema, ani media, velut & gutturis. Velut ergo fistula interioribus partibus enecat, & intra annum: in ano quia media est, lethalis est & ipsa nisi sanetur, dicit Hippocrates *lib. de fistul.* sed durat ad aliquot annos: de interiore, non propinquã intelligitur: fœda in ore, turpis in lachrymali, incommoda sub alã ac in brachio & aure, persæpe ad longam comitantur senectutem. Quæ autem sunt in pectore & ventre, & intus penetrant, sunt mediæ, vt quæ in ano.

C A P V T II.

De causis morborum.

CAusæ verò apud Medicos duæ sunt, efficientes & materiariæ: nam finem non habent morbi, vt qui casu fiant, & sint tantũ impedimenta quædam; neque formam, cũ ipse morbus formæ cuiusdam imaginem gerat, formæ autem par non est formam esse. Efficientium aliæ quidem interiores, aliæ externæ aut procatarcticæ, velut insolatio, exercitatio, tristitia, vigilia. Hæc enim exteriora dicuntur, non quia in nobis non sint, sed quoniam originem habent ab exteriori causâ aliâ. Ergo vigilia facta ob amicum ægrotantem, procatarctica causa dicetur: spontanea inter internas numerabitur. Internæ autem causæ sunt, môtus, flatus, quæ sæpe coniunguntur, & humores vt intemperiem

generant; nam vt ipsi patiuntur & putrescunt, sunt causæ materiariæ, aut vt tumorem efficiunt: sed vt diuidunt continuum, sunt causæ efficientes. Præcipuè autem quæ continuum diuidunt, & magnos morbos faciunt, sunt qualitates actiuæ; siccitas etiam vehementer corrumpit per se, tamen non efficit graues dolores. Qualitates autem singulæ bifariam nos afficiunt; actu, vt ignis; potestate, vt euphorbium. Causæ autem materiariæ sunt trium generum; aut materia naturalis præter naturam se habens, vt sanguis vel bilis immodica vel corrupta: vel præter naturam, vt cibus, fex quæ morbum creant: vel prorsus contra naturam, vt vermis, arena, lapis. Sed causis omnibus contingit interinis, vt sint primæ, vel secundæ, aut tertiæ, & ita deinceps. Quæ verò producuntur, vt si intemperies in iecore generet bilem, & bilis vomitum, erit intemperies causa & morbus: morbus, vt generat aliud loco rei naturalis, & ita corrumpit operationem; & causa, vt ipsa generat vomitûs causam, vtpote morsum aut intemperiem: hæc enim sunt morbi, quorum symptoma est vomitus; & intemperies genita ex cibo corrupto & à causâ externâ dum fit: dum autem confirmata est, dicetur esse facta, non fieri à causâ externâ, & non habebit causam præsentem, sed præteritam: & ob id causæ non dicuntur propriè, quibus amotis, non aufertur morbus: ea ergo caliditas non erit morbus, quia causâ præsentem caret. Igitur necesse est dicere, aliquem esse morbum qui sit idem cum causâ vitij operationis; & nō erit propriè causa, quia nullus postmodum est alius morbus quem generet; neque morbus, quia nullam habet causam, quâ ablatâ auferatur. Materiaria autem causa duplex est, antecedens, & coniuncta. Velut in phlegmone, materia quæ est in motu ipso, est causa antece

antecedens, & in tertianâ quæ concepit semina putredinis iam; non [MS. *nam*] omnis materia quæ biliosa est, aut quæ potest moueri; esset enim res infinita. Quæ autem iam est in phlegmone, est causa continens, & similiter quæ iam putrescit: nam humor, qui est in phlegmone, non est morbus, sed tumor qui fit ab humore, aut solutio continui, aut intemperies. Ergo est causa, & non antecedens, tum quia distinguuntur loco & cura: antecedenti enim debetur auersio; continenti autem coctio, eductio per locum ipsum, tum etiam quia efficit per se morbum. Idem dico de materiâ, quæ putrescit in tertianâ, est enim alia materia ab eâ quæ solum semina concepit. Ergo vel erit aliud genus causæ coniunctæ, vel morbus. Non morbus, quia primum esset morbus in re, quæ non est viua, & ideo non esset subiectum idem sanitatis & morbi; deinde esset morbus sine causâ præsentî, & ita sanari non posset: etsi enim putredo sit facta ob prohibitam transpirationem & obstructionem, vbi cesset obstructio & prohibita transpiratio, & putredo maneat, erit morbus ille sine causâ, & ita non poterit sanari. Demum si putredo in humore, erit morbus, intemperies in corde quid erit? Certum enim est eam esse verè morbû, & quæ vocatur febris: est enim contraria sanitati, & in eodem subiecto, & lædit operationes, scilicet coctionem, & habet causam, putredinem in humore. Motus ergo est vna ex causis efficientibus morbum, & si possit dici causa sine quâ non, est tamen causa manifestè, sed non prima, quia est alicuius motus, & illud quod mouetur, est causa; non enim est morbus, quia non est subiectum sanitatis. Diceretur tamen motus ob id causa, in luxatione & fracturâ, quia quod mouetur est membrum, & ideo subiectum sanitatis seu morbi. Lapis itidem est

causa efficiens morbi, qui est erosio in vesicâ : & difficultas inciendi est symptoma. Et morbi qui habent causas externas, sunt vehementiores, quia plus possunt duo quàm vnum; & qui non habent, diuturniores, quia ex longo errore licet occulto in ratione victus procedunt. Causarum etiam loco sunt, cuius pars & totum. Et ex propriis sudor capitis, vt in febribus longis, præcipue cum exponunt se frigori, ideò contingit conualescentibus, si in bichinium se transferant sub camino, & non siccetur caput.

C A P V T III.

De symptomatis.

Symptoma autem principaliter diuiditur *in libro de constitut. artis Medic. cap. 15.* in læsionem operationis, exiens mutatum, & qualitatem mutatam. Et si quis dicat quòd exiens mutatum, est operatio læsa, quia eam ostendit. Dico quòd non : nam exiens mutatum, licet ostendat & dependeat ex operatione læsâ, tamen non est illa, sed est quasi symptoma secundarium in comparatione ad læsionem operationis. Deinde dico quòd non semper exiens mutatum indicat operationem læsam, sed potest esse mutatum, vel ob retentionem diuturnam, vel membri corruptionem per quod transit, vel ob materiam quæ ei miscetur. Propterea symptoma notissimum est, causa morbi per se ignota, & morbus est in medio : nam morbi quidam notissimi sunt, velut febris & dolor ; quidam ignoti, vt obstructio & scirrhus in locis profundis. Cum autem omne symptoma sit præternaturam, læsio tamen operationum est principalis, & propter

propter quam Medicus solet aduocari , & idè ad morbum magis pertinet, & cum eo confunditur , sicut reliqua duo magis sunt è genere signorum quàm morborum. Ob id autem inuectum est symptomatis nomen , vt primùm læsionis operationis omnia genera amplecteretur. Nam ablata operatio prorsus non est læsio operationis , idè sub illà comprehendi non poterat. Secunda causa fuit , quoniam erant quædam quæ non erant læsiones operationum , & tamen indicabant de sui remotione , vt casus capillorum , & vitiligo , & maculæ in oculis , & huiusmodi: neque enim sunt simpliciter signa , quia signa non indicant de remotione sui. Sed & illud considerandum , an symptoma sit læsio operationis tantùm , an etiam necessarium sit , vt sit læsa facultas. Velut quis comedit glandes acerbæ , nec eas concoquit , an dicatur symptoma ? Dico quòd non , quia principium seu causa illius , non est contra naturam ; velut nec illius qui non potest tractare cibum manibus , quia virtus eas habet. Oportet ergo vt symptoma sit vel ob læsam facultatem , vel ob impeditam ex principio intrinseco ; appello autem intrinsecum , quicquid est in nobis , sed contra naturam. Vnde si cui obeat frater , & ob tristitiam non concoquat , non erit symptoma ; & si non concoquat ob duos asses amissos , alioqui naturâ spléndidus & liberalis , erit symptoma. Est autè plerisque symptomatibus quoddam proprium , scilicet ordo & circuitus manifestus , qui èò euidentior est in doloribus , quantò etiam illi sunt euidentiores inter symptomata. Sunt autem circuitûs hi quandoque manifesti , cùm causæ fuerint euidentes , stables , & simplices ; obscuri cùm obscuræ fuerint causæ , aut plures , aut non stables. Causæ ergo horum præcipue sunt quatuor:

à naturâ materiei morbi, vt in tertianâ & quartanâ, rigoris vel frigoris circuitus. Et à naturâ siderû, alij enim crescunt ascendente Sole, alij mouentur à Lunâ, & hi sunt secundùm maiorem parté, aliqui ab aliis erraticis, hoc rariùs contingit. Et à naturâ dierû iudicatoriorum. Demum à cibo & potu, vel quia comedit, vel quia abstinuit, vel dum concoquit, vel quia hoc vsus sit. Magna autem incommoda vinum afferre solet. Ita & ab aliis rebus non naturalibus, præsertim ab aëre seu ventis, & Venere. Sic & à somno & motu. Cùm ergo hi circuitûs sint à causâ præter naturam, quia sunt symptomatum, vel illa erit ex motibus manifestis siderum, vel occultâ illorum ad nostra corpora comparatione, vel ex materiâ morbi, vel superuenientibus, quæ sunt in aliquo genere sex rerum non naturalium. Et ideò si non fuerit ex errore; tum horarum diei, si ordinem seruat, tum temporis natura qualitatem humoris docet. Si autem horam certo tamen ordine commutat, ex astrorum circuitu contingit. Nam qui ex errore fit, ex narrationeprehenditur. Qui ex die decretorio aut iudicatio, obseruatio eorum.

C A P V T IV.

De signis tam demonstratiuis, quàm prognosticis.

Signorum verò ratio sumitur à morbo, velut caliditate, vt 6. *Epidem. partic. 1. text. 29.* Febres aliæ mordaces, aliæ siccæ; & hoc etiam ex ratione motuum earum, velut quæ paribus diebus exacerbantur, lethaliiores 1. *Epidem. partic. 2. text. 75.* Et quæ augentur semper, cum

cùm ab initio sint mites, vel contrà, 1. *Epidem. partic. 2. text. 10.* & ita de aliis. Vel à morbi causâ, *ut in aphor. 24. sect. 4. Difficultas intestinorum si ab atrâ bile incæperit, lethalis est.* Vel à symptomate, *ut* conuulsio, vel delirium, vel non posse deglutire, vel ab imbecillitate virium, *ut aphor. 66. 50. & 35. sect. 4.*

Et ideò signum differt à symptomate multis modis; primùm quia symptoma refertur ad causam, signum ad cognitionem: symptoma non sumitur à rebus secundùm naturam, nisi quis syncopen velit appellare symptoma; signa non minùs sumuntur à viribus, quàm à rebus præter naturam, *ut 49. aphor. sect. 4.* Symptoma præterea non sumitur ab essentiâ morbi; signum sumitur à morbi essentiâ, & illius magnitudine, imò est præcipuum. Signorum igitur duo genera, Demonstratiuum quod indicat rem esse, & Prognosticum, quod significat rem, *ut* ignota est infirmo & astantibus. Et hoc tetigit Hippocrates *in lib. prognost. text. 2.* cùm dixit: *Præsentiens enim & prædicens coram agro præterita, præsentia, & futura.* Liquet autem quòd omnia signa tam demonstratiua quàm prognostica sumuntur ab omni genere rerum præter naturam: sed prognostica etiam à rebus secundùm naturam, & *ut* dixi trium sunt generum; futuri quæ propriè prognostica dicuntur, quia illa quæ prædicuntur, humanâ prudentiâ sciri nequeunt, sed diuinationem sapiunt: non ita reliqua, nam præsentis & præteriti, non propriè talia appellantur. Conueniunt etiam in hoc quòd res ignotas docent, & quòd non indicant. Demonstratiua ergo significant absque tempore, magis tamen significant præsens; nam vrina rubra in tertianâ significat febrem per se, & magis quæ præfuit, quàm quòd sit; pleraque tamen sunt præsentium, & velut febris putridæ

putridæ vrina cruda, cùm iam febrem esse supponimus, tum verò cum contentis putridis. Horum igitur sunt pathognomica, quæ propriè significant morbum; & assidentia quæ morbi speciem; & significantia causam, quæ etiam significant morem; & temporaria, quæ docent coctionem vel cruditatem, & tempora morbi. Sunt etiam quidam morbi qui vix dignosci possunt per signa demonstratiua, velut nebula seu suffusio ab obstructione neruorum visûs, & vocatur à quibusdam gutta serena. Vnde dicebat Princeps 3. 3. *cap. 22.* de illis loquens: *Et fortasse non comprehenditur sapientiâ.* Et in hoc genere collocantur præcipuè, quæ à corruptione membri cùm putrescit, quæ ab abscessu in parte profundâ & doloris experte, & in initio, velut in peripneumoniâ. Licet enim tussis & difficultas spirandi sint signa pathognomica cum febre acutâ, persæpe tamen dignoscuntur vrinâ, cùm turbida fuerit. Etenim talis vrina, quam dicunt significare febrem pestilentem, & quam consequi solent maculæ illæ similes morsibus pulicum, significant phlegmonem in aliquâ parte, quæ latet Medicum, quia profunda est, & ægrum, quia in initio, & ipse est parum sanæ mentis. Et Medici curant has curâ febris pestilentis, & occidunt omnes, cùm cura sit omnino diuersa. Cùm ergo videris vrinam turbidam, spectâ an rubeat facies & deliret? Est in partibus capitis. An tussiat vel leuissimè? Est peripneumonia. An sit tumor, vel dolor, vel durities in ventre? Erit phlegmone in illo. Tertium genus est veneni temporanei, vt canis rabidi, & eius quo periire intra annum duo inclyti Medici Bononiæ, Ioan. Baptista Peregrinus, & Camillus Montagnana; prior in duobus annis, posterior in anno. In ambobus putruit pulmo: sed in Camillo euidentius, quòd esset iunior.

nior. In ambobus corruptum est iecur, sed in iuniore magis est denigratum, in seniore induruit. Vtrique iecur & pulmo adhæsit costis quasi glutine quodam. Et febris perpetua post sex menses, & tussis, & phthoë, & difficultas spirandi, sed maior in seniore; in iuniore vlcera faucium, febris quæ nocte inualefcebat: vigiliæ communes ambobus, & vt nullum proficeret auxilium, sæpius puto vtrique exhibitum: vterque ad summam deductus maciem & doloris expers. Vrinæ fatis multæ & variæ, aliæ bonæ, aliæ putridæ. Cibus auersabatur magis iunior. Primi generis cura constat euacuantibus validis, ligno Indo præcipuè, & victûs summâ tenuitate, tum metallis præparatis. Vltimi generis cura est per medicamentum nostrum ad pectem, sæpius repetitum: per ea quæ sanguinem ducunt, maximè helleborum, aloën, myrrham, ammoniacum, centaurium, sanguinem ne mittas, & vt in primo per metalla præparata: malum Medicum assiduè esitet. Et signa primi & vltimi sunt, coloris corruptio, est enim proprium; & extenuatio, id tamen abesse potest ab initio; & vigiliæ non tamen magnæ, sed nocte grauantur, quia pulmo afficitur. Et qui nocte meliùs se habet, timere non debet; & sitis exigua, & ventriculus in his non afficitur. Et ego vtebar rutâ assiduè custodiæ causâ. Signa prognostica sunt rursus quatuor generum: salutis aut mortis aut neutrius, vt claudicatio; longitudinis aut breuitatis; crisis, & futurorum symptomatum.

CAPUT V.

De curatione.

CURAM duplicem esse diximus, custodiam ad præcauendum, quæ fit per vsum eorundem auxiliorum, quæ adhibemus in curatione, sed leuiorem. Cumque vtraque rursus duplex sit, agendo & prohibendo quæ præstantior est, hanc Medici omittunt, quod vulgus nullius momenti eam esse credat: vnde tot pereunt, maximè quod & ob id plus agant quàm debeant. Cura igitur (maximè) quæ in actione consistit, in contrariis posita est. Sed quomodo fiat à nemine definitum est. Nam si dicamus quod fiat per contrarium, id est, tollendo morbum, istud licet sit verum, est indignum vetulâ quauis, nedum Hippocrate. Quis enim nescit quod sanatio lateralis morbi, est non laborare illo? Sed dubitatio est, an fiat per contrarium causæ, & hinc contingunt difficultates. Primum quia aliqui morbi, velut hæctica, carent causâ: quomodo ergo sanabuntur? Et si quis dicat quod erit per contraria opposita, utpote per infrigidantia & humectantia, quare dixit Hippocrates, quod *morbos qui ex repletione fiunt, euacuatio sanat*? Et mihi sanè videtur, quod intemperies vlla non sit morbus: quoniam est instrumentum, & ipsa non est in quo est anima, sed potius ex intemperie dissoluitur facultas, & dissolutio facultatis est morbus, & vitium functionis symptoma, & intemperies causa morbi. Et ita omnia conuenient; temperies enim & intemperies sunt causæ roboris & imbecillitatis membrorum, & alia sunt morbi vel sanitas. Quid enim aliud est sanitas, quàm robur membrorum? Quid morbus

bus quàm imbecillitas? Ergo cura est contrarium causæ vel morbi, vt hæcticæ. Sed cùm dicis, contrarium plenitudinis est inanitio, & est priuatio. Dico quòd est verum de propriè opposito & contrario quocunque causæ. Si habet verè contrarium, est per ambo opposita, velut si humor biliosus est causa erysipelatis, est per refrigerationem eius, vel per euacuationem, & magis per contrarium priuatiuum quàm verum, vt patet experimento & ratione. Sed dices, cùm indicatio prima sit de tollendo symptomatè, nam propter læsam operationem aduocatur Medicus, & non ob aliud: & sublato symptomate satisfactum esset ægro. Curatio autem ipsa semper fit per ablationem causæ, vt Galenus in libro de Optima seclâ ad Thrasyb. cap. 25. Igitur morbo nulla debetur intentio curandi. Respondeo quòd morbus indicat de curatione ob tres causas. Prima, cùm morbus fuerit vnus, & symptomata plura, vt in morbo comitali, casus, contorsio, & amissio sensûs & intellectûs possunt curari per vnum contrarium; & ita requiruntur tria aut quatuor, si quis vellet curare symptomata ipsa. Secunda, cùm vnum symptoma pendet ex pluribus morbis, vt mala coctio ventriculi ex intemperie frigidâ eius, ex defluxu pituitæ à cerebro, & ex superfluâ euacuatione sanguinis, tunc volendo curare malam coctionem, oporteret necessariò curare vnumquemque morbum, qui est causa symptomatis, aliter non posset plenè curari. Tertia est, quoniam cùm curatio fiat per contrarium, & morbus habeat plerumque contrarium, quia est res magis intima: symptomata verò habeant rarò contrarium, velut stridor dentium, tremor, dolor, & similia; idèd cogimur curare morbum, & non symptoma.

Et hæc est contemplatio generalis: iuxta quam, vt de

de secundo membro diuisionis ab initio propositæ agam, de quo dubium non est, morbos qui retunduntur, trifariam retundi, aut blandiente curâ, quam fucatam vocant, vt in carcinomate & graui albâ pituitâ, malisque habitibus perniciosis, sed quorum mors longè abest, aut dum causa manet, manet morbus, sed symptoma quiescit, vt seriùs redeant, mitiùsque infestent, quo in genere sunt comitiales morbi, podagra, & asthma periodicum, seu quod per circuitus redit: aut omnino morbus mitigatur, sed non sanatur aut transmutatur in mitiorem, velut torrida febris in tabem senij: aut vt in eodem statu permaneat nec augeatur. Qui tres fermè modi ei parti, quæ sanos confirmare docet, conueniunt. Aut enim conseruandi sunt eo in statu in quo sunt, velut adollescentes temperatæ naturæ; aut prohibendi ne in deterius prolabantur, vt senes optimi habitûs; aut aliquâ ex parte in statum meliorem reducendi, vt qui aliquâ malâ intemperie, seu totius seu partis præcipuè valde necessariæ laborant. Liquet igitur quòd totius Medicinæ partes erunt quinque. Prima quæ morituros prædicere docet. Secunda quæ sanos exquisitè conseruare. Tertia quæ custodire languentes modicè, & malâ cum temperie valentes. Quarta quæ reducere in meliorem statum seu languentes seu sanos præcipit. Quinta quæ curare ægrotantes. Manifestum est etiam quòd secunda, tertia, & quarta ex his quæ dictæ sunt, bifariam diuiduntur singulæ. Sed de primâ, in *Arte medendi parua nostra* dictum est plenè; de secundâ autem, & totâ ratione sanorum, in *quatuor libris de tuendâ sanitate à nobis descriptis*. Reliquum est igitur, vt de tribus vltimis, quantum ad ægros pertinet agamus, quamobrem omnes sub curationis nomine comprehendi poterunt,

id modò cogitantes, cùm dicimus, curationem triplicem esse, vnam quidem perfectam, quâ morbus omnino tollitur; aliam quæ reducere docet ad mitiorem, seu transmutando seu leniendo vim morbi, imò potius retundendo; tertiam, quæ dicitur custodia, cuius quadruplex est modus, aut cùm omnino est morbus lethalis fertur magnis incrementis ad finem, vt de carcinomate dixi; aut cùm prohibemus aduentum morbi, quantum per artem facere licet, in illis quorum causa viget in corpore, nec potest eradicari, vt in comitialibus & podagricis; aut cùm morbum haud lethalem, velut coxendicis dolorem, ne vlteriùs sæuiat, non solùm mitigamus, sed minorem reddimus, & vt commodiùs feratur, per vincula, puluinos, & cerata procuramus, qui modus & in ramice intestinali senum, quam excindere nolumus, in vsu est. Aut in morbo lethali quem curare non possumus, quique diuturnus est, eam adhibemus diligentiam, vt morbus is mortem non acceleret, nec incrementum accepisse videatur, velut in vesicæ lapide, alij in empyematis quadam specie, quos morbos cùm penè quadraginta annis protulissent, non vi illorum, sed ordinario quasi modo extremâ in senectute interiisse visi sint. Ergo cura generalis materiarij morbi, est causæ diminutio & coctio: & diminutio vel per se, vt inediâ vel frictione, vel per euacuationem. Sed inedia iuuat coctionem, licet non per se, & euacuatio impedit, sed magis per medicamentum. Et sectionis venæ locum habent cucurbitulæ cum incisione, & hirudines, cùm fluxerit multus sanguis & præcipuè crassus, aliter pertinent ad curam generalem. Sectio ergo venæ in initio adhibenda in acutis. Vbi iecur debile est valde, nunquam: vbi verò valde crassis humoribus in lentâ febre refer-

tum est & debile, postquam vrina fuerit facta crassa & rubra; aliter natura debilitata non concoquet humores, nec habebit quo nutriatur, nec ferre poterit in-
 ediam; in huiusmodi enim morbo, velut vrsi in speluncâ hyeme, iecur nutritur, & humores attenuantur, vt fluere possint. Cùm ergo dixit Hippocrates *mouendum esse ab initio*, intelligit medicamento. Secundus ergo modus curæ communis est in communibus præceptis. Velut & illud, an ab initio statuenda sit ratio victûs: idque verû est in acutis, veluti in itinere ad finem, nisi symptoma impediatur: cuius exemplo in diuturnis, in quibus materia diuersorum generum peccat, non solum ob tempora accessionum, vt totius morbi & symptomatum, sed etiam ob vires quæ modò succumbunt, modò exurgunt, & vt suscitetur appetitus ægri, cogimur exemplo nauigantium inter Syrtes, qui plumbo ad singula momenta explorant vadum, occasione
 vi. Cùmque in hoc etiam duo sint principales curandi modi, simplex & per epictasim, quia morbus non est à materiâ, erit sub tertio genere scilicet abscessuum; nam in morbis materiariis, vbi materia est omnino præter naturam, vt in ascite; aut vbi non adest febris; aut vbi maior est habenda ratio præparationis quàm coctionis; (id autem contingit, cùm materia est multa, aut frigida, lenta, crassa, & vires imbecilles; febris autem non vrget) epicrasi vtendum est; in aliis autem simplici curatione quæ fit per inediam. Asciticum ergo validis purgabis medicamentis, veluti radice cucumeris anguini, ebulo, sambuco, apio incotâ aquæ, tum catapotii aggregatiuis nutriemus, & iccori ceratum odoratum imponemus; quomodo etiam fertur Galenum curâsse suum senem.

Est etiam morbi genus medium inter illum qui curari

rari potest, & qui non: cuiusmodi est inflammatio pulmonis, aut dispositio ad tabem, in quâ color subflauus & ruber, macilentia, collum longum, spatulæ alatæ, pectus angustum, dolor spatulæ ac quasi humeri, qui accidit quod intersepiens membrana ei alligetur: quod si tussicula accedat, & color vitietur, iam incæpit. Huic nec medicamenta prosunt, nisi forsan centaurium minus addatur: oportet enim tenuissimæ esse substantiæ vt penetrent, & densæ vt vires maneant, quale forsan sal ammoniacum, & quod vocant belzoi, forsan & crocus. Eclegmata præterea etiam parum prosunt, vtpote quæ intra asperam arteriam contineantur, nec in profundum permeent. Non venæ sectio, cum ad cor illæ terminentur. In eodem genere sunt superficies exteriores membrorum plerumque interiorum, renum, vesicæ, ventriculi, pars cerebri basilaris, sed renum tamen magis, à sectione venæ iuuatur. Liquet ergo tales decoctis siccantibus, haud calefacientibus nutriri oportere, velut Chynæ. Et oleum chalcanthi admiscere centaurij decocto, forsan & ius cicerum, & purgare sanguinem, & cum in præcipiti salus sit, valido auxilio velut helleboro nigro, & lenticulæ vtriusque decoctum exhibere, & quæ Chironia vlcera sanare possunt, velut & quæ ad carcinomata adhibentur.

Sed reuertor ad curam generalem, in quâ explicanda est ratio victûs. Ratio ergo victûs in ægris generalis, cum vt viuens de cibo & potu indicet, ex tribus sumitur, ab eo quod est præter naturam, morbo, causâ, symptomate; ab eo quod secundum naturam, calore naturali, viribus, & consuetudine: ad hæc enim reducuntur omnia à re, & est quantitas, numerus, & qualitas. Ea quæ sunt secundum naturam, paruum exhibent

bent negotium, nam calor solùm de quantitate indicat. Vires de vino, & pinguibus, & numero cibationis. Consuetudo de quantitate similiter & numero. Vbi imbecillæ sint vires, ter in die cibare sufficiat, 7. *artis curandi, cap. 6. pag. 5.* Sed & de pinguibus, & reducuntur plerumque ad bessem aut semissem, ratione habitâ ad sanos, nisi obstent naturæ contraria, ideò etiam de quantitate & numero non est necesse verba facere, cùm sequamur eam rationem. Quoad qualitatem ergo attinet, septem sunt ordines. Carnes seu integræ seu contusæ, oua, carnea quæ sunt carnes glandosæ quadrupedum & auium, inde cerebra, pòst pisces marini vel nothi, leuis carnis, & extrema, vt pedes vitulorum & alæ, pòst iura consumpta, quæ vocat Galenus carnes colliquatas, inde fercula, pòst nihil dare, demum vinum. Dicemus de duobus extremis ac comparatione reliquorum. Carnes ergo difficilè concoquantur, & ita impediunt calorem naturalem à coctione materiæ, facile putrescunt, sicque transeunt in materiam coniunctam febrium. Præterea facilè ardent, & ita nocent ipsi morbo, multum nutriunt, & sic augent materiam antecedentem, & lentum exhibent alimentum, atque sic obstructions pariunt, quæ sunt causæ putredinis. Oua duobus primis incommodis carent, reliqua tria retinent. Carnea carent quatuor primis detrimentis, dummodo coctione ad summam mollitiem redigantur. Carnes in aquâ colliquatæ non nisi tertium detrimentum afferunt. Vinum autem materias crudas ad cerebrum & nervos defert, & inflammationes auget: ideò in morbis capitis, nervorum, & abscessibus, dum adhuc timor est de defluxu, magnas noxas affert. Morbi (vt res naturales de cibo & potu indicant, ita) præter naturam cùm sint, ex se prohibent omnes cibos.

bos. Distinguitur eorum consideratio tribus, licere an expedire? In declinatione vel accessione? Licere nihil puto, quod non expediat; attamen in gratiam ægrorum, nihil est quod magis corrumpat Medicinam. Expedit quodcunque melius est, computatis morbo & reliquis viribus, ventriculi firmitate, ægri voluntate: tunc si iracundus sit, parum indulge, protestatione præmissâ melius consultum fore si non transgrederetur, qui si sit potens, abdica te. In aliis caue ne periculo exponas. In declinatione augeas ad sequentem, ordinem quantitatemque. Morborum autem genera octo. Peracuti, in quibus virtus fert in ediam, de quibus non dubitandum est, unde sumpta ratio tridui. Acuta febris & abscessus in membris naturalibus, ex quo acuta febris: & abscessus alius similiter, sed non in ventriculo vel iecore, ut phrénitis & morbus lateralis. Manifestum est autem quod si ad acutam febrem sequatur abscessus, tunc erit compositus, & febris dissoluens, veluti pestilens & colliquans. In abscessu membrorum naturalium nihil dare præstat; si cogimur, cremorem ptisanæ ex aquâ. *Vide 12. Contin. 36. curam.* In febribus acutis simpliciter, declarat Hippocrates quæ sint, id est, quæ ad vigesimam diem terminantur, (nam ad quadragesimum morbi acuti non febres, & quoad signa) ptisana attenuando statum versus. In aliis abscessibus nutries, ut in febre acutâ, nisi de suffocatione periclitetur æger. Sed in dissoluentibus, ad carnea & densiora transibis, ut alicam & oryzam quàm diu coctam, nec multam, & chondrum, omnia ex iure. Sexto loco sunt morbi sine febre, quibus paucae carnes assæ conueniunt, post sunt intermittentes, in quibus si longum sit interuallum, nutrire licet. Atque hæc omnia ab omnibus Medicis qui carnifices non sunt, conceduntur.


duntur. In octauo est difficultas ; complectitur autem quatuor capita , lentas & longas febres sine abscessu viscerum , & cum abscessu eorum , & factas lentas ex transmutatione ex acutis , & continuatas ex intermit- tentibus. In omnibus his tutius consilium esset absti- nere à pinguibus omnibus : liceret tamen, si vires non ferant, ex iure dare panem lotum, non ptisanam. Atque aqua semper est tutior, nisi in lapsu vitalis functionis, & nullo alio. Fit autem aqua cum saccharo , & cassiâ ligneâ odoratâ, & rebus suauibus aliis. Et quicumque vberiore victu sanabitur , hoc ipso etiam sanabitur, quoniam bis in die talia assumentis sufficient vires etiam in multos annos. Poterit tamen periculosè cum carneis etiam sanari. Sed carnes vel carnes concedere, omnino alienum est à ratione , & cum incremento morbi. Memento autem moderatè, non multum cibos mutare, vt neque putredini, neque lentori sint expositi, & vt sint admodum cocti , & in multâ aquâ : vt non desit aliquid necessarium , non vt abundes in non ne- cessariis. Vino nullus locus tutus. Sed quandoque consuetudo in ventriculi morbis efficit necessarium. Omnium autem morborum duo sunt extrema ; ad inediam , violentum , vt fractura & vulnus ; ad nutritionem hectica, veneni natura , sanguis fluens non astringendus. Reliqua ad mulieres & calum- niatores.

Sequitur contemplatio communis generalis etiam curæ, tum specialis : sed generalis cura dicitur quæ fit morbi eius vt sub genere continetur, velut lateralis morbi, vt communis est ei qui fit ex abscessibus in pleurâ, septo transuerso, musculis, pericardio, interse- piente membranâ , quam semper noscere oportet, cum sæpe accidat , vt speciem morbi ignoremus.

Ad

Ad eos autem qui specialem curam aggrediuntur, meminisse oportet eius quod dicebat Scribonius Largus de Asclepiade. *Is enim iactabat non esse Medicum, qui non ad singulos morbos duo aut tria auxilia haberet collaudata ab antiquis, quibus sua experimenta etiam adijceret, illaque per similitudinem amplificaret, non coactus experimento probare.* Pro venæ igitur sectione in phlegmonibus, cum sit quadruplex; totius corporis euacuatio, & hæc debet fieri à parte longinquiore à loco læso, ut partes illi circumuicinæ exinaniantur, & conuenit in principio, & maximè cum morbus moram fert. Vnde in inflammatione iecoris, aut lateris dextri, aut mammillæ, fiet ex pede sinistro. Pòst conuenit reuulsio, aut si corpus non sit plenum, & sit secundum differentiam oppositam. Est autem quadruplex; dextrum sinistrum, & est maxima; sursum deorsum; pòst antè retro; intus extrà, ut in libro de Reuuls. In hac considerantur communicatio venarum, & directio quam vocant *αγτ' ἰζιγ*, aut utrumque. Et nec illà solà utimur, nisi cum morbus moram patitur, & est propriè utilis secundum latus, ut ex crure in crus, aut medio iecore, ut in mensibus ex brachio, & communicatio directionem præsupponit, non directio communicationem. At si media sit caua vena, parua fit reuulsio, ut à brachio ad brachium; nulla, si cor. Vnde in peripneumoniâ neque reuulsio fit, nec deriuatio, sed si quid prodest euacuatio totius bona est. Liquet autem quòd reuulsiones quæ fiunt ab humerariâ, ut in doloribus & inflammationibus quibuscunque partium capitis, possunt etiam fieri à nigrâ, & iecorariâ, modò eiusdem lateris: sed in ictibus propter dolorem vehementem & concussionem, vel à toto, vel à brachio saltem contrario, si morbus moram patiatur;

1. 1. Iecur.
2. Cor.
3. 3. Vena caua truncus ascendens.
4. Vena caua truncus descendens.
5. Inguularis interna.



6. Inguularis externa.
7. Humeralis.
8. Iecoraria.
9. Nigra.

secus ab eodem latere. Pessimum autem reuulsionis genus est, quod fit ad partem, inter quam & iecur est membrum læsum. Deriuatio debetur, cum partes circumuicinæ iam plenæ sunt, non tamén materia fluit. Sed si fluat adhuc, deriuatio cum reuulsione. Euacuatio autem ex loco læso nunquam fit per venæ sectionem. Igitur sunt tantum tres modi simplices, & quatuor compositi. Et hæc præter indicia quætitatis, quæ sumuntur à morbi magnitudine, habitu, temperaturâ, sexu, ætate, & tempore. Est etiâ habenda ratio temporis morbi; nam sectio venæ cõuenit maximè principio,

cipio, minùs incremento, nequaquam aliis, morbi ratione : nam in vigore symptomata sæuiunt, materia mutata, & ne opus naturæ impediamus. Et si à coniunctâ educere propositum sit, ea autem non adfit, ex utrâque momento solùm interiecto mittemus sanguinem, vt ego in Ioan. Ambrosio Vignano, cùm laboraret tertianâ nothâ extensâ, cum calore maximo extremorum, & dolore capitis; & fuit sanguis iecorariæ putridus & obscurus, & nigrior. In morbo quoque laterali iuuat sæpius ex Tralliano *lib. 6. cap. 1.* cucurbitula exterius apposita, quoniam reuellitur extrâ saluis viribus, quibus valde opus est non solùm ad coctionem, sed ad excreationem. Debet autem profundè incidi, atque ita sectione venæ, si corpus plenum non est, opus non erit.



PARS SECVNDA.

De institutione generali.

P R O O E M I V M.



T institutio generalis morbi, est eius quatenus communi contemplationi subiicitur, sed differt ab aliis morbis, genere, specie, magnitudine, & huiusmodi conditionibus; tum etiam vt illi conuenit cura morborum, quæ tamen potiùs ad specialem pertinet tractationem. Sed hoc agimus, vt genus curandi ostendamus, quod cùm omnibus com-

F 5 mune

mune esset, nec tamen ita commune, ut singulis non conueniret, meritò in hanc secundam partem redactum est. Sed primùm genera in species diuidemus, naturæ considerationem in septem capita, temperamentum naturale, & compositionem tam totius quàm membri præcipuè patientis, & habitum acquisitum, deinde ætatem, & consuetudinem, & munus, tum tempus anni, post proprietatem, nomen, & morbum, & reliqua usque ad curam ex generali habebis. Custodiam autem per communia auxilia, per ea quæ curare possunt, per ea quæ confirmant membrum, & per ea quæ à proprietate prohibent. Curationem autem diuidemus in tria genera; communem, quæ fit per purgationem, venæsectionem, & victûs rationem; & generalem, naturæ morbi conuenientem, & hæc est quadruplex: per communia, ut huic generi morbi conueniunt, hæc enim conueniunt, ut dixi, tanquam contrarium causæ inducentiæ; & per generalia quæ sunt contraria per se, aut præcipuè, ut auertere, deriuare, dolorem lenire, calida frigidis opponere, concoquere, resolvere; per propria quæ illi membro conueniunt, & idèò utilia omnibus speciebus illius morbi; demum cura specialis illius morbi, sed generaliter tradita, velut lateralis morbi per omnia quæ conueniunt morbo laterali. Et specialem, quæ nouem continet capita, scilicet, curam communem illius speciei comparatam ad ætatem, temperaturam, sub quâ sexus comprehenditur, consuetudinem, & reliqua: vnâ per tempora morbi & anni distinctam; curam symptomatum præsentium; medicamentorum simplicium electionem, ut mel potius quàm saccharum, & Hispanicum quàm Italicum, & mensuram compositorum, & rationem curæ anormis. [MS. *enormis*.] Cura specialis morbi, & quæ

quæ à proprietate illi conueniunt. (Sunt autem alia ab his, quæ à proprietate prohibent Chirurgicâ:) demum sanatio symptomatum derelictorum. Cum ergo iam fuerint nomina ab initio considerata, ut antea dictum est, & primum ex illis in septem capita diuidatur, octauum in quatuor, nonum in nouem, fiet vniuersalis contemplationum numerus, circa quæ principaliter scilicet versatur, & de quo in speciali tractatione agatur, viginti sex; nam tractatio de signis demonstratiuis specialis, miscetur aliis membris, atque ideò colliquefcit, ut sint tantum, ut dixi, viginti sex capita. Omitto modò diuisionem morborum, & huiusmodi, nam illa non vni competere solent; & causarum & symptomatum, ut confusam magis; quæ tamen ad arbitrium addi possunt, necnon signa tria & tria, quæ iungere liceret. Sed non ad curationem adeò hæc faciunt, ut illi inferantur: nam si quis bene respiciat, membra solum amplexi sumus, quæ proxima sunt & adhærent curationi: velut causæ, & morbi, & signa, proxima sunt curationi per se; species autem causarum & morborum vel signorum, non ita: sic & curationis modi, & res naturales indicant modum curationis.

Primum igitur scire decet, quod à multis quæsitum est, an curari debeant, & an validis medicamentis morbi non magni, qualis hic propositus est. Morituri sanè magnis auxiliis curandi non sunt, ne remedia infamentur, 11. *meth. cap. 9.* imò & Medici. Vbi tamen periculum magnum adsit, nec vlla alia salutis spes, prædictione proposita, ne vehementia morbi nostro ascribatur errori, melius est agentes aliquid (*inquit cap. 6. & 10. eiusd. lib.*) periclitari, quàm ægrum absque spe relinquere. Itaque strenuis auxiliis uti licebit. Sunt autem

autem sectio venæ, medicamentum, frigida tum intus tum extrâ, castoréum, sinapis, ignis, præcisio partis, aquæ thermarum, vinum viperæ, & huiusmodi. At cum auxilium non proprium est, si adhibueris etiam in morituro, quicquid superest spei tolles. Si nullam fuisse dicis, cur adhibuisti, cum sit contra præcepta Doctorum? Itaque id nihil aliud est, quàm quod non existimantes esse præcognitionem horum, tentant, sperantes gloriam eruditorum subripere eâ arte posse. Itaque cum his ob varios dolos melius est non prædicere: nam & sanandos occidere per astantes possunt, & in morituris auxilia tentant, nil veriti leges, cum contra leges agant, qui clam aut per ministrum mutant præcepta. Si perit, diffamat periisse obtemperando tuis consiliis. Si seruetur, vnde summam sperabas gloriam, dedecus inuenis maximum: nam per astantes & coniunctos ægri, ostendit vinum pro aquâ, carnes pro ptisanâ exhibuisse. Cautè igitur agendum est cum his, nec nisi in curatione Principum, ubi intelligant de proprio capite agi: aliter non recipere nisi derelictum. Quinam ergo sunt morituri, quos curare non oportet? an qui sine spe prorsus? at hoc nouit vulgus: an quibus omnia sunt signa lethalia? at quis est eiusmodi? an in quibus morbus superat vires? at quomodo hoc dignosces, præsertim cum accessiones vicissim & remissiones iudicium turbârint, & in talibus iubeat experiri Galenus auxilia? Sed in exacerbationibus sufficit tantisper retrahere & occurrere, & quandoque cibum dare, si vires deficient. Ergo per morituros intellige consensum victarum facultatum, sed multo antè cum signis lethalibus à compositione sumptis. Denique melius est ab arte abstinere, quàm cum improbis versari sociis, cum quibus vel animæ salus, aut gloria

gloria periclitanda est, vel in summâ anxietate viuendum.

C A P V T I.

De consideratione natura.

IVxta hoc igitur considerabimus temperaturam Iecoris præcipuè, inde compositionem & naturalem, & acquisitam, & eam quæ præter naturam est: cùm enim corporis totius ratio ad cognitionem causarum cuiuslibet morbi necessaria sit, & cura ad curam: iecur autem ob functionem principaliter, quâ morbi sanantur; pòst etiam propter venas, in quibus alimentum toti corpori subministratur, vicem totius operis gerat; ob id iecoris habitus diligenter considerandus est, & per signa à Galeno prodita, & per tactum, primò extensis pedibus rectè, inde contractis, vt iubet Halyabbas. Sed longè certiùs & plura ex inuento nostro, si pronus decumbat æger sinuatus in arcum, capite scilicet in puluinar infixo, tum contracto spiritu, sic enim & durities, & pondus, & iecoris habitus manifestè & vt à musculis differt, distinguitur & innotescit. Sed & ventriculi, & pulmonis, propter halitus, tum etiam cordis, sed omnium maximè cerebri, à quo solet descendere materia: & quoniam gingiua & dens sunt capitis partes, & ita omnium quæ habent consensum cum illo, sed præcipuè ipsius partis patientis, & est gingiua, & dens, & iuxta modum quo afficitur, vtpote hîc in compositione maximè. Et si morbus sit in temperie, temperiem ipsam & partes illi

illi aut illis coniunctas, vt dentes proximos, ossa mandibulæ, tum carnes glandosas loco gargareonis. Ergo ex illis septem quæ considerantur, non omnia in omnibus, sed in toto omnia. In parte autem parum anni tempus & proprietatē considerabimus; quinque prima oportebit considerare maximè ob compositionem. Et similiter si pars illa quæ laborat, non fuerit principalis in vitâ. Appello principales, non solùm cor, iecur, & cerebrum, sed & ventriculum & pulmones. Vel media, quæ sunt vterus, genitalia, renes, vesica, & intestina; tunc etiam licebit prætermittere temperaturam acquisitam, non tamen compositionem & consuetudinem. Quatuor ergo firma manent in morbis in compositione, scilicet naturalis status, compositio acquisita, ætas, & munus. Collocabimus autem ea per ordinem in tabulâ hoc modo:

Naturalis dispositio totius & partis: Acquisita in toto & in parte iuxta rationem morbi.

Ætas in toto & parte, qua per ætatem valde mutatur, ut dentes, oculi, & aures.

Consuetudo in toto.

Munus in toto & parte.

Anni tempus in toto.

Proprietas in toto, & si adsit in parte illâ.

Et non solùm hæc simpliciter, sed sub mensurâ; in his tamen ubi est magnus excessus vel defectus: & sub naturali dispositione sexus continetur; sicut sub consuetudine, & habitu acquisito, educatio; & sub munere ars. Atque ita omnia comparare inuicem, vt certa mensura patiendi & agendi habeatur, non solùm in calefaciendo & refrigerando, sed in victus ratione exquisitâ, & medicamentis, & sectione venæ: quæ omnia sumuntur

sumuntur quoad tolerantiam ex naturali statu, & consequentibus. Et in naturali statu ac acquisitō, considerabimus temperiem, constructionem, & substantiæ qualitatem, scilicet an sit tenuis vel crassa, densa vel rara. Sunt enim necessariò tres differentiæ, à temperie, à substantiâ, & à formâ, sub quâ etiam partium coniunctio habetur.

CAPUT II.

De nomine morbi, & de morbo ipso.

Circa nomen, quædam sumuntur à parte, ut hîc parulis à gingivæ nomine; quædam à similitudine, ut ficus; quædam ab effectu, velut phthoë à *phthine* quæ est diminutio seu macies; quædam à symptomate, ut convulsio; quædam à proprietate, ut herpes quia serpit, & phagedæna quia exedit; aliquando à causâ, ut melancholia; quandoque à quadam imagine similitudinis, ut polypus & elephas; quandoque à materiâ contentâ, ut atheroma & melicerides; nonnunquam ab imitatione, ut alopecia; & quandoque à figurâ solâ, ut ophiasis; aliquando ab effectûs similitudine, ut febris ardens, & fames canina. Est cum nomen est commune, ut vlcus, vulnus, abscessus, & adiiciemus nomen particulæ. Est à nomine patientis, ut Chironium vlcus. Est ab effectu proprio, ut callosum vlcus. Est quod proprium habet nomen, & quod à Medico sortitum est, qui eiusmodi morbum inuenit aut curavit. Est denique quod à morbo alio per compositionem aut comparisonem, nomen traxit, ut hemicrania, hemiplexia, hemitritæus. *Vide 2. meth. cap. 2.*

Quòd

Quod ad morborum essentiam attinet, duo cognoscere oportet, partem affectā, & læsionem operationis: nā læsio operationis multis mēbris læsis accidere potest; vt contrario modo, læso mēbro vno plures possunt lædi operationes, & similiter pars membri, vt in cerebro membranæ, vel substantia, vel ventriculi: & in pectore pleura, capsula cordis seu pericardium, septum transuersum, & membranæ intersepientes, ac musculi: tum materiam, consensum, tempora morbi, comparisonem ad reliqua. Principalis autem diuisio est in morbum per essentiam, vt syncope ob febrem; vel ob consensum simplicem, vt ob os ventriculi affectum; vel ob consensum cum materiā, vt cū bilis à iecore transfertur ad cor, & vocatur morbus secundarius. Differentia autem primarij morbi à secundario, est quòd primarius est secundario coniunctus, atque ideò seu materiarius sit, seu alius, est perpetuus, modò sit in temperaturā, & hoc voluit Galenus 2. *de locis affect. cap. 9. in fine, & tertio eiusdem, cap. 5.* Sed in compositione non est necessarium, vt sit symptoma perpetuum, quia non est eadem ratio totius & partis. Ideò dolor si sit symptoma, erit perpetuus; casus in comitiali cū sequatur ad repletionem ventriculorum cerebri, non erit continuus. Contrariā ratione, sed simili dicemus, quòd morbus per consensum, vbi defluxio sit perpetua, poterit habere symptoma perpetuum, vt languor ventriculi, ob descensum pituitæ à cerebro. Dicemus autem de hoc vberiùs in exemplo translationis. Differentiæ autem morborum sumuntur ex septem præcipuè, ab essentiā, vt calor acris aut mordax, magnus aut paruus; à causis etiam non solum iuxta magnitudinem, sed essentiam: causa enim poterit esse leuis, & tamen comparisonem ad morbum

morbum erit grauis; & etiam propter curam per se, vel per consensum; cum materiâ vel sine, continuus vel intermittens, per circuitus aut casu, & iuxta tempora morbi, & iuxta genus, Epidemius, Endemius, Sporades. Et morbus à læsâ facultate est triplex, intemperatum, in coniunctione vt vulnus, laxitas, & in compositione, vt turbidus crystalloides.

CAPUT III.

De causis morborum, eorûque symptomatis.

CAUSÆ aliæ conueniunt omnibus morbis, aliæ quibusdam solum: nam causa materiaria est propria, vt dixi, in membro quod suscipit. Aliud est ergo dicere, causam materiale morbi, aliud, morbum esse cum materiâ; nam materia non est causa materiaria, sed efficiens morbi. Causa ergo materiaria deesse non potest, materia deesse potest. Causæ procatarcticæ seu externæ possunt efficere morbum, vt ephemeram & capitis dolorem; aliquos efficere nequeunt, vt abscessum, aut febrem putridam; efficiunt tamen frequentius per accidens, quàm [fortè leg. per] eos morbos quos per se generant, velut ephemeram ex quâ putrida, & motum humorum ex quo abscessus. Morbi autem omnes fieri possunt absque externâ causâ, & fiunt præter eos qui sunt in genere coniunctionis & diuisionis, vt vlcus, luxatio, & fractura, quanquam & ista fiunt aliquando sine his, à statu maximè, sed est rarum. Morbi ergo possunt fieri sine causis externis & plerique; sine internis, vix vllus, nisi quinque hi dicti. In abscessu est materia multiplex, aut vnus ex quatuor humoribus,

G

aut

ut ab oppressione distinguitur : in oppressione est diuersitas ratione partium & temporis, & est profundus pulsus, sed non cedit tactui ; in resolutione est superficialius, & cedit, & æqualis in vtraque parte, & perseverat. Reliqua faciunt ad longitudinem morbi, non ad interitum. Causæ communes sanationis aut mortis sunt robur virium, & commodum corporis, & auxilia externa; ex opposito sunt magnitudo morbi, causarum, & symptomatum. Causa longitudinis morbi est parua proportio horum ad illa, vel illorum ad hæc, iuxta naturam loci, velut si robustæ sint vires, & materia sit in liene vel articulis, vbi proportio virium loci ad materiam parua sit, morbus erit longus ; & similiter si carcinoma magnum sit in pede, & proportio morbi, causarum, & symptomatum ad vires parua sit ratione loci, tunc morbus erit longus : sed si proportio materiæ ad vires in loco in quo est, non sit magna, tamen morbus erit brevis, quoniam erit proportio sine impedimento. Causæ ergo longitudinis morborum sunt auxilia magna opposita parti superiori, ut si vires sint longè potentiores morbo, quæ tamen impediunt, fuerint potentia, non poterit sanari breui propter impedimentum, nec mori breui, quia morbus est longè minor viribus. Quæ ergo sunt media, sunt multitudo & frigiditas materiæ, & lentor, & meatuum strictura, & tempus anni frigidum, vigiliæ, curæ, cibus copiosus, abscessus durus in visceribus : & ita vim morbi impedit locus distans, & multitudo boni sanguinis, etiam quod vires sint debiles, & cordis robur, & aëris temperies, & extinguentia putredinem. At in abscessibus partium & defluxionibus ad partes, morbus longus & difficilis fit, ob loci frigiditatem, ob motum, ob defluxum materiæ secundum naturam, & diuturnitatem,

&c

& generaliter causæ longitudinis sunt , vt non possit sanari morbus, aut difficulter , & causæ horum sunt septem: essentia morbi quinque modis, vt à siccitate, inde à frigiditate, vel ex his plures cum materiâ, & sine. Primarius magis quàm per consensum aut secundarius. In compositione , & maximè in raritate , & si plures morbi simul sint. Secunda est magnitudo eius. Tertia proprietas , vt cùm est morbus circularis per se , vel cum causâ, vel symptomate, vt vigilia & ascites, vel si morbi sint contrarij seu causæ aut symptomati, hoc tamen non est proprium , sed comparatum ad rationem curandi. Et modus, vt si materia sit in loco, vbi non sit exitus secundùm naturam , vt in aquâ intercute vtraque, vel angustus , vt in vlceribus pectoris. Quinta est causa morbi, materia crassa, multa, viscida, terrea, inde virium imbecillitas , seu generalis seu loci , sub quâ continetur diuturnitas affectûs , vlcera omnia quæ corrumpunt facultatem, etiam & casûs , vt aëris frigiditas, error in victu, ignorantia morbi, æger parum obsequens , ministri non boni , paupertas etiam in expeditione bellicâ, curæ, & multa alia. Cùmque morbus non est cum corruptione loci , neque per essentiam, habet necessariò circuitum; & idè dicitur brevis, etiamsi sit longus ratione materiæ. Carcinoma ergo est longum , quia facta est impressio in loco. Morbus autem per circuitum est, vt sit ex materiâ, & non genita per impressionem factam, vt est frigiditas manûs senis, sed velut frigiditas manûs in hyeme cùm est torpida, quæ non est fixa , & vt materia non fecerit impressionem in membro in quo est : & hic morbus per circuitum est oppositus circulari, qui est per se longus. Sunt etiam medij, vt vlcus in intestino , & frigiditas membri. Sed prognostica crisis non sunt , nisi in morbis ex

materia, & calidis, & vniuersalibus toti corpori, nec tamen in illis omnibus: sed oportet vt vires sint validæ. Si mediocriter fit crisis, plerumque mala; si multum, bona. Et quod materia sit mobilis, vnde in intermittentibus fiunt sæpe crises. Et quamuis non sit mobilis, vt tamen moueri possit, & vt parum resoluatur de eâ: nam hoc est certissimum signum, sicut cùm difflatur paulatim, quod etiam morbus debeat dissolui, & ad hoc iuuat caliditas temporis, & exemplum in aliis ægris, & consuetudo in ægotante: sed signa symptomatum, aut quod morbus morbo superueniet, sunt ex magnitudine morbi, & causarum, & symptomatum priorum: cum robore enim virium fiunt deliria, conuulsiones, vigiliæ, vomitûs, sudores, transformationes non valde deteriores, aut etiam in meliora, diarrhæa, dolores, rigores, iniques cum imbecillitate virium, horrores parui qui non recalescunt, syncope, deliquia animi, fastidium, retentio excrementorum, vel multa deiectio non alleviat ægrum, cataphora vtraque, & sensuum amissio, tum motûs grauitas, distortionem, & similia.

C A P V T V.

De curatione.

ANtequam verò ad curationis partem accedamus, quoniam multiplex est, præsupponere oportet, quod tam in custodiâ quàm curâ, sunt quinque auxiliorum genera, commune, generale, speciale, membro conferens, & quod à proprietate iuuat. Modi autem curandi quatuor, custodia communis, cura generalis
&

& propria : communia quidem singulis in vsum veniunt, velut vt præcaueamus morbum lateralem, mittemus sanguinem, sed minùs quàm in curâ. In communi curâ scimus quòd est necessaria. In generali, quòd ab eodem latere. In speciali, ad mutationem coloris vsque. Generalia in omnibus, præterquàm in custodiâ. In communi curâ, communibus tantùm vtimur auxiliis. Generali curæ omnia conueniunt, præterquàm quæ à proprietate conferunt. Specialis cura fit per communia genera auxiliorum, exceptis generalibus, & ita per quatuor.

De custodiâ quæ fit communibus auxiliis, in leuibus morbis sufficit ratio victûs : in vehementibus sectio venæ, cùm quantitas peccat ; purgatio cùm qualitas, apparétque vnus humor, & hoc præsupponunt ratione victûs. Per ea autem quæ morbo conferunt, quædam sunt propria morbo, quædam ad præcauendum, & hæc sunt meliora. Quæ autem roborant membrum, ad præcauendum meliora sunt quæ astringunt, quàm quæ à similitudine aut proprietate substantiæ : sunt enim trium generum, vt in ventriculo absinthium astringit ; ventriculi gallinarum similitudine ; iaspis viridis appensus & coraliū proprietate. Est & quartus modus eorum quæ affatim nutriunt, & bene membrum illud præcipuè velut lutea ouorum, & in hoc iuuat frictio, & exercitatio, & oleum de nuce myristicâ, est enim pingue, odoratum, & astringens. Et per ea quæ à proprietate prohibent illum morbum ex sympathiâ & antipathiâ.

Pro curâ verò communi, primùm non debemus adedò extenuare corpus propter ignobile membrum. Deinde debemus obseruare tempora initij & incrementi, quia auxilia debentur ab initio. Et deriuatio, cùm morbus

non admittit moram, debet præcedere auersionem: secus, ab auersione incipiendum est. Et sunt in eâ sex res non naturales, aër, cibus & potus, somnus & vigilia, animi accidentia, motus & quies, inanitio & repletio. Et cucurbitulæ in corporibus raris & tenuium humorum, gerunt vicem sectionis venæ; hircudines autem cum sanguis spontè non copiosus fluxerit. Et cura communis vel etiam generalis debet variari ratione patientis particulæ; ratione nobilitatis eius, & ob affectum, & tempus morbi, & causam, & symptomata, & diuturnitatem affectûs, tum ætatem, & reliqua. In curâ ergo per generalia auxilia, quæ principaliter sunt duo, euacuatio & reuulsio: euacuatio fit per sectionem venæ aut purgationem. Vbi igitur peccet multitudo aut prauitate, aut dolor sit magnus, aut morbus sit valde periculosus, tunc vacuatio necessaria est, aliter non. Et si materia est in venis, & sanguinea, vel æqualis, vel adsit metus febris, vel consuetudo sectionis venæ, tunc secare debemus venam è regione partis patientis, si corpus non est admodum plenum. Sin autem sit plenum valde, ex aduersâ parte primùm, inde ex eodem latere. Et hîc certè multa essent dicenda: nam vbi morbus haberet originem à percussione, debet fieri ex aduersâ parte; & si adsit repletio totius, ex communi venâ; & si non, ex propriâ. Quod si materia sit extra venas, aut sit humor valde inæqualis, si tenuis ac serosus, debet purgari, aut si sit assuetus purgationibus; & similiter si sit crassus, debet præparari, deinde euacuari. Idem faciendum vbi sit assuetus, & humores sint crassi.

Alter modus est diuersionis, & hic est duplex: à longè, & vocatur verè diuersio; & à propè, & dicitur deriuatio: & deriuatio fit secundùm rectum & propè: reuulsio

reuulsio autem secundum rectum sed procul ; & generaliter reuulsio fit septem instrumentis, sectione venæ, cucurbitulis incisis, hirudinibus, cucurbitulis siccis, frictionibus, vinculis, & escharoticis. Differt sectio venæ reuulsiva ab eâ quæ vacuat corpus, quoniam quæ reuellit, sæpius repetitur, & minus educit de sanguine, & eam solent præcedere frictiones, & quandoque vtimur pluribus ex his modis, cum vires sunt debiles, & morbus est magnus aut periculosus : & frictio in materiâ quæ mouetur, est vtilior vinculis & cucurbitulis siccis : & illa sunt vtiliora frictione, in materiâ quæ non mouetur multum : & cucurbitulæ siccæ plurimum valent in reuulsione vaporum, quia reuellunt & resoluunt : & escharotica optima sunt in materiebus serosis, & fontes in morbis iam confirmatis, quando materia est crassior. Et in eiusmodi oportet obseruare euentum, propter multa quæ contingunt ex proprietate hominum. Et fontes diuturnos, id est, qui manserint per annum, claudere est periculosum : & quibusdam quibus non sperabatur, fontes contulerunt ; aliis quibus sperabatur, nihil contulerunt : & fontes omnino debilitant membrum & vitam, propterea melius est confidere in euacuationibus, & rectâ victûs ratione, si fieri potest. Et fontes superficialij & escharotica parum aut nihil debilitant ; sed escharotica maiorem faciunt dolorem, & quanto dolor est maior, reuulsio etiam est maior : & vtilitas fontium est maxima in morbis iuncturarum, deinde in morbis capitis. Balneum quoque est ex his quæ euacuant & reuellunt ad cutim : sed reuulsio pleno adhuc corpore periculosa est, vnde prius educere oportet, vt *Galenus in lib. de reuuls. cap. 3. & Oribasius in 7. Collectan. cap. 15.* Auertere tamen materiam in membrum principale influentem,

& cùm vas disruptum est in membris respirationis, quavis vià licere puto : quamvis non sine discrimine.

Curæ autem quæ pertinent ad confirmantia membrum, opportuna sunt hîc, si vel principale fuerit, aut vsus eius necessarius, vt pes, dens, manus, & tum maxime cùm fuerit è fluxione, non ex intemperie ; nam in intemperie indigemus astringentibus, & contrariam inducentibus temperiem.

In curâ autem speciali generaliter tractatâ non ad sunt tempora morbi, neque anni, sed eâ vtimur ob copiam auxiliorum. Et non est necessaria, sed vbi vel specialis morbus ignotus est, aut non magni momenti : vt in phlegmone pedis sufficet curare ipsam, vt phlegmonen hanc, sed per generalia auxilia : non ita est in morbis ventriculi, pulmonis, multo minùs cerebri, & iecoris, & cordis.

In curatione autem per ea quæ à proprietate agunt, non adeò est fidendum, vt generalis rationis obliuiscaris : vt in lacte camelarum, quod referunt conferre hydropisi ; & vt quidam imperitus interfecit hydropicam aquâ lactis, in quâ erant decocta conferentia hydropisi. Et talibus non debemus vti, nisi cùm alia auxilia non profunt, aut cùm non impediunt. Et proprietas est maximè euidens in membris magni caloris, & quorum functio est necessaria multùm homini.

Quod ad curam symptomatum attinet, quidam morbi relinquunt magna symptomata, vt morbi cerebri & iecoris, & febres, quia sunt morbi totius : alij relinquunt imbecillitatem in membro, vbi est materia, alij vbi morbus, alij vbi symptoma, quidam in pluribus membris ex his. Et morbi pectoris relinquunt

quant dispositiones, per quas facile reuertuntur: vt phthisis, morbus lateralis. Et de causâ hîc non est dicendum. Et quanto causa validior fuit simpliciter, maiora relinquuntur symptomata; & quanto comparatione morbi maior est, tanto minora, si morbus æqualis sit. Et cura horum persæpe sumitur ex ratione modi: velut fami ingenti occurrimus dando cibum, antequam augeatur, & mandendo diu, & potu.



PARS TERTIA.

De speciali tractatione.

INTRODUCTIO.

DICTVM est quodd morbus in hoc ægro-
tante est Parulis, cum dentis luxatione
dolorosâ, & in corpore cacochymo me-
diocriter, satis tamen boni habitûs, ætate
nihilominùs senili, in tempore autumnii
temperaturæ frigidioris ac humidioris quàm par esset;
ided morbus ex sui essentiâ parvus est in genere, spe-
cie autem mediocris; calor loci exiguus, ob substan-
tiam carnis tenuem; calor senilis remissus, impurus,
& paucus secundùm omnes tres differentias, simul ta-
men magnus actu, quia particula illa incalescit à motu,
ab exhalatione ventriculi & pulmonis.

Propositum est ergo, quodd sit parulis exiguo cum
dolore dentis canini maxillæ dextræ superioris, &
quodd applicatum fuit oleum sulphuris, & non profuit.

Sed

Sed dens luxatus est, & in mandendo vehementer dolebat, adeò vt omnino excideret ab eâ operatione; & quòd maximè lædebat à frigidis actu & potetia, adeò vt etiam ab aëre & cubiculo: tandè omiſſis exterioribus auxiliis, gingiua exteriùs & interiùs intumuit cum dolore, & reliqua quæ continentur in casûs enarratione. Dico igitur, quòd quanquam gingiuarum vlcera & abscessûs possint pendere ex pluribus causis (omissâ externâ;) principaliter tamè reducuntur ad quatuor seu quinque. Prima est lien, de quo Hippocrates *in lib. de internis affect. Splen intumescit, & durus est, & dolores acres, & gingiua malè olent, & à dentibus discedunt, veniérque inflatur.* Quis dubitat, quin hoc proueniat ex corruptione totius corporis: idèd dicit, quòd *Color totius corporis mutatur ad punici mali corticem* ex pallore nigrescentem; nam cum lien sit refertus multis arteriis & calidus, sanguinem arterialem & vapores corruptos transmittit ad os, & corrumpit gingiuas, quoniâ cutis ibi est tenuissima, & quasi insensibilis, & caro fungosa. Idèd etiâ declaratur hoc ex 2. *Prædictionum ab Hippocr. cum dixit. Gingiua vitiata & ora graueolentia, quibus splenes sunt magni.* Secundum est cerebrum, quare dicebat Princeps 8. 3. c. 11. *Gingiua accidit apostemata causâ materiei descendētis ad ipsâ, secundum plurimum ex capite. Et quâdoque est propter communitem stomachi. Et quandoque accidit ei apostemata in initio hydropisis, & accidentium malitia formâ, propter illud quod ad eam eleuatur ex vaporibus corruptis.* Tertium ergo membrum videtur esse ventriculus, sed rarò meo iudicio facit abscessûs: abscessûs enim fiunt vel propter sanguinem, & ille venit ex iecore; vel propter spiritum sanguine mistum, seu sanguinem nigrum, & ille venit ex liene; vel propter pituitam, & illa venit ex cerebro: & unusquisque humor transit per loca propria, ex ie-

core per venas, ex cerebro per neruos, ex liene per arterias. Et ideò de capite dicebat in *Coacis prædictionibus*: *Capitis dolor moderatus cum siti cibum capiente, aut cum sudore non soluente febrem, alio non exturbatâ, abscessum in gingiuis aut circa aures significat.* De iecore autem, vt dixi, apparet in hydrope, ex dicto Principis. Quintum membrum est pulmo, sed est potiùs causa efficiens, sicut etiam dentes, quàm locus ex quo fluxio possit procedere. Dicebat Hippocrates in *Coacis prædictionibus*: *In habitibus tabescentes cum febre fluxiones ad gingiuas & dentes venientes, mala sunt.* Scilicet quia significant corruptionem pulmonis tantam esse, vt totius habitum, & vniuersum sanguinem infecerit, & propter hoc est malum, & valde. Vidi circa hoc, quod etiâ narraui in *Epidemijs nostris*, dum iuuenis essem, puerum annorum circiter octo filium Sacerdotis, in villâ quadam Saccensis oppidi regionis Venetæ, cui tabescenti aliquo modo, & cum febre non magnâ, acciderunt pustulæ plurimæ in gingiuis, & linguâ, & labiis, magnitudine lentis ferme omnes similes, nigræ sicut atramentum scriptorium, cum fœtore adedò intolerando oris, vt neque suorum quisquam ferre illum posset. Cúmque nunquam similem viderim, prædixi de morte, & mortuus est intra tertiam diem, intra septimâ à principio morbi, & credo quòd esset vitiatû iecur, ventriculus, & pulmo, ex causâ lienis omnino corrupti. Dentes auté plerumque sunt in causâ abscessuum gingiuarum, per accidens trahendo multam materiam ad locum, istud enim demonstratum est superiùs; nonnunquam materia expellitur ex dente vel neruo ad gingiuam; & sæpe accidit vt morbus sit in gingiuâ ipsâ, & neruus qui est in radice dentis, dolet ex huiusmodi compressione, & languês imaginatur, quòd sit dolor dentis, inde intumescit gingiua, & cessat dolor

omnis,

omnis, & Medici parum periti dicunt, quòd natura expulit materiam illam ex dente ad gingiuam, & non est verum, imò istud accidit rarò, cùm id quod dixi, frequenter contingat: certum est tamen quòd magnus est consensus inter dentes & gingiuas, etiam mutuus; vnde illud in *Coacis prædictionibus*: *dentis corruptio abscessum circa gingiuam factum soluit*, naturâ scilicet propellente materiam ex gingiuâ ad dentem. Tum verò illud manifestum est magis, cùm dens extrahitur, tunc enim liberantur perfectè. Vnde & *septimâ particulâ, sexti Epidemior. text. 20. Gingivarum ulcerationes dentes inuaserunt*, id est, tanta corruptio fuit in gingiuis, vt dentes etiam inuaserit. Hoc autem indicabat magnam corruptionem humorum in toto corpore, vt ibi docuimus. Quomodo autem cura non processerit, suo loco dicam. Nunc verò considerandum, quòd canini dentes, maximos inferunt dolores, & rariùs ægrotant quàm molares, & frequentiùs quàm anteriores; anteriores enim rarissimè ægrotant, molares frequentissimè, canini medio modo. Causa quòd anteriores rarissimè ægrotent multiplex est: primùm quòd ipsi pauci sunt, molares autem quàm plures; itaque facilius est & pronius, vt molares in sortem incidant, etiamsi circuitu res agatur, quàm anteriores, singulis etiam ad singulos comparatis, cùm anterioribus vna tantùm sit radix, maxillaribus duæ, saltem plerumque, tres aliquando, quatuor frequentiùs. Ergo eâdem ratione contingit vt inter multas vna ægrotet, quâ ægrotante ægrotat & dens totus, quàm vt quæ vnica tantùm est: ita enim & in sortibus videmus, facilius enim est, & frequentiùs contingit vni è pluribus, quàm vni soli, & vt fulmen occidat vnum è populo, quàm Calliam aut Socratem. Similiter eâdem ratione

ratione contingit, vt magis laboreet molaris, quoniam ob multiplices rationes partes diuisas habet, vt carnes ei vndique adhærere non possint; vnde morbi fiunt, tum quia dens non fouetur à calore gingiuæ, tum quia vacuum interpositum est. Accedit quòd eadem causâ radices anteriorum maiores sint, quia indiuisæ & magis densæ, quoniam propiùs accedunt ad solidi naturam; diuisio enim & diuulsio raritatis quædam species sunt: quocirca anteriores robustiores sunt, & minùs ægrotant, & minùs ab occurfantibus læduntur: quæ verò occurfant, etiam minùs lædunt, frigidus aër, frigidusque potus, tum mediocriter dura; quoniam his dentes anteriores assueuere, at illi non assueti plurimùm læduntur. Sed & dentes anteriores rarò fluxionibus sunt obnoxij; deriuatur enim materia plerumque per nares, quibus è directo subiiciuntur; at maxillares non ita: muniuit enim natura dentes anteriores tot modis, quòd omnium sint præstantissimi, primùm ad decorem, secundùm ad sermonem; sunt enim soli vel præcipui, causa elidendæ vocis dearticulatæ: tertium quòd comminuant cibos & præcidant: quartum quòd si quid malè oleat, intus arceant. Ergo canini quasi medij sunt inter molares & anteriores. Quatuor enim primis de causis similes sunt anterioribus: sunt enim tantùm quatuor, & singuli singulas habent radices, easque firmissimas, & anterioribus robustiores; adeò vt cùm quispiam tonsor violentiùs cuidam dolorem patienti, caninum, dentem erueret, palpebra oculi è regione positi, & os quod ei subiaceret, infra descenderint distortâ facie; magis etiam obuiant duris & frigidis quàm molares; non tamen sunt è regione narium, & ideò defluxionibus plus anterioribus tentantur. Vt verò anteriores

rariùs

rariùs tentantur morbis, ita faciliùs sanantur, quia robustiores, & rarò eroduntur. Pari ratione etiam celerius excidunt, quia vnicâ radice tantùm fulti sunt. Cur verò à frigidis magis lædantur, quàm à calidis dentes, & magis quàm caro, declarabat Philosophus *probl. 2. & 3. sect. 34. problem.* dicens quòd dens frigidus natura est, & quòd meatibus innititur exiguis, in quibus calor continetur, & ideo facile euertitur à frigidis. Verùm quod magis euertatur, causam docet, quoniam sapius doleat & vehementius, licet hoc non adeò euident sit; verùm exanguia vt nerui, dentes, & ossa, cùm sensu prædita fuerint, magis læduntur à frigidis, quoniam constriunguntur, atque ita vlcus efficiunt in parte contentâ exquisitoris sensûs. Galenus autem *quinto de compositione medicamentorum secundum locos, cap. 8.* dicit doluisse illi dentem, & substantiam eius, imò sensisse pulsationem, ita vt dens contraxerit abscessum, atque vtinam adiecisset, quomodo sanatus fuit, sed credo illum auulsiisse, puditque id dicere, ne quis obiiceret, quid cum tot tuis, tantisque auxiliis? nam si auxilio aliquo seruatus fuisset, adiecisset illud tanquam præcipuum & admirabile, cùm ibi loquatur de curâ. Sed vt ad rem redeam, abscessûs in gingiuâ contingunt ob dentem læsum multifariam. Primum si dens sit erosus, aut squammosus, aut pungat apice, aut cariosus sit; caries enim putredinem gignit, & putredo calorem, & calor trahit, atque hic modus est quadruplex, vt dictum est. Secundus est cùm dens est luxatus ex percussione vel morbo, vt in casu isto, & hic modus pendet à situ, sicut primus à figurâ. Tertius modus est per viam crisis, cùm materia dentis aut nerui affecti transmittitur ad gingiuam. Quartus est ratione doloris, qui fit vel ob luxationem, vt in casu isto; vel ob neruum, vel ob diuisionem
continui,

continui, vel ob inflammationem quæ trahit sanguinem vndequaque, sicut cucurbitula, sicut Galenus 7. *Aphorism. comment. 1.* Generales enim dolorum causæ sunt, vlcus, & est præcipua, frigiditas & caliditas magna cum exulcerat; satis est non efficere has qualitates dolorem, nisi sentiantur aut præoccupent, calor autem non nisi feruens. Abscessus autem qualitatem & vlcus complectitur: materia quoque noua dolorem efficit, indicio est quod à veteri, quantum vis magnus fuerit antea, si noua non affluat, sedatur aut saltem torpescit. Et laxitas, quæ etiam ex vlcere genere est. Sunt igitur sex, sed non solum reliquæ, verum etiam quædam ex his ad principaliores reducuntur. Quoniam Parulis est, vel custodiâ opus est ne adueniat, aut curatione in initio morbi, incremento, statu, declinatione, vt sint quinque modi. Horum quisque diuidetur; aut enim simplex erit Parulis, (omitto modò species, vt dixi, ex loco affecto, quod exiguum sit discrimen,) aut ex dente dolente non luxato, atque exeso; aut exeso & non luxato; aut luxato sed non exeso; aut luxato & exeso: vt sint quatuor modi, quos cum duxerimus in quinque priorum numerum, fient Parulidis viginti species magis propriæ. Harum rursus singulæ vel ex materiâ calidâ erunt, aut frigidâ: & si calida, aut biliosa, aut sanguinea; si frigida, pituitosa vel melancholica, vt sint iam LXXX. species valde propriæ. Vnaquæque autem harum in puero, vel iuvene, vel sene, & quod de puero, dico de muliere, & molli carne & humidâ; quod de iuvene, masculo, & siccâ ac durâ carne. Sed satis sint tres illæ priores differentiæ, quia vt dixi parua discrimina decet præterire, vt non tam superstitiosi Medici videamur quàm vtilis. De his enim dicebat Auenzoar: *Medici qui ultra quàm debent, solliciti*

H sunt

sunt in exiguis discriminibus auxiliorum, sophista sunt & interfectores agrorum, sicut CCXL. species ultimæ ac maximè propriæ Parulidum, quarum singulis sua adhibentur auxilia etiam propria materiâ, quantitate, qualitate, modoque applicandi, ac reliquis. Neque enim dubium est, quin alia debeantur seni, alia puero; & si commutatis rationibus utaris, quin magis obis quàm prois. Horum igitur causâ & multitudine præfidiorum, opus fuit cognitione causarum, temperiei, temporis morbi, ac cæterorum.

C A P V T I.

De temperaturâ agri.

IAm ergo specialiter tractationem exequamur: primum de temperaturâ agentes. Cùm igitur carnosus esset & glaber, dubium non est ad calidum & humidum totius temperamentum, quod ex iecore & corde constat, declinare. Quòd si ita est, vel cor & iecur calida & humida sunt modicè, vel alterum eorum: si frigidum sit vel siccum, tanto calidius vel humidius principium esse necesse est. At si iecur siccum esset, cor contrà operari, & totum corpus humidum reddere minimè posset, teste Galeno *in arte Medicâ, cap. 41*. Similiter etsi utrumque principium calidum esset, quantumvis etiam esset humidum, non posset totum corpus planè esse glabrum, neque si cor tanto calidius esset, ut iecoris frigiditatem superaret, fieri posset ut saltem circa ventriculi os, & in sinistro præcordio, vel modicè pilosus non esset. Quamobrem existimandum est, iecur esse solum calidum, ac non parum, tum verò humidum:

humidum : cor verò frigidum & humidum potius quàm siccum : sic enim multo humido abundante & calore iccoris superante , corpus carnosum necessariò efficitur , non tamen pilosum , propter duas causas , prima superante humido multum ; secunda , quia iccoris calor est tepidus , quantumvis multitudine excellat comparatione habitâ ad cordis calorem , qui quamvis exiguus sit , qualitate tamen feruidus est , vt clibani calori , sicut iccoris tepori iure merito comparetur *libro de format. fœtus, cap. 3.* An verò omnino cor sit humidum vel siccum , & in calido an temperatum , vel prorsus frigidum ; quæ duo solùm restant dubia in genere , vel etiamsi aliquis diligentius inspicere velit , & in specie quanta sit magnitudo qualitatis vtriusque , & in vtroque membro , oporteret vidisse venas , & pulsus tetigisse , & simul animaduertisse respirationem ; sed hæc mittamus. Tenuitas ossium cum reliquâ mediocritate bonum est signum , quod ad ingenium attinet , malum quod ad robur. Significat autem humidum non terreum , sed aqueum , vel aëreum , vel igneum : si igneum , erit biliosus , & iracundus , & macilentus ; at non est. Er si esset aqueum , esset similiter macilentus , aut nullo modo carnosus. Itaque necesse est vt sit aëreæ naturæ : tales autem neque robusti sunt , neque valde patientes laborum , sunt tamen magis patientes quàm robusti. Calor mistus ille si sit naturalis est bonus , vbi sit cum perfectâ mitione , id est , vt sit in vnaquaque parte illa mitione : sed si non sit naturalis , velut in diuersis partibus faciei , scilicet vt vna sit rubra , alia fusca , est valde malum signum , & significat corruptionem totius temperiei. Propriè autem color faciei & capilli significant supra temperiem cerebri , vt apparet apud Galenum *in libro artis Medica, cap. 14.*

Et hoc in casu oportet inspicere, non solum faciem, sed frontem, & ceruicem, & collum: si enim rubicundiora sint, & cum venis plenis, & turgeant, & capilli rubri, & similiter oculi cum venis plenis, omnia hæc incidunt, temperiem calidam & sanguine refertam ipsius cerebri. At verò si hæc in toto etiam apparuerint de calore, & cum capillis huiusmodi, significant supra totius temperiem, ut *ibidem* Galenus *cap. 8. & 51* docet. Paruitas autem oculorum, & qualitates animi, & mores, & somnus, omnia in idem concurrunt, scilicet ut sit bonæ substantiæ cerebri & tenuis, & calidæ & humidæ temperaturæ, nisi quod timor significat supra cordis frigiditatem, non cerebri, & concordat cum dictis. Sed promptitudo illa ad negotia prouenit ex caliditate cerebri, non cordis; & oculorum paruitas, quæ potius ostenderet contrarium: verum non sic est: nam nõ ex caliditate, vel frigiditate, nec aliâ qualitate, sed si paruitas oculorum est cum integritate operationum ipsius oculi, & bonâ formâ, & operationibus bonis cerebri, ostendit solum paucitatem materiæ oculi; etsi cum prauitate operationum vtriusque, imbecillitatem cerebri scilicet & oculorum. Sed si cum perfectione operationum cerebri, operationes oculorum essent malæ, adhuc non significatur imbecillitas ipsius cerebri. Vix autem fieri potest, ut cum paruitate oculorum & cerebri imbecillitate, adsit robur operationum oculi: quod si contingat, tunc necesse est dicere quod materia oculi fuit bona & pauca, licet cerebri fuerit mala. In his verò qui non procul vident, propè autem optimè & subtiliter, & vident in nocte satis bene, & habent operationes cerebri bonas, quorum est maxima copia: in illis cerebrum potest esse, & est perfectum, sed materia oculi nimis pauca & tenuis, &

spiritus

spiritus similiter tenuis, & hoc maximè, vbi ingenio valuerint. Et breuiter statuendum est, quèd significationes cerebri magis debent sumi ab operationibus oculorum & venis, quia dependent à cerebro, itè à formâ quàm à magnitudine, ita vt statuamus primum ordinem signorum cerebri, operationes sensuum omnium interiorum; inde tactum, & colorem, & capillos, & hoc quoad qualitates; tertio excrementa ipsius; quarto formam & magnitudinem; quinto quæ nocent & iuuant; sexto oculorum operationem, inde formam, demum magnitudinem. Quia verò nihil dictum est de excrementis & defluxionibus ad dentes, ætate & curis, verisimile est cerebrum abundare humore crudo, frigido & humido: humido propter naturalem temperiem, ætatem, & rationem victûs: frigido, propter ætatem, & curas, & fluxionis modum: fluxiones enim ad dentes plerumque sunt frigida, & frequentius humida quàm sicca. De ventriculo omnia consentiunt, quòd sit frigidus & humidus, inde cruditates, flatu, aluus lubrica. Solum dubium est de scabie, de bonâ valetudine, & de integritate sensuum; & dico quòd scabies est causa bonæ valetudinis totius corporis, naturâ exonerante quicquid est semicorrupti humoris ad cutim, quæ est membrum imbecillimum, & nullam habet facultatem, teste Galeno *lib. de morb. causis*, c. 6. Et hæc est causa roboris sensuum: alia est bona compositio cerebri, vtpote densitas, subtilitas, substantiæ magnitudo, forma, decens amplitudo ventriculorum, æqualitas partium, magnitudo vasorum venientium ex corde & iecore, futura, & foramina cranij, & maximè ad os & nares aperta, & non minùs laxa temperatura, bona; calida enim & humida inter intemperies est melior: eadem similiter causæ possunt

H ; efficere

efficere, vbi sint in iecore & corde, vt præter eam quæ dicta est, rarò ægrotet. De liene non apparet causa corruptionis gingivarum in hoc casu, cum non dictum sit, quòd fuerit vnquam timidus, neque dolirauerit, neque fuerit hydropicus, nec laborauerit morbo regio nigro, nec carcinomate, nec quartanâ, saltem à multis annis citrà. Solùm dubium esset de illo fusco colore faciei, sed est parua res, vt audio: & si fluxissent aliquando hæmorrhoides, inde essent suppressæ. Vnde dicebat Galenus *4. de tu. sanit. cap. 4. in princ.* (nam cum tempus sit, agamus iam de temperaturâ acquisitâ, postquam de pulmone nulla est quæstio, neque enim vnquam conquestus est de eo) Eorum qui in venis continentur prauorum humorum vnicum est indicium ab urinâ, quadruplex verò coniectura, ratio victûs præcedens, experimentum vt pote si tertianis, vel quartanis, vel carbunculis solitus sit affligi: iubet autem maximè inspicere pustularum aut tuberculorum colorem. Tertia est suppressio spontaneorum excrementorum, velut vomitûs soliti, hæmorrhoidarum, mensium, vlceris, atque similibus. Quarta est earum quæ arte fiunt, vomitûs, purgationis, sectionis venæ, balneorum, potus aquæ thermarum. Quæri ergo solet, an corpus scabiosum actu debeat censerî mundum vel immundum: & quidem si suppressa sit euacuatio, aut malo utatur regimine, haud dubium est immundum censerî debere. Sed dubitatio est de his in quibus viget talis expulsio, quique rectè viuunt, Galenus sanè & *in libro de caus. pulsuum, & quarto de tu. sanit. locis proximè adductis*, dicit quòd sic, & videtur innuere hanc rationem, quia pleno corpore natura portionem redundantis humoris transmittit ad cutim, tanquam locum destitutum facultatibus naturalibus seruientibus magnâ ex parte.

parte. Verùm multa huic sententiæ videntur aduersari: Primùm quia qui sic laborant, rarò aliis morbis corripuntur. Secundum, quòd difficile sit, tantà materià quotidie corruptâ exeunte eam augeri, ac plus generari quàm expellatur. Tertium, quòd videtur esse ex genere crisis, in crisi autem solet exonerari natura, & non onerari, & corpus purgari, non repleri. Quartum, quòd tales meliùs valent in concoquendo, & appetendo, & in reliquis operationibus animæ, & sensuum, & roboris. Quintum, quòd qui huiusmodi malis laborant cum malo habitu, repletionem ex malis humoribus, laborant peculiari morbo, vt elephãtiasi, ictero, cachexiã, & in nostris téporibus lue Indicã: nostra autē quæstio est de pustulis tantùm & tuberculis. Sextum, quia plerique ex his sanantur vnguento aliquo, vel etiam sponte, quod esse non posset, si corpus planè esset refertum malis humoribus. Septimum, quòd in signis per essentiam, crescentibus signis, crescunt etiam morbi & causæ ipsorum, sed in huiusmodi pustulis cùm crescunt, homo manifestè exoneratur & leuior fit. Igitur non sunt signum per se cachexiæ, sed potiùs affectus naturæ irritatæ quærentis mundare corpus. Octauum, quia in huiusmodi pustulis & scabie præcipuè, non corrumpuntur humores sed ichores: ergo non possunt esse signum corruptionis humorum. Videntur etiam potiùs fieri ex causis externis, quàm ex redundantia humorum, vnde etiam illud *quarto Epidem. Pustula ex lassitudinibus non vehementibus perueniunt ad septimam liuida*: non ergo nunc intelligo de his quæ succedunt feбри, vt in Aristocrate 7. *Epidem.* Sed de his de quibus dictum est in *sexto*, quas iubet curare Hippocrates, non vomitibus aut purgationibus, sed calidis fomentis; cùm palàm esset si corpus plenum malis

fuiſſet humoribus , purgationem fuiſſe vtilem per vomitum vel per aluum. Loquitur autem de quodam Simone , cui in hyeme puſtulæ latæ acciderant. Dico igitur ſic eſſe diſtinguendum : Quòd ſi puſtulæ illæ ſunt cum morbo proprio corruptionis humorum omnium , & ſunt tres præcipuè iuxta tres humores , elephantiaſis humoris melancholici , & eſt carcinoma vniuerſale & commune toti corpori : & cachexia , & eſt malus habitus ex corruptione humorum pituiſoſorum : & morbus regius qui ſit ex corruptione flauæ bilis : tunc tales puſtulæ indicant redundantiam prauorum humorum. Prætereà ſi ſit vera ſcabies , indicant corpus mundum , aut nihil indicant : nam ſi ſcabies fiat ex contagio , corrumpuntur humores , & nutrimentum quod eſt in cute , & ita nihil indicant , aut ſi omnino plus corrumpatur , quàm ſit portio nutrimenti delegata ad cutim , iſtud non contingit , niſi materià attractà ad locum , ratione caloris putridi ; quare natura exoneratur in hoc caſu. Quòd ſi puſtulæ vel tubercula (nam de vtriſque idem intelligitur ,) ſponte eueniant , id eſt , non conſequentes morbum alium , tunc non poſſumus meo iudicio præterire dictum Hippocratis , *ſecundà aphor. 15. quòd debeamus inſpicere egeſtiones ; nam ſi bilioſæ fuerint , ſignum eſt , quòd corpus euacuatione indigeat* : eſt enim repletum prauo humore ; ſi autem ſimiles ſanis fuerint , tutum eſt corpus rennuerire , ſcilicet quia mundum eſt. Et per hoc intelligimus Hippocratem ſignificare per *bilioſas egeſtiones* , infectas quouis humore , & tinctas quouis colore , præcipuè nigro , fuſco , cæruleo , rubro , viridi , valde croceo , ferrugineo , lurido , cinerem referente , & albo , ſed hoc per accidens. In hijs autem qui venenum temporaneum ebi-

berunt,

berunt, (nam familiare est signum eorum ,) sequitur malus color , tabes , vigilia , ἀστία , & sitis. Optimum verò & exonerantis naturæ signum , si cum bono habitu etiam dormiat, appetat, non sitiat. Sed nos in casu scabiei sumus. Superest vt dicamus, quare faciliè exoluatur ? Hoc puto contingere ob raritatem habitus & tenuitatem humorum , & tangitur à Galeno 12. *Artis curandi* , cap. 6. Contingit & his qui multum student & parum exercentur & vtuntur plurimis ac delicatis cibis. Et hoc est quod innuit Hippocrates in *sexto Epidem. partic. 4. text. 33.* cùm dixit : *Sanitatis studium est non satiari cibis, & impigrum esse ad labores.* Ad hoc etiam facit senectus ipsa vltima , quæ procul dubio incipit à sexagesimo anno saltem, plerisque autem etiam citius, quanquam hæc vltima senectæ in tres partes diuidatur, quinto de tu. sanit. cap. vlt. in fine, ὡς ἔγραψας, qui apti sunt etiamnum ad negotia, licet leuia : & extenditur à sexagesimo anno ad septuagesimum, & in quibusdam ad octogesimum ; idèd Moyses in cantico, *Dies nostri septuaginta anni, ultra autem nil nisi labor & dolor.* Et in βαιρέντες, quos seniculos vocamus ad annos vsque octoginta quinque, si viridis senectus septuagesimo quinto finem accipiat, & in vniuersum vt circiter decem annos complectatur. Vltimi πύμπλοι, id est, pompam expectantes, scilicet funeris, alij ταφώεστας, id est, sepulchrales vocant : quæ ætas præcedenti succedens durat vsque ad mortem. Ergo in initio primæ partis senectæ est, cuius proprium est facillimè concuti, leuia autem faciliè perferre, si consuetæ sint ; tum etiam absoluere delicatius, industriâ & accuratâ diligentiam tum vsu superantibus virium in summum defectum, neque tamen id possunt in aliquo genere, quod iuuenes, & si tentent, grauiter læduntur.

Quibus visis recto tramite nunc deuenio ad reflexam comparationem, per quam solùm licet specialiter de hominis cuiuscunque naturâ differere. Est autem reflexa comparatio, cùm naturam ipsam ex actionibus ad temperamentum, & compositionem, & reliqua comparatis extimamus. Velut si ventriculus sit paruus & calidus, & malè concoquat, rarâ erit substantiâ admodum & crassâ; & si tenui ex [fortè est] sensu, admodum adhuc rariore. Et si quis obesus frigido ventriculo magnóque, & multa vrina fluat, densa erit substantia iecoris & bene temperata. Itaque in hoc viro densam & tenuem substantiam esse necesse est. Simili ratione sumemus indicia à causis externis. Velut si quis vertiginem patitur, aut obtenebrationem oculorum, cùm muscæ parua circumuolitant: Quæremus quid in causâ fuerit; Venus? Spiritus animalis affectus est; ebrietas? ventriculus laborat; insolatio? liquefactum est humidum cerebri; inedia? Spiritus fractus [MS. *factum*] est; sanguinis effusio? Spiritus non gignitur tenuis; ac reliqua, postmodum reflectendo inuicem, velut ex superiore exemplo. Sed non est præsentis instituti longiùs talia prosequi, verùm exemplo docere. At de dentibus constat, quòd si in senibus senio excidant, sine dolore eos excidere: quod vix tamen contingit, nisi in admodum imbecilibus ante sexagesimum annum, paucis ante septuagesimum, plerisque ante octogesimum: & propè idèò cum dolore laborant. Si excidant senio, excidisse dici non possunt morbo; tamen quouis in senio, facile cadunt, vt quod vnâ causâ fieri non potest, duabus efficiatur. Itaque non ex ætate cum imbecillitate, namque naturâ quibusdam imbecilles sunt. Excidunt autem & sine dolore morbis quibusdam, elephantiasi & lue Indicâ, tum

vitio

vicio aquarum & aëris, adeò celeriter & facilè, vt mirum sit : maxillares nulli mutantur animali præterquam homini, *teste Philosopho* : anteriores tum in plerisque, vt equo, mulo, asino ; canibus tamen soli canini mutantur naturæ beneficio, quòd omnibus laboribus occurrant. Sed neque homo extremos maxillares, neque eos qui propè sunt mutat, nisi per mutationem intelligamus miraculum illud, de quo Aristoteles sæpius retulit, molares quibusdam renasci, etiam in profundâ senectâ: quod haud dubium est, sed parum utile, si cæteri deficient, & imbecilles nascantur, & paucis admodum ; nec enim est ordinarium hoc, sed veluti superfœctatio, quæ etsi ominosa sit, vtilior tamen est. Illud potiùs ad rem refert, quod idem testatur, *sues nullum dentem mutare*, quoniam sympathiæ ratione spem egregij emolumenti affert. Concludo igitur quòd temperatura totius declinat ad calidum & humidum, & est satis bona, qualis in sene eiusmodi, nam *senes omnes agri sunt naturali morbo*, dicebat Galenus *sexto de tu. sanit. cap. 2.* Membra verò sunt satis incolumbia præter ventriculum, qui malè concoquit, & cerebrum quod est aptum fluxionibus, & dentes qui sunt imbecilles naturâ. Habitus verò totius est cum bonis humoribus, sed tamen plenus multis prauis ichoribus, quia est scabiosus, & scabies est composita ex pustulis & vlceribus, & idèd vbi perseverauerit, necesse est vt sanguis sit plenus ichoribus, & idèd potest dici corpus immundum, sub sensu Hippocratis ; *si impurgatum laborauerit*: de quo suo loco. Et si quis veller scire naturam ichoris, oporteret vt inspiceret maximè crustas : nam si nigrae sint & crassæ, ichor est melancholicus ; si nigrae & tenues, biliosus, & ira de cæteris : & similiter naturam vlcerum, & pustularum, & pruritus, & qualitatem faniei,

sanici, & quantitatem, & vestigia, nam si sint nigra & cum sæuo pruritu iuncta, sunt ex bile flauâ adustâ: & si cum hoc, difficulter coaluerint, ex nigra bile exustâ. Sed nolo persequi hæc, quia sunt extra principale intentum. Verùm potiùs distinguamus species & causas eius morbi, cuius cura quæritur.

C A P V T II.

De nomine, essentiâ, & speciebus morbi propositi, nempe Parulidis,

Dicitur ergo Græcè duobus nominibus: ἱνελον, interior pars quæ dentes interiacet, sicut exterior ἔλιν: vnde postmodum ἱνελίς, excrescentia carnis inter dentes seu super gingiuas generatur, aut βάτρικες dicuntur & βάτρικας. Dicebat Paulus Ægineta lib. 3. cap. 26. *Parulis inflammatio quedam est in aliquâ parte gingiuarum suscitata, quæ nisi discussa fuerit, in suppurationem conuertitur, cùm suppurauerit, scalpello in eam linamentis insertis distenditur: Epulis autem carnis excrescentia est, quæ ab inflammatione contracta, ad tritimos molares dentes pertinet, nonnunquam cum febre & dolore; vt iuxta hanc rationem magis ad Parulidem quàm ad Epulidem affectus iste pertineat, cùm sit in dente canino, non molari, ex quo patet quòd nomina hæc deriuationem à membro recipiunt, non tamen eadem sunt, sicut in Paristhmiis quæ sunt gargareôni, & affectibus eius communia. Gingiuæ interiores ἱνελαι, coniunctio earum ἀρῶδες, sicut ὀδονταλγία, dentium dolor. Dolet enim dens propriè præter cætera ossa, & pòst perfectis aduenit, & mutatur,*

mutatur, ac naturaliter renascitur. Sunt etiam nudi dentes, & perpetuò crescunt, quòd etiam atterantur mutuo occurſu, quòdque reliquis omnibus offibus ſint duriores. Succurrit autem mihi non levis dubitatio ab antiquis propoſita, quandoquidem cùm vruntur, (dicunt) perforantur, ſecantur, & non ſentiunt. Et meritò quòd neque ad illos neruus veniat, neque vas quâ parte ſolidi ſunt: ſunt enim valde denſi: ſentiunt tamen non ſolùm læſi à frigore & calore, ſed etiam non læſi, verùm proprii obiecti notitiam habent. At dens, vt dixi, dolet & verè dolet intimâ parte, à neruo vim accipiens. Senſum autem ex ſe habet, quia animatum, vt aliàs docuimus. Aëtius *lib. 8. cap. 19. 24. 25. & 26.* declarat, ad gingiuas peruenire ramos tertij paris neruorum, qui etiam ad dentes & linguam deueniunt, & in oris pelliculam vniuerſam diſtribuuntur. Ex excremento autem nutrimenti eorum, dentes nutriri & augeri affirmat. Idem ſentit de prædictis affectibus, quod Paulus, ſed & fiſtulas fieri ex illarum corroſione docet, & quæ vſque ad dentis radicem perueniant: vnde perſepe cogimur dentem eruere, nam tædio tam grauiores ſunt huiusmodi morbi, quàm à periculo magis abſunt reliquis. Princeps verò non videtur adedò diligenter diſtinxiſſe morbos huius partis, ſen 8. 3. quia contempſit quaſi eos; ſed non ſunt contemnendi: nam neque animaduertit multa de dentibus, & periculo euulſionis eorum, dicta *in primo libro*. Et ideo hæc materia diligentius tractatur à Græcis. Quinimò ne forſan quis admiretur propoſitum noſtrum, Gale-nus conſumit ſex totos primos libros *de medicam. ſecund. locos*, circa morbos capitis & partium eius, demptis etiam omnibus morbis periculofis,

vt cerebri abcessibus, & attonito morbo, & infaniâ, & solùm versatur circa morbos leuiore, & tædium potiùs quàm periculum afferentes, & reliquos quatuor facit de omnibus aliis morbis qui adueniunt membris respirationis & naturalibus, cum vitæ maximo discrimine, & ex quibus solent mori homines, & ex his etiam quatuor, vltimus est fermè totus de morbis iuncturarum, qui & ipsi periculo vacant. Et quis miraretur, si non viderent nostra, videns illum; aut videns illa, si non nostra? Et tamen causa est quòd sicut decet magis se experiri in aquis non profundis & tutis, vt discamus natare in periculosis; ita decet volentem instruere Medicum, diutiùs immorari circa morbos leues & manifestos, quàm in periculosis & occultis; nam in leuibus & manifestis differentiæ maximæ magis sunt conspicuæ, & ratio auxiliorum clarior, & errorum experimenta euidentiora, cum errores in aliis sint cum pernicie agri. Ideò Medicus debet se experiri ab initio, sicut ille qui nescit natare, vt dixi, in aquâ non profundâ nec periculosâ: sic enim omnem artem natandi meliùs discere poterit; & videri diligentior ac perspicacior etiam apud ægros & astantes: quæ qui non credit, videat etiam ipsum Galenum in *quinto eiusd. cap. 9. in princ.* reprehendentem Medicos de curatione inflammationis gingiuarum, non secus ac de phrenitide ac lethargo ageretur: nam quanto magis tales errores sunt à periculo semoti, ratione & experimento euidentiùs refelluntur, apparéntque errores Medicorum. Eâ igitur ratione & Alexander Trallianus, qui multorum morborum curas omisit, dentium tamen & gingiuarum non oblitus est, siquidem in *tertio, cap. 10.* de his agit. Sed iam quomodo gargareon sit affectus dicamus, (nam satis de gingiuarum morbo actum

actum est) cum sit apertè Parulis; inflammata enim ea pars, quam Latini propriè columnam seu columellam vocant, quòd glandularum è genere sit, doloris ferè est expers; cum tamen infrà promineat, impedit ne homo glutiat, adeò vt manùs auxilio indigeat. Est autem fungosa dicta & vuca à significato nominis Græci; & similitudine formæ cum acino vuæ; propendet autem ex isthmo, angusto oris spatio, in quâ duo foramina quæ ad nasum perueniunt, figuram maris ambientis referunt; glandulæ verò à lateribus prominulæ, paristhmia, omnes ad humectandum os factæ. Cæterum neque abscessus propriè glandularum dici debet, cum de his intelligatur quæ à lateribus iacent isthmi, neque cum anginâ, etsi ne glutiant impedimentum afferat, quicquam commune habet. Nam Angina propriè vera fit in musculis interioribus gutturis, quam Synanchen vocant, sed Galenus, Cynanchen appellat. Synanche autem quæ fit in ipso gutture, quasi velit vt pars illa cartilaginea possit pati abscessum, vel in tunicâ solùm & strangulare. Appellat autem Parasyanchen, cum musculi exteriores gutturis laborant phlegmone. Sed cum Cynanche est, id est, canina affectio, lethalis valde, sed non adeò vt cum interiores musculi laborant, qui statim strangulant. Synanche verò partim strangulat, partim prohibet ne homo possit cibum aut etiam potum glutire. Parasyanche autem est, cum gulæ musculi laborant & ipsa gula, quæ affectio mala est, non tamen admodum lethalis saluâ aspiratione. Parasyanche autem cum musculi exteriores inflammantur, quæ omni periculo vacat. Itaque liquet sex esse genera affectuum circa has partes. Sed Columellæ abscessus, vt à periculo vitæ abest, ita si negligatur, eò perducit, vt præcidere eam necesse sit, & ob id vox vitianur,

&

& vita etiam breuior redditur, refrigerato pulmone. In vniuersum igitur quinque principaliter quærere oportet, nam omnia nimis longum esset. Quod magis vrget, seu de quo conqueritur; quod periculosius est; causa morborum; morbus circularis velut dolor: nam seipsum & reliquos morbos adauget; & reflexio per quam ad curam propriam deuenire licet, id est, per generalia ad vnumquemque, quod à mensurâ singulorum auxiliorum & proprietate prouenit.

Signa eius qui fit à percussione seu dolor seu abscessus, aut à purgatione, sicut quandoque accidit, quando schidia inter dentes retenta pungunt gingiuam, sunt per se manifesta, & non sumus in casu. Si verò dolor fiat aut abscessus ex vitio lienis aut iccoris, deprehenditur ex morbis illorum. Cùm autem non apparuerint eiusmodi morbi, materia profluit à capite; & hoc est quod innuit Princeps *oſtendit tertijs, loco adducto*. Potest igitur esse in dente, & neruo, & gingiuâ per se, vel communicari alijs; & si in dente, vt dictum est, vel à frigore, vel à luxatione, vel ab abscessu, vel à diuisione continui: si igitur sit à frigore, læditur à frigidis, & à nullâ aliâ causâ, & est signum proprium. Et si læditur à duris, potest esse ex omnibus alijs causis, scilicet ab inflammatione dentis, ab inflammatione nerui substrati, à repletione eiusdem, à luxatione dentis, à solutione continui in dente, & à repletione in gingiuâ. Distinguitur autem subtiliter hoc modo. Si est in gingiuâ, ex compressione dentis dolet magis gingiua quàm dens, propter regulam topicam: propter quod vnumquodque tale est, & illud magis est. Sin autem neruus est plenus sine abscessu, non dolet, nisi cùm comprimitur, & licet à frigidis magis lædatur quàm ab alijs, tamen non læditur, nisi compressus,

compressus, & à re durâ; & si abscessus sit in nervo vel in dente, dolor est vehementissimus etiam sine tactu, & aliquando accendit febrem, & differentia est inter illos, quoniam in phlegmone dentis sentitur pulsatio in dente ipso circa coronidem, vel in medio: & si in nervo, est pulsatio in radice dentis; dolor etiam nervi est acutior & vehementior; dentis autem quamvis sit valde vehemens, non est tamen illi æqualis, sed quasi obtusior & latior, & est quasi dens diuidatur in frustra: in nervo autem nescit patiens quomodo doleat dens, sed solum sentit illum dolere. In luxatione verò dolor non est magnus, & differt à dolore repletionis nervi, quia in repletionem nervi valde dolitat dens cum comprimitur; sed in luxatione quomodo-cunque prematur, seu trahatur ad superiora, seu ad latera. Quandoque fluxio non est ad nervum, sed ad concavitatem quæ est inter dentem & os, & tunc non dolet, nisi comprimatur, & in hoc casu ascendit dolor & tumor, aut descendit, ita ut dolor digito exterius manifestè sentiatur. Et est dolor valde levis à repletionem nervi, & ô! quàm convenit in his purgatio capitis. Solutio verò continui est difficilior omnibus, & magis necessaria scitu, quia plerumque indicat, & sola fermè, de euulsione dentis. Quæ autem est diuisio perfecta facile dignoscitur, quia parte una compressa, alia manet aut stridet. Sed de carie quæ frequenter contingit, signa sunt, quòd dolor sæpe reuertitur, & in illo dente & non aliis, & sine causâ manifestâ, & si videtur aut tangitur locus, non est dubium; & cum sanatur, non est robustus, & fit scaber, & fuscus, & adhæret intus materia lapidosa, & gingiva eroditur in angulo, vel è regione partis læsæ, & raro contingit quòd non lædatur à frigidis & duris, &

I

aliquando

aliquando consequitur factor: & omnis dolor vehemens facit luxationem dentis, si sit propter neruum, quia natura fugiens dolorem eiicit dentem à loco, ut non comprimat neruum. Sed si dolor sit in dente, nullum commodum sequitur ex hac luxatione, idèd persape in hoc casu dens remanet firmus, & cum sanatur neruus repletus, aut luxatio quæ fuerit ex percussione vel morbo Indico, si fuerit magna sed in iuvene, aut in sene sed parua, tunc est locus auxiliis & restituuntur, & cum perseverat diu, difficile est ut confirmetur. Et si ex morbo plures commoueantur dentes, facilius confirmantur quàm vnus solus: & hoc contingit; quia homo magis abstinet ab omni cibo, & ita non mandit, & sanatur; sed qui vnum tantum habet commotum, dum exercet sanos confusus in illis, magis commouet & excidit, & dens luxatus extenuatur propter imbecillitatem caloris, quia non est coniunctus toti, & etiam quia causæ luxationis, scilicet pituita, vel humor serosus, aut crudus, aut melancholia corrumpit alimentum dentis, & ita non nutritur. Et signum dentium ob ætatem casui propinquorum, est fuscus color & obscurus, raritas, hebetudo sensus, & facilis luxatio, scabrities, & gypscæ crustæ. Dolores autem gingivæ dignoscuntur tactu ipso. Abscessus verò & tactu & visu. Specialiter autem signa sunt.

C A P V T III.

De causis affectûs propositi.

His visis ad causarum inuentionem deueniendum est, non solum quòd curatio omnis sublatâ causâ fiat,

fiat, vt suprà diximus: sed quòd cùm necessaria sint ad omnem curationem describendam multiplicia auxilia, (nam vnum solum si describamus, videbitur vbi illud non profuerit, Medicinæ ars manca atque inutilis:) quomodo poterit quispiam multis auxiliis conuenienter vti, nisi nouerit quod cuique conueniat: nam si singula prætentare voluerit atque experiri, præterquàm quòd *occasio est præceps* in Medicina, vt dicit Hippocrates, magnum sumptum & temporis & pecuniæ facere oportebit, & præterea Medicus ridiculus fiet, singula perperam tentando, vt æger fidem amittat; sed quod omnibus maius est, calida calidis morbis adhibendo, vel frigida frigidis, vel intempestiuè, vel modo quo non debet adhibere, tantum abest vt sit ægro profuturus, vt etiam grauiter sit obfuturus.

Ergo in causâ est hîc materia cruda, sanguinea, mista, iuxta secundum modum significati sanguinis, id est, aggregati ex quatuor humoribus, & etiam pituita, & est sanguis partium concoctus, sed tamen vitiosus, partim à capite descendens per venas, & arterias, & neruos etiam, partim à iecore transmissus, partim ob exhalationem ventriculi & iecoris: & idè in his morbis peculiaris est iactura ex cruditate, & maxima: nam in suffusionibus oculorum, & tinnitibus est etiam peculiaris iactura ex hac, sed non adèd magna, quoniam vapores non possunt tam promptè penetrare ad oculos & aures, sicut ad dentes & gingiuas. Idè mala ratio victûs in his morbis offendit trifariam: ratione qualitatis cibi, vtpotè vapor ex porris; & ratione cruditaris, vt quilibet cibus crudus, & hoc est minus; & ratione tunicæ quæ est vna gingiuas & ventriculo; & hoc est adhuc minus. Et esset vltimus ordo, scilicet

nutrimenti, sed est adeò exiguum hoc damnum, ut possit posthaberi. Sed in oculis & auribus plus nocet cruditas, & est primùm ratione vaporum, & pòst qualitas cibi: & reliqua duo parum aut nihil profunt, aliquid tamen potest nutrimenti vis: nam consensus simplex, nullus est. At iecori nocet ob quartum modum, primò ob alimentum, inde ob malam coctionem, reliquis duobus modis non nocet. Nasi autem morbis & ozæna nocet ratione qualitatis cibi, pòst ratione alimenti, vltimò ratione cruditatis, non ratione consensus. Causa verò descensus materiæ facientis abscessum aut dolorem in dente, imò neque destillationum, non est illa quam credunt communiter Medici, scilicet ascensus vaporum ex cruditate à ventriculo; tum quia non posset fieri in ieiunantibus, cum tamen magis tunc fiat, nec repentè, ut videmus; sed longo indigeret tempore, nec sine tinnitu & oculorum imaginibus, quia in tantâ vaporum ascendentium multitudine, fieri non posset ut non aliqui ingrederentur in aures & oculos, adeò patulis viis, & nec in die: quæ omnia cum sint contra experimentum, liquet talem materiam ascendere per venas & arterias plenam ichoribus, & materia aquea inde congelatur & crassescit in cerebro, si cerebrum non sit immodicè exalefactum: idèd fit hic casus à caliditate plerumque, maximè iecoris, & indiget purgantibus aquam, & tamen Medici vtuntur calefacientibus, quo nihil deterius. Et hoc de causis propriis.

Considerandum est etiam quòd dolor dentis trahit materiam, quia natura cogitur succurrere parti, aliter corrumpetur: nam dolor & causa doloris corrumpent partem. Est enim causa, ex confessò, vel vlcus, vel intemperies calida vel frigida: quoad symptoma

symptoma ipsum non corrumpit, nisi quia extinguit vitalem spiritum, qui est in loco, à quo particula conseruatur. Ergo si non transmitteretur, periret: huius causâ vniuersali natura transmittit specialiter, sæpius peccans plus transmittendo quàm oporteat: nam ex hoc fit phlegmone, ex quâ dolor alius suscitatur, & febris accenditur ab initio ephemera, pòst synochus, demum cùm materia putrescit, etiam synocha. Et cùm materiam oporteat, sic si debet calefacere sanguinem, esse vel intimam & cordi proximam, aut multam, aut valde prauam & interiori loco, idè non potest ex hoc accendi, nisi Ephemera. Sed quoniam materia praua potest esse, vel quia valde calida, vel quia valde putrida, oportet si deberet fieri febris consequens phlegmonem, sanguinea [MS. *phlegmone sanguinem sanguinea*] vt esset, vel multa, vel prope cor, vel in loco intimo. Sed potest generari febris putrida, quæ non dicitur consequens, & hoc ex omni ephemera, vt 8. *Artis curandi, cap. præserim 7. & 8. & in lib. 9. cap. 1.* docetur: & licet suo more nihil vnquam perfectè doceat, imò satis confusè, vt non possis dicere, sic est. Dico tamen ex re ipsâ quæ se prodit, & auxilium etiam capiemus ab eodem, ex *primo de differ. febr. cap. 4.* quòd febris Ephemera transit in putridam, vel ob malam rationem victûs, vt non prohibeatur causâ quæ illam accendit, & ipsa producat: nam cùm producta fuerit, necesse est tandem, vt hecticam in siccis corporibus, in humidis putridam accendat. Secundum est, si aer ipse pestilens sit, nam tunc vapores illi solâ caliditate (quia nihil sit in istis inferioribus, nisi per primas qualitates actiuas,) indigentes ad febrem propagandam, statim eam immutant. Tertium est cùm corpus est vel exterius stipatû occlusis cutis meatibus, vel interius obstructû,

tunc enim vapores illi, vt lebetes contexto, incalescunt adeò, vt quod est serosum in humoribus putrefaciant. Quartum est, cùm habitus ipse caco-chymus est, multisque corruptis & calidis humoribus refertus: nam nisi hoc modo accendi febres periclitaremur, ex qua-nam [MS. *quadam*] causâ aliqui ex febre putridâ interirent? nam si non cum ephemerâ, multo minùs sine illâ. Sed non aliqui solùm, imò permulti intereunt. Igitur ephemera in huiusmodi accendit putridas febres. Constâtque hoc modo non solùm ex dolore dentium, sed etiam alicuius minimæ particulæ interiisse. Vltimum est ex intemperie, maximè calidâ & siccâ, quæ cùm sit vltima inter has quinque, ipse quasi primam statuit, sed oportet intelligere res ipsas potius quàm illius verba sequi. Sic enim neque errabimus nos, nec illum vt errantem accusare cogemur. Cæterùm ex causis aliis externis, insolatio magis nocet oculis, aër autem frigidus & humidus dentibus atque gingiuis, vtraque autem vtrisque, sicut [MS. *tamen sic*] etiam somnus in terreno cubiculo. Abscessus autem in gingiuâ, doloris præbet speciem in dente ob propinquitatem, quia dum dens læditur, comprimit gingiuam læsam, atque ita videtur dens dolere, cùm gingiua doleat. Alter modus est, quoniam confluente materiâ ad gingiuæ abscessum, etiam aliquid ob propinquitatem deriuatur ad dentis radices. Cùm etiam materia quæ in abscessu gingiuæ est, corrumpitur, corrumpit etiam sanguinem, qui est in radice dentis, & malâ qualitate afficit neruum; ita fiunt mutuò vtrique causæ. Causa verò cuius pars prima cerebri est auctor, ex doloribus, excrementis, læsâ operatione, tumoribus [innotescit:] & si conuerso capite in ceruicem, homo videatur pati defectum sensuum
aut

aut mentis ,aut quòd quippiam descendat in posteriora , quasi auulsum , & si percipitur quædam inanitas in illo , aut si circumuolui aliquid sentiatur , & oportet experiri id in omni horâ , & multis diebus. Hæc enim solent pati affecti vigiliis , & significant periculum apoplexiæ aut cataleplis.

C A P V T IV.

De symptomatis affectûs propositi.

Symptomata verò ipsa quæ comitantur hos thor-
bos , alia quidem sunt propria morbis , vt, dolor,
stupor , & est species doloris deterior quandoque do-
lore , quia homines in dolore vel coguntur vti sorbi-
tionibus , vel mandere ex alterâ parte : in stupore au-
tem non mansum solent deglutire cibum. Tertium
est non posse pati duras res aut frigidas , quandoque
etiam , licet rariùs valde , nec calidas. Pòst sunt erosio
dentis , & similiter gingiæ , & etiam mobilitas den-
tis , quæ est duplex : vna quæ est cùm manet in situ
suo , & alia cùm eiicitur , & quandoque vna est dete-
rior , quandoque altera. In iuuenibus deterior est,
cùm dens manet in suo situ , quia si eiicitur cessante
dolore , statim redit ad suum situm & confirmatur:
in senibus verò deterior est cùm labitur ex situ , quia
nulla est ampliùs spes , vt redeat ad suum locum ob
ætatem. Hic verò considerandum , velut & in eo qui
ambulando intorquet pedem , & ob id non firmiter
potest ambulare : an situs hic malus sit morbus , an
symptoma , cùm diuisio in quâ situs est , ad morbos
pertineat , non ad symptomata : sed quia situs non
mutatur nisi per operationem , & læsio operationis

est symptoma: dicemus ergo quòd materia vel intemperies per quam flectitur dens, vt pes, est causa, & morbus, & situs seu flexio, symptoma & morbus, & impedimentum ambulandi, symptoma secundum. Ergo flexio pedis est morbus, quatenus fit à nerui mollitie, & vt est causa imbecillitatis eundi, & vt est malus situs. Sed vt est vitium in operatione, & vt fit, est symptoma, nam quod factum est & est in membro, non potest esse symptoma, & ideò hoc accidit frequenter, vt morbi causa sit symptoma, sed nunquam tamen vt symptoma morbi cuius ipsum est, causa sit. Symptomata verò subsequencia magnitudinem morbi, sunt propriè vigilæ, non solùm ob dolorem, sed etiam ob vapores & consensum neruorum, & febris Ephemera, nec conuulsio tamen sequitur, quoniam dolor in dente non potest hoc facere, cùm neruus non afficiatur, conuulsio autem est symptoma neruorum, nec si in gingiuà, cùm exigui ibi admodum sint nerui: nec dolor possit esse vehemens, cùm sit in particulâ exigui sensûs: nec si in neruulis, qui sunt in radicibus dentium, quia admodum parui sunt, & vix sensu percipiuntur: tum verò quia, vt aliàs docui, conuulsio fit à frigiditate, ob id ex punctiōe ferri. Sed in eo loco non potest esse tanta frigiditas. Ideò etiam non potest contingere conuulsio ex dolore in radice dentis, nec nerui illius, neque etiam ex siccitate propter frigiditatem dentis & ossium mandibulæ circumpositorum, neque ob repletionem, quia comprimitur à dente, plurimum etiam facit caliditas loci, & ob id nemo visus est qui ex dolore dentis aut gingiæ inciderit in conuulsionem, quamuis dolor dentis sit maximus ex sententiâ Galeni 2. de compos. medicam. sec. loc. cap. 1. sect. 7. in fine, & maior

lore capitis. Est etiam affectus communis dentibus &

& gingivæ, quem hæmodiam vocant, id est, stuporem dentium *1. de locis, cap. 6. in prin.* Quid autem sit non declarat *ibidem cap. 7.* plusquàm antea. Verùm author *lib. de simpl. medicam. cap. de portul.* quanquam non Galenus, de eâ dicit, quòd est affectus qui contingit dentibus ob esum fructuum immaturorum. Sed Galenus *1. de sympt. caus. cap. 5.* docet quid sit. Hoc vnum palàm est, quòd stupor est gingivæ symptoma. Circa quod illud animadvertere dignum est, quòd symptomata dolorum augentur motu, vt in dentibus, & podagrosis, & herniosis. Calculosi etiam dum lapis mouetur, dolorem sentiunt; dum quiescit, cessat dolor. Attamen videmus quòd lapidem renum patientes, ambulatione alleviantur, & coli doloré agitatione cunarum: quare dico quòd omnis motus qui fit per particulam laborantem, auget dolorem, quia inflammat & distendit partes. Igitur vtravis sit causa doloris, eam auget: reliqui motus omnes minuunt, tum auertendo materiam dolorem facientem, tum calorem, tum spiritûs, tum etiam dilatando partes, vt faciunt anodyna. Est etiam vnum insigne & proprium symptoma doloris dentium, quod ego semper obseruauî, & est maximè vtile ad curam. Estque quòd in dolore dentium superiorum, in superiore parte faciei è regione dentis, & in dolore dentium inferiorum in mandibulâ inferiore, è regione similiter, percipitur dolor tangendo manifestus, adeò vt curando partem illam, solueretur facilè morbus, tanquam sublatâ origine. Accidit etiam quandoque inflammatio ex hoc, vel in faucibus intus, & est angina, vel superiùs quæ disrumpitur cum tussi, & creditur quòd sit vomica pulmonis.

CAPUT V.

De signis prognosticis.

PROgnosticum cum non agatur hic de vitâ, versatur circa tria principaliter, scilicet an morbus futurus sit longus vel brevis? secundò an perueniet gingiua ad suppurationem, aut non? & si deuenierit, an ad paruum vlcus vel non? Veluti de Simone Grynæo de bonis literis bene merito, Ioannes Manardus recitat *lib. 18. Epist. 2.* Cui vlcus in gingiuis adeò magnum erat, vt illi negotium facesseret, & ob puris abundantiam cogeretur lintea magna in ore assidue continere, vt dentes omnes in discrimen vocauerit ex hoc morbo, penè omnium radicibus erosio, & iam fermè inutiles redditi sunt, & cum metu ne caderent. Solent enim vlcera fieri deteriora serpendo: serpunt autem ob materiæ multitudinem & acredinem, tum putredinem, putredo enim semper propagatur, [MS. *purgatur*] demum ob locum humidum & calidum & impurum, & si in ipsum ascendant prauis vapores; quæ omnia sunt in ore, si vllò in loco, adeò vt post anum [MS. *anum*] nihil sit tetrius ore, & recta natura os ano opposuit tanquam genere eadem, differentia situ solo: nam & in multis animalibus declarat Philosophus anum esse prope os, quasi quoddam fœtor ex illo, & illuuias multa prodeat, & idè si vlcera fiant, difficile sanantur, & maximè in sene & mali habitûs ob humores, non temperiem, vt dixi, & tempore autumnii. Oportet igitur prohibere, ne ad vlcus perueniat si fieri potest. Tertium sit, an dens possit seruari? & dico quoddam omnia bene procedant, quoniam

eti

et si ætas, & humorum in vniuerso prauitas, & tempus anni obstant, non tamen ætas est omnino defecta, & maximè temperamenti ratione, nec habitus adeò malus, vt dixi, ob expurgationem quæ fit quotidie prauorum succorum, nec humor videtur adeò exuberare, nec ad modum prauus esse, & etiam ex subiectis oculis: maxima autem causa infelicis successus in morbis est, quòd non cognoscantur, dicebat Hippocrates *lib. de Arte*. Secunda causa difficilis sanationis, vt ab Hippocrate habetur, est quòd morbus habet rationem causæ sui, & sit, vt ita dicam, circularis, hoc etiam hîc non adest. Tertia etiam deest, quæ ponitur ab Hippocrate *ibidem*, & 1. *Prognost. text. 5. comm. 4.* nam neque est in membro principali, neque periculoso. Quarta demum est, quòd morbus est subiectus operationi manuum, quod multum refert ad curam, & vt faciliè sanari possit, vt ab Hippocrate habetur, 1. *de morb. mulier*. Idèò sperandum est quòd Parulis poterit sanari absque suppuratione, & mediocri etiam in tempore, non omnino breui ob causas dictas, sed neque admodum longo, si non exulceretur. Pertinebit ergo talis cura ad Physicum principaliter, inde etiam ad Chirurgum, qui si fuerint periti, poterit se explicare. De dente dico, quod cùm non sit in ætate adeò defecta, in quâ sponte solent cadere dentes, id est, iuxta octogesimum annum, & in mediocriter robustis, nam quidam etiam vltèriùs illos retinent, & inuncta sint auxilia illa adeò præstantia, spes est quòd poterit confirmari: detractò enim humore superfluo, & siccata particulâ, & dente non vitioso confirmatur, vt dixi, cùm non fuerit in ætate defecta; nihilo minus maius est periculum de hoc, quàm de Parulide.

Modicus calor & modicus rubor cum liuore, tumor satis mediocris, non valde durus, dolor non magnus, luxatio dentis non levis, operatio omnino sublata mandendi, [MS. *medendi*] excrementa nulla, ex ratione particulæ quia nondum suppurauit, & quia hic abscessus non sit propriè internus, possumus pronunciare de salute: nam secùs nunquam licet, eo quòd nescimus, etsi calor naturalis sit potens in toto, an erit in illà parte; & quod magis refert, vbi suppurauerit, an erit via exitûs saniei, an non: nam ex minimo tuberculo, quoniam interiora eroduntur, homo potest interire. Considera etiam curationem, quæ si procedat facilè, morbus est levis & cognitus. Si in deterius agit; vel obstat natura temporis morbi, vel materia est diuersa, sed tunc aliquando meliùs se habet, aliquando non; vel non intelligis morbum. Si verò meliusculè procedit, aut ad auxilia meliùs se habet, deinde redit ad grauitatem, morbus est cognitus, sed grauis, & hoc etiam sæpe in morituris accidit.

Illud præterea est adnotandum quod subtili ratione constat, facultatem vitalem aliquando significare salutem, quamuis naturalis malè affecta sit: & hoc in vno casu tantùm, scilicet cùm morbus est inuolutus, id est, quòd coctio impeditur ratione abscessûs in membris naturalibus, & abscessus ille concoquitur. Et tunc interim tantum superest boni sanguinis in venis & arteriis, vt vitæ robur stare possit donec concoquatur: & tunc Medici dicunt bono illum animo esse, & præsagire de salute, cùm tamen verum sit hoc solùm in hoc casu.

Prædictio; dicebat Hippocrates 6. *partic. 6. Epidem. text. 36. Suppurationes quæ circa gingiuas & nares fiunt, septimo*

septimo die erumpunt : sed melius est forsan ut legamus *rumpuntur* , certè magis ad propositum præsens : & rursus in *Coacis prædict.* *Ex aliis liquidis sanguis de gingiuis diffluens, lethalis est.* Ratio est manifesta, quoniam dum exoneratur corpus, si sanguis defluat ex gingiuis, signum est corruptionis vniuersi corporis. Nec illud prætermittendum est, quòd in multis venenis putrefacientibus gingiue corrumpuntur, in aliis intumescunt, in quibusdam profluit sanguis, velut in morsu serpentis appellati hæmorrhoids. Dicebat quinto *Epidemiorum.* *Metrodori filio ex dentis dolore maxilla marcor, & gingiuarum carnis superexcrecentia, moderatè suppuratus est, exciderunt dentes molares, & ipsa maxilla.* Itaque & talia pericula imminet. De nouo autem morbo superuenturo, & maximè in gurgulione, ille dignoscitur ex circumstantium membrorum grauitate, & aurium, mandibularum, colli, faucium; & ipfarum operationum remissione, tum excrementorum propriorum tenuitate aut defectu, & communium mutatione, scilicet fæcum & vrinæ. Ut autem mutationem noueris, naturalem dispositionem scire oportet, ut in *primo de his quæ in medicatrinâ sunt, text. 1.* Naturalis egestio, ut 1. *Prognost text. 1. & 17.* habetur, non multum graueolet, subrufa & corpulenta, densa multum, non tamen sicca. Quæ enim sicca est, calorem aut siccitatem viscerum, aut nimiam moram ostendit. Diluta, aut quæ non malè olet, cruditatem, melior humoralis est, non fæx: Alba obstructiones, nigra aut humoralis est, aut exustionem ostendit. Valde fœtida violentam putredinem; & si causa præcesserit etiam sine febre exitium. Æruginosa [MS. ineptè *viriginosa*] erosionem minatur, & magis viridis. Cibos tamè ingestos considerare oportet, & quantum quisque

quisque naturaliter à medio deflectit. Vrina verò etiam *ibidem* describitur, cuius sedimentum est album, læue, & æquale, dico & pyramidis instar. Et sunt quinque conditiones: album autem dicitur non simpliciter, sed substantiæ urinae comparatione, quæ colore triticeæ paleæ atque splendore esse debet. Est etiam sedimentum naturale perspicuum, ita ut opacum nullà ex parte sit, in quibusdam quasi auri scobs. Proprium autem ad mortem symptoma est conuulsio, & conuulsio cum rechmòne, nam ab eà non euadit aliquis, cum sit deterior etiam apoplexià.

C A P V T VI.

De curatione eiusdem affectus.

S E C T I O I.

De custodiâ, seu curâ prophylacticâ.

PArs autem curandi propria triplex est. Dicebat Auerroës: *Deus nouit melius hac inferiora quàm homo*, (nam superiora homo vix nouit) *quoniam per vniuersales rationes*. Et idè ille homo rectè solus nouit, qui eodem modo & simili cognitione diuinæ. Qui verò per propria, ut Empirici, ille non verè nouit: melius tamen quàm qui per vniuersales rationes simplices; hi enim sunt hominum interfectores, non Medici; quamuis se iactent esse Galenicos. Quod si Galenus hanc methodum simplicem intellexit, certè audacter profero, Galenum fuisse interfectorem hominum, præstareque longè esse Empiricum; imò deterius mederi eiusmodi

eiufmodi Galenicum , quàm prorfus ignaram Medicinæ mulierem , aut rusticum ; fed fi , vt credo , Galenus intendit, quod paffim profitentur , dicant fe malè vt Galeni præceptis & perfidiosè. Dabam ergo exemplum in curâ vitiatæ ambulationis , ob pedum qui non iuxta debitum fitum mouebantur , affectum , & cùm iam ſex annis fruſtrâ curatus eſſet , dixi eſſe morbum magnum , idcò extremis auxiliis indigere : non à leuioribus inchoandum , cùm ſæpius inchoata eſſet cura , & etiam non intelligendum illud , niſi vbi morbus det inducias , & in primis qualitatibus , non in ſecundis , aut tertiis , aut purgatione. Non purgandum per aluum in ſimilibus morbis , quoniàm detrimentum eſſet perpetuum , ſcilicet dilatatio meatuum , vnde in poſterum deſluxio humorum permanebit ; vtilitas autem temporanea : & etiam quia non ſunt purgandi humores vltra cauam iecoris per aluum , ob ſeptum venarum quæ in iecore non committuntur , aut abſque ſenſu , vt in 7. *Anatom. adminiſtrat.* vnde morbi lethales & longiſſimi oriuntur , ſi materia intercipiatur. Purgandum ergo ſolùm à cauâ parte , veluti myrobalanis Emblicis, Chebulis, & nigris, Trypherâ Perſicâ , melle roſeo. Vinum non dandum. Omitto modò detrimenta incerta cerebri & neruorum , cruda penetrare facit, & coctione aceſcit , coquitur autem in ventriculo. Sudorificis vtendum : meta eſt 3xx. in ſingulos dies , vt curatio protrahatur quadraginta vt breui abſoluatur , ſuprà , breuiſſimè triginta media erit. Poſt membro læſo conferent lutum thermarum & cerata , velut oxycroceum. Fieri hunc morbum deſfluxione à membris naturalibus , ſæpius à cerebro , ſed vitio membrorum naturalium , & à cerebro vitio proprio , ſed in facultate naturali , quæ in illud à iecore deriuatur,

144 *De rationali curandi ratione,*

deriuatur, cùm sit communis toti corpori, & vitio proprio virtutis animalis, velut intemperie calida & corrupta. Descenderéque per spinam dorſi hoc modo ad pedes. Affinem eſſe morbum podagræ, ſed diſſerre ab eâ quia in articulis non eſt. Huiusmodi ratio curandi, ſimilis ſcientiæ diuinæ eſt, vt tamen vmbra homini. Et per exemplum exhibitæ ſunt regulæ decem.

Meminiſſe autem oportet etiam ſimilitudinis morborum & membrorum propter ſanationem, (velut vteri cum dente, quòd loco mouentur, ſed vterus maximè, & quòd bifariam dolorem excitat, & vbi vel incumbit, & vnde diſcedit: & ſimiliter curatio modò ſanæ, modò ægræ parti conuenit, & alliciendo & pellendo,) & agreſtium & ancipitium auxiliorum, vſtionis in capite ad conuulſionem puerorum, in ceruice ad diſtentionem, fontium ad fluxiones, ſtibij præparati, vel ligni guaiaci, [MS. *viſci*] & eſt minùs ad materias inuiſtas præſertim Indicæ luis. Et vini cum chalybe ad tumores, obſtructiones ventris, & aſciten. Et thermarum in difficillimis morbis. Talia enim infamata ſunt, & ſemper debilitant corpus.

Cuſtodia ergo ab huiusmodi morbis, conſtat in his à quibus cauere oportet, tum etiam curâ comuni, & his quæ membrum confirmant, tum demum eis quæ à proprietate his morbis reſiſtunt. Neque enim dubium eſt quin purgatio, aut ſectio venæ, aut vtrumque non conferant ac præſeruent, ſiccando corpus ab omnibus morbis qui fiunt ex materiâ. Relinqui poteſt poſtmodum vitium ex intemperie, vel in ſubſtantiâ, vel compoſitione, per quod functio non perficiatur: nam in cuſtodiâ præſupponitur ſemper facultas aut illæſa omnino, aut parum vitiata. Et eadem exiccatio
tutius

tutiùs fit per administrationem sex rerum non naturalium, & cum eâ stant vires, & nil utilis aufertur: sed est tædiosior, & etiam pauci eam docere sciunt, imperantes solum modum in qualitate, & omittentes quantitatem; & quam probant carniū, talium persæpe illa est deterrima; & persæpe non perseverant, imò ferè nunquam perseverant, donec absoluatür negotium. Et in custodiâ oportet plerumque, quòd hæc perseverantia sit semper & perpetua. Peccant etiam circa præparationem & modum. Et ideò in febribus Galenus videtur præscripsisse quantitatem *1. de viñu in acut. comment. 21.* Oxybaphum prisanæ, sed non expressit quantum contineat Oxybaphus. Brassauolus in hoc diligens dixit post multas difficultates, esse quantitatem sex vnciarum, & hoc bis in die, & hoc est minus victu sanorum ob qualitatem tantum: nam concordat cum victu Cornarij, scilicet duodecim vnciarum cibi in die: manifestum est enim quòd hæc mensura vel ei proxima conuenit omni homini: & quòd talis ratio cibi reddit securum hominem ab omni morbo qui pendet à materiâ. Non ignoro Budæum posuisse Oxybaphum, vnciarum tantum trium, sed non conuenisse Hippocratis sententiæ, dicentis: *Sed quantum & ob consuetudinem, & ne multa vasorum inanitio fiat, ingerere conuenit.* Ratio ergo generalis est, quòd si natura perfectè concoquit, perfectè etiam dominatur. Igitur non potest aduersari, quare nec creare morbum. Sed in custodiâ ex medicamentis vel venæ sectione, sufficit ex præcepto Hippocratis, *6. aphorism. 47.* in vere hoc agere, tanquam optimo tempore ad actionem: sed in autumno purgatio est quandoque necessaria; & ideò istud facere conuenit, non solum purgando totum corpus, sed membrum proprium, cum ipsum in causâ fuerit,

rit, scilicet cerebrum, & cum valido medicamento. Sed si sit ex consensu totius corporis, sufficiet solum purgare corpus ipsum. Et in hoc optimum est helleborus, si materia sit terrea; aut peplium, si aquea & pituitosa. Et tunc sufficiet mediocre regimen, non exquisitum: nam dicebat Galenus quòd *ei qui vult post purgationem vii malâ victûs ratione, præstaret non purgari.* Et ego laudo ebulum valde, vt tutiorem helleboro & peplio, cùm materia fuerit pituitosa.

Tertium genus custodiæ est per confirmantia membrum, quorum primum est sal, & maximè quod lapideum est, & Inula. Verùm Inula quia ventriculo inimica est ob superfluum humidum, vbi manditur, eiici debet salua diligenter; sal verò melius quod lapideum, & debet contineri sub linguâ, habetque causam manifestam, quoniam astringit, adèò vt generali ratione dentibus & gingiuis conferat, velut & muria in quâ oliuæ conditæ sunt. At verò de Inulâ, cùm calida sit & humida, neque ratio id ostendit, nec in experimento facilè confidere possumus, quoniam neutrum horum præsertim auxilio est laborantibus dentibus, nescio quâ ratione adèò illam miris laudibus extulerint, nec ratione additâ, nec experimento vllò relato, nec quòd à proprietate id agat, edocuerint; nam neque inter apophlegmatismata numeratur, neque confert capiti, inò excitat dolorem, vt Princeps docet *lib. 2. cap. 140.* & grauis est odor eius. Quapropter quamuis non meminerit de hac proprietate, ego tamen composui medicamentum hoc modo. Liquefeci sal in duplo pondere aquæ, deinde imposui inulam incisam in frusta, pòst lento igne coxi despumando aquam donec sal concrederet, atque ita sustuli odorem prauum, factumque est medicamentum iucundum,

dum, an verò valde salutare, non fat scio; certè commendatur à Plinio Secundo *lib. 2. cap. 36.* item Apuleio *cap. 95. Inulam ieiunus manduca, dentes confirmat.* Verùm Aëtius *lib. 2. cap. 31.* ex Adamanto Sophistâ sicca improbat in siccâ intemperie: quocirca inulæ auxilium cum sale satis probauerim, quòd calefacit, parum exiccat. Vtile autem esse puto, quòd pituitam à cerebro multam educat: neque tamen adeò huic auxilio insistere debemus, vt humidum salutare educatur, præsertim in senibus. Existimo enim vt præstantissimum, ita etiam valde potens fore auxilium. Tertium est Coralius [MS. *Corolarium*] lapis notissimus, affricatus demibus: eligere autem oportet rubrum & læuigatum ad vnguem; sunt enim albi, rubri, ac nigri omnium rarissimi, rubri autem optimi; hi detergunt dentes, & gingiuas confirmant affricati illis: oportet autem dum affricantur, dentes constringere, sic vt vna pars alteri incumbat, interiùs si affricentur exteriùs, exteriùs si interiùs. Cauere autem oportet præsertim in senibus, nequid durum mandant, aut valde lentum, aut calidum frigidumve nimis, vt docet Princeps 7.3 *cap. 2.* & similiter eaquæ dentes obtudefaciunt, & vt moderatè detergantur; & quædam sunt quæ proprietate nocent, huiusmodi (*dicit Princeps*) sunt porri, & brassica (*dicit Plinius.*) & dactyli, adeò quòd Ioan. Leo in Africæ regione, vbi dactyli abundant, homines peruenire vsque ad centum annos vitæ scribat, sed tamen post primam iuuentam carere dentibus; vt triplex possit censerì miraculum; & quòd tam citò careant dentibus, & quòd tamdiu viuant; tertium quod maius est, quòd sine dentibus ad extremam perueniant senectam, tot annis superuiuendo. Quod verò plurimum refert, est natura aquarum, & aëris, & exhalatio quæ fit à ventriculo,

& destillatio à capite, & senectus. De aquis refert Plinius lib. 25. cap. 3. quòd in Germaniâ trans Rhenum, Germanico castris permotis aqua inuenta est in dulci fonte, quâ potâ cunctis deciderunt dentes intra biennium, & genua etiam laxata sunt morbo tristi. Aër quoque corrumpit dentes, maximè nocturnus, & in vallibus, vbi fauces sunt arctæ, & in regionibus frigidis: huiusmodi rationibus dentes nullis rusticis penè sunt incolumes, tametsi alioquin naturâ sint robustissimi. Verùm de ventriculi exhalatione, præsertim si acidus sit ructus, [MS. ineptè *avidus sit ructus*] non est quod dicam, nisi eos infelicissimos esse, quibus os supremum ventriculi non clauditur, sed perpetuò eructat, quos seruare dentibus incolumibus ad extremam vsque senectam vix liceat; semper enim halitûs ascendunt, vitiantque illos & labefactant: indicio est rubigo, & fædus color, & lapideæ crustæ, & imbecillitas quædam in illis, tum verò caries, & gingiuæ tumidæ, fædæ, erosæ, aut nimium excrecentes. Nihil salubrius in his rectâ victûs ratione, purgatione eius humoris assiduâ, & vt dentes oleo lentiscino illinas, aut rosaceo, potus quoque frigida paucâ à cibo iuuat, sed lædit cerebrum. Porro de destillationibus suo loco dicetur. In senibus autem cum sit naturalis labes, difficile est resistere: nihil tamen vtilius est exercitatione longâ matutinâ, atque vti cibis mollibus, velut suillâ carne assatâ, vel apri iuuenis, & melle. Alumen quoque exustum & cum melle conditum, affricatum dentibus detergit sordem eorum atque durities, & confirmat gingiuas, purgâtque eas; & abluerè caput aquâ frigidâ post lixiuium singulo mense semel aut bis, fluxiones omnes prohibet, & caput roborat: dictum est & in primo libro de Tithymalo, sed quia obest ventriculo, tutius existimabo acetum scilliti

scilliticum, quod omnibus membris naturalibus cruditate laborantibus valde vtile est, eo colluere os singulo manè probauerim. Sunt qui suffitum ex dente canino mirum in modum extollant. At Britannica confirmandis dentibus vtilissima est, sed tamen quæ sit, incertum habetur: lapathi agrestis folia habet, sed pilosa & nigriora, radice tenuiore, nigrâ, breuiore, folia quoque oblongiora sunt, sapor astringens: facilis cognitu tam distinctè delineata, difficilis inuentu. Laudatur ab Apuleio mirum in modum, *cap. 29.* seu quis mandat illam, seu succum seruet in vsum, seu (dicit) puluere cum vino diluto dentes colluat. Ex his autem quæ applicari possunt seu illini, nihil facilius oleo lentiscino, maximè his quibus dentes ob ætatem debilitantur, aut aëris iniuriam. *Aliud* non probatum, sed quod omni ratione vtilissimum esse existimo: vngulas suum & dentes, & mandibulas derasas, & comminutas recentes, in ollam nouam coniicito, tantæ magnitudinis, vt fermè dodrantem materia occupet, eam tegito fictili operculo plano, atque fundum eius foraminibus frequentibus atque exiguis ita repleto, vt nulla pars non perforata sit, nec tamen scobs possit descendere: hanc ollam veteri ollæ vitro oblita ex fundo ita intrudes, vt adamussim conueniat, quin etiam rimam equino fimo obline, supposito priùs subere aut sambuci medullâ, inde foueam in terrâ facies tantæ altitudinis, vt vtrisque depressis superior superficies superficiei terræ cohæreat: super hanc igitur & vndique ignem maximum accendes, affatimque per viginti quatuor horas nutries, demum refrigeratis ollis colliges oleum dentibus confirmandis vtile. Cæterum quantum virium sit in mandendo, & quantum intersit, experimento docere non grauabor. Anno

MDLXIV. decimo Calendas Februarij, cùm mihi dens qui proximus est canino inferiori dextræ mandibulæ nutaret atque doleret, horâ xvij. mandebam helenij radicem, sed non cum sale præparatam, verùm valde recentem, ieiunaui ad horam vsque secundam, nihil sentiens incommodi, post cœnam collui os bis aut ter, statimque sensi tetrum quendam saporem atque odorem, atque adeò vehementem vt demirarer, tandem recordatus helenij quod dentibus attriueram, intellexi octo horis latuisse tantam vim in palato & oris partibus, quanta sufficeret, si exitialis fuisset, ad corrumpendas facultates cerebri, ventriculi, iecoris, atque pulmonis: tantum potuit mansa Inula, vt vno exemplo omnia intelligas. Verùm vt ad ordinem reuertar, quærendum est an in sanitatis dentium conseruatione vtile sit lapideas crustas ferro auellere? Equidem id censuerim, ademptis illis gingiuas melius adhærere, dentesque confirmari. Ergo vbi medicamento locus est, melius est quàm ferro: vbi ferrum sit necessarium, id agere præstat, si laboriosè non fiat. Quod si sine labore fieri non possit, abstinendum est: ferrum enim inimicum est dentibus, tum quia frigidum, tum quia asperum, tum quia gingiuas corrumpit. Cæterùm & illud considerandum est, quòd dentes qui mobiles sunt, nonnunquam adstrictione ossium mandibularum indigent; quo fit vt etiam in senibus adstringentia conueniant: multum autem differt id quod adstringit ab eo quod exiccat: propterea de his in sequentibus sermonem habebimus. Idè ad curam transeamus, hoc solo proposito, quòd dentifricia probari solent ex cortice radicis nucis, vel ligno lentisci, itèmq; ex auro, tum verò ex lignis resinam habentibus, veluti ex larice. Quod verò detergit crustas lapideas, ex auro fiat

fiat duro ; qualiter autem id fiat, alibi dictum est. Sunt & qui pennis auium pro dentifriciis vtantur. Et crusta panis vsta cum aqua plurimum dealbat dentes , & vinum rubrum cum aqua separationis: dictum est autem hoc aliàs.

Quarto loco sunt quæ à proprietate agunt , in quibus est id admirabile, quòd si concoctio mala ventriculi, iuuatur, vt dicit Galenus 9. de simpl. medic. cap. proprio, contactu Iaspidis : quomodo id fit ? an tollit frigiditatem , quæ causâ exempli , sit causa imbecillitatis sine calore, an tollit imbecillitatem, & manet frigiditas, aut omnino fit imbecillitas concoctionis sine malâ qualitate ? & ita duobus modis erit causa sine effectu, & effectus sine causâ. Aut si primum admittatur, tollitur qualitas sine contrario tam calida quàm frigida. Igitur hoc modo curabit non solum omnem morbum in ventriculo Iaspis, sed etiam in omni membro , & ita quæ curant à proprietate , curabunt omnia membra , & à quocunque morbo. Dicemus ergo ad hoc, quòd ea quæ à proprietate agunt, quinque modis agere dicuntur, quorum tres sunt proprii, reliqui non proprii dicuntur à proprietate. Primus modus non proprius, est vt in purgantibus medicamentis , qui fit à substantiæ similitudine, secundum Galenum : etiam secundus qui fit stuporem inducendo , vt de opio & torpedine, maximè in doloribus , & hic etiam non est proprius. Tertius est proprius , vt dixi, & sequentes , sed hic fit trahendo calorem ad locum ratione similitudinis in claritate, & luce, & naturâ. Quartus confirmando calorem qui est in membro ob similitudinem qualitatis, licet in humano corpore elementa sint refracta multum ; in Iaspide autem longè minùs : & hic modus fit quia calor quem producit Iaspis ratione suæ vitæ,

& etiam quem reflectit iam receptus, ab humano corpore ad actum deductus per calorem ventriculi, redditur ad vnguem illi similis, & deducitur de potentia quasi ad actum, vt ligna quæ ardent, & ita fit vnus calor, & idè augetur calor ventriculi, eius etiam operationes. Et hic modus agendi à proprietate, vt liquet, conuenit solum inter rem & rem, vt Iaspidi cum homine. Et nec inter rem & rem generaliter, sed inter rem & partem rei, vt inter Iaspidem & ventriculum, non inter Iaspidem & cor: quia cum fiat ratione similitudinis, & iam supponitur similitudo inter iaspidem & ventriculum, & ventriculus est dissimilis cordi: igitur iaspis est dissimilis cordi; non igitur ageret. Quintus modus est densando substantiam membri, & illius calorem. Quia ergo tribus modis auget vim membri. Ergo tribus modis oppositis contingit debilitatam esse vim eiusdem, scilicet laxitate, imbecillitate proprii caloris, & superuenientis [MS. *super veritatis*.] Sed & si non sit imbecillitas propter hos, sed propter frigiditatem gratia exempli, medicamentum tamen illud restituit, quod deficit ob aliam causam. Igitur patet ex hoc, quod non omnis morbus pedit à qualitate manifestà: sed sunt tres alij præcipui, raritas substantiæ vel eius corruptio; paucitas caloris proprii, vel eius raritas; & paucitas caloris aduenientis. Et quod omnis curatio etiam fit à contrario in his, sed non per se, quoniam frigiditatis quæ est qualitas, incommodum potest restitui, vel caliditate aduentitiâ, vel condensatâ substantiâ membri patientis, vel aucto calore proprio, vel condensato. At illud quod omnis curatio fiat per contrarium, tenet & intelligi debet, vt demonstratur ab Hippocrate, quia vbi Hippocrates adducit demonstrationem, debet intelligi dictum, quatenus attingit demon

demonstratio ; sed vbi non adducit, generaliter. Cum ergo dicat 2. *Aphorism. 22. Quicumque morbi ex repletionibus sunt, curat euacuatio, & quicumque ex euacuatione repletio, & aliorum contrarietas.* Non negat Hippocrates primum morbos aliter non posse sanari, sed dicit hoc modo, curari à causâ scilicet contrariâ. Et ita dictum est artificiosum, quia loquitur de causâ, & non de morbo; & verum etiam simul, quia dicit contrariorum adhibitionem curare morbos, non curationem semper fieri à morbo. Sed & à proprietate arcent dolorem Chelidonia, vnde illud Macri:

Dentis ut affirmant, prohibet contrita dolorem.

Laudatur & ab eodem cæparum succus ; vnde illud :

Manè sibi dentes qui succo perfricat isto;

Dicunt hunc dentis nunquam sentire dolorem.

Ille idem mira de Erucâ refert, ut epota cum vino omnem doloris sensum auferat : sed iuuat verba eius referre.

————— *Cum vino largius haustam*

Indurare ferunt hanc contra verbera sensum.

Plinius lib. 1. cap. 36. etiam inquit: *Quinquefolium quoque vino vel aceto incoctum, si quis quotidie manè id decoctum continuerit, nunquam laborare dolore dentium, debet autem assumi radix cum herbâ.* Dioscorides etiam lib. 4. cap. 22. ait, *Eryngij radicem appensam prohibere abscessus, undecunque futuri sint.* Simile de Astore attico seu inguinali idem refert, quod si gestetur, prohibeat in inguinibus bubones generari, unde quidam etiam bubonium illam herbam vocitarunt. Dignoscitur autem ex hoc peculiari signo, quod flores noctu luceant sicut astra, vnde nomen etiam sumpsit. Ita ergo & de Pæoniâ, & maximè astrorum auxilio videtur: Masculæ enim radix, (teste Plinio lib. 27.

K 5 cap. 5.)

cap. 5.) die plenilunij collo appensa præferuare videtur à podagrâ, mutare autem oportet, vt ferunt, in singulos sex menses. Verisimile autem videtur vnicuique membro, tum affectui, herbam aut aliud mistum genitum esse, quod ei aded conferat, vt pro præsentî miraculo haberi possit. Tum verò generaliter vim cœlestem esse, quæ & morbis & causis eorum aduersetur, & membra ipsa sanat; cuiusmodi experimenta aliquando narraui. Quòd si ita est, tentandum maximè in comploratis, ne quod auxilium relinquamus. At postquam id magnâ ex parte incompertum est, siquidem herbæ illæ, cum non plus faciant quàm medicamenta, sed solùm maiore dignum admiratione, & minore incommodo, forsan hoc in vfu partium animalium, aut ex obseruatione astrorum, vt dixi, inuenire tentabimus.

S E C T I O I I.

De curâ propriè dictâ, etque generali, huius affectûs.

Post autem deueniendum ad generalem curationem. Quæ fit per sectionem venæ, generaliter omnem materiam in venis contentam minuit, & fluxiones auertit. Et sectio quidem copiosa fieri debet, saltem vnciarum duodecim, vel etiam plus pro ægrotantis viribus & habitu, & morbi magnitudine, & quanto celerius, & in loco calido, & ventriculo vacuo. De venâ autem ad generalem pertinet considerationem, [MS. *contractionem*] non communem. Et ita purgatio etiam per se conuenit, cum materia fuerit extra venas, aut valde remota à naturâ sanguinis, vel æger patiatur à sectione

sectione venæ, vel formidet illam. Reliqua ad generalem curam pertinent. Similiter inanitio, paucitas cibi & potûs, quies, somnus moderatus, aër morbo contrarius, non trîstari, non irasci, non timere. Pro curâ autem generali communiter factâ, cùm diuidatur in quatuor partes, communem, generalem, propriam membro, & specialem communi modo factam: igitur cùm initio fluxionis cum dolore, periculum sit, ne materia ad membrum principale retrocedat, multa quidem simul ingruunt, quorum pars pertinet ad iam dicta, vt lenitio alui, si adstricta sit; & euacuatio totius corporis, si redundauerit humoribus, & cibi potûsque paucitas, & auersio per loca longinqua diuersa, & ex eodem fonte prodeuntia, vt ad primam magnam diuisionem ex opposito referatur. Et si dolor adsit, vt tepida actu, & acopa potestate applicentur; talia sunt veluti oleum chamæmelinum, è semine lini, butyrum, sapa, aliâque, tum verò quæ vehementer repellunt, atque ea actu frigidissima, modò dolor & loci natura id admittant. Prope affectum autem, scilicet inter locum patientem & fluxionis, quæ vehementer adstringunt tepida, inde procedente morbo repellentibus discutientia admiscebis, etiamsi dolor non adsit. At si ab initio dolor non adfuerit, repellentibus tamen vteris. Cùm verò finis incrementi apparet, adstringentia ne amoueto à suo loco: super locum paucis repellentibus & leuibz adiace digerentia plurima; si dolor adsit, concoquentia pauciora. At si dolor non adsit, concoquentia plurima, digerentia pauca. Eam ob causam oleum rosaceum, quòd acopum sit atque adstringens, magno semper in vfu est. Dum verò fluxio desistit, multis concoquentibus digerentium aliquid & astringentium adiicito, nam & robur membri confirmant;

&

& suppurationem accelerant constrictâ cute; & defluxum nouæ materiæ, quæ persæpe ad membrum imbecille, ad membrum calens, quæque in viâ est, sed auxiliis repulsa ferri solet, prohibent. Quæ verò discutunt, non ex eo genere esse debent, quæ cutim rarefaciunt; frustra enim eorum alterum quæremus, densare ac rarefacere: sed quæ quod tenue est, in halitum resolunt atque extrahunt: propterea neque omnino astringere decet, neque digerere. Cum verò statûs tempore materia euanesceat, mollientibus atque digerentibus æqualiter insistendum, adstringentibus vel minimè: at si mollis materia redundet, digerentia augebis. Sin durus locus manet, minuito digerentia, emollientia augeto: emolliunt quæ valde humida sunt & pingua, & moderatè calida, vt adipēs omnes & olea, sed minùs, & butyrum. Quòd si ad suppurationem conuersus fuerit, incide vel aperi medicamento, vbi inundatio apparet premente digito. Detracto pure iam absoluto, concoquito quod reliquum est: vbi euacuatum fuerit, pûsque fluit paucum, album, læue, æquale, minimè olens, caro viuida, vlcus sine tumore, sine dolore, ipsum sarcoticis imple, inde epuloticis, seruata membri figurâ restaurato: animaduertendo in curatione omnium morborum membrorum quæ officium peculiare habent, aut valde nobile, vt oculi & aures, aut valde necessarium, & à quo non possumus diu abstinere, & illud officium requirit robur, sicut dentes, ventriculus, iecur; quòd curatio debet fieri cum confirmantibus membrum, & ita magis de corde & cerebro. Hoc autem vel fit per ea quæ confirmant ipsum membrum, & simul aduersantur morbo, & talia est difficile inuenire, vel per ea quæ conferunt membro,

mista

mista his quæ aduersantur morbo, & hoc est longè facilius: propterea primum dicemus de his quæ iuuant dentes, & conseruant illos, & de his quæ nocent.

Hic verò aduertendum diligenter, quòd Galenus censet partes quæ perpetuo motu aguntur, vt pectus & pulmones, non posse coalescere, sed si probè detergantur atque siccantur, (hic enim duobus indigent, quæ diuisa vt consolidentur; & vt si caua sint, caro regeneretur; si non, vt partes constringantur,) callum (dicit) obducere possunt, vt non in posterum febricitet, licet ichorem quandam remittant, vt omnino cutim non generent. An hoc ergo semper verum est? Et si: cur? An melius est fateri, quod sensus attestatur, consolidari diuisa, & cutim obducere, sed tenuem & infirmam, quoniam caro quantò profundior, eò humidior est. Vt ergo rem expediamus, omisâ difficultate, an inchoandum sit à leuioribus, de quâ in *secundo Contradiet.* 34. actum est, quoniam cum morbus sit notus, & locus non sit periculosus, nec pars sit princeps, possumus ab æqualibus incipere, declinando tamen ad leuiora, & maximè quia morbus dat inducias. Sed maior est difficultas in hoc, an debeamus incipere à causâ morbi, scilicet à curatione dentis, an à morbo ipso, an à periculo, scilicet inflammatione gargareonis, an pluribus horum, & à quibus? Secunda, an debeamus singulis morbis, secundum vnâquamque intentionem sua scribere auxilia, quod videtur habere multiplicem difficultatem. Primum quòd cogemur repetere sæpius eadem: secundum, quòd cogemur ponere auxilia noxia aliis dispositionibus: tertium quòd sermo reddetur nimis plexus; quòd si morbus plures, & plures intentiones simul comprehenderimus, fiat doctrina confusa & incerta. Tertia est, an debeamus antequam purgemus,

purgemus, aut sanguinem mittamus, dolorem prius sedare, propter dictum Principis, *quarta primi, cap. 1. Et antequam ad diuersum trahas, dolorem prius seda.* Similiter est difficultas, an sit purgandum, quia non est concocta materia, & etiam ante purgationem debeat vti inedia, ne corpus inflammetur, & humores accendantur? Verum dico pro prima, quod debemus incipere à curatione causæ, quia si illa potuit excitare affectum, quanto magis prohibere ne sanetur, & tamen non neglecto periculo inflammationis gargarconis, neque ipso morbo, qui cum per se indicet de curatione, etiam semper. Ergo quilibet morbus, nisi sit factus à causâ externa, duplicem habebit indicationem, vnâ à se, aliam à causâ, & si magnus fuerit, tertiam à virtute. Pro secundâ difficultate, dico quod in generali oportet singulas intentiones & morbos seorsum explicare, specialiter autem simul multorum habere rationem, & ita nullum inconueniens sequetur. De euacuatione autem dico, quod illud dictum: *Vbi fames, laborandum non est:* sic intelligendum est: vt ei imbecillitati, à quâ nunquam natura se sponte redimit, & sunt duæ, fames & vigilia, nulla vnquam debet, nisi factâ restitutione, succedere causa debilitans vireis, quia natura non fert, & si non potest redimere se ab vnâ, quanto minus à duabus. Et si dicas quod dormiendo vel dando cibum poteris recipere vires: dicam ego, cur non dedisti cibum, aut permisisti dormire, antequam euacuares? Et si dixeris, quod non poteras dare cibum, propter morbum, causam, vel symptoma; nec erat in arbitrio tuo vt dormiret: dicam ego, num à debilitato longâ inedia si detraxeris sanguinem aut purgaueris, licebit dato cibo sperare salutem? quia vel non conueniet, vt nec prius conueniebat, & erit adeò debilis, vt non possit

possit concoquere. At verò aliis causis, à quibus natura prostratas vires recipit sponte, licebit vel inedia, vel balneum, vel aliquid huiusmodi adhibere, quoniam tales virium lapsus assimilantur deliquiis animi; qui verò contingunt ex inediâ vel vigiliâ, veræ syncope: nam in vigiliâ, vbi vires deciderunt, nunquam restituentur nisi per somnum, & in inediâ per cibum aut potum. At cibum & potum exhibere in magnis morbis, graue est & periculosum: somnum adhibere, non est in nostrâ potestate. Ergo vbi ab euacuatione sanguinis, aut purgatione, aut balneo, aut fatigatione, aut dolore, aut tristitiâ, aut Venere, aut morfu serpentis, aut potu veneni, quis se recreauerit, licebit tam inediâ, quàm & aliis euacuationibus, & medicamentis venenosis vti: quamobrem in initio inediæ, talia adhibere conuenit. Est autem inediæ initium, donec homo perfert illam sine vlllo symptomate malo, præcipuè animi deliquio, aut delirio, aut pulsus imbecillitate vel inæqualitate, vel inquiete, vel cùm exanguis iacet, & mortuo similis. Multum autem interest, ætas puerilis, consuetudo multi cibi ac plurimum nutriendi, & præcipuè vini atque ouorum: vita omnino otiosa, vel nimis laboriosa, animus timidus, Venus frequens, temperatura biliosa, diuturnus vsus leuium cibariorum atque multorum: verùm contraria producunt inedia, nihil autem magis quàm cruditates. Cibi ergo, panis, caro apri iuuenis, glandosa vituli, alæ gallipauorum, iecora gallinarum, auiculæ, pisces friabiles, nuges, vuarum passæ, & quod est prisana ægris, oryza fanis: condimenta oleum, sal, mel, saccharum, sapa: potus aqua, & pro consuetudine, vini albi parum, æqualis cibo. Somni horarum ad vtriusque simul vndecimam partem vsque ad octauam

uam tripla. In ægris quantò maior, tantò melior si ferre possit. Siquidem concoquunt, somnus, inedia, calor: quies quantò minor, eò deterior ad animum primùm, inde ad sanitatem, inde ad robur. Diuiditur ter in die ad summum, 7. *Artis curandi, cap. 6.* Sed purgatio ante coctionem materiæ, cùm nulla sit expectanda, nisi in febribus, imò nec preparatio, si oporteat, negotium nullum præbet; verùm hîc minùs necessaria est quàm periculosa: in vniuersum non oportet, cùm necessitas vrget, abstinere, imò nec tardare quouis modo. Quantum verò ad doloris sedationem, dicebat Princeps *quartâ primi: Cùmque materiam ad longinquum trahere volueris, loci dolorem priùs sedabis, ut ipsius minuatur coarctatio per attractionem, quoniam dolor est trahens, cùmque ad locum non obedit, ad quem ipsam trahis, non violenter agas, quoniam quandoque violentia illa ipsam mouebit & subtiliabit, & non trahetur, & fiet velocius declinans ad dolentem locum.* Hoc totum sumptum est à Rhafi *duodecimo Continentis*, qui illud sumpsit à Galeno, *duodecimo Artis curandi, cap. 8. in fine*, vbi in coli dolore à flatu & humoribus crassis, non solum antequam auertat, sed etiam euacuet, dolorem sedat cucurbitulâ impositâ. Itaque à dentis curatione inchoandum censeo, tanquam à causâ. Doloris autem ratio habenda non est pluribus in causis, vt cùm non vrget, vt in hoc casu; vel si nullum sit aliud præsidium singulare ab euacuatione; vel cùm incipiendum est à deriuatione.

Cura verò generalis per conferentia membro est eadem quæ superior, sed ea est custodia hæc admixta curationi, veluti Plantago laudatur à Q. Sereno.

Sapius hanc ipsam si dentibus atteris herbam,

Gingiuas

*Gingivas reprimet tumidas & sanguine plenas,
Sicque solet dentis compefcere saepe dolorem.*

Laudat & Plinius lib. 1. cap. 67. caprifici succum detra-
ctum tempore messis. Vermes quoque terrenos ex
oleo dilutos in aurem infundere ex eodem latere do-
cet. Cinerem quoque eorum denti imponere, maximè
si exesus sit. Aliud ex eo, cap. 53. & 55. valde potens.
Chalcæanthum & cadmiam aceto incoque, & cum gos-
sypio. impone denti. Ex Scribonio Largo: lubet is
manducare portulacam ex aduersâ parte, ita vt succus
traiciatur ad locum dolentem, aut rhododaphnen,
sic vt multa saliuâ ex ore decidat. Succus quoque so-
lani tepens gargarizatus (dicit) benefacit. Marcellus
verò libro de medicamentis, cap. 12. laudat, quod & à Scri-
bonio ponitur, cap. 56. compositum medicamentum.
℥. Succus pencedani, partes tres, Thuris partes duas, succi
panacis & vuae passæ, an. partem unam. Misce, & dentem
emplastri loco contege. Laudat & cornu ceruinum vstum,
vel decoctum scobis eius concoctæ in vino. Præ-
ter reliqua verò, quatuor hæc ascribit: Radix terra mali
furculo eruta & commanducata, si ore contineatur, inter
initia quidem excandescere facit dolorem dentium, sed mox
potenter eum extinguet. Porcelli lactentis ventriculo, id est,
aqualiculo exemplo, quod in interiore cute luteum adhæret,
lana coniunges, madefactâque eâ illum humorem auricula
inseres, cuius è diuersâ parte dens dolebit, certissimo remedio
statim subuenies. Mori radix tempore messis incidatur, ea
succum aptissimum inhibendo dolori dentium emittit,
quem ideò colligi, & seruari oportet, vt cum opus fuerit,
dentibus imponatur. Aris florem florêsq; hedera pari
pondere in unum terito, vinôque misceto, ac naribus mode-
ratè, cum dentium dolor fuerit, infunde, statim omnis mole-
stia dentium compefcitur & sanatur. Q. Serenus laudat

L vngulam

vingulam porcæ in cinerem redactam, sed & Oleastrum, vnde illud :

Mansus item prodest succis Oleaster acerbis,

Hinc oscedo fugit, lingua quoque vulnera cedunt.

Sed nihil melius, meo iudicio, Celli auxilio: is enim lib. 6. cap. 9. inquit: *Hac à Medicis accepta sunt, sed agrestium experimento cognitum est, cum dens dolet, herbam menthastrum cum suis radicibus velli debere, & in pelnem conyci, supraque aquam infundi, collocarique iuxta sedentem hominem undique veste coniectum, tum in peluem candentes filices demitti, sic ut aqua tegantur, hominemque cum hiante ore vaporem excipere, ut supra dictum est, undique inclusum, nam & sudor plurimus sequitur, & per os continens pituita defluit, idque saepe longiorem, saepe annuam valetudinem bonam præstat.* Cælius Aurelianus in *Chronicorum secundo, cap. 4.* laudat decoctum papaveris vel radicis dulcis, vel fœnigræci. Quæ omnia ego laudo: quemadmodum & illud de Erasistrato, qui sacrauit odontagogum (*id est, dentes educens*) Delphis è plumbo, ut intelligeremus dentes non nisi volentes, ut ita dicam, ac sequentes educendos esse, nec avulsionem, ut inquit ille, dentis, esse sanationem, sed partis valde inutilis imminutionem. Itaque hæc est cura generalis dolentium dentium, quæ fieri solet vel per acopa, vel stuporem inducentia, vel quæ agunt proprietate quadam, vel omnia auxilia quæ plerumque calefaciunt, aut pituitam multam educunt: multa etiam dicta sunt superius.

Memento autem præcipuè, quod trium principalium membrorum contentorum, in eis iecoris quidem cura maximè perficitur medicamentis ebibitis; cordis autem per illita arteriis & è regione illius; at capitis per suffumigia. Et ratio est evidens in omnibus: cerebrum

cerebrum enim est remotum à medicamentis, & non habet adeò magnas arterias ac multas. Cor sepitur ab aëre per pulmonis carnem, & medicamentorum vis commutatur priùs, & debilior fit propria membro [MS. absque villo sensu, priùs debilia, & propria membra.] Sed iecur habet calorem imbecillem, vt rapiat & attenuet vnguenta, nec suffumigia ad illud perueniunt. Quod autem fallit in corde, & magis in cerebro est, quoniam plerique morbi illius habent consensum cum iecore, ideò putant Medici, quòd iuuetur à medicamentis: & post suffumigia habent quas vocant Embrochas, sed non sunt adeò tutæ, & minùs etiam operantur, quoad occultas qualitates. Febris ergo putridis adhibebimus medicamenta exacerbationibus & rigoribus spinæ dorsæ.

Pro curâ autem speciali, primùm quidem illud Galeni considerandum, in libro de dissectione instrumentorum odoratus, cap. i. quod etiam alibi repetiit: *Quatuor scilicet esse in hoc necessaria, scire habitum naturalem illius, tum etiam causas, dissectionem, ac huiusmodi, deinde morbum resque omnes præter naturam, velut causas, symptomata, ac alia, deinde instrumenta ad curandum necessaria, ultimo modum administrandi illa instrumenta, iuxta electionem, quantitatem, qualitatem, tempus, preparationem, atque alia eiusmodi.* Dictum est autem superiùs, & forsitan (ita dicere liceat) meliùs, quàm vt separantur priora, scilicet naturalia, à modo: siquidem modus mihi videtur exhibere, quantum natura, habitus, ætas, ac huiusmodi ferunt: præterea quantum morbo debetur. Vt ergo ea generaliter, quæ specialia esse debent tractemus, non erit necessarium vt distinguamus quantitatem huic congruentem. Sed mittemus sanguinem, si dolor & abscessus fuerit adeò magnus, vt

metuendum illi sit ; aut si morbus sit ex sanguine , & hoc pro ratione ; aut si vrina sit valde cruda , aliter non. Vtemur potius purgatione , quæ potest fieri sex modis simplicibus. Et est etiam modus ille septimus , de quo *ibi* , & in libro de secretis , vbi disputatum est , an vt dicebat Theophrastus ille Paracelsus , vna medicina possit curare omnes morbos ; & si sic : quomodo ? si non : cur ? Proponemus ergo modos compositos , velut cum cassia nigrâ quæ lenit aluum , & humores acres educit. Et si morbus esset maior , dum fluxio sit , potest ac debet purgari corpus cum helleboro , quia est pars altier , & si infra , cum veratro albo. Sed non debet vnquam esse par periculum in medicamento & in morbo : ergo multo minùs debet esse maius. Et similiter conuenit auertere materiam peccantem à locis maioris noxæ , non tamen cum cucurbitulis in dorso , quia locus est medius inter membrum patiens , & principale. Et ita conuenient frictiones , & vincula , post vniuersi corporis purgationem. Et debemus abstinere à cibo , & ratione fluxionis maximè , & ita per totum principium. Et dum fluxit , ratione coctionis , donec incipiat euacuari materia , vt præcipit Hippocrates , & hoc est tempore incrementi & vigoris totius , qui habet duas partes , vnâ in quâ perficitur coctio , aliâ in quâ est coctus abscessus , sed nondum purgatur aliquid. Et ideò necessarium est scire , quòd in abscessibus sunt duo genera temporum , generationis , & coctionis. Et quatuor tempora generationis continentur in solo principio coctionis : ideò ob duplicem causam est necessaria maior abstinencia cibi , in initio generationis , & ob vnâ tantùm , in initio coctionis. Tempus autem in quo euacuatur materia ex abscessu , est declinationis. Ab initio ergo oportebit vti adstringentibus & repellentibus ,

tibus: & quia membrum est prope exangue scilicet dentem, non conueniunt frigida, nam augment dolo- rem, & ita magis trahitur materia; membra etiam exan- guia læduntur à frigidis. Et etiam lenientia dolorem temperata, in ore sapa calefacta mediocriter. Sed me- lius est calefacere oleum rosaceum croco admistum, & imponere denti, & similiter ex his quæ à proprietate prohibent, vt dictum est de fabâ Ægyptiâ; & nos iam descripsimus medicamenta quæ sunt calida moderatè, & quæ adstringunt, inter quæ est ab- sinthium.

Deueniendo autem ad curationem specialem; dice- bat Hippocrates *lib. de humidorum usu: Calida aqua con- fert gingiuis denigratis.* Cùm enim abscessus vel vlcera in gingiuis perseuerant, indigent his quæ detergunt & sorditiem auferunt, velut & in Epulidibus. Aqua autem calida detergit, & temperat prauitatem carnis corruptæ, & maximè sæpius repetita, atque id est ge- nerale auxilium. Specialiter autem dicebatur *septimo Epidemiorum: Melissandro cùm gingiua dolore corripere- tur; & vehementer intumesceret, sectio vena brachij, & alu- men Ægyptium in principio sedabat.* Hic desunt multa. Primum quod nescimus, quid sit alumen Ægyptium, de quo Dioscorides *lib. 5. cap. 81.* egit, distinguens ipsum in tres species, scissile, rotundum, & liquidum; quod quidem alumen Ægyptium sit præstantissimum facile reddere possumus: sed & habere ipsum licet cum re- liquis mercibus: at verò de speciebus ipsis magna est dubitatio: nihilo secius Matthiolus existimat, scissile alumen esse difficile inuentu, habuissèque se refert à Lucâ Ghino Imolensi, Pisano Professore, sed pro sin- gulari dono, non vulgari re. Reliqua duo primum nunc inueniuntur Puteolis in Campaniâ, inuentaque

sunt à Bartholomæo Maranthâ Medico nostrâ ætate, vt idem Matthiolus refert. At præter illa antiquorum, nostris temporibus multa alia genera inueniuntur; Rochæ, scaiolæ, primæ facis, catinæ. Quædam etiam ex prioribus composita, velut Saccharinum, quod simile saccharo sit, candidum, splendens, hoc ex alumine rochæ fit, candidoque oui, & aquâ rosaceâ. Verùm Catinæ, quo vitri artifices vtuntur, ex cinere herbæ gustu falsæ, quam Sodem vocant, fit. Scaiola autem amiantos est, quod fit ex facie vini, & etiam vsui est vitri artificibus. Reliquum est vt de eo quod plumæum vocant, & communi rochæ, cuius tanta copia est, loquamur. Fit autem alumen rochæ ex lapide satis duro, cuiusque sunt duæ species, album simpliciter, & quod ex albo rubet, quod melius est & efficacius: ingrati est saporis, subsalsi, & palàm adstringentis; cuius vsus maximè ad fullones, & aquam separationis est: splendorem enim addit coloribus, efficitque vt recipiantur atque retineantur: inimicum ventriculo, tamen si adstringens, omniâque aluminis genera etiam notha, oris vlceribus & gingiuarum putredinibus conferunt, verùm alia magis, alia minùs. Optimum fore Ægyptiũ, hãud dubiũ esse reor, & in vnoquoque genere, est enim substãtiâ tenuissimũ, quocirca & ignibus elaboratum, atque in aquam redactum longè melius est; reducitur autem vt tartarum, vel etiam distillatione, sed ea acutior est. Cũ verò aded adstringat, plerique frigidum illud esse existimant; at non ita est, namque chalcantum, & chalciris, & misy, & sory, adstringunt vehementer, quanquam calidissima sint. Alumen verò plumæ, scissile quasi nothum est, & ex lapidum genere. Præcipuæ illorum species præter id quod etiam cancrofis gingiuarum vlceribus conferant,

conferant, familiaritatem quandam habent cum dentibus totóque ore, expurgant autem ipsum ab humidis superfluis, vereréque authores Latini addito sale & melle utebantur: verum cum, ut dixi, multiplex sit usus, veluti foris in emplastris, vnctionibus, vnguentis, ceratis, liciniis, collutionibus, euaporatione, tum si mandantur, vel detineantur sub dentibus, aut perforatis illis immittantur, vsque eò ut pro amuletis utamur, de quibus dicendum erit. Nunc ad rem redeo. Aliqui solent exustum mittere, sed an vsta vires habeant, paulò post dicemus. De quantitate igitur non magna est difficultas. Solet cum miscetur sali & melli, tantundem salis addi, mellis decuplum aut etiam plus: propter illius insuauitatem authores ipsum refugiunt, aut addunt odorata & ventriculo grata, malobathrum, iuncum odoratum; sed malobathro caremus: iuncus odoratus Græcè *ῥίζα ἰσχυρῆς*, vnde squinanthum corrupto vocabulo, aut spica Inda, sic enim & ventriculo commodius redditur. Verum inuenitur & latercularium alumen: Princeps lib. 2. tract. 2. cap. 7. vocat alumen scissum Iameni, scribitque ipsum calidum & siccum in secundo ordine. Ego verò de scisso non pugno: de alumine tamen rochæ dico, quòd est siccum in secundo, & forsan etiam in initio tertij, calidum autem in fine primi. Princeps autem videtur agnouisse vtrumque genus, & cum vitur alumine scisso appellat ipsum Iameni; cum verò communi, alumen, ut in octaua tertij: quanquam nec in hoc seruet regulam generalem; sed cum describit medicamenta Galeni, & Pauli, & reliquorum Græcorum, debet intelligi de scissili, quia illud est præstantissimum, & Græci non cognouerunt alumen rochæ: at cum recitat medicamenta Rhafis & reliquorum Ara-

bum, debet intelligi de alumine rochæ, quia Arabes non cognouerunt, aut valde pauci, alumen verum scissile [MS. *verò scissilla:*] nam alumen rochæ foditur in Hispaniâ, & est ibi copiosum.

S E C T I O I I I .

De curâ huius affectûs, eâque speciali per diætam.

DEueniendo modò ad curationem specialem communium per pondus atque electionem, & per generalia hoc modo determinata, velut ratione victûs, seu sex rerum non naturalium, ita faciendum. Primum si aluus non demiserit, nec cibus sit in ventriculo, clystere vtendum est; aluus enim adstricta, multorum malorum causa est: nam & caput replet vaporibus, & iecur lædit, & ventriculi appetitum euertit: præsertim hæc omnia facit, si corpus malis humoribus redundet, & ideò procuranda estalui lenitio. Sed si cibus in ventriculo sit, illius coctio expectanda est, antequam clysterem committamus. Sed si aluus adstricta sit, & cibus in ventriculo, nec morbus patiatur inducias; tunc considerare oportet, an morbus sit circa pectus vel caput, & tunc subluere ventrem oportet, modò virtus valida sit, & ætas floruerit, 1. de Vict. in acut. text. 45. Ita ergo agemus. ℞. *Succi cassia nouiter extract. Orientalis ʒß. Aloës hepatica electa ʒj. Olei amygdalini dulcis, parum. Misce, & cum saccharo fiat bolus. Capiat statim, etiamsi modò pransus sit. Quòd si* [MS. *sicut*] in hoc casu glutire bolum non possit, dissoluat hoc ipsum cum decocto myxorum,

rum, & si videatur amarum, & sit vir delicatus, detur tantundem pulveris Polypodij recētis, cum granis vij. Cinnamomi electi, communis tamen: nam Polypodium non adeò est malum ventriculo, sicut fertur: & ita poterimus intra quatuor aut sex horas uti sectione venæ, vel frictionibus, provt opportunum fuerit. Et intelligo per drachmas octo, vnciam vnam, ita ut drachma contineat scrupulos tres, & scrupulus obolos duos, & obolus siliquas tres, & siliqua grana quatuor frumenti, æreus verò granum & medium continet. Drachma igitur continebit grana septuaginta duo, & vncia grana frumenti DLXXVI. Verùm hi faciunt drachmam ex viginti scrupulis, id est, granis sexaginta, sic fiet ut vncia novem drachmas & grana triginta sex habeat. Sed hæc est deceptio pharmacopolarum. Lupinus verò est tertia pars scrupuli, id est, grana octo, seu siliquæ duæ. Et hic modus ponderum, qui originem habet à granis tritici, est certior qui haberi possit, quanquam & tritici grana evarient, adeò ut Turcicum & formâ & pondere magis simile est lobæ, de quâ Plinius loquitur *lib. 18. cap. 7.* Verùm credo intelligi debere solum de nostro tritico, Turcicumque ignotum fuisse antiquis, quòd Plinius ibidem nostrum describens, non Turcici unquam meminît, & quamvis [fortè legendum, *cuinis*] Italicum præferat pondere atque candore, laudâtque Sophocléum:

Et fortunatam Italiam frumento canere candido.

Viginti sex libras excedere solebat modius, Gallicum leuissimum quod vicens: quæ ratio certa ponderis ex dodrante cum constet discrimen statui potest, grauiori tamen attendendum. Dictum est de cassiâ, hæc antiquis Græcis non nota fuit. Primus inter

illos videtur Actuarius eam cognouisse. In capite siquidem de *Potionibus medicamentarijs*, hæc habet de eâ loquens: *Est fructus fistulosus, teres, oblongusque, concretum intus humidum ferens, non unâ coalescens continuitate, sed ex intervallo intercedentibus liguosis tenuibusque membranis, septum seminalibus granis, figurâ & specie non dissimilibus, his qua cognita nobis siliqua profert.* Loquitur etiam de ea infra, dum sermonem habet de Myrobalanis: dicens, *At verò Cassia ipsa bilem fluam, sed magis retorridam, & qua iam in atrâ degeneravit, extrahit, quin etiam pituitam educit mediocrem.* Diximus autem Orientalem, quoniam multa aduehitur nunc ex Occidente, & est longè deterior, parum purgat & tardè & cum torminibus, & quandoque non purgat. Dignoscitur autem ab Occidentali Orientalis, quoniam est rubra, & Occidentalis nigra, & Orientalis rursus est fermè duplo tenuioris corticis, & Orientalis etiam est grauior pari ratione, & est dulciior ac suauior intus, & splendidior, & pinguior, & differentia in operatione est maior duplâ. De Polypodio autem dicebat Actuarius, in capite *De simplicibus medicamentis purgantibus: Mediocriter aluum cit, & citra molestiam, purgat quoque bilem, & præsertim atram & pituitam, dantur seni scrupuli,* (id est, drachmæ duæ:) & rursus dum de coniunctis humoribus purgandis agit: *Si atro succos exigere per aluum velis, adde filiculam quam vocant Polypodium.* Auerrhoës quoque illud præfert Epithymo; eligi debet quod dulce est, nec mali odoris: gustasse me memini, quod non cederet glycyrrhizæ. Quòd si morbus non esset in partibus superioribus, nihil melius esset vomitu: vomitus sanè conuenit, præcipuè ubi corruptio est cibi. *Princeps decimâ tertiâ tertiâ, tra. 1. cap. 7.* Si autem sola cruditas, non decet nisi urgente causâ

ciere vomitū , [MS. *verè vomitu*] aliter singulis diebus oportet vti vomitu. Cruditatis enim nomen plura habet significata. Primum est cūm cibus est in ventriculo ante coctionem sine vllā noxā , & tunc sumus in casu dicto, distinguendo de morbo in genere , & de magnitudine eius, tum verò de aluo adstrictā. Secundum significatum est , cūm reliquię cibi remanent in ventriculo ultra duodecim horas ; & eò magis ultra quindecim , & est in genere morbi , & tangitur à Principe *eodem loco* , cap. 8. & tunc debemus vti , (dicebat idem *tertiā primi, doct. 2. cap. 7. post princ.*) somno prolixiore & deambulatione , inde sumat modicum vini puri. Tertius modus est , cūm homo se ingurgitauerit cibo & potu, (dicit Princeps ibidem statim) docētque euomere debere si potest , & si non potest, bibat paulatim aquam frigidam, quia somnum prouocat, & cibum ad intestina deponit. Quòd si somnus non eueniat , aut non sufficiat, tunc considera , an immineat aliquod periculum morbi , an non. Si non sufficiat , quies & abstinencia cibi : si immineat, tunc purga cum his quę vtilia sunt ventriculo , & principale est aloë , aut saccharum rosaceum, aut manna, aut tryphera, aut salnitrum cum origano , vel epithymum cum vino potenter. Et si omnia hæc non satisfecerint, indulgeat somno per 24. horas, & quieti , & abstinencię cibi, inde purgentur venę & euacuentur. Alius modus cūm cibus est crudus in ventriculo , & adsunt signa incipientis corruptionis , velut ructus malè olens & nidorem referens , vel acidus qui pluribus communis est, tunc vomitu curandus est, aut multę aquę potu. Deterius hoc ipso est , si adfuerit cum cruditate putredo , fitis, abominatio cibi , odor fædus oris , amara lingua, nausea, statimque est recurrendum ad vomitum. Est alia cruditas,

ditas, quæ fit iam conuersis cibis in crudos humores, in quâ sentitur quasi pondus plumbeum seu rei frigida cum quodam leui dolore, & est causa longarum [MS. *cungarum*] ægritudinum, & tales non possunt vomere, nec hîc tractandum est de illâ, nec de aliis, nisi voluerimus trahere totam medicinam ad hunc locum; sed vt non decet hoc, ita neque poteramus hæc prætermittere, quia erant valde necessaria in hoc casu, vt statim videbimus. Sed volo perficere quod cœperam. Dico ergo quòd omnibus his generibus cruditarum sunt tria communia, non admittere missionem sanguinis, nec cucurbitulas, aut frîctiones, vel vincula, non admittere exercitationem, non admittere alium cibum. Differunt autem in hoc, quòd cruditates quæ sunt sine corruptione, si bene homo se custodiat, non faciunt febres. Dicebat Galenus *primo de differentiis februm, cap. 3. Et qui bonos habent humores, ac bene diffiuntur, & quiescunt, & quæ circa ventriculum atque hepar sunt, fouent, his febrile est impossibile: nam in eisdem residet ventriculi atque hepatis partibus quodcumque corruptum est, ac paulatim per tempus coquitur, atque optimum fit.* Si verò alius humida fuerit, ventriculûsque vacuus à cibis, sufficiet recta victûs institutio, quantum ad inanitionem & repletionem. Cruditatis autem mala in hoc casu, cum in omnibus magna sint, maxima sunt. Sed priùs distinguere cruditatem oportet, in simplicem, malam, & nauseabundam. Simplicem voco illam quæ solâ morâ indiget, aut somno, aut deambulatione, vt corrigatur: estque triplex, aut cum nondum cibus concoctus est, vt post prandium vel post cœnam, & est non [MS. *pòst*] sanorum exquisitè; aut cum cibus tardatur in ventriculo, vt senibus, debilibus, conualescentibus, & est neutrorum, sicut & tertia, cum ventriculus

culus nunquam expurgatur à reliquiis cibi. Secunda dicitur mala, cum cibus incipit corrumpi, & degenerat à bonâ coctione, ita ut non fiat bonus chylus sed serosus, & humor crudus, & hoc est ægrotantium. Tertia adhuc est deterior, & est nauseabunda, & est cum corruptione, & de hac & præcedente dicebat Princeps, *ubi supra*. Præterea nihil est deterius nauseabunda satietate ex corruptione cibi in ventriculo factâ, ex cruditate malorum ciborum, quoniam cum fastidium provenient ex grossis nutrientibus, hæreditate faciet inueteratarum dolores & renum, & dyspnœam, & podagram, & splenis & hepatis grossitiem, & phlegmaticas aggritudines ac melancholicas. Sed cum ex subtilibus acciderit nutrientibus, provenient ex ipso febres acuta malignæ, & apostemata mala acuta. Hæc igitur generaliter. Specialiter autem dico quod cruditates nocent quatuor sensibus exterioribus, & omnibus interioribus, & cerebro, & nervis, & omnibus partibus oris, quod nunc maximè est in proposito, & hepati demum. Et primùm de gustu, quia ascendunt vapores ex ventriculo ad os & linguam; & etiam quia tunica ventriculi est eadem cum tunicâ oris, & ideò cruditates malæ corrumpunt gustum maximè & gingivas, & dentes, & gargareonem, & ideò in hoc casu nihil est peius, & est propriè quod dixit Princeps, *ubi supra*: Quod enim est deterius, est nutriens super nutriens quod non est digestum, ponere. Similiter de cerebro, sensibus interioribus, & nervis, quia ascendunt vapores perpetuò, & nunquam cessant die nec noctu, ex ventriculo ad ipsum cerebrum. Et sicut ex primo consensu [MS. consensu] fiunt aphthæ, gingivarum corruptiones, dentium dolores, sitis, linguæ amaritudo, fœtor oris, cibi abominatio, gustus corruptus; ita ex hac secundâ vertigines

vertigines potissimè, comitiales morbi, vigiliæ, cataphoræ utræque, resolutiones, obliuio. Decurritur autem tota cruditas ad iecur per venas mesaræi, inde si expellatur per ventrem, (dicebat Galenus *primo de differ. febr. ubi supra*.) euadunt à febribus scilicet & magnis incommodis; aliter incidunt in obstructiones, febres, fluxûs hepaticos, malos habitûs totius corporis, aquam intercutem, morbum regium, abscessûs diuersos, præterea lapides renum & vesicæ. Quarto loco cùm deuenerint vapores ad reliquos tres sensûs: nam de naribus clarum est per palatum; est enim via aperta ad partem cerebri, & ad nares quæ seruiunt olfactui. Ad aures quoque per meatûs nuper inuentos, ex auribus ad os iuxta isthmû positos, unde tinnitûs, sibili, & surditates. Post hæc etiam ad oculos, vt i. *de symptom. caus. cap. 2.* declarabat Galenus, atque vtinam ita docuisset modum. Dico ergo quòd postquam vapores ascenderint per palatum, deferuntur in glandulam, & exinde in peluim, per quam deueniunt ad cerebri ventriculos, atque inde per visûs neruos concauos in oculum, atque hæc via in palato per os squammosum transitum habet, velut *in primo libro, cap. 6.* dum generaliter de cerebri formâ agit: sed sunt longè plura in palato foramina, ad quæ compendiosiore viâ [MS. *atque compendiosior via*] deferuntur vapores, velut *inferius docet, cap. 12.* transcûntque ad cauitatem inter squammas frontis, per quam fit respiratio adeò vehemens, vt vbi detegitur lumen extinguat: est autem proxima foraminibus odorum obliquis & anfractuosis, similibusque spongiarum foraminibus in osse fungoso, & prope instrumentum odoratûs. Talia decuisset [MS. *deffuisset*] Galenum exponere potiùs, quàm veteres bene meritos de posteritate immeritò prosequi, velut

Herophi

Herophilum, Andréam, Lycum, Marinum, cæterósque Alexandria Anatomicos, vt etiam iustè à Vesalio reprehenditur *lib. 7. cap. 6.* Ergo cùm tot modis cruditas ventriculi noxia sit, eam summo studio vitare decet, sed neque solùm patentem locum habere intestinorum & ventriculi, sed & animaduertere, an vrina liberè & iuxta solitam quantitatem profluat. Similiter & an è naribus iuxta consuetudinem, & quantum oportet: ex horum enim neglectu aut ignorantia homines in morbos, atque etiam graues incidere solent. Itaque diligenter procurandum, vt hæc tria loca præcipuè & libera sint, & commodè fluant, & quantum consueuere dimittant.

Post hæc ad exercitationem veniendum, quæ vt sanis commodissima est, ita ægris interdici solet, velut de Prodicò dicebat Hippocrates 6. *Epid. sect. 3. text. 31.* inquit enim: *Prodicus interemit febricitantes deambulationibus, cursu, luctis, fomentis; febris enim deambulationibus multis, fami, lucta, frictionique inimica.* Mihi magis placet Cornarij versio: *Prodicus febricitantes interficiebat circuitibus, luctis, fomentis multis; febris enim inimica fami, luctis, circuitibus, cursibus, frictioni, laborem labore.* Verùm vt aliàs docui, neque luctũ, neque cursum seni vtilè esse censuerim, talia enim procul dubio vitæ breuè efficiunt, etsi videantur robustiorè & incolumiorè, vt neque ludum paruæ pilæ in his probauerim. Simplex autem deambulatio procul dubio utilis est. An verò sufficiant ambigitur: itaque [MS. *idque*] eorum meta sit voluptas, & vt iucundè id perferat. Cum excessu fuerit longa sanè deambulatio in locis [MS. *deambulatione locis*] parentibus ac siccis. Cæterùm qualescunque se offerunt, nihil melius. Sed postquam tempus persæpe non suppetit, breuior per accliuia &

& decliuiâ, sed vt omnino leuiter & sine molestiâ perferat, & ludus pilarum per ferreum circulum. Hæc duo genera exercitationum primò seni & validâ naturâ, moderatione adhibitâ, vt neque nimis leuia aut breuiâ, neque grauiâ vllò modo, sed continuato vsu æquata & ad voluptatem terminata, optima esse censeo, intendendo cum meliùs valemus, & promptiores sumus; remittendo cum languidiores & segniores, aut somno breuiore vti licuit. Cæterum in huiusmodi casu frictionibus assiduis, maximè in cruribus, & leuibus admodum contenti erimus, donec euacuato corpore, validioribus vti licuerit, nam nunc sumus in casu Hippocratis *sexto Epidemiorum, partic. 5. text. 31. Si impurgatus laborauerit, vlcera erumpent.* Cur autem potius vlcera dixit, quàm pustulæ, clarum est vt vtrumque significaret, & præter id quòd acri ex materiâ fiunt, labor etiam magnus aliâ ratione non conuenit, cum atram bilem generet, (dicebat Galenus *quarto de tuend. sanit. cap. 4.*) Quanto minùs seni? Verùm vbi conueniat exercitatio, incredibile est quantum incrementi recipiat ex assiduitate, atque id præcipuè si velox sit, adeò ex continuitate effectûs adaugeatur, vt contentis musculis omnium membrorum, & retento spiritu in maximis frigoribus stando sub diuo non frigeas. Quòd si ad hæc, modicam celerem deambulationem superaddas, loco exercitationis moderatæ haberi potest, maximè si, vt dixi, per accliuiâ paululum fiat, estque securior longè pilæ exercitatione, quam in sene non laudo, cum vel nimio excessu sæpe lædat, vel quia nimis languida parum iuuat, minùsque decora, & quod maius est, in eâ ætate lapsûs periculo graui valde exposita, quinetiam per se diuaricatis cruribus ramicibus opportuna: minor autem,

& quæ solùm partes exerceat superiores, est læuigare chartam, sicut ego soleo gemmâ corneolo ingenti, aut brachiis colludere alternatim atque in crucem piscatorum more. Semper autem longa deambulatio breuiore melior, & in aëre libero melior est, quàm in cubiculis breuibus. Quod multum verò operetur hoc genus contentæ exercitationis, etsi exiguo tempore fiat, indicat fatigatio & lassitudo, & fames, & calor, reliquæque huiusmodi: semper enim, vt dixi, plurimum refert assiduitas, & omnium membrorum simul par nixus. Demum vt exercitatio ante cibos vtilissima est ad sanitatem, ita à cibo motus quiuis cruditates parit, & omnia morborum genera, vt *in libro boni & mali succi, cap. 3.*

Pro ratione autem cibi, cùm tria sint illius genera, vt *in libro de veteri Medicinâ* habet, solus potus nimium debilitat vires, cibus exercet partes ægras, & ideò malus, tum etiam quia difficulter deuorari potest, nec planè mandere licet, relinquitur vt sorbitionibus vtatur: sorbitiones enim tantâ facilitate superant ea quæ manduntur, quantò ab eis alimenti bonitate & perfectione superantur. Cùm verò tria sint genera alimentorum, Cerealia, herbacea, in quibus etiam fructûs continentur, & animalia: est præter id genus condimentorum, quod ad alimenta non refertur, salmuria, acetum, oleum, omphacium, succi herbarum, aromata omnia siue herbæ quæ bene olent, sapa, butyrum, saccharum, mel: sed mel etiam inter cibos numeratur, sinapis etiam, & huiusmodi. Manifestum quòd ex hoc genere sorbitiones fieri non debent, sed neque ex oleraceis; nisi è fructibus quibusdam herbarum & arborum: partes sunt radices, germina, folia, cerebrum, flos & fructus: flos vsui

M non

non est inter alimenta, nec scio florem qui in usu sit. Priora quatuor nimis parum nutriunt omnia: fructuum autem seu seminum quæ horaria sunt, omnia aquosa, & præter id quod parum nutrant, corruptioni obnoxia. Reliquorum ut amygdalarum, nucis auellanae sorbitiones fiunt gustu iucundæ, ut etiam ex peponum seminibus: admodum hæc parum nutriunt, plus auellana, sed & illa parum & difficulter concoquitur: idèd medicamento potius rationem habent quàm alimenti. Nos autem præstantissimum quærimus alimentum. Cerealium autem præcipua sunt panis lotus, panis ex zeâ, cibus ex amylo, ptisana hordeacea, oryza. Præstat ptisana omnibus, inde panis lotus, itria, hæc Oribasius *lib. 4. cap. 11.* docuit ex Antillo, pòst alica. Galenus nescio quâ ratione magnificis disputationibus intentus, dedignatur hæc docere, ut nisi ex Oribasio superessent, desiderarentur. Ex animalibus autem quod tertium genus est, sorbitiones fiunt, lacte, ovis, carnibus. Carnem appello cuiuscunque animalis substantiam mollem ac plenam: verùm genus hoc omne pinguis alimenti, à Galeno in *oſtauo Artis curandi, c. 2.* in febribus etiam ephemeris satis superque improbatum est. Peculiariter lac in putridis (nisi paucis in casibus) Medici refugiant. Sed de carne & ovis contentio est. Oua enim etiam in sanis Hippocrates damnat, quòd turgeant & inflent, *2. de Dieta.* Cùm verò etiam putrescant adeò grauius, (ut antea dixi, *lib. 1. in curâ prolapsus uteri,*) in pestilentibus febribus deteriora erunt: velut etiam si dureſcant, ut in exurentibus febribus atque naturis, in quibus aluus valde adstricta sit. In his duobus enim casibus parum à veneni qualitate differunt. Præterea si in ventriculo aut iecinore copia prauorum humo-

rum

rum adsit. Sunt etiam, vt dixi, naturæ humanæ dissimilia. Conueniunt tamen imbecilibus & quauis causâ emaciatîs, & præcipuè conualescentibus omnibus, & febre lentâ laborantibus: optimum enim alimentum est, (nec ei quicquam deesse potest) quod perfectè concoquitur. Inter carnes autem præcipua auium, pullo- rum, phasianorum, gallipauonum Indorum, perdicum, & columborum, & ex his alæ; vt glandosæ vitulo- rum lactantium: optima etiam & ad appetitum excitandum iecora auium, & piscium, & ranarum, sed præter cætera testudinum; vnde ex illis quod maxima sint, contusa efficiunt iure pulli diluentes. Carthusiani ex ranis coxas postremas contundentes ex iure testu- dinum aut piscium parant: hæc sorbitio nutrit, febri- bus tamen vtilior quàm ex carnibus. Vltimo loco est quæ ex piscibus fit assatis, dorsî scilicet carne: præ- stantissimi sunt saxatiles inter marinos, & cyprini in- ter fluuiales, maximè hi quos vocat vulgus *scardas*, & generaliter squammosi, breues, lati, non crassi, carne albâ præditi, iecore sapido, qui faciliè coquuntur super prunas, recentes, & ex his sunt percæ fluuiales; si quis nutrire magis velit, trottas assumat. Possunt etiam fieri ex astacis sorbitiones, caudâ & chelis, sed duriores sunt, ideò diu coqui debent à cortice desumpta. In vni- uersum diu ac diu tundi debent, maximè quæ lenta sunt, vt cancri, ranæ, testudines, aut crassa vt carnes: nam piscium assatorum caro, quæ circa dorsum est & caudam, cuiusmodi in vsu est, si bene tosta, minus exhibet negotij. Ergo in hoc casu, quia materia lenta est, pane loto aut itrio vterer: nam ab his quæ pluri- mum nutriunt, in fluxionum initio maximè cauendum est. Vbi verò constiterint, venia conceditur, si non in intimis collectæ fuerint. De potu vinum noxium,

180 *De rationali curandi ratione,*

& quia in capite, & quia materia cruda. Aqua cocta cum saccharo & cinnamomo, vel iam coctæ misceantur.

De somno autem & vigiliâ dubium non est, quin somnus concoquat, quare tempore coctionis, id est, in statu & declinatione, vtilissimus est: vnde in *sexto Epidemior. partic. 4. Palam vigilans calidior est externis partibus, internis frigidior; dormiens autem è contra.* Sed de principio abscessuum dubitandum est, quia est vna auctoritas Auenzoar, quòd *in initio abscessuum interiorum debemus abstinere à cibo, & habet rationem, quia in somno sanguis redit ad interiora: & in eodem sexto libro Epidemior. partic. 5. Sanguis per somnum interiora magis petit.* In augmento autem cum sit mixta ratio, ratione principij vigilia vtilior est, ratione statûs somnus. Idèò in incremento turtior est vigilia quàm somnus, quia maius est periculum in magnitudine, quàm auxilium vel utilitas in concoctione. In casu tamen debilitatis virium, in primâ parte incrementi, licet cogatur vigilare, in fine tamen illius poterit factis diuersionibus dormire. Similiter si abscessus sit celerrimi incrementi, utpote qui debeat finire in duobus diebus, tunc abstinebimus omnino à somno: si verò sit longior, utemur somno post medium incrementi. Si verò sit scirrhus, possumus vsque ab initio permittere somnum, quia scirrhi si fiant per transmutationem abscessûs calidi, à somno iuuantur, non læduntur: sin autem per fluxionem, adeò lenta est, ut tam diuturna vigilia ferri non possit. In isto ergo casu, vbi metus sit de abscessu gurgulionis, melius est vigilare & tutius quàm dormire, quia posset suffocari: ratione verò abscessûs in gingiuâ, cum sit potius

potiùs exterior quàm interior, & periculum non sit magnum, ideò melior est somnus, & maximè quòd vigilia faceret ad generationem febris, accendendo calorem naturalem: vnde hìc cadit vna dubitatio, quia vt visum est, dolor trahit materiam, & phlegmonas facit: sed in somno sedatur dolor, in vigiliâ sentitur. Ergo etiam in principio abscessûs, videtur potiùs conuenire somnus quàm vigilia. Atqui in hoc crederem vigiliam esse vtiliorem: quia si dolor est paruus, Galenus refugit in *libro Artis Medicae, cap. 9.* magis plenitudinem quàm dolorem. Sin autem magnus sit dolor, vix poterit somnus conciliari. Vbi tamen aliter fieri non posset, tum considerare oportet, an adesset plenitudo in toto, tunc oportet fugere somnum, quia plus facit ad attractionem somnus quàm dolor, quanquam corpus est plenum: & si corpus sit vacuum, somnus parum lædit, & multis modis iuuat, & minùs trahit quàm dolor: ideò posset admitti somnus. Debet autem somnus esse non super plumis, sed gossipio, vel stuppâ serici, cum capite eleuato, & puluinari pleno paleâ frumenti, hordei, recenti, tenui, siccâ, aut algâ marinâ, & sint longiores somni, & rariores. Somni enim breues, si pauci sint, non sufficiunt ad humectandum corpus; si multi, corrumpunt temperaturam, & maximè si ex longis intervallis. Locus autem sit temperatus, & in die perflatus, declinans ad frigiditatem. Atque hoc de aëre etiam intelliget tempore tamen maturationis maneat in aëre calidiore. Quando vigilat, videat vt aër semper sit purus, perflatus, clarus, siccus: & tempore somni ad frigidum declinans, vt reuocet sanguinem intus, & etiam vt temperet calorem naturalem,

& ideò debet esse cum multis integumentis ; in tempore autem vigiliæ calidior , vt adiuuet digestionem excrementorum. Præter reliqua vitare oportet ventos quoscunque, præsertim validos : hi enim nocent maximè plenis , & magis cacochymis , & adhuc magis debilibus, vt sunt senes & conualescentes , & Venere exhausti , præcipuè verò in capitis imbecillitate , & morbis qui per circuitum reuertuntur , vt comitialibus , vertigini, insanix, attonitis doloribus , & adhuc magis ac propriè in destillationibus , grauedine , raudine , coryzâ , anginâ , asthmate , resolutione nervorum , doloribus dorsi , ophthalmiis , podagrâ , vbi sunt manifesta & præsentia detrimenta : omnis enim ventus calefacit cerebrum , & quanto calidior aut frigidior ; sed frigidus etiam calorem cerebri simul obtrundit. Constitutiones verò non semper ita , cùm reliqua exsiccent. De febre autem aliàs diximus 4. *de Aëre, ag. & loc. comm.* 3.

Sed iam de animi affectibus dicamus : nam ex his qui morbum patitur , dupliciter laborat , & eò grauius vt cùm illum hac causâ contraxerit , quomodo ex iam factò conualescet ? Idem accidit in occultâ intemperie aëris , nam calidam vel frigidam vitare & mutare licet , vt & alias quatuor res non naturales , præter vigiliam quam aliquando licet , aliquando non licet. Ob id qui ex tristitiâ ægrotant , plerumque pereunt : indicio sunt vigiliæ & delirium : obcunt enim ferè omnes , nisi insaniant. Generaliter lætitia, spes, quies animi bona sunt ; timor autem & tristitia mala & noxia , & similiter curæ , & maximè molestiæ. Dico quòd etiam ira sine dubio maximè nocet , adeò vt aliqui ex irâ in leuibus morbis mortui sint. Dubitatio est hæc non contemnenda, quia Galenus videtur velle *alicubi*, quòd

quòd ira debilitet calorem naturalem, *alibi* vult quòd excitet illum & confirmet, de quo dictum est in *quarto*, *Contradiçt.* 13. In vniuersum ægris non conueniunt motûs corporei, neque animi æstûs, sed cum amicis lætis ac iucundis esse. In moribus oris sermonem multum vitare debemus.

SECTIO IV.

De curâ speciali huius affectûs per Pharmaciam.

QUod verò ad curationem per medicamenta attinet, illa [MS. *alia vi*] fit, vt dictum est, per communia auxilia, vt conueniunt huic dispositioni; eaque duplex, quæ respicit ad causam præparatam, & causam quæ morbum facit. Parata autem est vel in toto corpore, & est remota; vel in membris, ex quibus morbus oriri potest, & est propinqua: & rursus causa morbi parata, vel transmitti potest vel trahi à membro læso, vel propinquo, & maximè per dolorem. Confurgunt ergo intentiones sex principales vniuersales. Prima à toto corpore vt purget. Secunda vt transmittat. Tertia, vt proxima per membra purgentur. Quarta, ne transmittant. Quinta, ne membrum læsum trahat, sedando dolorem & calorem: nam hæ duæ sunt causæ attractionis. Sexta, vt quod defluxit tollatur, & symptomata auferantur. Et ideò in purgatione vtemur primò lenientibus, inde præparantibus, pòst electione purgantibus. Dicemus autem singillatim de vnoquoque suo loco.

Pro curâ igitur abscessûs in gingiuâ iuxta quatuor tempora. Primùm ergo ab initio adstringentibus oc-

currendum fuit materiæ ad locum venienti. Ei ergo maximè conuenit oleum ex fructu terebinthi; nam Dioscorides dicit, quòd refrigerat & adstringit: post ipsum est lentiscinum, quamuis in curâ propriâ aucthores omnes lentiscinum miris laudibus extollant, terebinthini vix vllam rationem habeant. Per oleum lentiscinum non intelligo ex lacrymâ, quod minùs siccatur & magis calefacit, sed duplex est vtrumque, vt *ibidem* docet ipse Dioscorides: fit enim ex fructibus terebinthi, terebinthinum, & lentiscinum ex fructibus lentisci coctis in aquâ & expressis, quod optimum est in hoc casu, quamuis vilius videatur, sitque minùs odoratum. Aliud fit ex oleo, imbuto priùs cypero, iunco odorato, & calamo aromatico, cum foliis lentisci seu terebinthi, paucisque fructibus plantæ, sic vt odorem potius quàm vim referat, quod non sincerum est. Sic ergo gossipio madefacto tangemus dentem assiduè, & oleum etiam in ore contineri iubebimus, cum ex his sit quæ etiam sanis prosunt. In incremento autem plurimum adhuc oleo ex his altero vtemur: interdum ficum subiiciemus denti, & ex eodem illius etiam decoctum addito melle.

Pòst autem vbi constiterit morbus, vtemur ficu, ficusque decocto, oleum relinquentes: vbi verò suppurat, aperiemus abscessum ære vel ferro, (nam æs melius est; vnde quærit Philosophus 1. *Probl.* 35. *Curque ære secantur, celerius sanescunt.*) At si non, vrito; affert cum vulnere medicinam: non placet medicamento id effici. Quæ corrumpunt abscessus, idonea sunt, & sufficiat commemorasse ex Principe pauca, *tertiâ quarti, tract.* 1 *cap.* 3. Vnum simplex, & est radix narcissi: alia composita ex cerâ, resinâ, butyro, an. parte vnâ, Pice siccâ & melle, an. parte mediâ.

Riso

Riso quartâ, ærugine octauâ. Aut quod est ab illo expertum, grana gossipij, nux rancida, fermentum, caules, & capæ coctæ, sinapis, & fimus columbinus. Vel faciliè parabile, Diachylon dissolutum in mucilagine sinapis, & sapone cum ficubus, & mel anacardi cum pice humidâ: & nostri perforant cum capitello, vt describitur *ibidem* à Principe. Ulcere factò purgandum est cum vitello oui & resinâ. Sufficit enim, & est parabile domesticum. Et si excresecat caro, alumen saccharinum aut vstum imponitur: post consolidatur per se adhibendo collutiones ex vino, in quo decocta sit sarcocolla inter præcipua, vel panacis succus, saluia, verberna, scordium, iris Illyrica, plantago, maximè quæ in riuis oritur, arum, & pentaphyllum. Si necessitas cogit, Cadmia adhibeatur. Quod si fistula facta sit, expedit scire an primùm expediat sanare eam? plerumque enim non expedit. Inde an possit? & si possit, an absque ferro & igne? Et si non expedit, aut non possit, an sit dilatanda? Lata enim magis debilitat & exiccat, arcta abscessûs parit & sinûs generat. Et vbi sinuosa sit, an melius sit incidere, an in vnum redigere vt penetret, an labia callosa præcidere? Et cura in summâ illarum apud Hippocratem absque ferro, consistit in lini filo crudo, nostrâ ætate serico crudo, tithymali maioris succo, & ærugine seu flore æris tosto: est enim siccum vt æs, & vt illius flos, & demum quia tostus. Nostro autem tempore solent sanari ferro & igne, & est compendiosior via. Præciduntur etiam labia ligno oliuæ illito chalcanti oleo. Aliàs incidere nouaculâ sufficit, vt tempore excidant. In vniuersum

melius est vt à naturâ fiat separatio, vel vt præcidantur integrè, & sanguis copiosus fluat, pòst vrantur. Sed iam ad symptomata veniamus, vt sunt dolor, vocis læsio propter materiam descendentem ad laryngem aut musculos, vnde laxati vitiant vocem: quod vitium est frequens in his qui immodicè partes eas exercent, concionatoribus, venatoribus, cantoribus, tubicinibus. Fœditas linguæ, ex quâ saporum corruptio, & ciborum inappetentia sequitur. Sed hæc facilè & mirum in modum eluitur omphacio cum aquâ, & si voluptatem quærimus, additur Iulebum. Si tamen pulmone aut iecore vitiato altiùs infederit vitium, eluetur quidem hoc præsidio, & rubea euadit, sed confestim rubor is in puniceum fuscum vertitur, vt si t non solùm symptoma, sed etiam signum distinguens & admonens nos de morbi magnitudine. Est etiam fætor spiritûs, sed & is collutionibus odoratis & refrigerantibus tollitur, vt rosis, santalis, myrtis. Maximum autem est glandularum tumor, & angina. Quapropter de eâ mox dicendum est. Anginam igitur curat Hippocrates in *libro de Victu in acutis*, post venæ sectionem in brachio, & sub linguâ, (vt moris est, sed hoc non in principio) eclegmatibus, gargarismis, ratione capitis cerato inde [fortè legendum *eidem*] superposito, tum etiam collo spongiis fouendo. Cibus & potus sit mulsæ non frigida: Gargarismi eiusmodi descriptio habetur, *secundo de Morbis*. Sed vbi iam materia defluerit, origanum, satureiam, mentham, apium in mulsâ dilutiori coquit, addito nitri & aceti modico. Addit & suffumigium. Quilibet potest videre quæ scripsimus in illa: nam pituitosæ anginæ curam docet paulo pòst ex aduerso biliosæ. At verò in *tertio eiusdem* meminit veræ atque nothæ anginæ, curamque refert.

Sed

Sed quia non anginam curare docemus, neque etiam
 notham, verum alium morbum, ut faucium inflam-
 mationem, neque illam propositum est curare, sed
 hunc morbum in hoc viro: hoc enim est prudentis
 Medici, ut vnius exacto exemplo omnia simul do-
 ceat, potius quam generali curatione omnia quidem
 comprehendas, sed non exactè: hoc enim imperitis
 facilius, magisque placet; illud arte excellit, sed iu-
 dicio & diligentiam exigit, cæterum absolutissimum
 est docendi atque tractandi genus. Ad arteriaca igitur
 deueniamus. Galenus siquidem *de Compositione medi-
 cam. sec. locos*, multa tradidit opportuna, verum princi-
 pale quod simplicissimum est, parabile, multiplicisque
 vsus, efficacissimum, sine noxâ atque iucundum: hæ
 enim sunt conditiones optimi medicamenti, si id
 addideris, ut loco maximè adhæreat. Diacodion vo-
 catum primum quidem illud simplicissimum est, ut
 quod semine papaveris & melle constet aut saccharo,
 nonnisi additâ aquâ. Plures autem describit compo-
 sitiones, nec satis scio quorsum [MS. *quorum*,] vnam
 tantum docuisse artificiosum est, eamque genere opti-
 mam, & quomodo infinitis modis variari possit:
 Assumamus ergo eam quæ est Galeni fermè, 3. *de comp.
 medic. sec. loc. cap. 25. & 9. 24.* Caput papaveris agre-
 stis semen nigrum ferentis, antequam maturescat, sed
 dum rubrum est, & tum decerptorum viridium lb. ij.
 (hoc enim melius est definire, in quo parum Pharma-
 copolæ possint aberrare, quam dum volumus minima
 comoda sequi, & rem admodum patienti congruam
 efficere, licentiam magnam aberrandi permittere im-
 peritis artificibus.) Aquæ pluviæ lb. xij. si dilutius, xiv.
 si efficacius, x. iam habemus medium atque extrema;
 eademque ratio siccorum iam, sed tamen nondum
 maturo

maturorum, tametsi enim leuiora sint, & ob id aqua illa minor iuxta molem videatur, memineris tamen tanto etiam esse imbecilliora, vt etiam pauciore indigeant aquâ. Quòd si pluuiâ desit, non valde aberrabis si fontanam eligas. Suadeo autem vt capita viridia, vt dixi, sint, aut humidior loco asseruata, nec omnino vltra mensem Maij sequentis anni, cùm iam oriri noua cœperint. Integra per diem totam quâ Sol orbem circuit, maceranda sunt. Sed si sicca sint aliquantisper, id est, vt dicunt, passâ per duos dies, si magis sicca, per tres; at si planè, vt strepitum edant, etiam ad quintam vsque diem macerabis. Inde coques vehementi igne, nam vires minùs transfundunt, magisque flaccescunt donec mollia prorsus euadant & tumida: hæc abiectâ aquâ omni collige, & exprime vehementer, succumque totum illum habeto, cui dimidium mellis Græci aut Hispani, ponderis succi adiecito, aut tantundem sacchari, quantum est succus, sed vtrumque priùs purgatum optimè oui candido. Itaque tamdiu coquito, vt si mel sit, consistat vngui impositum, Eclegmâque sit dulce ac suaue: si saccharum, donec absumpto succo in solidam substantiam refrigeratum coëat: tale autem, quanto imbecillius liquido ex melle medicamento, tanto est elegantius atque suauius, vt commodiùs gutturi inhæreat, atque hoc simplicissimum, vt dixi; vides in tam parua re ac simplici, quot modis aberrant nostri cum Medicis ipsis Sepplasiarij. Primum album, non nigrum, omnes metuentes, quòd ex nigro papauere opium fiat, venenum eligunt; & inde matura capita, non acerba; inde sicca, non humida; nec quærunt vbi
nata

nata sint , nam quæ in vallibus & lacustribus palustribusque locis oriuntur , crassum emittunt crudumque succum , minimè vtilem , grauem , noxium , atque inefficacem : cultis locis autem & in montibus ipsis , quod optimum est papauer , Boréæ magis expositum , quàm Soli eligi debet. Familiaria sunt huic compositioni quinque , radix dulcis , fertula Campana seu melilotum , acacia , rhois succus , & crocus : quæ quando & quomodo , & cuius causâ , & quantum ex his addi debeat , nunc referre tempestiuum erit. Verùm vt hoc ex ordine efficere liceat , primùm colligamus arteriacarum medicinarum , quæ in ore contineri solent faucium & gutturis causâ , intentiones singulas. Quid enim simplicissimum sit , iam edocui , efficacissimum , vt quod ex veneni quasi genere sit ; talia enim omnia sunt eâ [MS. *qua*] parte quâ nocere solent , si accommodata sint , etiam validissima : maximè quoque parabile , & iucundum , & quod optimè hæreat , dubitare non possumus , sed & quòd noxium non sit , docere niterer ratione , nisi ipsa experientia id comprobaret , adeò vt omnis probatio potiùs dubitationem asferre videretur , quàm auferre siqua esset. Dubium enim hoc esse non potest , cùm quotidie eo , & assiduè , & maximâ in quantitate vtamur , nec quisquam læsus , ne vel minimum , vel per umbram , vt ita dicam , fuisse deprehensus sit. Quæ ergo , & cuius gratiâ arteriacæ compositiones effectæ sint atque inuentæ , hæ sunt causæ. Primum & principale , vt quod à capite descendit , & maximè acris pituita inhibeat , quod & frequentissimum est ob lapsûs cerebri , & ob situm difficillimum.

Secundum,

Secundum, quod ut rariùs contingit, tanto periculosius est, & frequenter contingit cùm ex pulmonis affectibus, fauces, gargaréon, columella, larynx, & gula adeò afficiuntur, aut vnum eorum, ut vox interceptiatur, aut glutiendi cibum facultas. Tertium est cùm abscessus in his partibus contingit, eò periculosior præcedente, quò rarior. Inde etiam vlcus, hoc ut est etiam minùs frequens abscessu generaliter, in pestilentiâ tamen & Indico morbo huius ætatis, adeò frequens est, ut dici possit familiare.

Quæ autem his, tum cæteris morbis oris ac faucium conueniunt, arteriaca appellantur seu eclegmata, quæ retenta diu sub linguâ, partes eas commodè illinire possunt. Ea ergo omnia, aut adstringentia esse debent, ut materiam quæ descendente prohibeant, & quæ descenderit cogant, ne vel vlteriùs descendere possit, aut etiam delata erodere: quod Galenum 7. de compos. medic. sec. loc. cap. 1. prætermisisse omnino, in enumerandis vtilitatibus huiusmodi medicamentorum, quod primum esse debuerat, abundè mirum est. Secundum ut quod iam affluerit detergant. Tertium ut humectent musculos ac emolliant, [MS. ut hic melle masculum ac immolliat,] tum verò sicciore gutturis partes. Quartum ut sedent dolores qui adsunt. Quintum, ut obtundant acrium ichorum descensum. Vltimum ut siccent vlcera, si quæ sunt. Quod si his accadat ut somnum concilient, optimum & hoc erit: quanquam non verum sit, somnum effluxiones cohibere, nam in his quæ à capite in gulam aut pulmones deferuntur, tametsi minus descendat per somnum quàm per vigiliam in os, quia tamen neque expui materia potest neque excreari, plus ad ventriculum & pulmones defertur somni tempore pituitæ, quàm per vigiliam.

Itaque

Itaque hoc medicamentum & obtundit quidem sensum, & acredinem humoris, & cohibet descensum, & somnum conciliat, & humectat guttur, & dolores sedat, ratione assumpti papaveris nigri succi acerbi in omnibus his potentissimi. At quòd detergat siccetque vlcera siqua sint, mellis, aut sacchari beneficio facit, atque id validè, nec id dubium esse debet. Habemus igitur multiplicem illius simplicis vsum: sed si addatur succus radicis dulcis, dum illa incoquimus; mirum in modum musculos illos distentòs laxabit, siccatos molliet, lenietque asperam arteriam: cum enim hoc munus sit dulcium omnium, præcipuè tamen succi radicis illius, nec est vt rationem huius reddam, ne nimis prolixus fuero, nec vt autoritate confirmem, cum omnium autoritate clarius in hoc sit experimentum, tum efficaciam, tum claritate iuuandi. At rhus & acacia vehementer adstringunt, & prohibent descensum humoris noxij vndecunque fluat, atque ob id omnia hæc ab initio vtilissima, conferuntque ventriculo, siquid ex descensu medicamenti in ipsum fluentis, detrimèti acceperit. Sertula autem Campana, vt ait Dioscorides *lib. 3. cap. 43.* Galenusque, concoquit inflammationes, ventriculòque confert, quare postquam inflammatio seu in musculis, seu in faucibus facta fuerit, miro erit auxilio. Crocus autem voci ac respirationis membròs vtilissimus, adstringit, dolores sedat, itaque vndiquaque conuenit, & pro ratione addere oportet, si quid postulet; vbi pulmo laborauerit, croco utemur; si ventriculus, etiam rhoë. Porro radicem dulcem, & sertulam Campanam ab initio cum capitibus ipsis, & maiore quantitate quam rhus aut acaciam incoquere oportet; hæc autem ipsa cum succus ipse cum melle vel saccharo coquitur:

Crocus

Crocus, dum iam coctum est, dum enim coquitur medicamentum, si quis iniicere præoccupet, vires omnes amittet. Rhus etiam & acaciam pondere drachmarum duarum adiciere sufficiet: aliter & suavitatem & usum medicamenti ipsius corrumpent. Habes itaque examen Diacodij, sic enim appellatur medicamentum. Cæterum interim utemur dulcibus cibis & fauces lenientibus, ptisanâ, sapâ, butyro, lacte, amylo, ovis sorbilibus ut dicunt, vis passis, pineæ fructu, sesamo etiam & saccharo, atque huiusmodi, qualia ex oleribus in alua decocta cum porri modico, & ex oleis, dulci amygdalino; ex odoratis, croco. Quod si vox omnino lædatur, incredibile est quantum utilitatis, balneum dulcis aquæ afferat. Quinimò & illud affert commodi admirabile, ut distentioni atque conuulsioni, si qua ex dolore dentis accideret, mirum in modum resistat, adeò ut pro miraculo referre libeat, quod Paulus *lib. 6. c. 66.* scriptum reliquit: in his qui castrantur tot incisionibus, totque aliis ex igne tormentis, cum alias sanguinem mittere negligeret, quendam mirum artificem ad septimam usque diem ex vulnere recenti, quod mirum est, quinquies singulis diebus in balneum tepidum commissos seruasse incolumes à distentione, atque adeò à vitæ periculo, siquidem tales non aliter pereunt: ut etiam aliis in vulneribus, non solum videatur esse auxilium, sed efficacissimum ad arcendam quamcunque conuulsionem distentionemve, nam utrumque accidere solet, sed tamen magis distentio. Sed ad rem redeo. Per incrementa omissis, ut dixi, aliis communibus auxiliis, (nam Hippocrates cucurbitulis etiam maximè confidit,) si abscessus fiat, concoquentibus magis utemur; omnino autem solis, cum [MS. *soli eum*] ad statum peruenit. Nimis autem
longum

longum esset, si singula enumerare velim: hoc vnum
 medicamentum adductum pro exemplo sit, reliqua
 tute [MS. *tutò*] inuenies, concoquentia communia
 scrutando [MS. *scrutantur*]: namque butyrum & althæa
 concoquunt, & in eclegmate, & in emplastro exteriùs
 adhibita: & Crocus etiam vtroque admisceri po-
 test, quòd facilem admodum efficiat spiritum, & pra-
 uitatem aliorum medicamentorum, siqua sit, tollat.
 Vbi igitur dolorem sedare oporteat, plurimùm con-
 ferunt acopa, & ego præstantissima enumerabo: Sapa
 tepida, lac, oleum rosaceum, decoctum ficuum, sicus
 ipsæ sub dente positæ, millefolij decoctum: ex cali-
 dioribus piper, pyrethrum. Ego tamen non tutò con-
 tineri sub dentibus posse crediderim, quæ calida sunt
 vehementer, quoniam materiam trahunt ad se: eo de-
 teriora sunt quæ non euacuant pituitam, vt aqua se-
 parationis; vt enim præstantissimum est auxilium suo
 tempore adhibita; ita ab initio aliquando multùm no-
 cet, si materia multa fluxerit. Deteriora sunt quæ totum
 os occupant, velut aqua ardens, vinum cum pipere
 decoctum, atque huiusmodi: qualis etiam est sta-
 phis agria. Meliora ergo sunt tepida quæ dixi, atque
 his frigida. Oleum verò lentiscinum etiam melius vi-
 detur rosaceo, tantum enim habet caliditatis, quan-
 tum sufficit ad mitigandum dolorem: est enim cali-
 dum in primo ordine, adstringit autem vehementer,
 si ritè factum fuerit, scilicet cum sale & in Sole, ad-
 ditis etiam rubi germinibus, cupressi quoque fructus:
 sed hæc magis ad ramices conferunt, nam vt in ore
 teneatur, iucundum esse debet: ipsum verò per se so-
 lum omni malo sapore vacat, & in tertio ordine est
 adstringentium. Eligere autem oportet mastichen,
 (ita enim vocant lentisci lachrymam) candidam, re-

N

centem,

centem, mollem: quæ enim mollis est & candida, recens est, (Chia est omnis hæc, quæ sola non adulteratur, nam modò recentem eligas sufficit.) Oleum verò omphacinum frigidius est, magis adstringit, & si minùs suaue dicas, non tamen amarum est, quoniam mastiche subdulcis est, licebit ei mel addere aut saccharum, sed omnino exigua est amaritudo. Itaque huiusmodi oleum præstantissimum esse video, non solum ad dolorem sedandum, sed ad confirmandum dentem, & ad arcendam materiam ne ampliùs fluat. Si hæc non profuerint, ad aquam frigidam confugere decet, eamque assiduè permutare, donec dolor cessauerit. Quæ autem stuporem inducunt, in dolore dentium nunquam probauerim, nam stupidos in mandendo postmodum efficiunt, quod malum exitiale est, vitamque magis breuiat, quàm si dentes ipsi omnino excidant; atque eo malo interiisse maternam auiam meam, ab ipsâ matre sæpius audiui. Quæ igitur dolores dentium tollunt, omissis his quæ stuporem inducunt, causam morbi respiciunt, ut piper, pyrethrum, staphis agria, sed hæc non ab initio tuta [MS. tota;] alia intemperiem æquant, atque hæc semper conueniunt; alia acopa sunt.

Primum igitur est cucurbitæ succus, quem non solum referunt dolorem dentium leuare, sed etiam illos confirmare: author est Plinius Secundus *lib. 4. cap. 6.* (hic sanè non is est, qui naturalem historiam scripsit, quippe constat Galeno posteriorem esse, cum eius faciat mentionem *cap. 9.*) Sed & multi alij. Id verò contingit contrarietate substantiæ seu proprietate; verùm de hoc inferiùs dicam. Occurrunt autem plurima, neque enim plura in ullâ curâ laudata, neque pauciora probata. Inter reliqua tamen referunt Chelidonium

lidonium multum prodesse. Malua est ex facile parabilibus. Et quandoque adhibemus ob vehementiam doloris, glaciem super dentem: & quæ stupefaciunt, si modò sunt apponenda, vni denti dolenti sunt applicanda. Præstantissima sunt hyoscyamus, semen & radix, & opium.

De lenientibus aluum. ℞. Succu cassiæ Orientalis pinguis. ʒiij. Pulueris fumariæ, scilicet foliorum & seminis ʒß. cum saccharo, fiat bolus. Capiat ante cœnam per mediam horam, inde comedat ferculum ex pane cocto cum saccharo & iure, & in fine modicum pyri vel cotonei cocti. Inde sequentibus diebus præparetur materia hoc modo. ℞. Oxymelitis scillit. ʒiij. Syrupi de betonicâ. ʒv. Syrupi rosacei. ʒj. Aquæ decoctionis oxalidis, lupi salictarij, fumiterræ, betonicæ, & modici rutæ. ʒiij. Misce, & continuetur donec apparuerit hypostasis moderata, & vrina boni coloris: & tunc purgetur cum catapotiiis Cocciis Galeni vel Rhafis, dando ʒj. diuisam in tria Catapotia reformata cum succo centaurææ, vel cum aquâ vitæ post mediam noctem. Et in die antecedente comedat nonnisi semel panem coctum in iure pulli in manè; Vesperi autem bibat ʒviiij. iuris pulli.

Præparantia autem singulis materiebus conueniunt ratione materiæ, vt biliosæ frigida & humida, melancholicæ calida & humida, pituitosæ calida & sicca: vel ratione substantiæ, vt crassæ attenuantia, lentæ dissecantia: vel ratione qualitatis annexæ, vt si putrida sit, cum his quæ putredini resistunt, vt in febribus: vel ratione loci, nam si plurimum materia distat, indiget tenuibus, & his quæ longius deducunt, & habent tenuem caliditatem: procul distant, quæ, vt aliàs dixi, in vesicâ, vtero, capite, pulmone, ar-

ticulis. Vel ratione membri, vt quæ in iccore, confirmantia exposcunt iecur, cum materiam præparantibus, vt serim & absinthium. Vel ratione temporis morbi, nam validiora concoquentia debentur, quanto magis morbus processerit, Medico naturam imitante; natura enim magis concoquit in vnâ die prope statum, quàm quatuor in medio augmenti. Accipiemus ergo Syrupi de stœchade, Mellis rosacei, Syrupi acetosi, an. 3vj. cum 3iij. aquæ decoctionis infra scriptæ: Betonica, lupulorum, fumiterræ, oxylapathi, vux passæ, florum nymphææ albæ, an. partem vnâ. Cardamomi maioris, partem quartam, florum rorismarini & saluiæ, an. partem octauam: addantur hæc in fine, ex arte coletur.

Et ideo purgabimus ægrum præparatâ materiâ, cum agarico optimo stylo comminuto, ne [MS. *non*] ligni aliquid decidat, & cum mastiche: sic enim omnes humores purgat, & sine detrimento vllò iuuat. Et mel additur non solum ad suauitatem, sed ad operationem adaugendam. Hoc vnicum est remedium in omni materiâ, & innoxium. Quantitas à drachmæ dimidio ad sesquidrachmam. Prius autem corpus & humores præparabimus, cum Oxymelite præcipuè, tum quandoque cum iuribus gallorum, vt in melancholiâ, purgat totum, & præcipuè caput & nervos, & iuncturas seu articulos, & ventriculum, & iecur, & pulmones, resistit venenis, & putrida educit, & ruptis confert. Verùm non inde est hominem mederi, & hunc hominem: nam non obscurum est vix ex centum libris agarici, vnciam vnâ inueniri boni, quod ego expertus sum, dum pro me ipso quærerem, somnio quodam per agnata me docente: quamobrem desperans omnino bonum inuenire posse, ab illius usu prorsus abstinui. Vitium hoc ex Venetâ Re-
publ.

publ. ortum habet, quæ cum alioquin omnibus commodis humanis ac virtutibus fauceat, in tam exiguo lucello, tanto humani generis detrimento conuiuet, siquidem à seplasiariis dealbatur extrinsecus, vt nigrum pro albo vaneat [MS. *veniat.*] Rara avis certè, sed quæ si non possit vllâ arte haberi, conandum tamen vt à mercatoribus, antequam seplasiarij in manûs perueniat, ematur. Sunt autem certa rerum indicia ex locis, & temporibus, & origine, quæ noscere oportet, velut optimum Sarmaticum, quod in cedro vel larice oritur, fœmineum, oblongum scilicet, venis rectis, gustu dulce, leuissimum, candidissimum, friabile admodum, quod in farinam tenuissimam solo contactu dissoluitur, ligni expers: ex temporibus autem [MS. *aut*] nouum, sed quod in arbore perfectum sit. Sed & tempore anni aded mutantur medicamenta, vt ruta Maio mense pro medicamento venenum euadat, conceptis quibusdam inter folia vermiculis, qui ab his & telâ quadam araneorum simili integuntur, obliquatis tamen foliis, à quo malo etiamsi sequentibus mensibus liberetur, ad vsum tamen cibi vel medicamenti interioriùs sumendi, inutilis redditur, arida abominanda, flaua venenosa. Sic & absinthium Iunio mense muscas quasdam concipit, post quod tempus omnino inutile cibi redditur, horribile, insuaue, venenosum, & quod in eo summum bonum esse deberet, scilicet vt ventriculum confirmaret, atque foueret, tantum abest vt alterutrû efficiat, vt ipsum omnino euertat atque subuertat, abominationem cibi pariens, & viscera exurens, præcipuè iecur, ingratum etiam visu. Et scias quod sectio venæ minus turbat corpus, & minus mouet humores, sed magis debilitat hominem, & ipsum senescere facit. Purgatio verò magis conturbat, sed parum aut nihil

debilitat. In euacuatione autem primùm totum corpus purgare oportet, inde partem, vt in hoc casu caput, demum particulam ipsam. Et in his quæ omnino præter naturam sunt, velut aquâ, vermibus, lapide, statim. In his autem factâ præparatione; vbi febris adfit etiam, coctione.

Quod ad electionem autem medicamentorum, ea diuiditur in sex genera, speciei, partis, regionis, temporis, conditionis, atque præparationis. Speciei, vt hellebori ferentis rubrum florem, non album aut viridem, & nigram habentis radicem non albam, nam melior est & mitior tamen. Partis autem quodd hellebori radicem sumimus, Cucumeris anguini, aut succum aut radicem, rosarum flores, thlaspi semen, mercurialis folia, prunorum fructus. Regionis: plantæ quarum vsui est radix, & quæ purgant, & quæ sunt odoratæ omnes debent eligi ex Oriente, locis calidis, montibus, & locis perflatis. Contrà mutilæ quæ carent semine floréve, vt capillus Veneris, lichen, in umbrâ & locis humidis. Et generaliter istud obseruare oportet, vt locus ille eligatur, in quo maximè prouenire huiusmodi plantam affirmat Dioscorides; velut nardum in montibus, & locis asperis; tussilaginem in ripis amœnis iuxta aquas; thymum locis sterilibus & saxosis; helxinen in muris & ruderibus quibus gaudet, eligemus; in riuiulis fontium sium & sisymbrium; in campis anthemidem, papauer cornutum; trifolium in pratis; lactucam hortensem, & si in cibis vti opus sit, solanum, apium, & rutam similiter hortensem. Temporis autem, vt semina & fructus cum maturuerint; flores & folia mediâ ætate; radices sub fine autumnii. Quæcunque odoratiores sunt & calidæ, alias veris initio, quasdam proximè

ximè ante nouilunium, alias ante plenilunium ipsâ die, sereno tempore & puro. Conditionis verò vt hellebori radix quòd sit carnosâ, plena, medullâ firmè nullâ, saporis valde acris, nec præter eam & elaterium vis insignis vlli radici, aut parti herbæ post secundum annum; sed solùm præstat eodem anno collecta. Seruantur pleræque locis frigidis, siccis, puris, perflatis, & pleraque in milio. De præparatione autem suo loco dicetur, dum de purgantibus medicamentis agemus. Quantitas in his quæ leniunt aut purgant, modò non sint nimis acuta, plenior esse debet, quoniam plus euacuant, faciliùs & minore noxâ, quoniam præcunt materiam quam educunt, & ante illam exeunt, vt helleborus & colocynthis. At non sic de scammonéa propter acumen, nec de his quæ ad mutandam temperiem sumuntur: ea enim æqualia esse debent morbo, & si aberrandum sit, melius est infrâ subsistere, quàm vel minimum excedere.

Obseruandum autem est in omnibus diligenter, nè quidquam erres: plus enim damni affert minimus error, quàm vtilitatis egregia curatio; maximè autem id accidit, primùm cùm præsentia auxilia futuro tempori obsunt: velut in ramicibus intestinorum, dum intestina retinere cupiunt ne descendant, durum puluinar superligant latùmque, ne intestinum aliquâ parte labi possit in scrotum, atque id tum impetrant, sed compresso peritonæi sacculo, quo testes & vasa seminaria & Erythroides continentur, sacculus necessariò extenditur in latum ac longum, vnde faciliùs intestina descendant, vbi vel minimùm sine vinculo fueris, testiculi quoque laxantur, & vasa seminaria, vnde ex Enterocèle sarcocèle postmodum aut hydrocèle gignitur, maioréque curâ indigenus, maioréque

compressione, & latiore puluino, ita res indies deterior fit. Quamobrem non lato, sed profundo ac rotundo, aptoque [MS. *actoque*] puluino indigemus, etenim id sufficit, cum diuiso per latum sacculo etiam, vel lineam tantum intestinum descendere non possit, quoniam dimidium spatij non sufficit ad recipiendum intestinum, multo minus si id transversim fiat angusto septo & tenui, & si sub vinculo, Ceratum ex pelle arietinâ optimè confectum, summâque industriâ densatum superponatur: eiusmodi enim quæ vi non duritie retinent, & morbo & causæ morbi opitulantur, nihilque præterea prorsus obsunt: & Ceratum quidem perpetuò die noctuque; vinculum verò interdium quidem semper deferre oportet, ac tamdiu ut intestina (ita dixerim) dediscant iter illud atque descensum; Caligis etiam uti oportet quæ sursum retrahant scrotum, tangantque imum ossis pubis; quinimò & si femoralibus lineis, ut olim, quis utatur, haud [MS. *aut*] absurdum erit. Eâdem ratione & loco castrationis, quæ adèd violenta res est, ut nostrâ ætate vix unus aut alter ex viginti adultis seruetur, quoniam qui consuunt, antequam præcidant, conuulsioni seu distentioni potius illos obiciunt, ex quâ moriuntur: qui vinciunt, adèd decurtant sacculum, ut vix consolidari possit, & consolidatus magno incommodo intestina retineat, quippe oporteret ut illius imum ad os pubis usque molliter descenderet; itaque cum tot tormentis nec intento potiri licet, aut vix: quamobrem & diuisione transversâ, aut per longum, vel candenti igne, vel medicamento vocato capitello opus esset, ut contracto ignis vi sacculo, & denuò restauratâ carne, angustus fieret meatus. Adèd verò vel hæc consolidatio succedere potest, aut non omnino, & multo minus quæ
 fit

fit præciso sacco & teste: nam hîc & pars auferitur membri seminarij, nec labia oris mutuò se respiciunt, & omnino restaurationem neruæ cuiusdam substantiæ fieri oportet: at in diuisione quam diximus, nihil perit ex sacco, labia labiis opponuntur è regione, & restauratio è carne fieri potest. Quapropter non solum tutissima & nullo pænè cum dolore fit, sed etiam aptior est ad finem consequendum, vitæque commodior. Quare vt dixi in dentium curatione, quoniam morbus nullus magis est recidiuus, obseruare diligenter oportet, ne omnino in aliquo delinquas, neque alios præsertim ministros delinquere sinas, nec vt remedia præsentia futuro tempori, loco teli[MS.telli] aut veneni habeantur. Pluribus enim modis peccatur: Primum errore instituentis curâ, cum minima pars eorum quæ ignoramus, sit illa quam scimus: deinde auaritiâ artificum, maximè huius generis, scilicet Medicorum ocularium, dentium, herniæ, & eorum qui lapides vesicæ extrahunt, qui vel drachmâ vnâ hominem interficerent; assueti enim crudelibus officiis, & omnino imperiti, nihil habent pensî præter pecunias. Admittunt etiâ plurimos errores, tum ob imperitiâ, tum negligentiam; quibus accedunt & fortuiti errores, & rarò materia delecta adest. Deest quoque iudicium, vt pro singulari peritiâ, quæ vnicuique conueniunt, aptare possint: &

Quicquid delirant Reges, plebuntur Achini.

Ea autem in quibus Medici ipsi per se, aperte & turpiter peccare soleant, nunc subiiciam. Dare vinum in fine februm, & maximè post cibû, tum quia membra sunt excalecta & siccata, & idè inflàmantur, vt palea in clibano. Secundo quia tales habet caput maximè imbecille, vinû autè deducit materias ad caput, vnde facillè incidunt in dolorè, deliriû, & conuulsionem, & moriuntur.

N 5 Secun

Secundum est dare aquas thermarum, aut ligni decoctum, pro intemperie iecoris amouendâ; nam incidunt in hydropem, & moriuntur.

Tertium est cùm in defluxione à capite vtuntur stillâ, & oculi vel dentes sunt imbecilles; & ita incidunt in morbos oculorum, aut amittunt dentes.

Quartum est, cùm conantur curare omnes morbos quibusdam certis medicamentis, velut vino ex scobe chalybis: nam fieri non potest vt æqualiter conueniant, & ita vel deducuntur ad pericula, vel transmutantur in alios morbos, vel omnino non curantur ad vnguem. Ita dico de Electuario ex scobe chalybis, theriacâ, & similibus.

Quintum est cùm vtuntur balneo, non exquisitissimè purgato corpore, & maximè in senibus febrientibus, vnde incidunt in scirrhum visceris, & moriuntur.

Sextum est cùm in morbis ventriculi exhibent medicamenta valida, & trahunt ad locum; & vinum, putantes calefacere ventriculum, & siccant, nec calefaciunt.

Septimum est cùm in magnâ plenitudine multorum humorum mittimus sanguinem, aut euacuamus potenti medicamento; cùm hi etiam, teste Hippocrate, ad magnam imbecillitatem deducantur, nec finitur cacochymia, sed vires debilitantur interim.

Hæc sunt quæ habent speciem recti, & tamen Medici decipiuntur, nam in aliis quæ numerum non habent, contingit ex imperitiâ stupidâ, vel ambitione.

Exteriùs autem primùm reuulsione vtendum est: ea namque tantum potest, vt collisus diu capitulis musculorum brachij eiusdem lateris, vbi carpo iungitur,

gitur, repente gulæ huiusmodi dolores, & faucium glandularum abscedunt, ægërque prorsus liberatur. Similiter & cucurbitulæ super nates & inter femora, multum alleuiant caput. Quocirca quæsitum est iure merito in morbis grauib; capitis, comitali, destillatione, dolore vehementi, ac huiusmodi, an fontes magis conueniant sub poplite, an sub humero? Et mihi videtur quòd si sint per consensum membrorum inferiorum, reuulsio à poplite melior sit: sin ipsius cerebri vitio, sub humero. Deriuatio autem solâ fit sectione venæ, aut ad summum hirudinibus, vel cucurbitulis incisis, quoniam ex venis materiam influentem educere oportet. Hoc ergo in casu reuulsionibus potius opus erit, maximè, vt dixi, iuxta musculos brachij ex inferiore parte, quoniam secundum rectum sunt, & longissimè deducunt ex parte propinquissimâ: hoc enim optimum, nam crura etsi longiùs distent, minùs tamen reuellunt, quia non propiùs deducuntur, sed multis intermediis. Ita reuellemus quæ à renibus, & vesicâ, vtero, coxâ, & testiculis ad pedem; quoniam vt dixi, tres illas condiciones obseruare oportet, eiusmodique reuulsio facillima est, celerrima [MS. *celeberrima*,] & vtilissima. Sed neque reuulsio bona est solum in initiis morborum, sed toto etiam tempore usque ad declinationem. Optima enim est curatio partium, quæ fit deducendo hinc inde excrementa, & sanguinem cucurbitulis, hæmorrhoidibus, frictionibus auocando, non semper quidem, ne coctio imbecillior reddatur, sed in plenis corporibus, aut qui viuosos habent succos, aut [MS. *an*] qui copiosiore vtuntur cibo, aut exercent se. In eodem genere sunt clysteria; sed quia morbus est leuis, à maioribus auxiliis est abstinendum, nam Clysteria debilitant iecur, quia tollunt

tollunt eius alimentum. Lotiones extremarum partium sunt valde vtilis, cum humectent corpus, præter id quod humores & vapores auocant. Deriuantia quoque ad propinquam partem, velut Errhina conferunt, & per futuras, vbi morbus esset magnus, per emplastra ex sinapi, stercore columbino, sapâ, & ficubus, nam hoc est vtile. Quod enim dicit Trallianus minimè obstat, quia non cerebrum incalcescit, sed pars exterior, quia materia contrahitur, & fit duplex auersio ab inferiore parte ad superiorem, & ab intus extrâ; & ita pars interior refrigeratur ex casu, sicut ex contactu niuis pars interior incalcescit. Tertius modus est adstringendo partem ne mittat, velut cum emplastro ex santalis, gallâ, fructu cupressi, acaciâ, sanguine draconis, spinâ albâ, corticibus [MS. *radicibus*] mali punici, spumâ argenti, bolo Armenâ vulgari, & huiusmodi cum aceto. Quartus cum his quæ cohibent vapores à ventriculo, qui etsi non adiuuent multum causam propriam, vt dictum est suprâ; nocent tamen multis modis. Ergo in hoc auxiliabimur, à cibo dando pyra vel cotonea cocta, berberes, & corna condita, atque Tragéam Francisci de Pedemontibus, vbi materia non sit calida. Ea verò quæ concoquunt, teste Galeno *tertio de simpl. medicam. cap. 17.* obscurè, vbi docet, quod adstringentia modicè, plurimum autem tenuia & tepida, vt non digerât, adiuuant ad coctionem, velut oleum rosaceum. Et *in quinto, cap. 6.* clariùs, vbi agit de concoquentibus vtroque modo. At nunc propositum est non solum concoquere, sed resolvere si fieri potest, ac digerere, scilicet quod naturalem concoctionem adiuuat calor omnino similis naturali, & ideo dabat exemplum de pueris ventriculo applicitis & catulo. Sed si suppurare omnino propositum sit,

adstrictio

adstrictio maneat eadem, vt calor corrigatur. Calor autem paulò augetur, vnde *inferius* ponit aquam temperatam, hydrelæum, oleum contemperatum, & cap. 9. ponitur ex hydrelæo farina triticea, & panis ipse modicè coctus: nam farina calida est & humida, vti adeps suillus & vitulinus, & magis gallinaceus, & anserinus, nam hæc propriè ad suppurationem iuuant. Quòd si siccis vti præstet, in duobus casibus id agere oportet, nam erit vel cùm materiam duram frigore congelatam emollire propositum est, aut cùm digerere atque resolvere, vt manifestum sit in neutrâ concoctione propriè nunquam opus esse exsiccantibus, sed semper, vt dixi, humectantibus naturalibus, calefacientibus aliquo plus, sed tenuibus & modicè astringentibus. Ergo quænam sint iam dictum est. Solùm distinguere oportet, an tendat ad resolutionem; id fit manente calore, duritie paulò diminutâ, magnitudine euidenter imminutâ. Contrâ si albescit, incalescit, molle fit, magnitudo manet aut augetur, ad suppurationem tendit. Est & auxilium quod habetur 6. *partic. 6. Epid.* his verbis: *Quibus in dolore dentium tenuia à naribus promanant, his postridie à pipere bene adaptato crassiora profluunt, nisi alia prauauerint; Hecgesippo enim somniferũ medicamentum ex eo non prauauit, sed dolorem magis & vehementer adsciuit.* Quod ad expositionem secundæ partis dictum est loco suo in *Commentarijs*, nunc solùm restat vt dicamus de morbi auxilio: materia quæ influit ad dentes & gingiuas, cùm tenuis fuerit, crassâ retinetur; & in eo casu piper multum iuuat educendo crassiora. Quomodo autem ritè adaptetur, non dicit. Etenim poterit adaptari dentibus & naribus; cùm enim dixit, *tenuia à naribus profluunt*, videtur inquirere vt piper adaptetur naribus; sed si sic, non aliud eueniet quàm vt sternutamentum prouocetur, nec profluens crassiora;

crassiora, verum ut prius tenuia, & fortassis tenuiora quam prius, confertque in attractam materiâ. Melius est ergo ut intelligamus quod in continuo usu est, scilicet ut grana piperis super dente dolente, aut sub eo contineantur, hoc enim primum dolorem maximè sedat, ut siquid aliud; deinde calefaciendo cerebrum, calefacit materiam crudam quæ in eo continetur, & eam educit colliquantam, ut antea tenuis profuebat.

Meminit Hippocrates *in primo De morbis mulierum*, Piperis Indici, sed sub alio significato, nempe medicamento oculario: at Piperis, ut simplex est medicamentum, plura sunt genera. Primum est Orientale quod in usu est, & antiquis omnibus cognitum. Secundum est piper anthropophagorum, quod in corniculis oritur, nigrum, acerrimum, sed substantiam habet melli sed acri similem; sunt qui existiment & probè, esse cardamomum [MS. *propè est cardamomo*] Serapionis. Et rursus est piper Indicum Occidentale, minus Orientali acre, & ut ita dicam insipidum præter acredinem. Est etiam piper quod in lobis habetur, seu siliquastrum. Rursus fructum thymelææ & chamelææ, quidam vocant piper montanum, sed est maleficum, quamvis acre sit. Est etiam piper aquaticum, quod quidam putant esse genus persicariæ foliis subnigris, similibus fermè foliis persici; quamvis Dioscorides menthæ dicat, valde acribus. Mirum verò videtur, quod cum siliquastrum non minus acre sit, imò magis quam piper, eiusque magna copia paruo comparari possit, cur non illo utantur. An quia non odoratum, vel non densum? Est enim semen herbæ, Piper autem arboris hederæ similis; ob id forsan non eandem eius mistam retinet vim, vel quia noxium esse existiment,

ment, certè ad medicamenta efficax erit. Sed vtamur rotundo pipere, quod alterius est generis quàm longum, decipiturque in eo Galenus. Eligere oportet acre, nouum, ponderosum, diùque continere sub dente, aut supra dentem.

Circa hoc notandum est, quòd post huiusmodi purgationem illam, de quâ dictum est suprà, quæ est totius corporis purgatio, debemus purgare caput ipsum, & non per partem eandem; cauendum est diligenter, ne materiam ducamus supra membrum læsum: idèò vides Hippocratem, hîc in morbo dentium purgare caput, non per os, sed per nares. Nec solùm debemus purgare ipsum caput, vnde fluit materia, sed si oporteat etiam alia adhibere remedia; veluti emplastra acria & attrahentia ad aliam partem, velut escharotica post aures, & exurentia in humeris, at quæ exsiccant caput ipsum & confirmant, cuiusmodi est hoc, derafis capillis in futurâ coronali impone emplastrum huiusmodi. ℥. Santalorum rubr. & citrinor. an. 3ij. Rosarum, seminis sampsuchi. an. 3j. Mastichis. ʒij. Rutæ siccæ. 3ʒ. Confice cum aceto acerrimo. Iuuat & imponere quandoque cucurbitulas siccas in causâ frigidâ: numerantur enim à Principe inter ea quæ calefaciunt locum. Simili modo & quæ in aurem instillantur. Ita poteris perficere curam capitis, tanquam membri laborantis.

Est autem obseruanda etiam in his quæ à proprietate agunt, actio communis, & causa manifesta, velut in Elephantiasi & nebulâ oculorum, & hebeti visu etiam ob neruos obstructos. Nam communia sunt caro viperæ, & testudinum, & columborum; nam singula horum purgant sanguinem à crassitie, idèò sanare possunt. Rapa autem, & euphorbium, & chelidonia, utroque

utroque modo conferunt visui non elephantiasi, ut contra Alselhaa compositio ex semine citonij Indi, quod est magnitudinis nucis, & est absque cortice, & semen acre ut gíngiber, elephantiasi non visui. Et rursus quæ proprietate profunt, secundum partem utilem ei generi, vltima sunt; velut caro viperæ prodest proprietate visui, fella profunt exterius, fella viperarum erunt vltima. Et rursus proprietas etiam in ipsâ ratione medendi utilis est, velut foramen oculi in depressione nebulae non consolidatur, ideo si non post quatuor aut sex dies eodem foramine cernatur, debemus iterum deprimere illam.

SECTIO V. & VLTIMA.

De curâ speciali huius affectûs per Chirurgiam.

PRO curâ verò Chirurgicâ, seu quæ per manuum administrationem fit, cum ad suppurationem res devenit, nec rumpitur, oportet ferro scindere, atque inde purgare ac siccare. Sed quia non perfectè suppurant, non sunt secanda, nisi periculum sit ne intus rumpantur. Solùm ergo bene suppurata, & quæ periculum afferunt ne intus vertantur; aut ut materiâ crudâ eductâ, & auxilio linamentorum quæ calefaciunt, concoctionem licet ægrè recipiant, ferro tangenda erunt. Atque in his etiam considerare oportet, qualia sint, velut strumæ & elephantiasis, & an versâ vice habitus sit succulentus, & ætas florens, & morbus recens, & nondum perfectus scirrhus. Aliter si seces, cum antea concoqui non potuerint, refrigerata post sectionem non suppurare poterunt, quare in vlcera Chironia

Chironia & malefica, & profunda callosaque transibunt. Quæ autem suppurant ex his, vel quoniam materia calida trahitur, vel quia locus est debilis, ut partem, non totum concoquere possit.

Cum ergo hic periculum non adsit, ne intus rumpantur, non nisi perfecto pure rumpi debent. Cognoscitur autem pus bonum mollitie, colore, sedatione doloris, & pruritu suavi. Quod si strumosa sint, aut scirrhusa, aut elephantica, alia quidem laminâ plumbi tenui, alia communibus calefacientibus & siccantibus, ut totâ aristolochiâ, mollientibus quoque tum humidis tum siccis quæ resoluant adhibere oportet; & venenis præparatis magna vis inest, metallicis quidem exterius, interius aut exterius carnibus viperarum; purgare autem corpus cum educantibus cruda, congelata, terrea, & valde crassa, uti attenuantibus, extenuare victum, exerceri, inungi [MS. *iungi*,] dormire. Loci mutationis ilia & venter, & quæ sustinent emplastra mollia.

Quæ verò ad dentis luxationem pertinent, sunt quæ adstringunt, & quæ glutinant, hæc autem emplastica vocantur. Quæ adstringunt, vincula, suturæ, pulvinaria; potestate alia frigida, ut galla Illyrica, alia calida, ut chalcantum. Quæ utrumque præstant, rhus, acacia, (sed ea non habetur,) thus; & de his *quarto de simpl. medicam. cap. 5. & quinto eiusd. c. 9.* quæ glutinosa sunt: optimum ex his refertur à Galeno, *quinto Methodi, cap. 8.* Et sanè temperatum esse debet, & calidum modicè, quod ad interiora curanda applicatur: calidum euidenter, quod ad externa & exanguia, velut in luxatis & costis; frigidum quod ad vasa glutinanda: eiusmodi est tela aranæ cum aceto, & acetum nigrum cum emplastice per se plurimum iuvat.

O. Reliquum

Reliquum esset dicendum de eorum quæ relicta sunt tum symptomatum, tum affectuum indiciis & emendatione [MS. *initijs emendatione;*] sed cum manifesta sint, & balneis alia, alia iecur, ventriculum, caputque confirmantibus tolli soleant, satis sit attrigisse, qualiter emendari debeant: plerumque enim caliditas præter naturam, frigiditas verò calorem extinguens, & siccitas utriusque communis oboritur, ita balneis, leui exercitatione, somno, iucundis, atque his quæ confirmant, tum læsam partem, ut dentem aut gingivam, tum in quo est utpote cerebrum, tum commune omnium principium, scilicet iecur, & quæ loca eius funguntur vice, veluti ventriculum, emendabuntur.

Atque hæc de curatione minimi morbi. Est autem minimus morbus, tum ratione membri, cuius functio neque est principalis, neque necessaria vitæ, neque nobilis; tum ratione magnitudinis, est enim abscessus parvus; tum ratione essentiae, & hoc modo non est minimus, nam quilibet abscessus est morbus magnus; vel ratione conditionis, & sic est minimus, quia non est durus morbus: ergo maximus erit, scirrhus iecoris confirmatus, nam est in principe particulæ, & principali quoad [MS. *quod*] vitam, intelligendo vitam simpliciter, qualis est in plantis; fundamentum enim totius vitæ, & omnium operationum [MS. *operantium*] eius, est iecur: & est maximus ratione affectûs & qualitatis eius, scilicet abscessus durus. Si ergo accederet tertium, quod esset maximus in magnitudine, esset prorsus insanabilis. Si ergo sit maximus solum ratione membri & morbi, adhuc esset difficillimæ sanationis: & ideo utemur auxiliis maximis, à corroboratione membri, ut sunt limaces & iecur lupinum; vel

vel à naturâ cibi, vt sunt vuæ passæ; vel à naturâ medicamenti, & hæc triplex, emollientium, resoluentium, educentium: emollientia, ammoniacum optimum (& melius bdellium [MS. *Delium*,] si inueniretur;) ammoniacum enim fit optimum repurgando, terebinthi & lentisci lachryma. Oportet enim tenuem esse caliditatem, & pinguem quæ emollit; talia enim dum calefaciunt mollescunt & odorata sunt, quamobrem & belzoi seu assam odoratam laudarem, & gummi elemi, talia enim sunt, sicut & myrrha. Rursus quæ resoluunt, crocus, cinnamomum nostrum, & sinapis. Quæ verò educunt, iunci odorati flos, spica nardi, chamæpitys, marrubium, semen petroselini, semen cucumeris, quod etiam temperat calorem aliorum. Ex his verò quæ & proprietate, & vt medicamenta iuuant, est fel vrsi; ex oleribus radix filicis, & herba seris quæ est species cichorii, & securidaca. Ego autem vterer facili medicamento, hoc modo: ℞. Olei de croco. ℥j. Ammoniacy purgati ℥iiij. Misce, donec dissoluantur: & si opus esset celeritate, incoque per tres dies in balneo Mariæ, inde abiectâ omni sorde, & excolato diligentissimè, eius quod relinquitur, capiatur pars crassior quæ in fundo iacet, & quinta pars mastichis; scilicet huiusmodi spissamenti. gr. 50. mastichis gr. 10. vtatur. Exteriùs verò iuuant emollientia, & similiter cucurbitulæ incisæ, sed & hiru-dines applicatæ valde vltimum est, & maximè cùm scirrhus est in gibbâ, caustica per fusos vel fungos, & est vltimum.

Medicamentum per vnâ diem sanans, ad scirrhum lienis, octauo de medicamentis secund. loc. ℞. Myrrhæ, mannæ thuris, vtriusque quadrantem, Sinapis Alexandrini, nasturtij, vtriusque sextantem, Aceti

scillitici, quod satis est. Sinapi & nasturtium tundito ac cribrato, mannam verò & myrrham dissoluito, eisque arida addito, & simul aceto subacta, ad malagmatis formam reducito, & à secundâ horâ vsque ad nonam imposito. Postea verò duabus fasciis obligatum in balneum inducimus, atque vbi relaxatus fuerit, in calidæ solium demittimus, in solio verò longiori temporis spatio moretur, cruribus extra aquam emotis. Ne verò in animi deliquium delabatur, acetum & pulegium odoretur, fascias paulatim dissoluat. Egresso porrò à balneo salsamentum citra panem exhibendum est, & vinum mari mistum: sequenti die eadem offerenda sunt: tertiâ verò gymnasiis vtendum, quæ spiritum acutum reddere valent, atque huiusmodi est cura maximorum morborum.

Reliquorum autem morborum (vt omnes diuturni sub vnâ ratione ac differentiis comprehendantur) sunt [MS. *vt sint*] septem modi: aut enim finem habent, velut febres & abscessûs molles, præcipuè qui mutantur; alij sine carent, quorum quidam sunt perniciosi, quidam non; quidam possunt sanari absque vitæ periculo, quidam cum vitæ periculo, vt lapis in vesicâ, enteroccele, quidam neutro modo, vt carcinoma vteri: quidam etiam istorum semper augentur, vt lapis vesicæ; quidam siquis aberret solum, vt enteroccele; quidam neutro modo, vt nodi in articulis vel vinculis. Et quidam sunt quorum symptoma est perpetuum; quidam quorum symptoma est per circuitum, sed causa est perpetua & euidens, vt enteroccele; alij quorum causa est perpetua, sed non euidens, vt comitialis. Et rursus eorum qui per circuitus redeunt, quidam nocent vitæ manifestè, vt dolor

dolor ventriculi & syncope; quidam occultè, vt comitialis; quidam augmentur, vt enterocele; quidam nullo modo, vt podagra. Et hoc quia sunt in membris huiusmodi, velut exolutio in corde, comitialis in cerebro, enterocele in intestinis, podagra in articulis, qui non sunt necessarij vitæ. Eorum etiam qui solâ ratione victûs sanari possunt, nullus est in compositione; sed quidam ex his sunt, in quibus potest sanari symptoma, in quibusdam etiam morbus. Hi autem qui sanari non possunt, plerique sunt in compositione; & hi vel à naturâ, vel acquisiti.

O ; HIERO



HIERONYMI
CARDANI.
MEDIOLANENSIS
MEDICI,

De facultatibus medicamentorum,

LIBER TERTIVS:

*Vbi omnes vires medicamentorum tam actu, quàm
potestate explicantur, & inter reliquas pur-
gantia alium medicamenta, tum lenientia
numerantur.*

P R O O E M I V M.



AM verò expeditâ ratione totâ curan-
di, de instrumentis dicere necessarium
est. Cùm enim tria sint quæ Medicus
scire debet, *libro de vocalium instrumento-
rum dissectione, cap. 1.* Locus, modus, &
instrumenta: de instrumentis ac modo hîc pertractan-
dum est, quo finem consequi debemus. Itaque de scien-
tiâ vsûque operationis primarum qualitaturn, & re-
liquarum etiam facultaturn medicamentorum, tum
quomodo

quomodo hæ ex illis profluant, quæ nemo attigit
 alius idipsum *in hoc tertio libro* agere decreui. Verum
 hæ contemplatio forsan ad priorem partem perti-
 nere videri poterat; quanquam verò etiam huius pars
 eſet, non idcirco in hanc traduxi, vt partes fermè
 æquales redderentur; aliam etiam ob cauſam aliqua
 ex tertîa parte in primam tranſtulimus, ſcilicet vt ſpe-
 cialis tractatio purior [MS. *prior*] redderetur. Igitur de
 primarum qualitatum operatione nunc primùm di-
 camus, non vt ordo peruertatur, ſed exquisitiſſimus
 ſeruetur. Quis enim ambigit, quin ſic futura ſit tracta-
 tio pura, aliarumque partium auxilio omnibus morbis
 eam applicari poſſe?



P A R S P R I M A.

*De primarum qualitatum atque ex
 his ortarum operatione.*

C A P V T I.

*Varias facultatum in medicamentis diuiſiones
 explicans.*

PRo generali ergo conſideratione [MS. *cu-
 ratione*] proponamus, quòd medicamenta &
 res aliæ duo habent per quæ agunt, ſcilicet
 & ſubſtantiam, & qualitatem; nam reliqua velut quan-
 titas

216 *De facultatibus medicamentorum,*

titas non agunt per se, sed sunt agendi modi seu auxilia. Et principiorum quidem agendi vnumquodque duplex est, aliud quidem secundum comparationem ad partes corporis, aliud autem secundum propriam naturam: namque substantia contrarium non habet, nec qualitate per se prædita est. Agit ergo similitudine aut ad membra & spiritus, & hanc operationum proprietatem dicimus, cochleæ ventriculo, & iecur lupi iecori humano: aut ad humores, & vocatur medicamentum expurgans, velut Cnicum cum pituitâ, Rhabarbarum cum bile; & sunt simplicia quæ valde dissimilia sunt humano corpori, propter compositionis naturam, velut metalla ob elementarium partium crassitiem, & hæc sunt venena à proprietate. Sed hæc huius non sunt considerationis, quæ tendit ad sanationem, non ad interitum. Qualitas autem duplex est, quæ ab elemento, & recepta in materiâ, & hæc est quadruplex, calidum, frigidum, siccum, & humidum: etenim non plures neque pauciores sunt qualitates, quæ primò sint in simplicibus manifestæ, & per quæ agunt, ac in talia penetrent: vnde tertium operandi genus, sicut quartum à cœlesti vi. Velut Cynorrhodi radix in morfu canis rabidi, neque enim similitudine substantiæ illi confert, cum illa ad substantiam referatur, venenum autem accidens sit; nec simile illi, imò contrarium, cum expellat ipsum; nec euacuat illud, ut sit simile humori; nec est contrarium veneno qualitate, in omnibus enim quæ qualitate agunt, à similibus propemodum eadem prouenit actio, & à validioribus eadem & celerius, & facilius, licet cum quadam noxâ, velut à lactucâ calidus ventriculus temperatur, temperabitur & ab endiuia, & facilius & celerius à portulacâ, licet
foran

forſan non ſine aliquâ aliâ noxâ. At nulla alia res frigidiſſior cynorrhodi radice, vel ſiccior hoc poteſt: conſtat igitur quòd hoc illi conuenit ex qualitate cœleſti. Declaratum enim eſt à nobis, quòd in omni miſto eſt qualitas elementi, & vt eſt permutata à calore cœleſti, vt dixi calidum, ſiccum, & reliqua: & quæ eſt impreſſa à calore cœleſti, non vt eſt in elemento, & hæc eſt qualitas cœleſtis: iam ergo habes quatuor modos agendi principales.

Qualitates autem primæ ſunt duplices; in actu, quæ non indigent ad agendum alio auxilio, ignis enim per ſe vrit, glacies refrigerat: & in potentiâ, quæ per ſe non poſſunt agere, vt piper, quamuis ſit calidiſſimum medicamentum, niſi tamen teratur & attenuetur à calore naturali, eſt frigidum. Qualitates in potentiâ habent quatuor ordines vt temperamentum, vt ſint nouem in actiuis, totidem in paſſiuis, omnes LXXXI. At vnumquodque medicamentum, vel eſt tenuis, vel craſſæ ſubſtantiæ, aut mediocriſ, vt ſint tria per LXXXI. multiplicanda, & omnia CCXLIII. Eſſent etiam denſa & rara, ſed denſum ſemper auget actionem, rarum minuit. Ergo non eſt cauſa vt multiplicemus actionem medicamentorum abſque neceſſitate. Oportet ergo vt conſideremus actionem harum qualitarum per ſe, & vt producant opera ſecundarum facultatû. Princeps lib. 2. tract. 1. c. 4. miſcuit primas, ſecundas, & tertias qualitates ſimul, ſed melius eſt eas ſeparare, omittendo operationes primas, quæ ſunt calefacere, vrere, ignire, infrigidare, congelare, ſextinguere, humectare, labefactare, diſſoluere, ſiccare, arefacere, marcoré inducere. Atque eadem fermè ſunt earû quæ actu tales exiſtunt. Vt verò ſciamus, quæ ſint cauſæ ſecundarum qualitarum,

218 *De facultatibus medicamentorum,*

oportet intelligere quænam dicatur substantia tenuis ac crassa; actu enim similes arte [MS. *ante*] reddi possunt, tundendo diu, & super porphyritem cum aquâ terendo diutius, & si non sufficit, siccatum denuò tere [MS. *terrere.*] Galenus 6. *de simpl. medicam. cap. de zinzip.* tenuia medicamenta appellat, quæ faciliè à calore nostro dissoluuntur, & patiuntur celeriter, quæ verò magis imprimunt, crassarum sunt partium. Sed & de Castoreo loquens, 11. *de simpl. medicam.* vult esse tenuissimarum partium, ideò dicit esse efficacius, quòd magis penetret: nec sibi contradicit, quia hæc magis calefaciunt, quia maiorem partem mutant crassa, quia retinent suam vim diutius. Rursus *tertio de simpl. medicam. cap. 10.* dum vult ostendere succum rosarum esse tenuissimarum partium, dicit, quia *celerrimè siccatur, nihil lentoris obtinet, & aliorum unguentorum vim obscurat, quoniam tenuitate illâ suâ præuenit, occupans olfactûs sensum.* Idem *tertio de compos. medicam. secund. gen. cap. 2.* diffusè si vnquam aliàs, sed absque ratione causam substantiæ medicamentorum tenuium explicauit, illud docens, omnia medicamenta tenuia esse calida aut temperata, nisi sint acida, acetum acerrimum præfert, quia limonij succum ignorauit, hic enim longè aceto tenuior est. Tenuem ergo substantiam tam in aqueis quàm terreis inueniri affirmat. Ego tamen formam tenuitatis, quam ille inuenire non potuit, declarabo, & est quod concoctum est optimè; illud idem vt sit leue necessarium est; videri tamen potest graue; quoniam substantiæ terreæ coniunctum etiam esse potest. Tale igitur plerumque ob id, calidum est & siccum, aut si humidum ex leui humido: & vt plurimum est veluti flos quidam. Ita flores omnes comparatione partium eiusdem plantæ, tenuis sunt substantiæ; &
flos

flos salis, & nitri, & asij lapidis, subtilium partiū sunt, reiectā parte crudā, cuiuscunque generis sit atque elementi, non quia terrea : vnde etiam ignea quædam crassæ sunt substantiæ, veluti allium. His visis ad secundas facultates, quas primæ cum substantiâ pariunt, & similia opera in corpore nostro deuenire iam tempus est, & in vniuersum sunt qualitates diuinæ, corporeæ; in actu, in potentiâ; primæ, secundæ, tertiæ; similitudo substantiæ ad corpora vel spiritūs, & ad humores. Secundæ igitur sunt attenuare, condensare, rarefacere, aperire, obstruere, sordidare, detergere, emplasticum esse, id est, adhærere & obturare, poros aperire, emollire, indurare, pus mouere, concoquere, attrahere, resolvere, incidere, lentum reddere, astringere, repellere, crudum facere, lauare, lubricum facere, tendere, laxare, glutinare, exprimere, erodere, excoriare, exulcerare, putrefacere, exedere, escharam inducere, digerere, & sunt triginta tres. Velut tertiæ sunt, confirmare, carnem gignere, cutim restaurare, (quæ vocamus epulotica) & semen aut lac generare, vrinam prolicere, aut fæces, aut sudorem, aut vomitum, aut hæmorrhoidas, aut aperire ora venarum, vermes occidere, lapides atterere, frangere vomicas, pus educere, flatum discutere aut generare, anodyna seu acopa, visum acuerre, auditum liberare, pectus purgare, fœcunditatem inducere, somnum aut vigilias producere, pediculos occidere, pruritum sedare, cibi appetentiam excitare, impinguare vel extenuare, etsi cibi non sint; vrinam & sudorem beneolentia reddere, tophos confractis ossibus gignere, eosdem dissoluere iam genitos, febres discutere : vt in vniuersum (præter minūs necessarias, velut quæ pruritum excitant, & compositas, vt men-

ses

ses ciere ; componitur enim ex sanguinem prouocantibus & aperientibus ora venarum ; & scirrhum curare , ex emollientibus & discutientibus ; & ita de sanantibus vlcera , & capillos generantibus) sint XXXIV. quæ ex secundis facultatibus non minùs prodeunt, quàm illæ ex primis. Primæ autem sunt calefacere, inflammare, colliquare, vrere, refrigerare, torporem inducere, congelare, tepefacere, siccare, arefacere, marcorem inducere, temperare, humectare, læuigare, & dissoluere, XV. quibus [MS. *diebus*] addantur inde etiam qualitates diuinæ , & similitudo ad corpora vel humores, erunt LXXXV. Genera autem septem, scilicet qualitas diuina, & similitudo substantiæ ad corpora & ad humores, & qualitates in potentiâ [MS. *impotentia*] primæ, secundæ, & tertiæ, & in actu, quarum etiam sunt septem differentiæ in actiuis, ignis, vrens, tepida, glacies, gelida, subfrigida, temperata, vt sint in vniuersum xiiij. Quibus addantur illæ quæ ex humido & sicco in substantiâ proueniunt, vt ignis vel aqua feruens, & duæ compositæ ob contrarietatem insignes, potestate calida, actu frigida; & potestate frigida, actu autem calida, de quibus seorsum agetur. Tandem relinquentur differentiæ ab humido & sicco in actu, de quibus seorsum dicemus. Præter has omnes differentias, explicare conueniet successiones calidarum ad frigidas, & frigidarum ad calidas, exempli causâ potiùs quàm tractationis : nam qui non nostra legit, nec illi diffusa historia sufficiet ; nostrorum autem operum studiosis multo magis hæc breuiter tradita, quàm illa longa narratio. Primùm igitur sumamus exemplum ab oleo chamæmelino, quod ex substantiâ tenui valde & proximâ temperamento, calidâ tamen & humidâ, atque in hoc fermè mediâ pinguique,

pinguïque, nam concocta est & actu humida: huius ergo sunt & similia, emollire, concoquere, ob-
turare, secundum substantiam rarefacere, secundum
vires temperare dolores, & lassitudinem mitigare,
febres quoque discutere: ut huius coniugationis
sint hæc septem præcipua, sed & octauum, sed non
valde id potest, scilicet sudorem ciere. Quæ enim
rarefaciunt & attenuant auocantque, si eadem dis-
cutiant aut resoluant moderatè, sudores mouent:
ex his sunt metasyncritica, quæ ex profundo tra-
hunt & aperiunt meatûs cutis, quæ constat calida
valde esse, & cutim ipsam exurere, prauos humores
absumendo. Quæ verò vrinas mouent, sicca, om-
nia sunt & tenuia; quæ aluum, minùs calida & cras-
siora: inde omnia acria vrinas cient, sed minùs
acria sint, aut salsa, aut nitri saporem redoleant, li-
quidâque sint, quæ aluum subducunt; velut brassicæ,
betæ, lentium, mollium piscium ius. Somnifera verò
cum duorum sint generum, quæ stuporem indu-
cunt, spiritûs enecant naturæ proprietate, non ut
Galenus putat, frigiditate: namque in Opio nul-
lum est aliud frigiditatis indicium, non dolores in
ventriculo gignit, non sitim sedat, amarum est, Ve-
nerem non parum excitat, & si modicè assumatur,
furorem gignit. Ergo somnum excitat, non tam ex-
tinctis spiritibus (tunc enim mortem affert,) quàm
sideratis; quemadmodum in labore natura fatigata
spiritûs sistit, & somnum ob id adipiscitur; ita in
Opio, & nuce somniferâ, hyoscyamo, & mandragorâ,
& solani specie illâ quæ somnum mouet, & fabâ
inuersâ. At quæ somnum mouent iucundum, alia
quidem quodam lentore retinèt spiritûs, & ipsa tamen
habentia partem tenuem per quam feruntur ad caput,

222 *De facultatibus medicamentorum,*

vt vina dulcia ; velut enim viscum , ita horum vapor spiritus continet : sic dulcis harmonia, & auium concentus, & susurrus aquarum. Alia verò cum sint frigida & humida, omnis acredinis expertia, velut lactucæ & album papauer. Ideoque omnia quæ aluum mouent, etiam vigilare faciunt, quia spiritus stimulant.

Quæ autem putrefaciunt aut erodunt, velut auripigmentum, cantharides, & misy, similiaque omnia, siccitatem habent in materiâ crassâ, eius comparatione quod colliquatur : ideò metallica carnes, cantharides solum sanguinem dissoluunt. Primum ergo erodunt, inde colliquant, demum putrefaciunt : siccum enim iunctum calido, cum tale fuerit vt naturæ humanæ conuenire non possit, colliquat. Est autem colliquatio non vna actio, alia enim colliquantur à calido, quia humida sunt ; atque ea sunt quæ ob humorem ardere nequeunt, sed liquantur : alia quia corrumpuntur, & est putredinis genus. Vtque priora non corrumpunt vicinas partes neque fœtent, ita hæc contrariò modo se habent. At Galenus cum multa de his dixerit, 3. *de simpl. medicam. cap. 21. 22. 23.* quomodo id fiat dicere ausus non est. Ego autem rem ipsam declarabo, exemplo ab escharâ auferendâ deducto, quamuis non prorsus simili : etenim constat si quis eam abducatur sine morâ ac repente, nullum fieri dolorem ; similiter & nullum, aut per quàm exiguum, si sensum ac maximè lente, vtpote in duabus horis eam detrahat. At maximus fit dolor, cum neutrum horum seruetur, velut si quis in exiguo tempore eam detrahare conetur, nec tamen totam simul : ita è diuerso, si siccitas tanta fuerit, vt colliquet plus humidi quàm resolui possit, (hic medius modus est,) tum putrescit particula, quia humidum illud nec resolui potest, quia copiosum nimis,

nec

nec concoqui, quia partes tenues & aqueæ non possunt consumi, & ideò necesse est putrescere particulam. At verò si medicamentum exurat, vt tantum absumatur, quantum colliquescit, necesse est siccarì particulam, & vri non putrescere. Si verò consumptio aquei humidi præueniat colliquationem, necesse est concoqui: putrescit ergo quasi colliquata particula à multo calido externo interiorem corrumpente, præcipuè humido; quamobrem & aqua feruens, licet minùs calida quàm ignis, plus tamen illo calefacit, tum quia penetrat, tum quia humida est. Hæc igitur est ratio erosionis, colliquationis, & putredinis.

Frigida verò quia à natura inimica, primùm constringunt particulam, aduersùs contraria muniendo, inde successu obstruuntur meatûs, reliqua condensantur; vnde quæ ad locum fluunt repelluntur, & robur particulæ additur; postea verò cum refugientibus spiritibus, locus nimis refrigeratur atque constringitur, humidum exprimitur, dolor fit conuulsis partibus his, quem morsum vocamus, adeò vehemens aliquando, vt erosionem putes, & Medici dubitent an à bile proueniat, demum desertâ particulâ vniuersum à calore, necesse est illam putrescere, atque hic alter modus est putredinis. Non memini autem doloris, quoniam hoc commune est accidens etiam aliarum causarum, veluti contusionis & vulneris: verùm omnia quæ continuitatem soluunt, quouis modo hoc agant, dolorem mouent, alia pungendo, alia morsum faciendo: non tamen adeò exulcerat frigidum velut calidum, erodendo, colliquando, ichores exacuendo.

CAPVT II.

*De varijs calidi operationibus, inprimis
de vſtione.*

EOrum autem quæ primis qualitatibus & per ſe agunt, calidum propriè ſeparat, & partes diſgregat, quoniam cum motu eſt vehementi, 12. *problem. 5.* Aſſimilatur enim cœleſti calido, hæcque eſt prima eius operatio, celeriter moueri. Secunda, celeriter diffundi. Tertia, ſeparare. Quarta, rarefacere; quæ enim ſeparata ſunt, maius occupant ſpatium, idèd rariora ſunt 5. *de generat. animal. cap. 3.* Quinta, attenuare, nam quæ maius occupant ſpatium, tenuiora ſunt, quoniam ſub eâdem materiâ & formâ maius ſpatium continetur. Sexta, reſoluere. Reſoluere dicimus cùm formam mutat, non quòd deſinat, vt cùm humidum in vapore, vapor in aërem tranſit, dicemus humidum illud reſolutum eſſe. Septima, eſt attrahere: hîc magna difficultas, quoniam calidum, vt dixi, effundit & expellit, quomodo igitur attrahere poteſt? Videtur autem calor propter hoc attrahere, quoniam diffundit, & loco eius, ne vacuum detur, ſeu ne partes conuellantur, neceſſe eſt corpus aliud ſubingredi; vnde ex aduerſâ parte eius à quâ [MS. *aqua*] diffunditur, trahit: velut candela diffundit à ſuperiore parte, trahit ab inferiore: ergo & emplaſtra dum diffunduntur ex ſuperiore parte. Alius modus eſt, vt ex eadem parte trahat, à quâ diffundit, vt in remiſſionibus: velut contingit in cucurbitulis, cùm enim quod rarum euasit, remiſſo calore condenſatur, contrahitur, trahitque per conſenſum conſequentes particulas. Nutrimentum verò trahitur ob hoc,

hoc, quoniam attenuatur atque diffunditur, necesse est igitur ut amplius occupet spatium, atque ideò ei appropinquet, tum verò & eius caloris qui superior est, attractio est efficacior, quoniam quod tenue est, [sursum tendit.] Octava operatio, est condensatio. Nona, colliquatio, de quibus agit Aristoteles *2. de partib. animal.* nam quæcunque terrenâ parte vacant, antea verò coacta erant, dum attenuantur, mobilia sunt, atque ideò colliquata appellantur: quæcunque verò terrena, dum quod tenue est resolvitur, coguntur, ut lateres, [condensata dicuntur.] Atque hæc quidem generalia, & in humanis corporibus. Ut verò ad inanimata comparatur, eius proprium est tenue à crasso separare, atque ideò & attenuare, & crassum facere dicitur. In Chymicis autem operationibus separat aquam, inde pingue oleum, post oleum tenue terreo tenui exulto mistum, demum quod relinquitur est terra crassa & exulta. Est vinosum in quibusdam quod concoctum est, ideò ab igne transit in aliud genus aquæ. In particulis verò ipsis, cum quod tenue est, solum evanescat, attrahatur verò quod crassius est atque magis crudum, necesse est deteriorem fieri particulam; crassiorem quidem, si plus est quod trahitur quàm quod digeritur; tenuiorem, si contrario modo; molliorem, si minus est terrei quàm concreti humidi; duriores, si secus. Calidum verò exurens, si copia humidi adsit, plus trahit quàm digerat: si non adsit copia humidi, exsiccat: ipsum verò per se corrumpit particulam. Peculiariter autem extremum calidum, velut ignis, nocet nervis, ut dicebat Hippocrates in *libro de articulis*: quod simul intelligendum est etiam de vinculis & ligamentis, & quæcunque contrahi possunt. Ideò ossibus & carnibus (nam hæc si pereant, rursus

generari possunt) nō immoderatē adhibeatur, parum obest. Cæterū ignis quāmcunque tollit intemperiem, quāmobrem & omnes morbos solvere potest: quod etiam sentit Hippocrates, *septimā aphorismi. ultimo.* Verūm & de hoc in *precedenti libro* locuti sumus. Sed tria obstant quō minū omnes morbi per illum sanari possint, horror auxilij, atque doloris metus, distractio propriæ facultatis; vnde circa ossa tutissimē adhibetur, oportet autem diligentissimē adhibere, vt quod solum est excrementitium humidum, & in quo praua qualitas viget, absumatur, bonum seruetur, ideoque auro igneo ac tenui, longiore tamen morā si opus est, potius quā crassiore curam facere oportet. Porro ad terrorem vitandum, aquā vtuntur ex chalcantho, nitro, alumine, & calce, tum acriore cinere. Est autem duplex modus: vnus est vt chalcanthum, alumen, & nitrum distillantur: alius vt eadem exurantur, & calce ac cinere roboris additis coquantur, donec aqua in formam olei redigatur, excolare oportet atque excoquere, donec concre scat. Tertium quod omnibus difficilior est impedimentum, contingit cū aliunde causā influxerit, seu materia, seu vapor, seu qualitas, seu particula auxiliaris, veluti si lingua balbutiat propter præcisum neruum ad eam venientem: in his omnibus ignem adhibere, esset excindere particulam, imō prorsus corrumpere, non curare. Dicebat Hippocrates *quintā aphorismorum, à 17. aphor. ad 25.* de his (nam frigidi opposita est ratio:) *Calida, frequente eā utentibus, has noxas inducit, animorum effeminationem, neruorum impotentiam, mentis torporem, sanguinis eruptiones, animi deliquia, hac ad que mors. Frigida verò convulsiones, antrorsum ac retrorsum distentiones, nigrores, & rigores febriles. Frigida inimica ossibus, dentibus, ner-*

nis, cerebro, spinali medulla; calida verò grata. Quacunque perfrigerata sunt, excalescere oportet, praterquam à quibus sanguis erumpit, aut erupturus est. Ulceribus frigida mordax, cutem obdurat, dolorem non suppurantem facit, nigrefacit, rigores febriles inducit, cōuulsiones, distentiones. Quandoque verò in distentione sine ulcere, iuueni carnosò, ætate mediâ, frigida multa affusio caloris renocationem facit: calor autem hac soluit. Calida suppuratoria est non in omni ulcere, maximum signum ad securitatem, cutem mollit, attenuat, dolores eximit, rigores & cōuulsiones, distentiones mitigat, capitis grauitatem soluit: plurimum autem confert ad ossium fracturas maximè denudatas; ex his autem maxime his qui in capite ulcera habent, & his quæ à frigiditate moriuntur aut ulcerantur, & herpetibus exedentibus, sedi, pudendo, utero, vesica: his calida grata est & indicans, frigida verò inimica & occidens. In his frigida uti oportet, unde sanguis erumpit, aut erupturus est, non super ipsas partes, sed circa ipsas unde fluit, & quacunque inflammationes aut flammei ardores, ad rubrum & subcruentum colorem ex novo sanguine tendunt, ad eas ipsas; nam veteres nigrefacit, & ad sacrum ignem non exulceratum confert, siquidem exulceratum lædit. Frigida velut nix, glacies, pectori inimica sunt, tusses mouent, & sanguinis eruptiones ac defluxiones inducunt. Tumores in articulis, & dolores absque ulcere, & podagricas affectiones, & cōuulsiones, horum plurimum frigida multa affusa leuat & attenuat, & dolorem soluit: torpor enim moderatus dolorem soluit. Aqua quæ citò calefcit, & citò perfrigeratur, leuissima est. Non est mihi sermo nunc de calido naturali, de quo alibi; neque de putrido, de quo in libris de Venenis actum est: verum de calido ac frigido auxiliari seu inimico, quippe cū necesse sit, nos perpetuò obuiare aut extremè calidis, aut extremè frigidis, quod tamen rarò accidit, tum

228 *De facultatibus medicamentorum,*

verò calidis simpliciter, aut frigidis, aut temperatis, atque ab illis mutari, cum corpus nostrum in perpetuâ mutatione consistat; calida verò & frigida maximè mutant, verùm calida magis, ut visum est, ita ut morbos aut gignere aut tollere possint, tum verò & applicari; cum auxilia multifariam queant [MS. *qua*] obesse: constat hanc tractationem inter omnia alia, ad humanos vsus maximè esse necessariam. Verùm quoniam à generalibus ad specialia descendere oportet, quæ sint vires temperati scire necesse est: estque temperatum multifariam dictum, quod est in medio inter calidum & frigidum exquisitè, quod cum ad naturam humanam comparatur, pro frigido habendum est, quantum humana natura exquisitè temperato calidior est. Itaque hoc temperamenti genus inter frigida numerandum est, verùm hoc habet præcipuum cum omnibus quæ ipso calidiora sunt, minùs tamen calida quàm sit humanum temperamentum, ut sint iucundissima, præsertim aer & levis aura. Secundo modo dicimus temperatum, quod ad calidum declinat tantundem, quantum corpus humanum, idque simile homini prorsus est, atque de hoc sermo erit. Manifestum est autem quòd hoc quibusdam calidum, qui scilicet frigidiores naturâ sunt, quibusdam frigidum qui sunt calidiores, videatur. At verò tertio modo temperatum dicimus, quod cuique simile est; ut contrà ferme quod cuique est contrarium moderatè, quia iucundum: sed & hoc intelligere oportet. Itaque temperatum [MS. *temperamentum*] omne calefacit refrigeratos, refrigerat calefactos, atque hoc nisi immoderatè sint supercalefacti aut refrigerati: tunc enim calefacti calidioribus quàm tepidis refrigerandi sunt; refrigerati àquà frigidâ sunt calefaciendi, inde ad temperata transcundum.

eundum. Temperatum sanos confirmat, voluptatem affert, molestiam tollit, somnum conciliat, coctiones iuuat, corpus impinguat, mollit, & bonum colorem facit, laxat tamen & eneruat, maximè si humidum fuerit, & ad calidum declinauerit. Balneum verò aquæ temperatæ mulcet super omnia corporis molestias omnes, detergitque cutim, nitidamque reddit. Verùm in ægris dicebat Hippocrates, *tertio de victu in acutis, text. 58. Balneum peripneumonia magis quàm ardenti febrè confert; nam lateris pectorisque & dorsi mulcet dolorem, spiritum maturat educitque, & spiritum facilem reddit, lassitudines tollit, mollit articulos & cutem per summa conspicuam, urinas ciet, capitis soluit grauitatem, & nares humectat.* Sed redeo ad calidi & frigidi vires, in quibus tria maximè (quod ad specialia attinet) consideranda sunt. Primum est consuetudo, quæ facit vt valde noxia etiam moderatè ferantur; velut calefacere lectum, malum est & fluxiones facit, concoctionem debilitat, eneruat vires, & caput replet: nihilominus est necessarium in valde senibus, macilentis, conualescentibus, infantibus, perfrigeratis, tum vbi suspicio est madefacti lecti, atque in his & huiusmodi, melius est vt lecto bene exsiccato, & ad frigidum potiùs quàm calidum declinante, id sit diuturno ignarij cum perpetuo motu, paucòque igne circumactu. Similiter & mansio iuxta ignem corpus rarefacit, neruos languidos efficit, & ad conuulsionem & reuulsionem præparat, visum obscurat, lippitudinem gignit, concoctionem labefactat, caput implet, grauat, sitim excitat & vigilias; nihilominus omnia mollit consuetudo, & in magnis frigorebus utilis est, exsiccatur præterea superfluum humidum, materias corruptas ad cutim trahit, vnde pruritus & scabiem auget: utilis est, imò necessarius

230 *De facultatibus medicamentorum,*

[focus,] in aëre primùm corrupto, vt nihil melius, maximè si odorata imponantur, acerrimūque acerrimum spargatur, & vrina hircorum atque caprarum: sed & valde senibus hyemis tempore focus conuenit, diūque expedit apud illum manere: quod verò optimum est, vt magnæ[MS.*manne*] flammæ splendida quouis tempore, minùs tamen æstate, leuiter deambulando, discincti tamdiu se exponant; donec incallescant, vestēsque induant, post lotis de more vultu ac manibus aëri se exponant atque exerceantur: percellit enim huiusmodi repentina mutatio corpus ipsum, alacréque ac vegetum reddit: & vt Hippocrates Galenúsque testes sunt, corpus firmitus atque robustius efficitur, valetudo prospera, sensúsque exacuuntur. Secundum considerationis genus est circa annexa; velut calidum cum humido dissoluit dura ratione humidi, non calidi: & calidum cum sicco exsiccat, sed & calidum per se exsiccando extenuat; vigilias & sitim facit, quæ non sunt opera calidi. Tertium est ratione membrorum: nam cerebrum maximè læditur à calido propter mollitiem[MS.*mollitionem*,] iecur propter temperiem, & sanguinem in eo contentum; iecur frequentius & quasi semper, cerebrum vehementius, vt sæpe causam mortis præbeat: nihilominùs Hippocrates exurebat iecur, sed angustis stylis & fungis. In vniuersum calidum cum humido iunctum, cum fuerit extremum, deterius est igne, non solum in cerebro & iecore, sed in præcordiis. Est autem calidum amicum ventriculo & intestinis, & inimicum oculis, amicum auribus. Calidum præterea est inimicum cordi exterius, aër autem frigidus in respiratione est amicus cordi. Similiter calidum est amicum senibus, frigidum inimicum. Iuuenibus contrariâ ratione frigidum semper
amicum,

amicum, calidum semper inimicum. Infantibus velut senibus calidum amicum, frigidum inimicum: sed in hoc differunt à senibus, quoniam vehementer calida plurimum eis nocent.

In vniuersum verò vstio omnes finire solet morbos: sed periculosa est circa venas & arterias; mala in nervis, nam eos contrahit, & dolores maximos mouet, sed & circa fines musculorum. Oculus vnus non patitur vstionem, nec etiam propinquam: inimica est etiam cordi & ventriculo: periculosa iuxta cerebrum: ossibus commodissima, nam putridum à sano separat: ad carnem medio modo se habet, omnem intemperie [MS. *intemperiem*] corruptam tollit, non corruptis omnibus frigidis atque humidis, tum etiam illis quæ humores alienos generant, etiam si calidi sint siccive, atque sine putredine vtilis est. Vigilibus inimica est, & his qui nimis [MS. *minus*] molles sunt animo atque timidi. Securissima infra caput, si ad illam quæ in capite fit, comparetur. Vere melior est, inde æstatis initio, aut autumnus, vel in hyemis fine. Quæ cum auro fit, sæpe pus non mouet, & minus nocet, minusque horrenda est, sed æqualiter oportet illud ignire, ac sapius tangere ne molle fiat, flectitur enim antea. Quæ fit in locis magis periculosis aut mollibus, ex rarâ materiâ fieri debet, vt in ventris partibus per fusos ligneos vel etiam fungos, quemadmodum faciebat Hippocrates. Neque expectare debes imbecillitatem virium, aut corporis consumptionem. Est enim vltimum auxilium, quia nihil potentius, non quòd in fine omnium adhiberi debeat, aut quòd post ipsum nihil aliud adhibere debeamus.

Porro eorum quæ vrunt & humida sunt, profundior læsio fit, quoniam aquæ substantia vel olei magis

penetrat, atque idè etiam putredinem maiorem excitat. Oleum autem magis vrit, quoniam densiorem habens substantiam, diutius retinet feruorem: sed quoniam crassius est, minùs penetrat quàm aqua. Videtur autem magis penetrare ob continuitatem substantiæ, minùsque putrefacere, quoniam magis terreum est quàm aqua: & ob id vstio cum eo, media quasi est inter ferrum candens, & aquam feruentem, eaque longè salubrius, maximè ad nervos. Vstio enim non solùm intemperies tollit, sed & putredinem, & siccatur manantes fluxiones ortui adhibita, & dolores sæuos finit, & conuulsionem quæ ex dolore & nervorum puncturâ euenire solet, prohibet.

C A P V T III.

De potestate calidis, aut frigidis.

SEd iam videamus, quid sit potestate calidum, aut frigidum, temperatùmve. Est autem quæstio nobilissima, paucisque nota Philosophis aut Medicis nostrâ ætate. Primùm igitur quæramus, an calor putridus sit potestate talis, an actu? Videtur enim in corporibus, quod putridum est, calidiùs esse, velut in febribus; exterius autem quæ putrida sunt, alia calida esse videntur, vt de fimo columbino; alia frigida, vt in plerisque videtur. Ergo perfecta putredo non sine calore esse actu dico: nam de potentiâ haud dubium est. Imperfecta autem putredo, putredo non est, & ob id expers caloris. Deinceps quærendum est, an qui caliditate constare morbi dicuntur, actu calidi sint, an potestate tantùm. Videntur enim primò febres, non solùm potestate, sed actu calidæ esse: vruntur, sitiunt, & tan-
gentes

gentes etiam vrunt : præterea actus ab ago dicitur, non est actio nisi eorum quæ agunt ; quæ actu sunt ; morbus autem lædit operationes ; morbus autem caliditas vel frigiditas ; lædere autem agere : caliditas igitur agit, & actu est. At verò versâ in contrarium ratione, dolor qui fit à calore, ex mediocri sæpe calore fit, & refrigerato membro per frigidam aquam assidud [MS. *assiduam*] manet, per repidum succum aizoi tollitur, vt experimentum docet ; tollitur autem omnis morbus per contrarium, potestate igitur qualitas nocet. Præterea piper & cæpa dolorem afferunt in linguâ, nec medicrem, & non nisi à caliditate ; nam neque proprietas, neque durities, neque motus est, ad quæ confugiamus, & tamen neque calor sentitur, nisi post dolorem, atque hic non tantus est, vt dolori pro quartâ parte respondeat. Huiusmodi dubitationes arduas, difficiles, vtilis, necessarias, scitûque iucundas decuit Galenum attigisse, sed absit, nisi inuenta aliorum non attingit in huiusmodi, eaque vel sibi adscripsit, vel damnauit : sed de hoc satis, ne dum arguimus, imitemur. Dicamus ergo quòd sicut ignis calidissimus est actu, sed & Sol calidus, potestate autem nequaquam, nam neque amarus est, neque acris, neque in illud conuerti potest, nec facultatem habet vllam aliam, quàm quæ ex actu sequitur. Contrà piper & sinapis facultatem habent in plantâ, alterum acerrimum, alterum valde amarum, & transmutantur, & vires habent ; actu autem prorsus calida non sunt. Media verò est natura hominû & animaliu, inter ignem & piper, inter glaciem & aizoiû, inter Solem & cassiam odoratam aut cinnamomum, inter aquam & endiuia seu intubum. Ita quæcunque sunt in nobis, nec potentia nec actûs prorsus sunt expertia, sed & actûs

234 *De facultatibus medicamentorum,*

habent imperfectos ; nam neque frigida pituita velut glacies, neque potestate vt aizoüm, sed tamen saporem habet acidum, & tactu frigida est, & cùm emungitur, & cùm egeritur. Similiter & bilis, & calida tactu est, & amara ; sed neque calida, vt Sol in æstate, neque vt gentiana, amara. Itaque omnia media esse apparet. Similiter & de præternaturalibus. Piper acre est calidum, cùm linguam tangit, non tamen adeò calidum est vt Sol. Sic in doloribus qui fiunt à calido vel frigido modicum discrimen, seu incrementum calidi seu frigidi, magnam differentiam parit in dolore ; & hoc quia modica caliditas in actu, cum eà quæ est potestate, magnum efficit dolorem. In putredine verò secus est, nam calor ille, sicut calor ignis, in actu est, & propterea febris est morbus toto genere ab aliis distinctus. Atque hæc de intemperiebus quæ sunt in humoribus, & ex consequenti de febribus putridis. Verùm intemperies quæ sunt in membris, sunt in actu, non potestate, quia membra non sunt amara, neque salsa, & non patiuntur dolorem nisi leuem. Et si quis dicat quòd homo ex insolatione vehementem patitur dolorem : dico quòd hoc non contingit, nisi ex attractione materiæ vel vaporis ; quia multi qui passi sunt eandem insolationem, & tamdiu, & quorum caput sentitur calidius capite ægrotantis, prorsus non dolent : igitur qualitas illa fixa in membro, non est magna valde. Et si quis obiiciat quòd in exustione ignis, apparet magnus dolor, & magna qualitas : Respondeo quòd etsi imprimatur magna qualitas, & tunc stridet caro & fumat, & fit vlcus ; statim tamen cessat intemperies illa magna calida : verùm remanet dolor vehemens propter vlcus manifestum seu occultum, & intemperiem actu calidam, & intemperiem potestate, quæ est in humoribus corruptis,

corruptis. Ex hoc patet quòd calor heclicæ est totus calor in actu. Et si quis obiiciat, heclica est calor in actu. Ergo indiget tantum frigidis in actu: dico quòd ratio non valet, sed bene sequitur: ergo indiget frigidis in actu. Et etiam sequitur: Intemperies ista est ex qualitate in potentiâ. Ergo indiget contrariis in potentiâ solum, & non actu.

Galenus verò cum in 1. & 2. de temperam. declarasset quid esset actu calidum, in tertio de his quæ talia potestate sunt, acturum se pollicetur; dicens cap. 1. *Est autem brevis eius, facilissima, & clara explicatio, quippe quod quale dicitur, tale nondum est, sed potest tale esse, id hoc esse potestate dicimus. Maxime autem propriè illa sola potestate talia esse dicimus, in quibus natura ipsa suo pte impetu ad absolutionem venit, si nihil ei extrinsecus impedimento sit.* Sed hæc extra propositum. Pòst subiungit: *utrumne sub prædictis iam modis comprehendantur, an aliâ quapiam ratione dicantur, qua dicta nondum sit.* Bitumen namque, resina, & scum, & oleum, & pix, calida potestate sunt, quòd utique energiâ calida celerrimè fiant: etenim celerrimè inflammantur: præterea cum corporibus nostris admouentur, ea manifestissimè calefaciunt. At chalcitis, misy, sinapi, nitrum, acoron, méon, costus, & pyrethrum, cum nobis sunt admota, calefacere apta sunt, alia magis, alia minus, non tamen sunt idonea ut in flammam vertantur. Non possum non indignari tot verba, tantam obscuritatem, tantam perplexitatem in oratione, quasi desit difficultas in rebus. Sic illud in arte Medicâ, cap. 89. de qualitate imaginariâ, & quæ potestate talis est: nam ad quid imaginarium? melius sanè erat qualitatem actu, ab eâ quæ potestate est, distinguere. Simile & illud: *At quicquid quidem potestate calidum est, huic nondum in naturâ suâ calidum frigido prapollit,*
sed

236 *De facultatibus medicamentorum,*

*sed in propinquo est ut prapolleat, adeò ut breuem opem, quò vincat, extrinsecus requirat, hanc illi modò frictio abundè præstare potest, modò vel ignis, vel corporis alicuius naturâ calidi contactus. Quis non videt quàm indistinctè compareret calidum potestate ad frigidum actus? nam si ad frigidum potestate, utique præpolleret statim. Sed & in summâ conatur ostendere, quidnam sit calidum potestate in rerum naturâ, ut quod facilè ardet, illudque idem esse cum eo quod calidum est potestate, tametsi videat nec arsenicum, nec chalcanthum in flammam aut prunam facilè-verti, cùm tamen calidissima sint, nostri corporis comparatione. At fac ut ita sit: quanto melius erat se contrahere ad qualitatem, quæ talis potestate est in comparatione ad hominem? ut postea facit cap. ult. ubi labitur quàm grauiissimè: inquit enim: *Propria verò est una in singulis ratio cuiusque qualitatis, seu medicamentum sit, seu nutrimentum, ut tale esse dicatur, si celeriter tale id fieri appareat, quale esse diximus, & quod nutrit celeriter nutriat, & quod ut medicamentum celeriter calefaciat.* In quo nescio quid dicam: nam sic ptisana calidior erit pipere aut carne; celerius enim multò coneoquitur, vel ipso Galeno teste, libro de ptisanâ, cap. 6. Sed modò dixerit quantumvis bene, cùm non defuturi sint, qui per cuniculos fugam moliantur; (sanè calidum dixerim vnumquodque, quod ubi ad actum peruenerit, calefacit: calidum vehementer, quod vehementer calefacit, non quod celeriter calefacit; multò minùs quod celeriter nutrit, quandoquidem hæc sit vltima cõditio: nutriunt enim celerrimè tenuissima, humidissima, naturæ humanæ simillima, & quæ moderatè calida sunt velut pingua, tantum abest ut vel calida nutriant, ut calidissima prorsus non nutriant, & moderatè calida,*

in

in quarto ordine sint caufarum nutritionis.) Nos potestate tale dicimus, quod cùm ad actum in nostro corpore peruenit, tale actu efficitur: neque operimenta potestate talia dixerim, (quamuis enim calida non calefaciunt) velut Galenus *secundo de simplicib. medicament. cap. 23.* qui illa numerat inter potestate talia, cùm neque actu verè, neque potestate calida dicantur, sed ex accidenti: neque enim hoc solo modo calidum dicitur, quod neque potentia neque actu calidum est: sed trifariam, primò, vt operimenta; secundò, vt qui ex aqua frigida incalescunt; tertio, velut calx, & sulphur, & pluma. At verò quomodo aqua frigida calefaciat, abundè dictum est, scilicet calore intus contracto, vnde seipso robustior redditur. Sed quomodo operimenta calefaciant, id scitu iucundum. Quædam enim grauitate motum obscurum faciunt, motus autem quouis calefacit: sed seu motus adsit, seu non, inter operimenta calefaciunt, plumea primùm & maximè omnium, inde pelles, pèst lana; colligunt enim vapores qui extrà prodeunt calidi, quamdiu homo viuit & valet, quantumuis frigida sit cutis. Colligunt autem, quia rara valde, vt plumæ; vnde plumæ leuissimæ: aut quia licèt non adèd rara sint, pingua tamen sunt, & ob id lana illota calidior est. Collecto igitur vapore calido multo operimenta incalescunt, quæ corpus excalefaciunt. Indicium est quòd priùs incalescunt operimenta quàm homines. Porro quæ mediam naturam habent, ad vtrumque genus reducenda sunt, scilicet actus & potentia: at reliqua duo, de quibus diximus, ad actum tantùm. Nam vt ad tertium hoc genus redeam, etsi Galenus *secundo de temperamentiis, cap. 2.* dicat actum à potestate distingui, quèd

238 *De facultatibus medicamentorum,*

quòd actus sensu dignoscatur, potestas solâ ratione; nihilominùs multo diligentius res indaganda est. Quomodo? ut discrimen operationis in actu, & qualitatis potestate doceamus, quod ab antiquis, ut pleraque alia pulchra (quòd principiis rerum naturalium veris, quæ ad qualitates pertinent, caruerint) intactum relictum est: initio factò ab exterioribus, in quibus euidentiôr operatio qualitatum in actu; sicut in interioribus, earum quæ sunt potestate. Dicamus ergo quòd calidum actu, ut demonstratum est, maiorem motum habet quàm calidum potestate: etenim ignis magis vrit longè quàm chelidonium minus, quamvis in quarto ordine calidorum à Galeno habeatur, *oçtauo de simpl. medicam. iuxta finem*; sed & allium & cœpe; calidissima etiam posuit lauri folia, *secundo de compos. medicam. sec. locos, cap. 1. sect. 10. iuxta finem*, & tamen manduntur. Sed & Asiæ petræ flos calidus & tenuissimus omnium terrestrium, ut *tertio de compos. medicam. sec. gen. cap. 2.* Hæcque omnia quæ in quarto ordine calida sunt, maximè si crassarum sint partium, escharam mouent admota cuti, ut Galenus testis est *quinto de simpl. medicam. cap. ult.* sed non ut ignis: quædam verò non prorsus, ut Asiæ petræ flos, tum quia non adeò calidus, tum quia tenuissimus. Hoc igitur primum discrimen, celerius agere ac vehementius, quia magis calida, & cum maiore motu: qualitas enim illa quasi per se sola est, aut cum aëreâ substantiâ coniuncta: at quod potestate tale est, quoniam non adeò explicatam habet qualitatem, substantiam crassiorẽ secum iunctam habet; quo fit ut etiam remoto medicamento vratur magis pars quàm admoto igne, licet admoto igne magis doleat propter vlcus. Est tertium discrimen, quòd quæ potestate calefaciunt,

lefaciunt, aut exustione calida facta sunt, vt calx, cinis, bitumen, sulphur, chalcitis, chalcanthum; aut putredine, vt cantharides & buprestis, indicio quòd antea vermes fuerunt; & dryinus serpens, indicio est quòd malè oleat; & dryopteris, malam qualitatem relinquunt. Ergo quæ actu calefaciunt, celeriter & vehementer, sed amoto medicamento parum agunt, & nullam aliam qualitatem imprimunt: quæ verò potestate, lentius ac minùs calefaciunt, sed & diutius sublato medicamento, & peregrinam relinquunt impressionem siccitatis quæ exurit, & putredinis quæ corrumpit. Similiter & in interioribus medicamentis, quæcunque calida sunt, præter caliditatem ipsam, proprietatem substantiæ imprimunt, velut cor lupi, pulmo vulpis, viperæ caro, pineæ, & intubum: nam eadem est ratio frigidorum quæ calidorum. Sic ergo & magnū discrimen erit, inter caliditatem quæ fit ab igne & operimentis, & eam quæ fit ex oleo è populi nigrae floribus; *auocant enim* (vt dicebat Galenus in 4. de tuenda sanitate, cap. 6. in fine.) *humores extrà, exercitatio, frictio, balneum, fomenta, iracundia etiam*: sed & cucurbitulæ; at nihil eiusmodi cum oleo illo, quod non solum auocat, sed diutius id facere potest etiam à motu: tum verò concoquit. Concoquit autem cùm sit calidum in tertio, non minùs quàm anethinum, quod est in secundo ordine, atque chamæmelinum. Id quâ ratione faciat, nunc dicendum est. Cùm concoctio innati sit caloris, non aduentitij, eadem caliditate quâ traxit, attenuat ac liquat, & suo lentore quicquid non tenuissimum digessit, retinet: contentum autem paucum & tenue, nec vllâ ex parte concoctioni suâ frigiditate resistens, à calore naturali vincitur, tum ob has tres causas, tum ob eiusdem caloris multitudinem,

ad

240 *De facultatibus medicamentorum,*

ad cutim medicamento attracti. Atque eadem ratio de medicamentis ebibitis.

His visis alia confurgit maior difficultas de tertio genere caloris, de quo Galenus *quarto de simpl. medicam.* loquens de calore fructûs concoquente, hæc habet: *Tum quòd calido maturescunt concoquunturque omnes clarum est; tum quòd idipsum duplex sit, alterum proprium & cuique ingenuum, alterum externum, à Sole videlicet, sed tamen natura ipsorum conueniens ac familiare.* Non me torquet id de calore Solis, quòd concoquat, seu vt oleum de populi flore, quemadmodum dictum est, seu quia diuinum sit quiddam, calor Solis, atque ob id naturali calido permisceri natum; & quia ad propositum non est: verùm de calore illo quæstio est, qui in arboribus concoquit fructûs; hic enim neque actu est, sensu enim non percipitur. Quòd si dicas esse, sed non percipi; idem dicam de pipere & ligno, euertereturque tota ratio caloris qui potestate est: sin autem dicamus calorem illum potestate tantum esse, nimis multa sequentur incommoda, & actionem esse sine agente, & animam sine instrumento, & opus sine vitâ. Quamobrem dicendum est, calorem illum esse potestate, quia sensus id ostendit, sed actum habere ex Sole, sicut semina quæ non germinant, nisi statò tempore, interim quiescunt, quia calorem actu ex se non habent: non discernitur autem ille calor ab homine, quia planta omnis frigida est in comparatione naturæ humanæ. Sed video quòd dicturus sis, sinapis planta quando germinat, tum ficus quæ calidissima est, 8. *de simpl. medic. c. de syce.* non tamen est calida ad tactum, & tamen admota corpori humano exurit illud. Respódeo quòd calor ille potestate, Solis vi, sed non totus deducitur ad actum; neque deducitur ad actum perfectum, sed

sed sufficientem vitæ illius : vel dic, quòd calor ille in actu non vrit, quia non est nisi calor Solis; applicatus autem fit calor igneus, quia putridus, putrescit enim quicquid applicatur homini, tanquam ab alieno calore in actu. Et etiam hæc aduersitas potest contingere, quia elementa sunt refracta in homine, non eodem modo in cane, multo minùs in plantâ. Et ista sufficiunt apud Medicum : quia diuersitas hæc contingit comparatione ad aliud quàm ad corpus humanum : & Galenus vult in *tertio de Medicam. sec. gen. cap. 6.* quòd tota hæc comparatio fiat ad corpus humanum, & non solum humanum, sed dicit temperatum, quod esse verum potest in tractatione, sed in operatione non est verum. Sed neque hoc ipse Galenus obseruat, imò variat medicamenta iuxta naturam corporum & ætates, vt in pueris vritur valde humidis medicamentis, & in iuuenibus siccioribus, & in senibus siccissimis. Imò ipse dixit in *septimo Artis curandi, cap. 15. in princ.*

Quæcunque calidiores naturâ partes ex frigore laborant, hæc & liberalius & diutius calferi postulant; sicuti etiam quæ frigidiores naturâ sunt, si ex calore laborent, refrigerari; & sicciores, si ex humiditate malè habeant, siccare; ad eundem verò modum & humectari, quæ humidiora naturaliter sunt, ubi ex siccitate laborant, tum vberius, tum diutius postulant: quippe eatenus redeat ad naturam, eorum quodque necesse est, quatenus à naturâ recessit, ac veluti quadam viâ retroferatur, quæ in diuersum agat ei, quæ facta est in ipso, transmutationi. Contra verò pars quæ calidior naturâ est, si calido morbo agrotat, exiguâ breuifve temporis refrigeratione eget; sicut quæ frigidior est, calfactione; ad quem modum in humidis quoque & siccis se habet: siquidem paruus est in huiusmodi, in id quod præter naturam est lapsus: quare & rursus in id quod secundum

Q

naturam

242 *De facultatibus medicamentorum,*

naturam, reditus. Sed hæc satis intelligenti; nam non intelligenti ad hæc comprobandum, quid sufficiet?

Superest vltima quæstio, de calore puelli atque catuli, quem Galenus *septimo artis curandi, cap. 7. in fine,* satis collaudat; diciturque quòd Dauid Rex Iudæorum, dormiebat inter duas puellas, vt confirmaret calorem naturalem, eo quòd erat valde senex. Hic ergo duplex est quæstio. Prima est, quomodo calor ignis debilitet calorem naturalem, & calor operimentorum conseruet, & calor pueri vel virginis augeat. Secunda est generalis, quomodo calor admotus exterius, possit confirmare calorem natium. Contrà tamen vult Aristoteles *quarto Meteor. cap. 1.* & Galenus *secundo de differ. febr. cap. 9.* qui volunt quòd omnis calor externus dissoluat natium, imò corrumpat & putrefaciat: & ad hoc est triplex ratio. Prima, quia calor externus auocat naturalem, rarefacit & debilitat. Ergo quomodocunque iuuat, non poterit tantum iuuare quantum nocet. Secunda, quia calor aduentitius consumit humidum, quod est subiectum caloris innati: omnis enim calor est cum motu, & omnis motus separat, & omnis separatio attenuat, & omne quod attenuatur, tandem dissoluitur. Igitur dissoluto subiecto proprio, necesse est calorem etiam minui. Tertia ratio est, quia videmus homines in quouis calore, etiamsi sit ex congregatione hominum, malè se habere. In oppositum præterea quæ dicta sunt *tertio de victu in acutis, comm. 29. Coctioni autem perpetuò calidum opitulatur confertque, frigidum verò renititur & aduersatur.* Et manifestum est quòd loquitur de calido actu non potestate, quia Hippocrates habet in *textu: Oxy mel perquam tepidum dabis.* Dico ergo primum, quòd aliud est de coctione alimenti, aliud materiæ morbi

morbi loqui. Calida & humida actu conueniunt in coctione materiæ morbi, tum quia attenuant eam, tum quia remouent impediencia coctionem: at in coctione cibi sufficit calor naturalis ab exercitatione adiutus. Quod si aliquid sit impediens, debet adiuuari à simili. Si ergo calor pueri potest concoquere cibum proprium, poterit etiam congeminatus concoquere alienum; sicut videmus de duobus pueris aut viris simul dormientibus, qui sunt calidiores quàm si dormiant separatim; & quatuor libræ carniū melius coquuntur in duobus lebetibus propè positis cum duplo ignis, quàm si singuli sint separati, & adhibita fuerit vnicuique eorum, medietas eiusdem ignis. Coctione igitur meliore factâ, postmodum calor naturalis augetur: idem dico de adolescentulâ. Quare concludo quod puellus vel puellâ applicata ventriculo, per se debilitant calorem naturalem, sed per accidens confirmant; cùm & in hoc casu plus iuuat quod est per accidens, quàm noceat quod est per se. Idem dico de puluinari plumeo, quod didici à matre meâ, & teneo perpetuò super ventriculum, de oleo ex nuce myristicâ, vel lentiscino, quorum vtrumque probaui; quibus melius etiam est oleum de absinthio Macedonico odorato. Ista enim colligunt calorem, & auocant ad locum; & licet debilitent aliquantisper, auocando ipsum exterius, attamen magis iuuant trahendo ipsum calorem à toto corpore ad ipsum ventriculum horâ coctionis, & tale detrimentum in robustis non sentitur; & in imbecilibus est necessarium, ad euitandam maiorem iacturam, quam subituri essent. Ergo in vtroque casu conuenit. Ideò patet quod talia auxilia non debent adhiberi, nisi cùm cibus concoquitur, aut si est inunctio, paulò ante assumptionem cibi.

est calidum, quod à calore corrumpatur, velut vinum, aqua ardens, & huiusmodi. In doloribus verò capitis, dicebat Galenus *secundo de Medicam. sec. loc. cap. 1. sect. 2.* factâ purgatione totius corporis est animaduersione dignum, quòd debemus applicare tepida, vbi materia sit frigida, sed vbi sit calida, debemus applicare frigida. Et ita deuitat calida semper, & hoc, quia periculosa est vehemens caliditas in actu, non autem ita in potentiâ: nam adhibet emplastrum de fimo columbino, *quinto Meth. cap. 13.* Calida enim in actu possunt trahere ad cerebrum materiam, aut quod periculosius est (quia supponitur corpus purgatum,) facere fluxionem repentinam. In lotione tamen capitis, Auenzoar iubet adhiberi calidissimam, quantum ferri potest, & ita est in vsu. Et causa differentiae est duplex. Prima, quia non præsупponitur ibi materia congregata, & caput etiam sanum. Secunda, quoniam quæ multum excalefaciunt, nisi multum digerant, vehementer lædunt. Quæ omnia colliguntur ab Hippocrate & Galeno, *quintâ Aphorism. 16.* tum verò maximè circa cerebrum, hæc periculosissima sunt. At lotione capitis quæ sit cum feruido lixiuio, necesse est tum ob digerentem facultatem, tum ob crebram & abundantem superfusionem diffilari & euacuari omnia excrementa, caputque alleuiari: præcipuè si ex Celsi præcepto *lib. 1. cap. 4.* frigida lauetur: inquit enim cum de balneo calido locutus esset priùs: *Capiti aquè nihil prodest, atque aqua frigida; itaque is cui hoc infirmum est, per ætatem id bene largo canali quotidie debet aliquandiu subicere: semper autem etiamsi sine balneo vinctus est, neque totum corpus refrigerare sustinet, caput tamen aquâ frigida perfundere:*

Q 3 sed

246 *De facultatibus medicamentorum,*

*sed cum ceteras partes attingi nolet, dimittere id, ne ad
cervices aqua descendat. eamque nequid oculis, aliisve par-
tibus noceat, defluentem subinde manibus ad os regerere.*
Verum ventriculo frigido & sicco cum frigida mini-
mè conueniant, neque cataplasinata calida Galenus
admittit *septimo artis curandi, cap. 7. in fine*: neque in ca-
lidâ & siccâ intemperie, frigida aquæ potum suadet
cap. 9. Et generaliter siccæ partes à calidis semper, à
frigidis autem si lædantur, grauius læduntur. Verum
feruida ventriculo iubet Galenus applicari auxilia,
octauo artis curandi, cap. 5. causam addens quod à tepi-
dis exoluitur ventriculus: ita intus etiam *primo ad
Glaucnem, cap. 14.* in imbécillitate ventriculi calidâ
aquam frigidam dari iubet, in frigidâ vinum calidum.
Videtur ergo caput contrarium esse ventriculo: in ca-
pite siquidem extrema refugit, probat tepida; in ven-
triculo refugit tepida, probat extrema: quod etiam
aliâ ratione facit, quoniam scilicet vis medicamenti
ad imum vix penetraret, quandoquidem & illius os,
quod stomachum vocant, & fundus ventriculi pluri-
mum distent à cutis superficie. Verum ut cerebri nor-
mam sequuntur cor, & iecur, & testes; ita ventriculi,
uterus & intestina. Vesica verò calida vehementer
perfert, frigida non ita. Renes contrariâ ratione fri-
gida perferunt, calida non semper; tamen in dolori-
bus, tepidis est vtendum, ut suo loco declarabimus.
Illud verò memoriæ mandandum, quod scribitur ab
Hippocrate, *secundâ aphorismor. 51.* quod cum plurimum
atque repente calefacere, vel refrigerare periculosum sit: id
solum triplici in casu facere conueniet; aut ut repen-
tè id agamus; aut ut periculum omnino absit ob vi-
rium robur vel munimen; aut ut necessitas cogat.
Cæterum non solum calida, sed etiam feruentissima
in

in neruorum vulneribus in vſu eſſe debent. Actū quidem dico : nam & de poteſtate quis ambigit , cū *tertio de medicam. ſec. genera, cap. 2.* Euphorbium adhibeat ? & de actū rationem exponere oportet : qui enim ſine ratione nouit , nec certè nouit , nec ad alia traducere poteſt. Calidiſſima igitur omnem intemperiem ex vulnere nerui ortam (eſt autem frigida) tollunt , & humorem noxium auferunt , vnde conuulſionis periculum adimunt , & vitæ , & ſiderationis ; congelatur enim neruus ex frigore , & ob id contrahitur & conuulſionem parit , à calore verò molleſcit , diſtenditur , & confirmatur , atque hoc etiam magis accidit ob nutrimentum quod ei ineſt glutinoſum. Cæterū in aliis vulneribus vehementer calida potentiā Galenus reſugit , *tertio Methodi, cap. 8.* apertè. De actū autem calidis dicemus.

Conſiderandum eſt etiam , quibus maximè conueniat , aut calefacere aut refrigerare : & calefacere quidem conuenit primū refrigeratos , ne membra lardantur ; deinde eos quibus ex ſtipatā cute ſudor non profluit , quod conſulit Galenus *tertio de tuendā ſanit. cap. 10.* Calor enim ſudorem cit , quoniam liquat humores attenuatque , præcipuè autem quicquid eſt ſerofum in corpore toto ; vnde occurrens aëri frigidiori quàm corpus noſtrum ſit , (nam & æſtius multò frigidior eſt viſceribus noſtris ,) in aquam cogitur (non ſecūs ac fumus qui ex fiſtulis ſeu canalibus vaſorum , in quibus herbas deſtillant ,) & exit. Et cū volumus refrigerare corpora , & multò magis humectare , vt Galenus docet in tertianā febre faciendum eſſe , *primo ad Glauconem, cap. 9.* Et cū volumus pus mouere , non ſolū actū ſed poteſtate calida , de quibus *quinto de ſimpl. medicam. cap. 9.* agit , admouemus , nempe calida moderatè

248 *De facultatibus medicamentorum,*

moderatè in utroque scilicet genere : nam calida vehementer prohibent suppurationem. Sed neque ulcera putrida, neque exesa, nec ea ad quæ fluxio affluida peruenit, talia enim à calido & tepido deteriora redduntur & irritantur, ex *comm. ad Aphorismum* 22. *sect. 5.* Circa quod notandum est, quatuor esse ordines calidi in actu ac frigidi, velut & calidorum ac frigidorum potestate. Nam post temperatum (gratiâ exempli) magna est latitudo suavis teporis [MS. *temporis*] & ancipitis caloris, quæ tota sub temperato continetur : ubi verò manifestè sentitur, sed non solum non lædit, verùm neque permutare videtur, tepidum dicitur, estque initium primi ordinis : ubi verò nos manifestè excalescit, nullum tamen prorsus affert dolorem, & consuetudine redditur iucundum, cum primo occurso iniucundum quendam afferret sensum, vocatur initium secundi ordinis : ubi verò sensum lædit nec ferri potest, ablato tamen calido nec dolor, nec vitium in particulâ remanet, tertij ordinis initium est, vocaturque feruidum, ut secundus ordo absolutè calidum : at quartus ordo vrètiū est, cum & sensus grauissimè læditur, & dolor maximus excitatur, & particula corrumpitur. Horum cuiusque propria est quædam operatio : nam vrentibus vrimur ad auferenda corrupta ossa, ad tollendam malam intemperiem ex membro, ad humores corruptos delēdos, ad morsum venenatorum auocandum, ad sistendum sanguinein, ad præcisionem magnorum membrorum, multiplicis necessitatis causâ. Feruidis autem vrimur in maximis frigiditatibus, in attrahendo discutiendoque vehementer, tum verò maximè in doloribus flatuosis, cum adhibemus cucurbitulam, quæ ex genere feruidi auxilij est ; imò etiam in dolore ex flatu cum materiâ, prius adhibet cucurbitulam, antequam immittat

immittat clysteré ex oleo rutaceo [MS. *rosaceo.*] Et hoc est quod dicit Princeps 4.1.c.1. *Et cum ad diuersum trahere volueris, dolorem prius seda.* Porro vtilitas cucurbitularum est multiplex: inflationem enim discutiunt, & ob id dolores leniunt, solutâ intemperie etiam grauitates alleuant, phlegmonas auertendo minuunt, quæque in profundo sunt, ad superficiem transferunt, capitis materiam euacuant, cataphoras sedant, & bonos somnos conciliant, fluxiones sistunt, & sanguinis eruptiones cohibent, nihilominus mensium circuitus deficientes adiuuant, velut & hæmorrhoidarum sanguinem trahūt, si consuetus iam defecerit, rigores quoque finiunt, & circuitus noxios impediunt: sed & corruptos humores attrahunt ad cutim, animi defectiones tollūt, exolutum ventriculum roborant, & ciborum appetentiam excitant. Hoc autē maximè ex loci differentiâ duplici, aut per se, velut quæ inter coxas bonæ, quæ super spathulas malæ, aut comparatione, auertēdo, auocando ex intimis, deriuando & euacuando; tum ratione propriâ. Siccæ confirmant sed non euacuant; quæ cum incisione sunt, euacuant sed debilitant: & rursus ratione magnitudinis & multitudinis caloris. Dicebat enim Galenus 12. *Artis curandi*, c. 8. quod cucurbitula magna cum multo igne, etiamsi materia adsit crassa & lenta, similem præcantationi effectum in sedâdo dolore agit. Tum ratione opportunitatis temporis. Et Princeps cucurbitulas connumerat etiam inter illa, quæ augment calorem naturalem. Calidorum verò opus seu caliditatis (nam non facio discrimen inter calidum & caliditatem: quanquam non ignorem Galenum 1. *de elementis*, c. 6. & 1. *de Temperam.* c. 7. nimis iusto plura more solito nugari, tanquam deesset materia vtilis, & multiplex, ac necessaria ad implendum chartas: nihilominus res

250 *De facultatibus medicamentorum,*

ad tria capita redigitur. Primum vt intelligamus per caliditatem, solam qualitatem, rectâ nominum ratione vtendo; per calidum autem, ipsum etiam subiectum. Secundum, quòd in calido naturali adeò qualitas est annexa substantiæ, vt parum intersit, dicâsne calidum caliditatémve, & vnum sæpius pro alio accipiat. Tertium, quòd in his quæ ex accidenti calida sunt, cùm ad opus referuntur, parum interest, calidumne dicas an caliditatem, quandoquidem principalis operatio calidi sit calefacere, & rursus nullam qualitatem agere absque subiecto:) est, quòd per se excretionem omnes mouent ac prouocant, adeò vt etiam calida aqua adhibita, alui excretionem creet, teste Galeno *quinto in sextum Epidem. comm. 27.* Idem etiam dicebat in *tertiodecimo Methodi, cap. 8.* quòd modicè calefacientibus dolor sedatur in phlegmone, nam mitigant [MS. *iram mitigat,*] & digerendo etiam phlegmonem minuunt, vt tamen videatur tam de caliditate quæ in actu est, quàm quæ in potentiâ est, intelligere. Et vt regulam quasi generalem constituam, ne Galenum toties arguere cogar: medicamenta omnia talia debent adhiberi tam intus quàm extrâ, actu, qualia sunt potestate, vt lactuca frigida, & anethum calidum, chamæmelum tepidum. Quæ regula colligitur ex *nono Methodi, cap. 5.* dum dixit, Erysipelas interius non aliàs melius etiam ante coctionem, quàm frigida aquæ potu sanari. Et euidentius in *libro de Marcore, cap. 8.* Erysipelas marcori iunctum si sit, curat frigidis actu & potestate, tam intus quàm extrâ. Verùm euidentissimè *primo de compos. medicam. sec. gen. cap. 4.* in Erysipelatis curatione medicamenta frigida potestate, niue refrigerata adhibet. Sic igitur intelligendus est *quartodecimo Artis curandi, cap. 3.* vbi eiusdem morbi

morbi docet curationem. Sed obstat quòd in *quintâ aphorismor. 23.* tam Hippocrates quàm Galenus, licet consulant adhibenda frigida in erysipelate non vlcerato, (& intelligitur de frigidis actu) tamen negant in vlcerato frigidis vtendum: & ideò bene fecisset Galenus talia distraxisse: & nunc rogo Medicos istos, qui se adeò Galenicos profitentur, vt mihi dicant, quomodo Erysipelas curarent, vt tametsi adiuti ope nostrâ, cum vnum hîc, aliud ibi, aliud alibi præceptum tradiderit, non satis constet cum illis omnibus quid agendum. Quòd si modò periisset liber de Medicamentis secundum genera, aut ἀκρίβαλ- extitisset, tota illius morbi tam sæui, tamque familiaris vbique, cura excidisset; nisi quis existimet parum interesse in huiusmodi affectibus, an tepida, an temperata, an frigida, an frigidissima adhiberi debeant: nam calida non commemorabo; quippe neminem sanæ mentis futurum spero, qui id existimet bonum esse. At de tepidis multos lapsuros credo, cum multos labi videam, nec paruo detrimento: nam si frigidissima iuuant & conueniunt, tepida nec conueniunt, nec sine magno detrimento adhiberi poterunt. Ergo vt dixi, par ratio erit actûs atque potestatis, nisi quòd ob vehementiam qualitatis calidæ actu, sufficiet medicamenta calida facultate, tertij & quarti ordinis, calida satis, non tamen feruentia adhibere, & in erysipelate vlcerato, donec erysipelas manet, frigida quidem potestate, temperata autem actu applicare. Sed vt ad ordinem redeam, calida actu vehementer, vt dixi ex *tertiodecimo Methodi*, phlegmonas augent & dolores. Quinetiam sine phlegmone, vt dicebat Galenus *secundo de differ. febr. cap. 11.* sola caliditas vel dolor in corporibus repletis fluxionem facit. Quinetiam generat rigorem

252 *De facultatibus medicamentorum,*

& horrorem, vbi corpus plenum fuerit malis humoribus: velut *tertio in sextum de Morbis vulgaribus, comm. 26.* & *quarto de Tuendâ sanit. cap. 2. & 6. in fine*, docet Galenus: à calido enim & frigido horrores fiunt & rigores, atque eodem modo, scilicet motu ipso; sed calor quidem trahit, frigus autem intus compellit, vnde etiam magis mouet rigores & horrores, transeuntibus humoribus acribus super membra neruosa, & præcipuè musculos. Præterea calor etiam refrigerat, atque id sæpius ac multifariam: primùm quidem euacuatâ calidi innati substantiâ, tum etiam humoribus calidis, vt Galenus docebat *secundo in sextum de Morbis vulg. comm. 9.* Vel quòd corpore rariore reddito [MS. *cum corpore rariore addito*,] frigori ingredienti fit obnoxium; aër enim semper frigidior est comparatione viscerum, eúmque modum docuit Galenus *secundo ad Glauconem, cap. 2. in fine*: vel cùm id quod calefacit actu, potestate refrigerat, velut balneum; atque hunc modum etiam non intactum reliquit Galenus, *quinto in sextum Epid. comm. 36.* Caliditas præterea desipientiam parit, & tangitur à Galeno optimè *primo Prorrh. comm. 8.* per exemplum carbonum, & est calor in actu, & per exemplum domûs illitæ calce recenti nuper, & est caliditas potestate. Circa quod scire expedit, quòd quæcunque calida sunt vehementer potestate, calida etiam sunt actu, velut fodinæ chalcanti, vt etiam narrabat Galenus *nono de simpl. medicam.* vbi dicebat, quòd vincti illi nudi ob caliditatem manebant: idem dico de fodinis sulphuris & bituminis, & domibus vbi calx seruatur. In his omnibus calor est adeò vehemens, & propinquus actui, vt ex quauis causâ in actum transcat, seu per antiperistasin, seu per putredinem, vt in fimo equino, seu per calorem in actu, velut à

Sole,

Sole, seu per attractionem, seu per motum; in calce autem domui illitâ remanent partes crassiores, quæ per antiperistasin, licet à principio non potuerint vnâ cum tenuioribus inflammari, tandem accenduntur; & ita metallica calida potestate, fermè semper fiunt calida actu: sed & semina, & piper, sinapis, thlaspi, garyophylli; & radices, præsertim cum valde siccæ fuerint, & redactæ in puluerem, excalefaciunt aërem, vt gingiber: idem dico de lignis, vt agallocho, & fructibus duris, & nuce myristicâ, & macere eius cortice. Talia, dicit Galenus, & potus vini faciunt desipientiam etiam sine humoribus ebrietati similem, vt *sexta Aphorismor. comm. 51*. Plerumque tamen insania fit, caliditate vapores ad caput impellente vel attrahente, quoniam rarò vel nunquam ex solâ qualitate fit, vt dicebat Galenus *tertio in sextum de Morbis vulgar. comm. 36*. Et causa quòd caliditas modò attrahat, modò impellat dicta est superiùs: sed hîc magis distinctè, & est triplex: prima, ignis trahit à parte, à quâ est motus, & impellit ad partem, ad quam est motus; & ideo impellit ad partem superiorem, quia ad illam mouetur, & trahit à parte inferiori, quia mouetur ab illâ; & hoc est ex consecutione corporum, & est declaratum à nobis *secundo de subtilitate*. Secunda est, quia trahit humidum pingue, & trudit humidum aqueum. Tertia est propria in corporibus animalium, quia trahit nata ascendere, vel ratione leuitatis, vel nutrimenti, vel impulsu, & expellit grauiâ vel excrementa, vel quia in loco contineri nò possunt. Ipse verò calor fertur vel ad alimentũ vnde quaque; vel sursum, cõtrarietate naturæ terræ & aquæ; vel ad principiũ, sicut ad cor in animalibus; vel quia truditur, vt à vento; vel quoniam deficient materiâ, per continuitatem, ne inane admittatur, sequi

sequitur quod trahit. Porro non solum infania à calore fiunt, sed & multi alij morbi, vt dicebat Galenus *libro de tremore & palpitatione, cap. 6.* & principaliter febres, & erysipelata, seu ignis sacer Latine; tum verò carbunculi, & vigilia, inquires, & motus varij, vt *secundo de locis affectis, c. 9. iuxta finem,* docet Galenus: vbi etiam dicit, calidarum aquarum balneas, licet minus quàm potabilium, somnum inducere.

Est etiam illud animaduertendum, quòd calor ille qui totum motum seruat, naturalis dicitur; vnde qui maximè mobiles, maximè vitales, ideò mobilissimi [pueri:] contrà senes maximè inertes & tardi. Qui verò motum omnino tollit, exitialis est, velut ignis vapores ex antris sulphureis, ex fodinis auripigmenti. Qui verò partem [motus] prohibet, putridus vocatur; ideò calor putridus humidus est, nam siccus motum prohibere non potest, & ideò non est exitialis, nisi valde exuberet. Calor igitur siccus dicitur aduentitijs, quia naturalis non est, eo quòd motum impedit; nec putridus, quia non valde motum impedit, ideò dicitur aduentitijs. Et si quis dicat quòd impedit & suffocat, quando est magnus. Dico, quòd non est verum, imò experimentum docet, quòd si sit planè siccus, priùs vrit quàm suffocet: videmus enim in clarissimis diebus, quamuis ardentissimo Sole, in locis liberis homines non suffocari; in nocte, quæ non est pro quartâ parte calida, homines suffocari in cubiculis. Sed & in rebus non viuentibus, calor conclusus putredinem generat: vnde *quarto de simplicibus medicam. cap. 12.* Acetum, quia ex putredine genitum est, calefacit. Quocirca dubitare expedit, num calidum possit astringere; nam crocus est in secundo ordine calidus, & siccus in primo, vt *septimo de simpl. medicam.* habetur

tur, & est tenuium partium, & tamen astringit, *sexto de composit. medicam. sec. loc. cap. 1.* tum de sexcentis aliis: nil mirum est de atramento sutorio, quòd cum calidissimum sit, etiam valde astringat, quoniam crassarum sit partium. Respondeo, quòd esse astringens necessarium est terreum: cum hoc tamen esse potest, quòd praeualeant partes tenues multitudine, vel etiam partes illae terrae sint adeò exustae & ex materia prius bene concocta, velut cinis furculorum fabarum, qui inter cineres est vehementis caliditatis, & astringit propter eam quae in faba est vehementem astrictionem, ut etiam possit esse tenuium partium.

Reuertendo ergo ad ordinem & propositum, dictum est quòd calida adaugent phlegmonas & dolores, & tamen reponuntur in genere eorum quae sedant dolores. Respondet Galenus *secundo de victu in acutis, comm. 1.* quòd calida fomenta ex se digerendo per halitus, minuunt phlegmonas & dolores: in quantum verò trahunt à toto corpore, augent utrumque. Si igitur plus trahunt quàm dissoluant, augetur phlegmone & dolor: sin autem plus dissoluant quàm trahant, minuitur. Trahunt autem plus quàm dissoluant, si corpus sanguine plenum fuerit, dicit Galenus; addo ego, & si sanguis crassus fuerit, & cutis densa, & humores mobiles, & si fomenta lenta sint & potestate crassa, (nam quod ad caliditatem attinet, de ea quae est in actu, sermo est apud Galenum.) Contrà si corpus sit mundum, & fomenta tenuia, nec lenta, & cutis rara, & humores quieti & tenues, plus dissoluetur quàm attrahetur. Docet autem hoc in *tertio de simpl. medic. cap. 17.* inquit enim: *Quae autem penitus tenuia calidaque sunt, magis digerunt discutiuntque humores ex corporibus, quibus admoventur, quàm alios ipsa apponant.* Simili ratione calida

256 *De facultatibus medicamentorum,*

calida & emplastra, & vnctiones, & suffitûs, grauitatem capitis faciunt, quoniam calidum attenuat, quod verò tenue est, caput suapte naturâ petit, inquit Galenus *quintâ Aphorismorum, comm. 28.* Idem inquit in *libro de instrumento odoratis, cap. 6.* addens, quòd talia quæ vehementer odorata sunt & calida, non solùm aggrauant, sed etiam implent & lædunt caput, & dolores quandoque excitant: nihilominus videtur dicere, *primo in primum Epidem. comm. 8.* quòd cùm vigent calores, caput est firmum; quidam legunt *infirum*, ex contextu sequentium. Dico quòd potest legi vtròque modo; quia æstate capita sunt leuiora quàm hyeme. Idèò aliud est dicendum de constitutione totius temporis & aëris, & aliud de qualitate applicatâ vni parti: calidus enim aër diffilat corpora, & extenuando humores, pura reddit illa, & colliquat excrementa cerebri, & illud mundum reddit, & etiam eius temperat frigiditatem: & idèò nati in regionibus calidis sunt ingeniosiores & sapientiores quàm in frigidis. Aliud est ergo de medicamento vel auxilio speciali, aliud de constitutione aëris generali [loqui.] Et similiter aliud est de naturali statu aëris & quieto, aliud de præternaturali constitutione factâ à ventis; nam calida semper est mala: vnde illud, *tertiâ Aphorismorum, 5. Austri auditum hebetantes, caliginosi, caput grauant, pigri, dissoluentes.* Similiter calor in tempore non proportionem respondentem, velut vere & hyeme, semper lædit & aggrauat, quia fit mutatio maior, quæ percellit corpus vehementer, & idèò etiam vehementer lædit; vt etiam *tercio de Tuendâ sanit. cap. 10.* & est regula generalis: cùm omnis calor & frigus in actu vehemens, lædat corpus vehementer, tum cùm vnum alteri succedit repentè & permanferit, etiam vehementer

vehementissimè lædit. Excipiuntur quoties in robusto corpore & consueto, cùm volumus illud robustius reddere, facimus innatationem frigidā, sed non debet esse longa. Similiter & post frigiditatem vehementem, quæ morbum aut dolorem fecerit, viribus validis ad-mouere calorem vehementem, non solum liberat ab affectu, sed etiam voluptatem affert. Quandoque calida adhibemus necessitatis causā, velut balneum, vt in *libro de Renum affectibus, cap. 4.* Secus si necessitas ab-sit, vitandum, quia vires deiicit, vtendūque tepidis: non solum autem actu calida deiiciunt vires, sed etiam potestate; nec solum deiiciunt vires, sed etiam febres accendunt: quæ duo mala sunt potissima, commu-niāque tam calidis actu, quàm etiam potestate, vt *libro de sectione vena, cap. 6.* sed in his quæ potestate, cùm ad actum reducuntur. Interest autem (quod ma-ximè considerandum est) inter potestate calida & actu, quod quæ calida potestate sunt, magis accendunt fe-bres, parum deiiciunt vires; quæ autem actu, multum deiiciunt vires, parum incendunt febres. Causa autem quare calor non naturalis deiiciat vires, colligitur ex Galeno, *primū Aphorismorum, comm. 15.* cùm dixit quod *calor naturalis expellit solum excrementa; non na-turalis autem non solum inutilia, sed utilia.* Dico, verum esse quod de naturali dictum est; sed vt diligentius intelligas, de non naturali distinguere diligentius oportet: diximus enim suprà, quod non naturalis ca-lor duplex est, ascititius, & præternaturalis. Asciti-tius dissoluit serosa, & tenuia, & spiritus maximè, & liquat humores, non tamen nisi rarò, & ex longā & va-lidissimā exercitatione; dissoluit humidum morbo-sum, & ideò non breuiat vitam, imò plerumque po-tius producit: sed incendiarius qui est febribus com-

218. *De facultatibus medicamentorum,*

munis [MS. *comunibus*,] dissoluit etiam vtilia ac necessaria vitæ, scilicet humidum paratum nutritioni membrorum, & ideò longæ febres breuiant vitam, & similiter qui sæpius illis ægrotant, tum propter id, tum maximè propter alia, vt sectionem venæ, purgationes, vigiliis, [breuioris sunt vitæ.] Istæ tamen febres non putrefaciunt humores, sicut pestilentes, quæ fiunt ex putrido calore, neque corrumpunt humidum proprium membrorum, sicut hecticæ confirmatæ, ideò hi calores sunt deterrimi. Tercium discrimen est caloris per se & per accidens, velut enim calor siccus attenuat, humores digerit, atque extenuat particulam aut totum: cum humido autem suppurat & implet: tum verò quæ tenuia sunt, magis digerunt & extenuant pari ratione caliditatis & siccitatis: quod etiam verum est in his quæ potestate calida sunt, vt declarabat Galenus *undecimo de simpl. medicam. cap. de Castoreo*: ita constitutio calida, si fuerit etiam sicca, & cum tenui aëre, vel cubiculum, vel sacculus, vel puluis inspersus, erunt multò vtiliora capiti quàm frigida, licet sicca & tenuia. Simili ratione calida non nocent oculis, si tamen sint vapores, & maximè acres vehementer oculis nocent; ideò fumus valde noxius est illis, non quia calidus, sed quia vapor, & acris: quæ ratio vera est etiam in potestate calidis, quemadmodum docet Galenus *quarto de compos. medicam. sec. loc. cap. 1. sect. 7*. Tepida verò, vt antea dixi, sedant dolores, & expertia sunt noxæ debilitandi vires, & conueniunt plerisque cataplasmatibus, quoniam primò omnibus imbecillibus, non enim debilitant vires; febrientibus, quia non intendunt febres [MS. *feces*;] omnibus morbis & doloribus frigidis, nisi fuerint valde frigidi, quamquam & in his conueniant: tum verò in phlegmonis,

&c

& doloribus calidis omnibus, præterquam igne sacro; in quo etiam ex quatuor casibus conueniunt in tribus: primus, cum fuerit vlceratus; secundus, cum fuerit inueteratus morbus; tertius, cum fuerit valde profundus, nam si adhibueris medicamenta frigida actu, magis excalefacient, cutim densando, quam refrigerabunt, cum longius absint à loco patiente, & interposita sit multa caro, velut de pulmone: at in ventriculo Galenus applicat frigida actu, quoniam parum interiacet carniū, & nihil ossium. Quocirca dubitate expedit, cur in huiusmodi affectu non vtatur aquâ frigidâ tantum, quia si frigida actu conueniunt, potestate frigida nihil prodesse; non enim possunt prodesse, nisi deducta fuerint ad actum; & non possunt deduci ad actum, nisi sint calefacta. Ergo vel actus vel potestas sunt superflua. Propterea dico, quod veritas est quod aqua frigida plurimum potest; nihilominus bene faciunt etiam potestate frigida, & Galenus ea adhibet propter duas causas: prima, quia vbi profundus aliquantulum fuerit affectus, frigida (vt dixi) in actu, non adeo penetrare possunt, & etiam densando excalefaciunt: diximus enim supra, quod frigida potestate non adeo densant cutim, vt frigida in actu. Secunda causa est, quia ex frigidis potestate tollitur causa morbi, & fit impressio diuturna. Et licet frequenter remouendo, antequam incallescant, non reducuntur ad actum secundum se tota; tamen ob vehementem caliditatem morbi, partes tenuiores ad actum deducuntur, & ita iuuant. Et si quis obiciat ex *decimo de compos. medicam. sec. loc. cap. 9.* quod ex caliditate immoderata cum humoribus crassis & lentis fiunt flatūs, & dabat exemplum de Priapismo, & ita possent augere dolorem. Respondeo quod

discrimen est inter calidum externum & internum, quia ex calore externo tantus non potest generari flatus, quantus discutitur, & maximè si fomentum fuerit planè siccum & tenuium partium : & ideò concludo quòd tepida mitigant dolores.

C A P V T V.

De operationibus frigidis.

Reliquum est vt postquam de calidis egimus generaliter, idem doceamus de frigidis, paucis verbis: nam cùm calidum & frigidum sint contraria, in his quæ sunt per se, contrarios semper faciunt effectûs, plûsque semper facit calidum quàm frigidum, quia calidum magis agit; præterea calidum adiuuatur à sicco, frigidum ab humido; & vt calidum exiccat plerumque & per se, ita frigidum humectat per se & plerumque: calidum quoque & frigidum, vbi vnum & eundem effectum pepererint, tunc si vnum per se id effecerit, aliud efficiet per accidens; & eo in casu cæteris paribus plus ager quod per se, quàm quod per accidens. Idem dico vbi sint causæ contrariorum, & vnum sit causa per se, aliud per accidens. Vel vbi vnum & idem ex his sit causa contrariorum, vnius per se, alterius per accidens, semper id cuius est causa per se, erit validius & maius, quàm id cuius est causa per accidens, præterquam quòd secunda causa genita per accidens fuerit validior causâ per se; velut aqua frigida per se refrigerat, eadem densando cutim colligit vapores calidos præter naturam, & cogit calorem naturalem; collectio caloris præter naturam, & densitas caloris naturalis, plus

plus faciunt ad calefaciendum, quàm frigiditas aquæ ad refrigerandum. Igitur aqua plus calefaciet per accidens, quàm per se refrigerabit.

De membris, cùm medicamenta debeant esse semper contraria morbo, & similia membro & naturali temperamento, *tertio Artis curandi*, c. 3. eius rei ratio est manifesta, quia utroque modo membrum restituitur naturali statui & sanitari; manifestum autem est quòd intelligitur potestate. Sed de actu dico, quòd membra alia calida sunt proprio calore, quia sanguinea, ut cor, iecur, musculi; & hæc indigent calidis ob naturā, & frigidis ob sanguinem & spiritūs, ne dissoluantur à calore: ergo mediis inter illa, & sunt temperata. Vel sunt frigida naturā, calida autem aduentitio calore; & hæc indigent frigidis, ut cerebrum, & oculi; & idèd lauare caput frigida post calidum lixiuium (nam aliter sordes non eluerentur,) adèd vtile est cerebro, neruis, & sensibus. Vel sunt exanguia & frigida naturā, ut auris, cubiti, genua, ventriculus, articuli, nerui, & talia indigent calidis, non quia frigida, sed quia exanguia, idèd à frigidis dolores fiunt, à tepidis exoluuntur.

In his verò quæ intus assumuntur, stat dubitatio an debeant actu esse calida, vel frigida, vel temperata; vel partim calida, partim frigida, ut plerique nostro tempore, qui ferculis & carnibus nonnisi feruidis vtuntur, potius verò prægelidos, ut etiam niue & glacie imbutos præcipuè æstate amant: quæ consuetudo, ut rectè dicebat Princeps *septimâ tertij*, cap. 2. destruit dentes, & ego vidi experimento, ut aliàs restatus sum. Nec etiam refugere oportet, ad id quòd tepida moueant nauseam; hæc enim consuetudine constant. Dico ergo quòd potius debet esse frigidus in actu, quia sitis est appetitus frigidi & humidi,

262 *De facultatibus medicamentorum,*

& potus qui non est frigidus, est medicamentum & non potus: neque debet esse frigidissimus, quia declaratum est quod hæ duæ qualitates, calidum & frigidum, cum extremæ fuerint, destruunt non solum functionem, sed etiam facultatem & membrum. Debet ergo eatenus esse frigidus, ut sitim extinguat & delectet, & contentus in ore, dentes non lædat; & quanto minus frigidus, tanto melior; & valde frigidus potus, maxime in ieiunis, aliquando solus generat ascitem, & nonnunquam tympanitem. Cibus autem si sit frigidus, extinguit sitim, & confirmat calorem naturalem; sed tamen debet esse temperatus, quia est melior dentibus. Et etiam frigidus, cum diu necesse sit eum mandere, omnino fit temperatus, & lædit aliquando dentes, aut offendit illos; & post temperatum, est frigus: reliquæ qualitates non sunt tutæ aut etiam malæ, præterquam in medicamentis, quæ feruida potari debent, ut dicebat Auenzoar, & bene; nam neque malus odor, neque sapor sentiuntur, nec adeò commouent nauseam, & celerius operantur, & non adeò affligunt ventriculum, quia celeriter exeunt; & si dentur causâ refrigerandi iccoris, vel renum, vel calefaciendi splenem, vehementius operantur, quia statim transeunt ad illa membra integris viribus: excipiuntur quæ exhibentur refrigerandi ventriculi causâ, quæ debent esse frigida; vel humectandi, quæ debent esse temperata, ut diutius moram trahant in ventriculo.

Præterea considerandum est in missione caloris in actu cum calore in potestate; velut dictum est de medicamento, gratiâ exempli, in exterioribus, an emplastrum ex chamæmelo plus calefaciat calidum quam tepidum? & an celerius? & hoc est quærere, an possint deduci

deduci ad actum per alium calorem quàm per nostrum? Et responde (quia responsiones debent esse demonstratiuæ,) quòd calor externus cùm differat toto genere à calore nostro, fieri non potest, vt prorsus deducat ad actum, imò potiùs corrumpit vim illorum; verumtamen quia postmodum res attenuata per calorem illum, longè faciliùs & celerius deducitur ad actum calore naturali, ideò in hoc profunt ad accelerandum opus. Et quòd verum sit id, in suffitu argenti viui liberantur à lue Indicâ, & celerius quàm ex inunctione: inunctio tamen est efficacior suffitu, nisi morbus sit in capite. Et ideò isti Empirici imponunt, dicentes quòd ex suffitu seminum porri vel alterci, liberantur homines à dolore dentium, hausto fumo per os: nam vel vis quòd semen illud deducatur ad actum ab igne, & hoc iam docui esse falsum; vel vis quòd deducatur ad actum à dentibus ipsis, & hoc est absurdum, quoniam dentes sunt ossa & solida, nec fumus ingreditur in illa; nec adhærere potest tamdiu & in tantâ quantitate, vt hoc agat; relinquitur vt hoc fiat ex cerebro; sed est difficile vt aliquid assumptum in cerebro operetur, peculiariter in hunc dentem; & etiam non videtur fieri posse, & sine magno detrimento, vt cerebrum alioquin sanum hauriat tantam quantitatem vaporis venenosi: & dato quòd cerebrum adhuc esset ægrum humidâ intemperie, esset periculosum. Amatus quoque Lusitanus dicit de illâ radice alterci calidâ applicatâ denti, quod forsan contingit ex solâ qualitate. Certè difficile est talia admittere vt vera, nisi in his quæ magnam vim habent, velut radius pastinacæ, sed ibi est causa euidens, quia oportet vulnerare gingiuam. Calor præterea vehementius agit circa oscula venarum & arteriarum, introducendo

264 *De facultatibus medicamentorum,*

venena, & introducta extrahendo, & aperiendo illa, ut sanguis prodeat: atque hæ sunt operationes calidorum & frigidorum. Temperata autem conveniunt sanis, & omnibus fermè, quia relinquunt naturam in suo statu, neque assuefaciunt. Appello autem temperata, non ut Galenus *secundo de Tuenda sanit. cap. 7.* dicit, medium verè tantum, hæc enim momentanea sunt & fermè ridicula: sed temperatum voco quod unicuique medium est inter calidum & frigidum, quodque iucundum & suave, non tamen sic in siccis & humidis, quia debent esse purissima quæ admouentur, nullum autem humidum sicco iunctum potest esse purum: ideò usus eorum quæ exterius admouentur, debet esse, vel humidorum prorsus, vel prorsus siccorum, quia talia pura sunt & munda.

C A P V T VI.

De facultatibus secundis & tertijs, oriundis ex primarum miscellâ.

Quæ autem potestate calida sunt, aut frigida, aut temperata, docet Galenus dignoscere *tertio de temperamentis, cap. 8.* ut applicata corpori, nec calida, nec frigida actu, sed temperata videantur; si excalefaciunt, protinus calida per se dicenda sunt & manifestè. Similiter & si iuvant statim frigore affectos, aut si nocent iam excalefactis. Quod si vehementer id agant, aut cutim rubram reddant & exulcerent, vehementer calida, ex Galeno *sexto de simpl. medic. cap. de Pulegio.*
Quod

Quòd si admota statim excalefaciant, paulo pòst autem refrigerent, calida sunt per se, & frigida per accidens, aut composita ex partibus calidis tenuibus, & frigidis crassis. Quòd si calefaciant tardè & parum, erunt parum calida. Et similiter assumpta interiorius, hæc in magnâ copiâ detegunt sese generando sitim, excalefaciendo corpus, & vigilias faciendo. Produnt etiam se saporibus ipsis. Acrida enim sunt calidissima, inde amara, pòst dulcia, pòst pingua: dulcia quidem sicca, pingua verò humida; falsa sicca sunt & composita ex partibus frigidis, superat tamen calor; acida frigidissima, pòst astringentia, & acerba. Insuper quoque sapor frigidus est humidissimúsque; vt astringens siccus; & acerbus in medio est, sed frigidior astringente; austerus verò ad caliditatem declinat & siccitatem. Ex odoribus quoque iucundi & suaues [MS. *non suaues*] omnes calidi, acres (vt dixi) calidissimi, foetidi calidi. Galenus quoque *tertio de composit. medicam. sec. gen. cap. 2.* [docet quòd] in his quæ humida sunt, calidiora celerius concresecunt; vnde Strobilina resina, calidissima; abietina, minùs calida, quia seriùs concresecit; terebinthina, adhuc temperatior, permanet enim liquida. Calida etiam quædam sunt vt medicamenta, quæ tamen frigidum exhibent alimentum, cum terrea pars tenui calidæ adiungitur, vt in vitice; ideò etiam talia plus extrà calefaciunt quàm intus; vt contrà quæ calida substantiâ crassâ constant, tenuissima verò frigidâ, vt limonij fructus; cortex enim calidus & crassus, succus autem tenuis valde & frigidus, *quarto Contrad. 10.* Quæcunque igitur calida sunt in quarto ordine & tenuium partium, absumunt carnem mollem promptè & citra dolorem,

266 *De facultatibus medicamentorum,*
septimo de simpl. medic. cap. de Cedriâ, vt Afij lapidis flos.
Eadem quoque acria, si fuerint admota, exurunt cu-
tim, pilos abradunt, & corpus glabrum reddunt, vt
tithymali succus, *oçtauo eiusdem, cap. proprio.* Quæ verò
calida & sicca sunt in tertio ordine, tenuia sunt, &
humores per cutim digerunt, vt *ibidem* docet, *cap. de*
Paronychia. Præterea frigida vt tenuiora sunt, & calida
vt crassiora, eò magis cutim mordent, vnde aer frigi-
dus magis quàm calidus cutim vrit. Quæ verò te-
nuiora sunt, & non valde calida, non mordent, vt Ga-
lenus *quarto de simpl. medicam. cap. 14. in fine.* Multa verò
calidæ substantiæ crassa, & frigidæ tenuia, *secundo eius-*
dem. Quæcunque verò acria & sicca, vrinam mouent,
dicebat Galenus in *libro de Renum affectibus, cap. 8.* Ad-
debat verbum *Calida*, sed frustra; cùm omne acre ca-
lidum sit; nam de humido aliud est: cùm quæ-
dam acria sicca sint, vt piper; quædam humida, vt
cepæ: nam bulbi, quos scalungias vocat vulgus, sicci
sunt; sunt enim amari & tenuem habent acredinem,
vix enim calefacti exuunt illam; propterea vrinas
mouent, sùntque bulbi esculenti non cepæ. Quæcun-
que etiam multum excalefaciunt, si humores crassi
sint & lenti, liquant & fundunt, & flatûs generant,
& dolores idcirco adaugent admota fomenti loco aut
emplastri, nisi tantundem digerant atque discutiant,
dicebat Galenus *duodecimo Artis curandi, cap. 8.* & ob id
digerentia adhibere oportet, & præcipuè attenuantia
& incidentia. Sed & vehementer calida in affectibus
renum vitare oportet, quoniam lapides solent gene-
rare, materiam crassam lentamque, siqua superfit,
cogendo; fermè autem semper superesse solet in do-
loribus renum. Vnde quanquam Galenus consulat
secundo de locis, cap. 5. calorifica adhibenda tanquam
communia

communia colicis & dolori renum: nihilominus longè calidiora conueniunt colicis, & longè sunt tutiora quàm in renali morbo, tam intus quàm extrà, tàmque actu quàm potestate. Porro quæ calefaciunt parum, multùmque astringunt, concoquunt & emplasticam habent facultatem. In vniuersum non eadem est ratio in his quæ actu, & in his quæ potestate talia sunt: nam in viuientibus operationes omnes ad calorem referuntur. Calida & humida vehementer, attrahunt & expellunt; sed attractio pluri calore, & minore humido; expulsio minori calore, & maiore humido indiget. Concoctio calore multo, moderato in magnitudine, temperato in humido & sicco. Retentio sicco fit, minoréque calore indiget. At medicamenta quæ retinent, sicca sint oportet, frigidaque calidis sunt efficaciora. Quæ autem concoquunt, calida & humida. Quæ verò attrahunt, calida, & magis sicca quàm humida. Quæcunque autem calefacta refrigerant, refrigerata calefaciunt, seu ex medicamentis, seu ex cibis, qualis est conus fructus, (*septimo de simpl. medicam. cap. proprio*), seu strobilon inter cibos, & inter medicamenta Cadmia, (licet non parum exsiccet, *nono eiusdem, cap. de arugine*), inter temperata connumerari deberent. Interest autem hoc generaliter inter cibos & medicamenta, quòd cibi sunt, qui à calore naturali patiuntur, atque hi nullam habent qualitatem extremam calidam vel frigidam; & substantiâ constant adeò elaboratâ à Sole, vt à calore nostro subigi [MS. *subijci*] queant: propterea ossa cibis non sunt, multo minùs ligna, minime terra, neque colluies, neque putrefacta, non enim subacta sunt à calore Solis, sed corrumpentes; neque rithymalli, aut euphorbium, aut aizoon. Contrà quæ non euicta à calore Solis sunt vt subigi queant,

268 *De facultatibus medicamentorum,*

queant, medicamenta: quæ putrida aut proprietate substantiæ exitialia, venena: quæ verò calidissima vel frigidissima, medicamenta venenosa.

Quæ autem sicca sunt citra morsum, media verò inter calidum & frigidum, terreæ substantiæ vel etiam aqueæ, ea emplastica sunt, velut amyllum aut pompholyx. Ex his autem alia sicca planè sunt, alia lenta. Dico emplastica, quæ poros obstruunt. Quæ autem astringunt poros aut partes, & ipsa sunt frigida & terrea & crassa, vt rosa, nam pars terrea crassa est; crocus enim & thus etsi astringant, partes huiusmodi habent *ex septimo de simpl. medicam.* Acida verò in frigida substantiâ tenui sunt, idèd penetrant. Quædam verò humida sunt, velut aqua lactis in calido loco posita; sunt & sicca quædam; omnia tamen minùs quàm astringentia: atque huiusmodi quodammodo intermediij [MS. *inter media*] sunt saporès: nam astringunt simpliciter frigida, sicca, crassa: dissecant tenuia, frigida, quia tenuitate penetrant, & dissecant frigiditate seu sicca seu humida; facta autem sunt tenuia priùs à calore segregante, inde relictà ab eo quasi diffugiente: vnde cortex limonij fructûs valde calefacit, quia succus vehementer dissecat, nec simile quid habet.

Verùm acerbus in quavis substantiâ semicoctâ inuenitur sapor, quæ aquea sit simul ac terrea; sed commutatur maturescendo à calido, dulcesciturque, vt castanea & myrti fructus; vel humido solo, & si tenuis sit, acidus sapor euadit; aut calido simul atque humido, & si tenuis sit admodum substantia, vincatque calor, fit austerus; sin autem crassior, dulcis. Non ignoro aliter sentire Galenum, *quarto de simplicib. medicament. cap. 8.* sed nimis operosum esset, præsertim

præsertim in tam contractâ tractatione, velle illum de singulis erroribus coarguere. Vult enim quòd acerbum, si humectetur, euadat austerum; sicque austera frigida erunt, cum pleraque vina talia, calidiora sint. Austera ergo confirmant & condensant, quia temperatè calida ex tenui aqueo, tenuique terreo constant. Acerba autem frigida sunt & incocta, aliàs terrea multum, aliàs minus, ventriculo inimicissima. Ergo cum acida ventriculo non sint inimica; astringentia, quia condensant, austera quia astringunt, & tenuia sunt, & calida: acerba crassa & frigida, & parum cum astringant, prætereà cruda, meritò omnibus membris naturalibus sunt inimicissima, nec vsui vlli nisi ad strenuè refrigerandum. Minimè autem nutriunt inter ea quæ non sunt naturæ inimica; nam amarum non nutrit, neque modicè acria, aut salsa, aut acerba nutrimentum effatu dignum præbent. Maximè verò pingua, deinde insipida & dulcia fermè pari ordine, post quæ sunt astringentia, sed ægtè conficiuntur, & acida. Et generaliter nutriunt quæcunque humido concocto abundant, eaque pingua appellamus: lac enim nutrit vt pingue, non vt dulce; nam saccharum & mel parum valde nutriūt. Quæ ergo moderatè calida & humida, & tenuis substantiæ sunt, fundunt parum, læuigant, ac molliunt: calida verò & vehementer humida laxant, & cibi fastidium pariunt. Quamobrem demiror de Galeno vehementer, nec scio quâ ratione aut experimento ductus, dixerit *quarto de simplic. cap. 10.* pingua nutrire, vt dulcedine participant, quin potius contrarium dixerit, dulcia ipsa nutrire, quatenus participant pingui. Calidum verò & siccum terræque substantiæ, quale amarum est, detergit, aperit, & attenuat,

si

si cum hoc tenuis sit substantiæ. Et si calidum sit vehementius, discutit flatûs etiam, & vrinas prouocat. Calida verò & humida quæ temperata sunt, in pus mutant foris admota, nec humectant nec siccant. Quæ autem ex his plus attrahunt quàm consumant, nec sunt impensè calida, ea omnia emolliunt: ob id emollientia calidiora sunt pus mouentibus, siccantque, cùm illa humida sint. Quæ autem indurant, alia quidem implendo; alia siccando, alia cogendo; atque ex his quædam congelando, velut frigus aquam in glaciem; quædam solùm astringendo, quoniam terrea sunt substantiâ. Similiter quæ vacuant, alia calida sunt quæ digerunt, alia frigida quæ exprimunt. At in pus mutatio (vt ad id redeam,) cùm fiat operatione mistâ ex externo internoque calore, emplastica debent habere admista, vt calor naturalis per externum, vt dixi, non exhalet. Quæ verò indurant, dicit Galenus esse frigida & humida, & adducit experimentum de semperiuuo & portulacâ: sed hæc non indurant quatenus humida, sed quatenus vehementer frigida. Et quia vidit multas difficultates huius sententiæ, dixit quòd duri [MS. *ei*us,] curatio est per emollientia, scilicet quæ sunt calida & sicca; cùmque cura sit per contrarium, idèd dura sunt, quia frigida & humida. Et quia videbat, quòd istud magis conueniebat frigido & sicco, dicit, quòd dura huiusmodi sunt facta per euacuationem, & idèd sunt magis sicca quàm dura; sed vult quòd dura verè sint per congelationem, & probat hoc à sanatione. Sed demiror de Galeno, qui adèd contra veritatem ipsam hîc nitatur: nam durities est à frigore, non vt humido vel sicco, sed excedente, vt cùm ex aquâ fit glacies: nonne suis se verbis conficit? nam à frigido sicco fit durities potiùs quàm humido, vnde glacies

glacies fit magis tempore sereno quàm nubiloso; & soluitur à calido humido magis quàm sicco: sed plura molliuntur à calido sicco quàm à calido humido, quia rarò vehementer calida sunt humida; sed potiùs sunt sicca; & si sint humida, sunt crassa; & hoc decipit Galenum.

Quæ verò tendunt, sunt sicca, vel frigida immodicè: contraria laxant. Hic alius error Galeni magnus, quia non debemus intelligere, quæ laxant particulam præter naturam, non per se; nam & sic euacuantia & siccantia etiam, hoc vulnus facere poterunt: at hæc non dicuntur laxantia. Sed laxantia dicuntur quæ particulam sanam [MS. *solam*] laxare possunt, & ex hoc etiam ægram, sed per se. Quæ autem laxant ægram particulam, non dicuntur laxantia, sed medicamenta contraria causæ facienti morbum. Ideò quælibet medicina debet dici talis, vt comparata ad corpus sanum, & per hoc etiam est apta ad faciendum eundem effectum in ægro. Et ita debet intelligi hoc generaliter in omnibus facultatibus, tam primis, quàm secundis, & tertiis. Et est regula generalis & pulchra, quam cum Galenus non animaduertit, in mille absurda incidit.

Contraria verò emplasticis, quæ poros aperiunt, eosdémque detergunt. Accidit autem hic Galeno, quod prodigis viris contingere solet, qui postquam nimis effuse, vbi non oportebat, pecunias impenderunt, iidem, vbi oporteret, avari imò potiùs inopes redduntur. Itaque quæ exteriùs detergunt poros & aperiunt, (inquit,) eiusdem fermè generis sunt, quæ & interiùs id facere possunt, calida & sicca omnia, & ob id salsa, vel amara, vel nitrosa, id est, ex salso amara. Atque hæc præclare, sicut & illud: quòd quæ exteriùs,

rius applicantur, si astringentia sint, nihil profunt, velut absinthium, quoniam pori angusti sunt, & calor imbecillis (hoc autem prætermisit, sed dictum existimemus:) interius verò plus etiam iuvant, quoniam & calor potens est, & ampli meatûs, adedò ut ex utroque auxilium habeant, scilicet deterfis meatibus, inde astricto viscere. Sed hîc, ut dixi, plurifariam deficit: primum quòd supponat substantiam esse tenuem; at quomodo absinthij aut salis substantia tenuis erit? terreum sal & non probè concoctum, absinthium quoque; neque verò quæ extenuant omnia tenuia sunt, neque omnia amara detergunt, velut opium; neque sal vîstû, & reliqua quæ nimîa coctione amara reddita sunt. Quænam ergo propria erit horum substantia? qualis, ut ita dicam, cuneorum in penetrandis lignis, calida, sicca, tenuis, crassa: tenuis enim penetrat, crassa attenuat & impellit, atque idedò detergit: impellit autem ut crassa, non tamen ut attenuat, ut crassa, sed ut crassa calida & sicca: velut enim ferrum ignitum comminuit omnia, quia substantia crassa est, & calor ac siccitas ingens, non ita flamma; ita quæ attenuant, nam quæ [MS. *itaque attenuant namque*] crassa sunt aut frigore aut siccitate coaluêrunt; frigore quidem, congelata; siccitate, resolutis partibus tenuibus. Ergo superueniente calore ac siccitate in materiâ densâ, necesse est coacta per congelationem attenuari colliquatione; & per siccitatem, resoluta residuo humidi comminui. Omnia igitur talia eiusmodi sunt. Quæ verò Diuretica sunt, seu quæ urinam provocant, calida sunt & sicca atque tenuia, & non parum; ob idque pleraque bene odorata sunt, ut cyperi omne genus, symyrium, fœseli; separant enim quod serosum est in sanguine atque expellunt, quoniam in
venis

venis admista sanguini, non possunt manere in eis, neque aliò tendere. Atque idem faciunt [sudorifica,] sed tenuissima sunt, adeò vt dissilentur, etiam si nò calida & sicca sint, quia tamen præoccupant, nec in venis contineri possunt, omnia sudorem mouent, præsertim cum tempus calidum est, & regio, & calor naturalis validus; eiusmodi est decoctum ligni Indici, hordei, floris fœniculi, & cyclaminis. Vnde manifestum est quòd sudorifica persæpe ad vrinas trahunt, & diuretica sudorem prouocant. Quæ autem rarefaciunt, modicè calida sunt, ac tenuium partium, & minimè sicca. Quæ autem aperiunt meatûs, sunt calida & sicca immodicè & crassa. Quæ verò ora venarum aperiunt, calida sicca, terrena, crassa, acria, vt fel taurinum, & succus porri. Et similiter quæ crustam inducunt, vrentia sunt & crassa omnia: ergo putrefacere ac colliquare possunt, ob id cruda substantiâ, neque odorata nisi per mistionem. Quæ verò vrunt, putrefacere possunt, etiam si tenuia sint, & colliquare, & odorata esse. Quæ igitur crustam faciunt, omnia vrunt, quia vstio communis est tenui crassæque substantiæ. Non potest autem tenue medicamentum crustam inducere, quia non manet, & etiam quia plus colliquat humidi, quàm absumat. Epulotica verò quæ cicatricem inducunt, siccant ac refrigerant, ideò cutim potiùs quàm carnem generant, vt alumen etiam exustum lotum. Caterùm quæ carnem generant, minùs refrigerant quàm epulotica, detergunt autem citra morsum: quomodo verò detergant, quia acria sint, nò tam ipse dixit quàm nos, namque bene meministis parum acria & tenuis quidem substantiæ non mordere, præsertim in vlceribus vetustioribus, & exterioribus, & sanescentibus, & duriorum corporum atque partium: namque in mollibus

S carnibus

274 *De facultatibus medicamentorum,*
carnibus & recentibus vulneribus, minúsque sordidis
cuellicare solent.

Quæ verò lac & semen generant, sanguinem concoquunt cum leui frigiditate, si lac generare debeant, velut lactuca & crystallus; alia in pituitosis attenuant & concoquunt, vt apium & Sion: quæ verò semen, calidiora sunt naturá. Quæ libidinem excitant, partim corroborant cor, vt ambra; partim flatum crassum generant, vt auellana; partim semen, vt bulbi; partim stimulant, vt stinci & aromata. Quæ verò menses mouent, tanto calidiora sunt his quæ lac generant, quanto lac est frigidius sanguine: differunt ab his quæ vrinam mouent, quoniam diuretica separant, ideò sicciora sunt & tenuiora quàm quæ menses trahunt. Quòd si quæ medicamenta vtrumque faciant, aut [MS. *his*] ratione humoris, aut partium eius [id faciunt:] Apium enim quod tenue est & aqueum, & verè vrinam mouet: quod verò crassum ac lentum ac bene compositum, per vterum educit. Ideò quæ lac generant, diuretica esse non debent; namque diuersa est via mammarum & vteri, imò contraria. Quæ ergo lac generant, minùs calida esse debent, & longè minùs sicca, & minimè acrida; contraria his quæ vrinam mouent; media quæ menses. Semen autem tollunt ac lac, immodicè frigida & sicca omnia: peculiariter autem semen frigida valde, etiamsi humida sint, velut portulaca & lactuca, & quæ flatum discutiunt.

Causa autem cur quædam magis ad splenem tendant, veluti in scirrho splenis, manifestum est, quòd etiam intus emollientia & attenuantia, & discutiuntia conueniunt, & quæ ad lienem [MS. *aliena*] tendunt, hæc autem omisâ proprietate eiusmodi sunt, & vt neque iecur, neque ventriculum offendant, crassæ quidem

dem substantiæ, veluti cappares, & quæ sapore quodam ac naturâ similia sint sanguini, qui ad ipsum splenem defertur.

Somnifera verò alia quidem humectant vehementer, vt lactis colostræ, peponum semina, violæ, lactucæ: alia autem quia cogunt spiritum, illius substantiam renuiorem dissoluendo, & ob id sistunt, velut opium, styrax, viticis semen, crocus, iridis radix, aloë. Alia quia vtrumque faciunt, & ob id papauer in pretio habetur.

C A P V T VII.

De facultatibus medicamentorum arte acquisitis: item de odoratis, Lithonripticis, specificis membrorum, & quatuor modis assumptorum.

DVbitatur an medicamenta exusta retineant proprias vires suas: & videtur quòd sic. Paulus enim libro tertio, cap. 26. in sinigmatibus dentium vitur aristolochiæ radice combusta, & ceruino cornu combusto; quæ palàm conferunt ipsis dentibus, aliter ita posset quouis cinere vti. Verùm quod difficultatem facit, est quòd id quod vritur [MS. *quo id quod vritur*] planè corrumpitur, nec solùm amittit odorem, & saporem, & colorem, sed etiam substantiam ipsam. Galenus suo more verbum vnum tangit, *nono de simpl. medic. cap. de Chalcitide*, dicens quòd Chalcitis exusta fit mitior contra morem multorum aliorum, quæ exusta redduntur acriora, & postmodum abluta, adhuc fit minùs mordax,

276 *De facultatibus medicamentorum,*

dax, communi ratione omnium eorum quæ lauantur. Dico ergo quòd quæ vruntur, alia quidem perfectè, & ita vt prorsus in cineres redigantur; alia solùm igniuntur, inde extinguuntur, vt ligna tum cùm transeunt in carbones, & magis metallica & lapidea. Quæcunque igitur perfectè exuruntur, & in cineres reducuntur, amittunt omnem substantiam naturamque priorem; neque propter hoc necesse est omnes cineres eiusdem esse naturæ atque temperamenti: namque cinis stipitum [MS. *strepitum*] fabarum exsiccat vehementer & astringit, sed & calefacit: lixiuium ex illo destillationibus multum prodest, adeò verò calefacit & exsiccat, vt quasi vrat: nam etiam in transmutationibus alia ex aliis fiunt, quoniam etsi nihil maneat qualitaturn, aut proprietatis, aut mistionis, terreum semper manet, aliudque alio magis impressionem recipit; atque his duobus differunt vsta ab vstis semper, non quòd proprietatis aliquid maneat. Quæ verò terrea plura sunt & tenuia, cineres efficiunt aciores: contra crassa & multà aquâ plena, minùs mordaces. Quæ verò mediocriter excoquantur, scilicet vt solùm igniantur, deinde extinguantur, dimidium etiam (vt ita dicam) retinent virium, velut calx, carbones, cornu cerui, neque enim solent exuri exactè; atque hoc modo [MS. *businodi*] oleum educitur, velut è chalcanto, prius enim aduritur, deinde oleum extrahitur; oleum autem substantiæ compositæ principalis pars est. Alia ratio: quoniam quod fit, dum fit partim est in termino à quo, & partim in termino ad quem: quod ergo non vratur, integrum est; quod vstum est, nihil retinet virium; quod igitur ex dimidio vratur, dimidium virium etiam retinet, partim quidem primarum & naturalium, partim earum quæ per vstionem accedunt.

Ita

Ita quæcunque calidissima sunt, velut chalcitis, & quæ ex eo genere sunt, minùs mordacia euadunt, absunt à [MS. *in mordacia euadunt, absunt à*] tenuiore parte: contrà quæ crassa sunt & densa, magis acria fiunt & mordacia, velut calx; densa enim est, non acris ab initio; carbo non ita, est enim rarus. Absumtis ergo tenuibus partibus, crassis attenuatis, rara & acria omnia, non acria euadunt; densa verò non acria, è contrario modò fiunt acria. Cornu igitur ceruinum adustum vim habet aduersum venena, vim etiam exurentem atque siccantem, parum tamen exurit, quia rarus est. Quæ verò exuruntur atque lauantur, mitiora fiunt, & omnino minùs calida.

Contingit etiam vt medicamentorum vires arte augeamus, velut cùm iungimus glutinosa astringentibus; & cùm volumus vt adhæreant & vt penetrent, atque in calidis ac tenuibus destillatione facilè impetramus. Difficilius est terrea tenuia facere, & liquida glutinosa; quæ ambo in ramice intestinali curandà sunt necessaria, vt glutinet, tum ob affectum, tum vt adhæreat, & vt penetret, maximeque astringat, nec sit frigidum; nullum enim membrum internum admittit frigida sine noxâ. Ergo maxima vis est in aceto acri & nigro, cui si addantur gallæ Illyricæ, & chalcanthum tenuissimè contrita, & agitando spissentur, & exprimantur vehementer, tum bitumen, & acacia, vel rhois succus densatus iungantur, thúsque & mastiche, apud ignem Ceratum fiet efficacissimum, in quo plus potest ars conficiendi quàm præcepta. Modus alius est, vt gummi pyri sylvestris cum aquâ destillationis gallæ viridis & foliorum quercûs dissoluatur, ac in caldario condensetur.

278 *De facultatibus medicamentorum,*

Metallorum autem vis, auri, argenti, ac chalybis, à Principe sic in vsum redigitur, *tertiâ quarti, tract. 3. cap. 3.* Chalybs accenditur & extinguitur in decocto myrobalanorum Bellericarum & Emblicarum, XXI. & toties in urinâ vaccæ, & colabis, & assumes faciem: ea enim patitur & vincitur à corpore humano. Argentum similiter cedit in vsum, si limatum aduratur in cochleari ferreo cum aquâ salis, (quæ triplex est; separationis ex alumine, halinitro [MS. *halitrino*,] & lateribus: ignita, ex salis octuplo, sulphure, tartaro, & vino, *ex lib. de Dynamidijs*: & quæ sale ammoniaco solo constat,) ac modico sulphuris citrini. Aurum limatum cum plumbo miscetur & liquefit, inde rursus limatum miscetur cum octauâ parte plumbi non purgati, & rursus limatum vritur vt argentum, & remanet aurum solum cum plumbo secundo. Astringentia præterea metallica sunt, cuiusmodi hoc. \mathcal{L} . Aluminis, chalcanthi, stibij. an. \mathfrak{ss} . ij. Vrantur in galeâ ferreâ ignitâ: inde igne reflexo aqua detrahatur, quæ pura est, & seruetur: inde igne adhuc vehementiore factô, oleum tam simplex, quàm aquæ comestum: post vratur cinis, & subtilissimè teratur, & ei tantum aquæ collectæ addatur, vt redigatur in formam mellis; post in caldario misceatur cum mucoso succo symphyti, vt in cerati formam tenax euadat.

Compositionis autem medicamentorum, non ea est, quam vulgò existimant, ratio: neque enim ad vnum morbum, quæ fiunt, ex pluribus quàm tribus aut quatuor, constare debent. Si enim ex optimis componenda sunt, optimum autem vnum; vel si regionis, aut loci, aut vetustatis causâ non existimetur optimum, duo erunt aut tria, quibus si addatur quod corrigi, non possunt esse plura. Malè igitur faciunt, qui
plura

plura hoc numero miscent, velut qui cephalicum illud capellum vocatum, miscuit ex viginti forsan medicamentis : & pleraque antiquorum, nam exemplo perperam theriacæ vel mithridatij vsi sunt : hæ enim compositiones ad venena erant, quæ tam materiâ quàm serpentium diuersitate innumerabilia erant. Medicamentum etiam ad morbos plures, velut renum dolores, quartanam, lipothymiam, vermes, vigilias; in his ergo licuit, aut cum quis pluribus morbis laborat, vel cum morbum ignoramus; plurium enim vicem obtinet; vel cum iter acturi, nobiscum deferre volumus, præcipuè per aquas: nescimus enim qui morbi aduenturi sint. At si his illa duo iam inuenta satisfaciunt, quid opus est pluribus? Cætera velut ordo virium, aut cum ob regionis varietatem, aliquid melius esse putamus, vt in Italiâ prassium ad iecoris morbos, non eam exigunt multitudinem, sed hoc sufficiet addere illis tribus aut quatuor medicamentis; in illo tantò plus aut minus dabimus, aut contrarij aliquid permiscebimus.

Vires autem medicamentorum præcipuas, ex 17. *libris de compositione medicamentorum* selectas subiungam: sed priùs de odoratis agendum est; odor enim inter vires secundus est. Sunt ergo præcipua odorata numero tredecim, è quibus tria sunt tanquam Reges; moschus præsertim Orientalis, zibethum, & ambra, & hæc omnia ex animalibus: & septem suffitûs, thus, styrax, assa dulcis, ladanum, lignum iuniperi siccum, caryophyllum, & rosa. Et duo ligna, Agallochum & santalum: & quod nondum vidi, laudatur tamen vt suffitus frigidus ad dolores capitis, & vocatur Anima alba. Ista sunt principalia hac tempestate. Praui autem odoris maximum est ouum subuentaneum, quod

gallinæ solet supponi, cùm per multos dies computruerit, adeò vt vix ferri possit, inquit Nicolus: ideò agitaturn ac suppositum vtero prolapsò, cogit statim ipsum redire ad locum, etiam (dicit) vbi pluribus mensibus iam descenderit, ita expertum se ait. Consulit autem in omnibus his, vt ex aduerso cucurbitula applicetur, quod non solum facit ad retractionem, sed & ad siccandum vincula, & resoluendos flatus.

Sed vt principale exequar, exemplum sumamus à lapide extirpando, qui si sit in vesicâ, validioribus indiget, tû quia procul magis, tum quia durior, tum quia maior plerumque, & vesica etiam frigidior, & eius capacitas adeò magna, vt medicamentum non commodè lapidi applicari possit, nec si applicetur, diu harere. Quapropter terrea substantiæ esse oportet omnino, & vt vim retineant eò vsque, terrea enim parum admodum aut nihil immutantur in ventriculo, vel iecore, vel etiam venis: & propter sympathiam, vt ex animalibus ad membra hominis confirmanda; cerebrum & ventriculum, gallinæ partes eadem; cor, intestina, iecur, lupi paria; vesicam, apri aut tauri vesica; genitale, cerui; yterum, leporis aut dorcadis uterus. Atque simili ratione vt ligamenta robustorum animalium, & vt etiam [fortè legendum *ita etiam*] terrea maioribus viribus prædita sunt. His tribus causis talia esse expedit medicamenta, quæ lapidem frangunt, illumque præcipuè: ergo & incidendi vim habere & detergendi, & modicè calida esse oportet, inquit Galenus *decimo de compos. medic. sec. locos, cap. 1.* Dico & tenuia valde, tum potestate, tum substantiâ, vt penetrare possint, atque sic diuidere; sed & proprietate quadam imbuta magis: neque enim sufficit id ipsum quòd incidunt, quoniam quæ actu incidunt, motu indigent, & nisi habeant,

habeant, non incidunt: nam & in grauissimis non nisi longo tempore acies acuta incidit, idque etiam beneficio solum motus licet occulti, vt in *naturalibus & Mathematicis* docuimus: at medicamentis motum tribuere non licet: trifariam ergo frangunt lapidem, vel quia cum penetrauerint, humectant ac dissoluunt, velut oleum & aqua; vel quia siccant immodicè, atque ita compagem eius tollunt, velut lapis Syrius præcipuè fœmina; aut quia inflantur, & inane occupando spatium, disiungunt partes, vt scorpij cinis. Manifestum est ergo quod oporteat talia valde penetrare: penetrare facit (vt dixi,) medicamentum tenue tum potestate, tum actu, & calor; vnde in balneo, vel saltem cubando in plumâ danda sunt. Sed & balneum ad alia etiam vtile est, scilicet ad frangendum, dum medicamentum inflatur & crescit. Et quæ tenuissima sunt, membra neque lædunt, neque vellicant, vnde vesicæ innoxia: nec proprietatem negligimus. Præter ea medicamentum etiam quod propius admoueat excogitauimus, tanquam naturâ compositum ex quatuor partibus, elementis, vt dicunt similibus. 24. *Lapidem Syrium seu Iudæicum fœminam*, (nam aliud ex his non cognouit Galenus, Princeps autem addit *decimâ octauâ tertij, tract. 2. cap. 19.*) *Vitrum candidum purum* in pollinem redactum, & ferreo cochleari candente exustum, inde aquâ fabarum detrahatur quod leuissimum est, & reliquum rursus vratur, donec totum in florem transeat, inde aquâ siccata colligatur, & *Cinerem scorpionum* (positis scorpionibus viuis in ollâ figulinâ contextâ luto, & ollâ in furno [positâ], ex quo panis eductus fuerit per noctem, neque enim ignem patitur, vt vratur, & euanescent vites panem totæ, & substantiæ magna pars.)

His verò addimus *florem stercoris columbini*, pro quantitate pænè omnium: in vase vitreo concluso per dies XL. aut saltem X. in fimo equino conficiatur, inde destilletur, & ex aquâ mittantur per catheterem, (euacuatâ vrinâ, & in balneo) ℥ij. Et contineat diu, & si potest superdormiat, etiam dato graui somnifero, & hoc quater fiat: vnde ad ℥viii. conficiendas, maxima quantitas vitri exigitur, scorpiones supra mille. Manifestum est autem quòd aliud est negotium in expellendo ipsos: nam quæ expellunt, alia quia multum prouocant vrinam, vt radix scolymi, & lachryma terebinthi, quæ etiam leuiter atterit illos: alia multitudine, vt aqua thermarum Villæ, quatum proprium est, vt per vrinam educantur, quia terreæ sunt: nam non vt lac aut oleum succedunt, quoniam astringunt terrea & retinentur, & retenta trahuntur à iecore, & idèò transmittuntur per vrinam: quare rectè dixit Princeps, quòd omnia talia nocent vesicæ, refrigerant enim & siccant eam, & terrâ replent; vt autem euacuetur, repositum est in fortunâ.

Hic lacuna sesquipagella in MS. codice extat.

Quæcunque verò bene odorata, habent partem vnam calidam, siccam, tenuem, & bene concoctam. Tenuem quidem, quia aliter non possent resolui vapores ab eâ: calidam, quia non possent difflari: concoctam, quia non posset esse odor bonus, nisi materia concocta esset: siccam, quia vbi est impressio perfecta caloris in tenui substantiâ, necesse est vt sit siccum omnino, quoniam omne humidum crudum exhalauit. Ex quo patet, quòd in violâ licèt humectet, est [pars eiusmodi,] quia cùm ipsa sit tenuis substantia tota, humidum non coctum exhalat cum parte siccâ & odoratâ, & idèò cùm sit plus ipsâ parte quæ odorem spargit ob tenuitatem

tatem substantiæ, ideò plurimùm humectat cerebrum, tum quia humida pars est maior, tum quia penetrat, eo quòd tenuis sit. Nymphææ autem albus flos non adeò humectat, tametsi longè maior sit pars humida quàm violæ, eo quòd crassa est, vt parum ascendat in vapore odoris. Succus autem limonij, quia non est calidus, neque concoctus est, ideò non bene olet, neque olet, quoniam partibus calidis caret. Pomum mandragoræ, quia humidum est valde, & odorem mittit, necessariò bene olet: si enim olet, partes habet tennes & siccas, quæ non possunt in multo humido eleuari, præsertim cùm sit crassum, nisi à calore potenter, qui cùm sit naturalis, partem tenuem & siccam necessariò bene concoquit; igitur ex dictis bene odoratus est. Sed humida cùm siccantur & bene olent, antea malè olentia, vt Turcicus garyophyllus lutei coloris, & multorum foliorum, necessariò abundant humido multo crudo, sed tenui, quod eleuatum cum concocto vincit illud: tenuis enim pars sola & calida mittit odorem, seu cocta sed bonum, seu cruda [MS. *crudum*] sed malum. In quibus verò quod priùs bene olebat; siccatum malè olet; vt flos albæ nymphææ, humidum est, crassum, multum quod putrescit, exhalante humido concocto, & tunc solum fœtet; aut non exhalante, & tunc simul partim fœtet, partim bene olet. Cùm verò humidum est, & non bene olet dum incalescit, necesse est vt fœteat, velut caro quia putrescit, & humidum corrumpitur. Quæ verò humida putrescunt, & demum vbi siccata fuerint, bene olent, in his aliquid adiunctum fuit beneolens; aut substantia fuit densa, quæ non putruit bene odorata; aut forma caloris naturalis quædam prodiit, quæ concoxit bene partem tenuem siccam, atque ita factum est fragrans.

grans. Exemplum primi est, si caro condatur multo caryophyllo & croco, inò quibusdam non adeò bene odoratis, sed densiore substantiâ. Exemplum secundi est in carne Gazel, quod est animal moschum generans, à putredine enim siccatur optimè olet. Exemplum tertij in stercore anguis, cui prænomen impositum est Calyx: licet enim omne sterco fiat à calore putrido, nihilominus tamen cum ex eâ ortis sit calor naturalis, sicut in semine bene olet. Quæ verò substantiam validâ habent & crassam, licet bene concoctam & siccam, parû olent, etiamsi bene oleant, velut piper. Quæcunque autem substantiam habet tenuem, paucam; & multam & crassam; & vtramque incoctam, sed tamen cum calore vehementi, talia prauè valde olent: & ideò talia sunt calida humida, & brevis vitæ, parûmque differunt à putridis, velut cimices. Ergo omnia odorata roborant particulam, quatenus talia sunt, quia sicut spiritus delectati luce foràs trahuntur, ita etiam odore ad particulam trahuntur, maximè autem ad vterum, inde ad cerebrum, inde ad ventriculum; renes autem non: quoniam ob consuetudinem cum alantur nutrimento vrinario, gaudent malè odoratis. Membrum autem robustum pellit quod noxium est, & retinet quod est ei utile. Quæ verò robustum reddunt membrum, quia sicca, si sint calida, omnia retinent, duplici ratione; tum quia humidum quod est coniunctum materiæ contentæ, per quod fluere potest, siccant: tum quia calidum trahit ad se, non ergo repellit, & ideò cum etiam intus penetret, æqualiter astringit partes, ergo retinet. Hoc igitur etiam patet experimento in chalcantho, quod cum sit astringens potentissimum, tamen retinet, non repellit: ita crocus, & spica Inda. At astringens quod frigidum est, & quanto frigidius (quia omne quod astringit, quia siccum,

non

non quia odoratum, ideò astringit, quia partem vi contrahit) solum astringit superiorem partem, quia penetrare non potest, & astringit ob villos, vt dictum est; igitur vel in crumenâ & intestino, astrictâ parte superiore, inferiores villos laxat, & ita repellit, vbi nulum sit os ex aduerso, & exprimit vbi adsit, sicut dicebat Galenus, *secundo de Alimentis, cap. 22. de fructibus astringentibus*, qui post cibum assumuntur. Et ideò cum talia astringant per villos, necessariò retinent calida tam noxium quàm innoxium, frigida repellunt. Similiter autem expellunt, vt dixi, si locus pateat ex aduerso, etiam vtrumque scilicet tam noxium quàm vtile. Sed quæ astringunt & sunt odorata, vt crocus & thus, siquidem calida sint, vtile retinent valdè, vtrâque scilicet ratione; quod verò noxium est, partim retinent vt calida astringentia, maximè in membris quæ villos habent, vt ventriculo, & corde, & intestinis; in his autem quæ villis carent, plus expellunt quàm retineant, vt in iecore & cerebro. Frigida autem odorata, partim contraria his, partim similia; nam noxia valde expellunt aut repellunt, scilicet vtraque ratione; retinent vtile, mediocriter in villis præditis membris; in his autem quæ villis prædita non sunt, fermè retinent; vt si odorata sint, nec astringentia, nec frigida. In vniuersum ergo astringentia odorata, cum alia sint calida, alia frigida: & quod continetur, vtile vel inutile: & demum membrum, aut conclusum, vnde repellitur; vel apertum, vnde expellitur: & parenchymate, vt cerebrum, & iecur, & pulmo; vel villis constet: fient sexdecim differentiæ compositæ, omis-
sis aliis quæ à magnitudine virium, & modo applicandi, & occasione, tum naturâ materiæ (siquidem
absinthium

286 *De facultatibus medicamentorum,*
absinthium expellit bilem, & retinet pituitam) sumi
possent.

In medicamentis quæ conueniunt vni membro,
quinque scire necesse est, & si exterius applicantur, sex.
Primum, vt sint tepida, nisi in oculis, nam illi gaudent
frigidis ob calorem, modò non retineatur vapor, tunc
enim tepida utilis est: aut si partes exteriores immo-
dicè calent, vt in erysipelate, vel secundùm substan-
tiam, vt in hecticâ: in cæteris tepor facit, vt etiam fri-
gidum profundius penetret, quod sentimus imponen-
do frigidam aquam valde, cum manu calidâ superfe-
res, vel alium locum. Secundum, vt sint potestate ca-
lida, vt longiùs ferantur, & tenuium partium, vt pro-
fundius penetrent. Quartum, vt medicamentum sit
proprium membro, velut tamariscus spleni. Quintum,
vt scias qualitates primas, quæ actioni illi conueniunt:
si sit simplex intemperies, facile est, nam contrariis
opus est. In secundis facultatibus, quibus primis opus
sit, vt in astringentibus, vt sicciora sint quàm calida;
repellentia etiam frigida sint & odorata. In tertiis
modum etiam & substantiam, vt ad generandum lac,
calorem temperatum qui dissoluat, & humidum, ne
quod dissolutum est siccetur; & si volumus copiosam
eius generationem, addemus etiam substantiam, vt in
lactucâ, & erucâ viridi. Vltimum est vt sint potestate
huiusmodi ad educendum per aluum, & eò tenuiùs
atque potentiùs, quò calor loci per quem trahitur, vt-
pote oris & narium, est minor calore ventriculi, aut
iecoris, vt Elecampanum pro bile & aquâ à cerebro
detrahendâ.

Sunt præterea quatuor modi eorum quæ sumuntur,
ad potestatem collati, vel vt non agant nec patian-
tur, vt aurum, argentum, & forsan chalybs, nisi quòd,

vt dictum est suo loco, grauitate & duritie aperit ob-
structiones: Alius, vt patiatur tantum, velut vitellus
oui, solum enim immutatur & nutrit. Tertius, vt mu-
tetur & mutet, velut medicamenta, crocus & scam-
monium, incalescunt enim primum & dissoluuntur,
inde vnum eorum calefacit, astringit, exhilarat, purgat
alterum. Quartus est cum non patitur, & tamen agit,
vt gemmae in pollinem redactae, & euidentius metalla
preparata: quod enim nihil passa sint secundum sub-
stantiam, indicio est quia pleraque ex his, vt aurum
& argentum, si colligatur stercus, manent & nihil de-
pereunt: ob idque nil illa agere creduntur, quia nil
patiuntur: agunt autem experimento, & quia passa
sunt secundum qualitatem a preparatione, velut ele-
menta quorum nulla substantia corrumpitur, adeo ta-
men mutatur, vt vnius pars caro, alia lignum appelle-
tur. Chalybs ergo seu ferrum exiccat, refrigerat, astringit,
praecipue ventriculum & iecur, confirmat venas
& membra nutrimenti, purgat sanguinem, & corrigit
illius impetum, resistit putredini, educit aquam, aco-
nito ebibito resistit, & hoc praeter substantiae auxi-
lium, purgat enim & aperit obstructiones, confert
Elephanticis. Argentum autem minus refrigerat, &
siccat, & purgat ferro, sed magis roborat membra &
vires, ferro melius sanguinem purgat, auxiliatur vitae
magis, & contra elephantiasin & melancholiam, &
magis prohibet putredinem. Sed aurum densat mem-
bra & spiritus, & roborat cor, & illius palpitationem
tollit, & putredinem omnem praesertim pulmonis
tollit, & oris etiam, elephantiasin & melancholiam
sanat, & vitam producit, exhilarat hominem. Omnia
haec etiam conferunt valde scabiei, & lepra, ac vitili-
gini. Et Medici praetermiserunt vires horum, quia
non

288 *De facultatibus medicamentorum,*
non animaduernerunt præparationem, sed solum vsus
meminerunt: quorum enim nobilibus medicamentis
tantum de illis immiscuerunt? Aperit & aurum & ar-
gentum limatum obstructions.



PARS SECVNDA.

De purgantibus medicamentis in genere.

C A P V T I.

Varie medicamentorum purgantium diuisiones.



ED iam de purgantibus aluum, ac le-
nientibus agamus, quorum effectus
adeò euidentem habet utilitatem, ut
nullà in parte Medicina gloriosior
euadat, & qui aliàs eius usum contem-
pserunt, & nunc etiam Barbari, hoc solum se indigere
fateantur. Igitur de hac, tanquam artis maximâ, & ge-
nerosissimâ parte agendum est. Cùm enim quæ per
aluum educuntur, alia quidem per se, ut stercus & bi-
lis; alia non propriè, velut qui per hæmorrhoidas edu-
citur sanguis, nam ad anum venæ illæ terminantur,
& sanguis qui ex eis fluit, per aluum educi videtur,
cùm tamen non verè hinc educatur, de vtraque eua-
cuationum

cuationum harum dicendum est, atque hæmorrhoidarum primum. Inquit igitur Hippocrates *secundo Epidemiorum, sect. 3. Abscessus eorum, in quibus fit interceptio, & recidiva merito ob id eueniunt, facere oportet: optimi verò potissimum sunt* (ait ibidem,) *inferni, & longissime infra ventrem, & remotissimi à morbo, & qui per effluxionem sunt: nam qui hæmorrhoidas habent* (vt docet *sexto Epidem. sect. 3.*) *neque pulmonia, neque laterali morbo, neque phagedanis, aut terminibus, aut dothienis, fortassis neque lepris corripuntur: tum alijs quæ in Aphorismis dicta sunt, phthoe scilicet, hydropes, insania, renum doloribus, atque varicibus, vt ob commodum de his inter alium purgantia dicendum sit. Nam de alijs, sudoribus videlicet, vrinis, atque vomitibus, tum etiam sectione venæ, hirudinibus, cucurbitulis incisis; hæ enim omnes & ipsæ euacuaciones sunt vniuersales: tum etiam de specialibus, velut sputis, dictum est.*

Ergo quæ per aluum purgant, tribus generibus distinguuntur: Re quæ purgatur, modo purgandi, ac loco. Et res quæ purgantur, sunt octo, sex secundum naturam, & duo præter naturam: nam licet sit ichor in venis, procurare non debemus, vt is per aluum, etsi naturalis sit, excernatur, sed per vrinas, aut sudores; sit enim vis naturæ: nos autem hîc tantum de vtilibus purgationibus dicere instituiamus. Naturalia ergo excrementa appello nunc, stercus ipsum, flauam bilem, & vtramque nigram, scilicet naturæ temperamento exustam, & non exustam; tum verò vt dixi, sanguinem, non solum eâ ratione quâ improprie per hæmorrhoidas expurgatur, sed vt etiam à quibusdam medicamentis non ipse, sed quicquid in eo vitiosum est, euacuatur, vt infra docebimus. Quæ tamén euacuatio ad vnum membrum supra dictorum posset reduci, scilicet ex-

T cremento

crementorum omnium sanguinis, sed claritatis causâ, ab aliis eam distinximus. Sub his etiam omnes humores vitiiati & corrupti seu à febre, seu ab aliâ causâ continentur: quamvis in purgando putrefactos iam, nec furentes, iubeat Hippocrates coctionem expectari; in verè naturalibus solam præparationem. Similiter & sub vnoquoque genere species suæ continentur, velut sub pituitâ humor crudus, sub exustâ bile æruginea & cærulea. Non naturale autem excrementum, pus, & aqua hydropicorum. Secunda diuisio à substantiâ humoris: quædam enim crassum, alia tenue in vnoquoque genere purgare solent; & alia multum, alia paucum. Tertia est, quoniam quædam vnum humorem tantum, alia plurimos; atque in purgantibus plurimos, alia (gratiâ exempli) primò & principaliter bilem putà flauam, inde post ac minùs pituitam, vt rhabarbarum; alia conuerso modo, vt agaricum. Idèò si quis misceat ac fermentet vtrumque, ex æquo purgabunt. Similiter alia bilem crassam, quasi mistam pituitæ, qualis in tertianis nothis, quæ neque est bilis per se, crassa est enim, multòque frigidior sincerâ, neque admista pituitæ crassæ, vt quidam opinantur, cum ex illâ hemitritæus; ex hac, vt dixi, tertiana notha generetur. Idque, diligenter animaduertere oportet: quanquam enim ab iisdem medicamentis vtræque harum materialium expurgetur, est tamen quoddam exiguum discrimen, tum in electione, tum præparatione medicamentorum, quod non leue commodum affert. Atque hæc de primâ diuisione.

Secundum genus medicamenta purgantia distinguendi, ex loco actionis sumitur. Quædam enim medicamenta solum ex ventriculo, intestinis, osculisque venarum

venarum mesaræi trahunt. Quædam ex venis mesaræi & cauâ tantum parte iecoris trahunt, velut aloë, & hiera Galeni. Quædam ex gibbâ etiam iecoris, & toto venoso genere, velut rhabarbarum, non tamen ex vniuerso corpore. Alia ex articulis ipsis, capite, & pulmone, & vtero, quæ sunt membra remotissima, vt Elaterium, colocynthis, & sagapenum. Atque primo generi nomen lenientium inditum est: secundo conuenit illud planè Arabum, Benedictorum; quanquam non soli, nam & rhabarbarum, & fumaria, & lupulus, benedicta sunt; nos innoxia appellabimus, & tamen è tertio genere sunt, non secundo. Quarto generi violentorum nomen apertè & meritò conuenit. Distinguamus ergo, (neque enim exigua est vtilitas hoc facere, sed maximorum errorum causa non distinxisse) in imbecillia, robusta, violenta. Imbecillia non excedunt cauum iecoris: Robusta, quæ vndiquaque venas permeant: violenta ad remota vim suam transferunt, & non parum nocent; neque enim talium vllum innoxium est. At robusta sunt partim innoxia, vt rhabarbarum; partim noxia, vt cnicus, epithymum. Quæ ergo leniunt, necessariò in quatuor species diuiduntur: alia enim fæces molliunt, vt succus cerasorum dulcium: alia leniunt parietes intestinorum, vt mucus seminum cotoneorum & psyllij: alia mordent, vt iura chamarum, piscium mollium, cochlearum, muria, & talia plura. Alia astringendo compellunt descendere fæces, velut cydonia aut pyra post cibum, & myrobalanorum fructus. Dicebat Gabriel Falloppius talia non educere, scilicet cotonea & pyra post cibum, nisi ante cibum mollientia quis præsumpserit, quod verum est vt multum educant, non vt aliud aliquando deiciat. Sed myrobalani adeò constringunt, vt cum nonnihil

propè trahant, lenite alium videantur. Quædam verò ex his duo habent, veluti olea molliunt, & simul lubrica reddunt intestina. Malua etiam quam palam est ventrem mouere, sicut & ius galli antiqui mordet & molliit. Sed propositum non est de Lenientibus hinc agere, nisi eatenus ut ostendamus non posse esse plura genera lenientium, neque pauciora his quatuor: nam aut vas quod continet, afficitur, vel materia contenta: si hæc, necesse est ut emolliatur: si vas, vel ut constringatur, vel irritetur, vel ut continere ob lubricitatem non possit: nam irritari est cum motu expellere; constringi absque motu: at inter hæc duo nullum est medium. Non igitur dantur plures modi leniendi ventrem.

Terrium genus distinguendi medicamenta purgantia, est ex modo: atque hic triplex: vel in comparatione ad medicamentum præparatum, aut non præparatum (nam ex naturâ præsupponitur optimum.) Aut comparatione operationis, quod educat multum aut paucum, velociter aut tardè: vel comparatione ad consequentia, quod educat cum molestiâ & iacturâ corporis; aut sine molestiâ & quod iuuat. Sic fertur de tragorigano, & de absinthio vsus ipse ostendit, & de rhabarbaro ratio docet; & de syrupo rosaceo nonnunquam, tum etiam mannâ expertus sum.

Quod ad præparationem attinet, dicit Falloppius quod medicamentum purgans redditur leniens ex modo exhibendi, qui est quadruplex, aut ob quantitatem, ut sit exigua: secundò, ob ablutionem medicamenti: tertio, ob coctionem: quarto, ob compositionem. Sed verè omisit modos alios præcipuos & meliores, quos nunc subiiciam. Primus est separationis illius nobilis, de quâ locuti sumus in *primo libro*, per quam ex quavis fermè re, & præcipuè semine tametsi minimè purgare

purgare potente, fit medicamentum quod purgat aded̃ violentē, ac si esset helleborus albus, per quem solvuntur dolores præcordiorum annui, vel etiam diuturniores. Et si quis dicat quod hæc præparatio non est hîc in proposito; ided̃ prætermis̃sa à Falloppio, qui volebat loqui nonnisi de præparatione, per quam minuitur vis medicamenti in purgando, aded̃ ut ex purgante fieret leniēs. Dico quod eadē viâ fit vtrumque, ex non purgante violentum, & ex violento leniens; sicut apparet de oleo seminis ricini, quod est violentarum virium in purgando, & tamen eius oleum lenit, parumque differt ab oleo seminis lini. Secundus modus est per separationem, quæ fit in destillatione, ex quâ maximè etiam validissima medicamenta, in lenientia aluum transeunt: de quo egit Conradus Gesnerus, & diligentius Theodoricus Dorsthenius. Aqua ergo vitis albæ, octo vnciarum pondere pota hoc potest, aluum scilicet lenire, cum ipsa radix violentum sit in purgâdo medicamentum: debet autem extrahi succulenta, scilicet per balneum Mariæ, exactè & vehementer ferueat, & diu destillatio perseveret, & ad ultimum vsque, donec feces siccæ prorsus remaneant, & ut vapores exitu prohibeantur, longo vasis collo, sed diligenter præcluso. Similiter absinthij & aloës aqua aluum leniunt, & lathyridis, tum regalis consolidæ, cuius flos calcari assimilatur, ex vnciis tribus; ebuli autem aliquanto plus: verum super omnia aqua hellebori nigri, aded̃ ut drachma sufficiat cum vnciis tribus vini nigri, ut contrâ aqua foliorum sistit aluum: & Esulæ, violentior quàm ut ferri possit: fumarie quoque aluum mouet, aliquibus urinam, a liis vtrumque: caryophyllatæ quoque purgat, etiam crassos lentosque humores. Lactucæ verò si copiosa sit aqua,

ventrem mouebit ac deiciet, cùm per se herba non purget. Aqua quoque radicis iridis viridis, aluum mouet : non mirum est de aquâ maluæ quòd ventrem leniat, maximè ex vnciis octo epota ; nam vt dixi, ipsa herba mouet ventrem. In eodem genere sunt aqua quinquefolij, porri, belis, seu primulæ, sed ex vnciis sex; tum polypodij, & generaliter omnium quæ plurimum in purgando possunt; tum aliorum. Quid dicam de aquâ lactis, quam Galenus refert esse innocentissimam omnium quæ corpus laxare possunt ? Ferunt etiam aquam foliorum sambuci, & magis florum, purgare omnes humores, si pondere dimidiæ libræ sumatur, cùm etiam ipsa sit innoxia. Ergo tam multa sunt in hoc, velut aqua turpethi seu turbiti, tithymal-lorum, cyclaminis, radicis cucumeris anguini, & colocynthidis : mansueta sed debilis ex foliis aut floribus violarum. Inter composita est nostra aqua experta.

℞. Electuarij rosati Mesuæ, de succo rosarum, succi cassiæ nigræ. an. libram mediam. Asari viridis, aut cassuthæ. ʒij. destillentur in balneo Mariæ : quantitas ab ʒß. ad ʒj. Tertius modus est per circulationem, de quo in *libro de Æthere*. Quartus per vstionem, qui est præcipuus cum primo. Verùm quintus est in vsu ex pluribus constans, lotionem, mitionem plurium sibi succedentium, inde sæpius repetatur siccatio in Sole, quomodo parantur Catapotia. An verò ex purgantibus medicamentis lenientia fieri possint, nunc videndum est.

Principio hinc sumpto, quòd medicamenta quæ purgant omnia, vim imprimunt in ventriculum & intestina, per quam trahunt humorem, quia omnis attractio fit ab animâ, vt etiam concoctio, & reliquæ facultates per se. Dico per se, quia quædam constricta expellunt,

expellunt, sed omnia indifferenter, ob frigus vel artificium. At ego loquor, cum quid attrahitur, aut expellitur, vel retinetur, vel concoquitur naturaliter. Et quamvis conetur labefactare Falloppius hanc claram veritatem, ac quasi principium cognoscendarum omnium naturalium rerum & actionum, nec cum pluribus agat, respondeat argumento, verum principium petens, rem euidentiore relinquit, quam ante responsionem. Etenim cum id ab initio supposuissem, nil mortuum operari aliquid proprium, non partem animalis, non plantæ alicuius, nec elementi: cum autem sint infinita quæ propono, recurrit ad Herculeum lapidem, quem iam dixi & edocui viuere. Quis sanus iudex tam largâ optione datâ, & à sæculo, & quod videamus medicamenta operari in viuis, & non in mortuis, non potius concedat hoc vnum, etiamsi esset absurdissimum, lapidem illum viuere, quam tam generale atque vtile dogma negare velle? cum præsertim constet, hunc lapidem viuere, mori, ægrotare, sanescere; & quod hoc verum est de omni genere lapidis venenosi. Accedit ut dixi, quod peruerteretur vniuersi ille ordo pulcherrimus, quo decretum est nihil habere vim, nisi ab animâ, nec ullam esse operationem, cuius origo non sit anima: nam & elementa mouentur ab animâ mundi, & calor naturalis omnis à sideribus. Alia habent operationes solum nomine, id est, corruptiones operationum, ut calor ignis urit; vstio non est operatio vera & naturalis: motus frangit: pondus rumpit funem & impedit, ut in horologiis: frigus corrumpit sata, & huiusmodi. Quis adeo amens, hæc non videat? Dico ergo quod medicamēta quæ purgant, proprietatem imprimunt in membra: nullum leniens medicamentum proprietatem imprimit: idem transmutari

296 *De facultatibus medicamentorum,*

non possunt verè, Sed dices, medicamenta lenientia multitudine suâ purgant, velut mucus psyllij, & ius pulli iuuenis, & cassia nigra, & aqua lactis. Dico quòd succus cassiæ, & aqua lactis sunt medicamenta propriè: reliqua duo adaucta possunt mouere diarrhœam & fluxum ventris, sed nunquam purgabunt aliquem humorem determinatum, sed in hoc bilem magis, in illo pituitam. Cùm verò dicis: at cassia & aqua lactis, sunt ex concessis medicamenta purgantia, & tamen plerumque solùm aluum leniunt. Igitur commutantur. Respondeo quòd istud verum est, quòd cùm medicamentum habet duas vires, lenientem & purgantem, vt vna sopiatur, alterâ manente: sed in non habente, nisi vim purgandi, velut scammonio vel colocyinthide, hoc nunquam accidere potest. Et si dicas, quòd iuncta cum cassiâ nigra vel tali, hoc agunt in corporibus duris: dico quòd non est verum, quia adiuuant lenitionem, vt dixi, imprimendo, & ideò mouent humores, licèt non educant eos, ob paucitatem medicamenti, & ideò multo magis nocent quàm lenientia, corrumpendo statum & temperamentum naturale membri, & mouendo humores, nec educendo.

Haftenus de primo modo, scilicet paucitate medicamenti: at de tribus aliis fieri potest, sed non eo modo quo dicit, scilicet per transmutationem: verùm nihil prohibet, quòd si medicamentum habeat vim & leniendi, & purgandi, quin corruptâ per coctionem, aut separatâ per ablutionem, aut cohibitâ per mistionem vi purgandi, relinquatur tota vis leniendi integra, aut pars illius, aut etiam augeatur. Sed quòd vnum transmutetur in aliud, est absurdum. Atque hæc de primâ parte tertij generis, distinguendi medicamenta purgantia: in quo obseruandum consulo, ne velis permiscere

permiscere illa, utpote leniens purganti, ut melius aut vehementius leniat, sed potius contrario modo, ut facilius purget, iuxta *Aphorismum 9. particula 2. Corpora cum quispiam purgare voluerit, oportet fluida facere*: qui debet intelligi non solum de præcedenti tempore, sed ubi occasio desit, de præsentī.

Reliqua duo sunt, quod multum educat aut parum: nam cassia nigra plurimum educit, & tamen non procul: at Sarcocolla & Ammoniacum, procul, non tamen multum: & similiter tardè talia educunt, licet procul: & omnia medicamenta quæ velociter educunt, multum educunt: & etiam conuerso modo inferre licet; quoniam velocitas prouenit ex robore medicamenti per se, & tunc educit multum: quandoque ratione humoris propinqui, vel mobilis, ut paucum scammonium, vel aloë ipsa statim mouet aluum, quia educit solum feces in eis, illæ autem sunt in ipsâ viâ: non tamen necessarium est in eo casu, ut multum trahant, quia purgatio illa fit celeriter ratione materiæ, non medicamenti: Medicamentum autem quod procul trahit, necesse est ut habeat substantiam contumacem, quæ mutetur vel ratione densitatis, ut sarcocolla; vel caliditatis & roboris, ut scammonium; vel vtriusque, ut euphorbium, idè est principale in hoc. Aloë ergo non procul trahit, cum vtraque conditione careat: est enim terreæ & aqueæ substantiæ, & non è genere lachrymæ, sed succus herbæ & pinguis admodum folij, idè etiam effœtarum virium.

Tertium est, ut educat cum molestiâ, aut sine molestiâ. Et quæcunque educunt sine molestiâ, etiam parum nocent; imò si bene oleant, ut tragoriganum; aut astringant, ut aloë; aut vtrumque ha-

T 5 beant,

beant, vt rhabarbarum inter medicamenta simplicia; & hiera Galeni inter composita, iuuant etiam membra, præter id quod purgent. Quæ verò violenter educunt, eâ parte plurimum nocent, & quæ malum odorem habent: nam si odorata iuant, olida nocent: & quæ sunt immoderatè sicca aut calida.

Quòd si simul odorata sint, & violenter educant, velut hiera Themisônis, tunc si sine impedimento & largè educant, non nocent & iuant; secùs nocent absque iuuamento. Eadem dico de asaro, sed id non est violentum, nisi primo modo: ideò ipsum est proximum potius hieræ Galeni simplici quàm Themisônis.

Medicamenta igitur genere distinguuntur, aut enim leniunt, aut sunt imbecillia & innoxia; nam etsi imbecillia noxia essent, non nocerent eatenus quatenus purgant, sed alio modo: aut robusta, & hæc sunt aut valida, & innoxia, aut noxia; aut inualida, & noxia, aut innoxia; & violenta sunt valida & inualida; malefica & non malefica: nam omnia violenta ipso nomine noxia sunt, sed sunt, præsertim valida (scilicet quæ multum & celeriter educunt) malefica ac quasi venenosa, quorum mitissimum est quod sciam, helleborus niger: nam Cucumis anginus, colocynthis, scammonium, & helleborus albus, ferri non possunt; vnde praua sunt, & per se humanis vsibus omnino abdicanda. Dicamus ergo primùm de singulis generibus.

CAPVT II.

Lenientium à purgantibus distinctio.

Medicamenta Lenientia non conueniunt, cùm Malus dura est, forsan enim excitabunt dolores, & Curtius peremit filium Nobilis de Florentiâ, hac causâ, cùm tamen esset Medicus insignis, & falsus est errorem: nec cùm materia est in ventriculo, nam tunc eiicienda vomitu est, si tamen biliosa sit: nec cùm materia turget, aut concocta est, indiget enim medicamento proprio: nec cùm feces euacuare necessarium est, quæ superius sunt coactæ, nam mollientia sufficiunt, vt vix passæ, sunt enim cibi mollientes, qui tametsi è genere sint lenientium, non tamen sunt lenientia, nisi cùm sumuntur in magnâ quantitate. Solùm igitur conueniunt, cùm materia fuerit melancholica in ventriculo, aut durus homo ad vomendum, aut in intestinis superioribus coacta, vel in ambitu, & osculis venarum mesaræi, mordens intestina. Quæ verò hoc agunt, debent esse proxima temperamento, vt minùs malè afficiant, & necesse est etiam vt talia sint: nullum enim medicamentum leniens, est valde calidum, quod non purget strenuè; nec potest esse valde frigidum, & leniens, aut crassum: quocircà aqua etsi plurima bibatur, non lenit aluum [MS. *leniunt alium*,] nisi excalefactis, vt in febribus vehementibus aut vrentibus; nam est crassa, & frigida bibi solet: quocircà quantum mollit feces, tantum impedit vim expultricem. Lac ergo, iura, & olea, ac similia aluum leniunt. Quæ autem solùm feces ducunt, *ἐκκαθαρτικά* à Galeno dicta, qualia aloë maximè lota,

300 *De facultatibus medicamentorum,*

lota, media quasi sunt inter lenientia & cibos. In quo genere solum malum cognosco: Galenus tamen posuit terebinthinam, & enicum cum ficibus; sed ego parum fido: passæ autem vix pingues & sine arillis, aqua imbutæ bonæ sunt; ius caulium etiam cum vix passis: nam de his quæ detergendo leniunt, plura sunt, ut ius leguminum, phaselorum, fabarum, pisorum, cicerum.

At imbecillia medicamenta purgantia raro conueniunt in febribus, quandoque tamen, & generaliter cum materia est in ventriculo, mesenterio, & caua iecoris, & est certi generis; nam lenientia non sufficiunt: reliqua traducunt materias à gibba iecoris, & ultra, per venas angustas, & faciunt obstructions indomitæ & perniciosas, ex his tamen lenientibus plerumque prodest copia medicamenti. Si tamen materia crassa sit, aut tenax, iuuanda est calefacientibus, attenuantibus, & naturæ familiaribus: ideo in huiusmodi, aded probata est hiera Galeni simplex, de qua mentionem supra fecimus.

Robusta autem medicamenta, vires omnia exposcunt, non solum quia validiora, sed ne in transitu ex caua ad *σπληνῶν*, (neque enim aliud transire possunt,) hæreant, & ita non solum non educantur, sed vel in scirrhum transeant, vel phlegmonem in eo excitent, vel quod frequentius accidit, hepar putrefaciant, vel febrem diuturnam & periculosam generent. Non conueniunt ante coctionem perfectam, nisi in materia turgente: nec in materia turgente non præparatâ; nec ubi iam decubuerit; nec si longius absit, quoniam non ed pertingunt; nec si materia sit citra gibbam iecoris; nec si incipiat abscessus, mouent enim & turbant, nec prohibere possunt, aut reuellere quantum opus est; nec si

si in venis magnis materia turgeat, neque enim obedit, sed tamdiu expectandum est, donec ad paruas peruenerit. Violentis autem non est vtendum, nisi cùm materia procul est à viâ, vt in hydropicis, capite, iuncturis, vtero, & pulmonibus; vel si admodum multa, & per totum corpus sparsa, vt in morbo regio absque febre: vnde qui purgant hos, cùm adest febris, maximè acuta, occidunt plerumque illos: & vt dixi, innocentior omnium est helleborus niger, aut scammonium præparatum, & ideò tutior est Confectio Hamech in febribus, electuario de succo rosarum, aut de psyllio. Ita qui purgant morbum regium absque febre cum rhabarbaro, similes sunt suscipientibus potentiorum inimicitias frustra, & vt dici solet, canes irritantibus. Multo verò minùs in imbecilibus ægris talia competunt, quàm priora omnia. Et cùm necessitas vrget, vtemur epicrasi, & dabimus parum ex medicamento violento, & calidum valde actu, & tenue, & compositum cum his quæ sunt amica naturæ ob consuetudinem, temperamentum, astrictionem, & odorem. Et separatio terre vbiq; & aquei in his bona est. Et coctio etiam melior est longè circulatione. Et compositio illa cum exiccatione in Sole, nisi quod terreum est, separetur, parum prodest, nisi in fluxionibus vt podagrâ, & destillationibus. De vñione verò quia est tractatio peculiaris, & declarata in *quarto libro de secretis*; hîc sermonem non habeo: verùm omnibus collectis singula distinguam. Appello igitur medicamenta lenientia, quæ feces educunt tantùm, nulli peculiari humori detrahendo addicta, quorum vsus necessarius est ad exonerandam aluum, in ægris etiam, non solùm in sanis. Sed & cùm purgare voluerimus: inquit enim Hippocrates

secundâ

302 *De facultatibus medicamentorum,*
secundà Aphorisin. 9. Corpora cùm quispiam purgare vo-
luerit, oportet fluida facere. Atque in medicamentis de-
pellunt feces, vt eorum opus adiuuent: nam si id facere
tentaueris maiore quantitate purgantis medicamenti,
id violentiùs aget.

In omnibus autem his tum purgantibus, tum le-
nientibus, multiplex contingit difficultas, alia quidem
ratione eorum qui illa tradiderunt, alia ratione ipsius
rei. Eorum enim qui scripserunt, varia fuère ingenia,
studiáque, atque in plerisque eumentis gloriæ. Ob-
fuit pluribus existimare se scire quod nescirent. Id
vitium cùm satis latè pateat, tamen in Medicis Princi-
pum, qui aliâ viâ quàm per doctrinæ veram opinio-
nem ascenderunt, maxime viget. Vfus præterea malus
docendi imperitos cum fastu illo maximo: atque id
peccatum in Professoribus publicis, qui concursore
non agitantur, magis viget: existimant enim suas
nugas ab omnibus probari, quemadmodum adoleſcen-
tulis atque initiatis. *Φιλαντία* quoque omnes nos exa-
gitat, vt placeant quæ parum bona sunt. Alij ab ado-
lescentiâ, Dialecticâ ac Mathematicis tum Philoso-
phiæ studiis non satis instituti sunt. Cupiditas etiam
lucri, aut inopia detinet multos, vt inelaborata, & vt
ita dicam, incocta prodant: velut ad generationem
cibus non subactus ad vnguem, nihil prodest, sed se-
men exigitur; ita oportet vt longâ cogitatione res
intelligentur, antequam scriptis mandentur, præsertim
cùm inuolutæ sunt, & erroribus iam scatent, cuiusmo-
di est hæc doctrina: quòd etsi elaborata sit maxima
pars, aliquid verò inculti relictum sit, totum decorem
etiam amittit. Ex rebus autem ipsis non minor diffi-
cultas, tum ob regionum diuersitatem, vt non vbique
eadem sint, quæ specie conuepiunt, & ob nominum
errorem,

errorem, ut vnum pro alio sæpe subiiciatur: tum verò præcipuè ob duas causas, vna quòd quæ purgât humores, sub minore quantitate sumpta, aut quia inanita sint ob vetustatē, aut ob aliam causam, lenire videntur; alia contrà cùm solùm leniant, humorem verò qui est in ventriculo & intestinis vnà cum fecibus educant, videntur cum humorem posse purgare: alia causa est magis propria, quoniam cùm intestina interiùs circumuestiantur pituità, siquid purgat feces paulò vehementiùs, aut detergit acriùs, purgare pituitam videtur, cùm tamen ex lenientium solùm sit genere. Aliæ etiam sunt causæ horum grauiore quàm videantur, non cognoscere humores, tum ratio ipsa distinctionis eorum, tum opinionum varietas. Primùm enim illud verum non est, quod tamen plerique pro constanti habent, bilem crassam compositam esse ex bile pituitaque: aliud enim est bilis crassa, quæ fundamentum est notharum febrium tertianarum; aliud bilis pituitæ admista, quæ efficere solet hemitritæum communem minorémque. Sed neque illud verum est rursus, medicamenta quæ humores crassos excernunt, educere etiam semper tenues: sic enim nullum esset medicamentum, quod nigram bilem educeret. Cùm autem in pluribus hoc verum esse cernamus, suo loco de his distinguendum erit. Similiter cùm dicimus melancholiam purgari, nondum compertum est, an eo nomine exusta contineatur; & si continetur, an vtrumque genus, & quod à melancholiâ naturali factum est, & à flauâ bile. Atque etiam versâ vice. Sed & par ratione, an sub flauâ bile, viridis, cœrulea quam isatidem vocant, ut ab eodem medicamento cum cæteris educi possint. Ob hæc igitur, quod traditum est ad hanc vsque diem, quanquam plurimi egregij viri laborarint,

laborârint, potius ad Empiricam exercitationem, quàm ad artem pertinet. Etenim in his cùm plura defint, tum ea quæ tradita sunt, ratione omnia careant, pleraque erroribus etiam maximis scateant, omnia verò sint obscurissima, adeò vt cùm ordine careant, id vitium pro nullo inter tot peccata habeatur. Et in antiquis magis irrepsère errores. Plinius quod sæpe testatus sum, Grammatici partes agit; nam & Grammatici est de omnibus dicere, vt Priscianus ait; & tamen hoc ipso, in tantà inopià bonorum authorum, indigemus: nam à recentioribus fides desideratur. Sperabam aliquod auxilium à Brasauolo viro sanè erudito, sed hac in parte, seu tum impeditus, seu nimium sibi tribuens, parum diligens & minus oculatus fuit, vt videatur Plinium præ manibus sumpsisse, & iuxta singula sua experimenta, quorum etiam maximà ex parte oblitus erat, omnia descripsisse; præter enim immodicam illius prolixitatem, quæ ei familiaris fuit, repetit pleraque, & modò eadem, modò contraria dicit, in quod tamen vitium necesse est eos incidere, qui non certâ methodo aliquid scribunt. Et in plerisque dum experiri vult, lenientia cum iure, sale, & oleo exhibet, quæ ipsa per se lenire possunt quamcunque aluum: deinde quorundam tantam copiam exhibet, vt longè maius sit detrimentum ex multitudine sperandum, quàm ex deiectione auxilium, velut in gingibere semunciam. Poterat verò innumera sub vniâ regulâ comprehendere, quemadmodum [MS. *quoniam admodum*] nos facturi sumus, quæ singillatim docendo, præter tedium & prolixitatem, sibi dum videtur contradicere, obscuriora reddit. Præter hæc eiusmodi compositio non redolet Italicam maiestatem, sed barbaram quandam etiam humilis & sordidæ literaturæ

turæ confarcinationem indignam illo prorsus ; in quâ illud etiam est absurdissimum , quòd Dioscorides Arrio Imperatori scripserit , quod ob mille causas esse non potest. Verùm quoniam ex experimentis disciplina constat , non suaferim neque in damnatis id tentare , vt miseriam misero adderem , nec periculosè , sed obseruare alios qui id experti sint , tum etiam summâ ratione instructum , si [MS. *sed*] id non succedat , longè inferiore quantitate experiri , quàm [illi ,] vt etiam sis procul à periculo : in canibus autem maximè , suis , ouibusque ac capris , & cuniculis ; tutissimum est autem quod sumitur ab auibus ; non enim inuentum est medicamentum , prorsus innoxium gallinis aut columbis , quod homini coctum & propinatum sub mediocri quantitate nocuerit : neque enim tentandum in his , vt medicamenti vim percipias , sed vt experiendo ne noceas , quod primum est intentum , pòst homini exhibendo animaduertes , si rugitum mouet , tormina ac dolores , è purgantium est [genere ,] etiamsi non educat. Vt verò sciamus quomodo tutò tentare possimus , considerandum est an sit ex medicamentis Dioscoridis , & tunc ille prodit quæ venenosa sint. Sin autem non sint ex illis , tunc considera an sint metallica , vel emittentia lac , omnia enim hæc venenosa sunt. Sin autem ex his non sint , an folia habeant lucida , an grauem odorem , an saporem tetrum ex acri & amaro mistum , qui proprius est venenis.

CAPUT III.

Lenientium medicamentorum varia species.

QVæ igitur ventrem leniunt, non omnia connumerare [lubet :] sed alia quidem quod cibi vel potus loco habeantur, ut lutea ouorum, tenera cerebra gallinarum condita saltem sex, adhibendo melicrati itidem totidem uncias, quæ per se idem possunt: butyrum, post mel; sufficiunt autem duæ unciaë è singulis. Quædam quia utilia valde, ut semina citri ad quadraginta, seu arantij, seu limonij, aut pomi Adami medulla tusa, vel in decocto: confert ventriculo, iecori, renibus, cordi, cerebro innoxia est, ob id sine corticibus danda, quoniam lignea & terrea omnia ventriculo sunt inimica, tamen cum illis magis leniant. Quædam quia propriam præter id quandam utilitatem habent, velut viticis semen, quod flatum discutit, & obstructions aperit, & borrago quæ cordi tam salutaris est. Quædam quia in promptu sunt, & ubique ad commodum parata, ut ius caulium. Alia quia suavia & innoxia, ut saccharum sed libræ dimidio, mel coctum ex unciis duabus. Alia optima, ut sphondylii radix ex ʒj. quæ etiam capiti confert & ventriculo; est enim ex beneolentibus. Quædam propriè id faciunt, ut oleum amygdalinum dulce, quod etiam pectori difficulter anhelanti, & urinæ cruciatibus prodest: cui succedit quod ex oliuis detrahitur. Quædam quia tota id agunt, velut similax clematidis, beta, mercurialis: singulæ enim partes harum, aluum molliunt. Nonnulla quia potenter id faciunt, adeò ut nomen *ἰσχορροπικῶν* meruerint, velut aloë

aloë. Demum alia quoniam præter id humorem peculiarem purgant, velut cauliculi vitis agrestis, & quæ ex purgantibus medicamentis omnia. Quædam plura complectuntur commoda, velut vt dixi, smilax clematidis; purgat enim pituitam & aquam, & non solum folia, sed etiam semen & cauliculi cocti ac crudi ex acetario, ducunt aluum. Quæ verò nullo horum vndecim modorum id agunt, præterire decet vt inutilia, semper enim vsum cum iacturâ temporis compensare debemus: velut illud de XL. amygdalis, & Hippophaës, ac similia: de succo fructuum mororum per se quidem inutile erit [medicamentum;] in Rob, vt dicunt, quod anginæ vtile est, (est autem syrupi species) vtile erit. Neque tamen etsi doctrina lenientium medicamentorum omnibus utilis, exercitatio & vsus perinde erit: debilitat enim viscera & vires, & hominem post senectam primam breuioris vitæ facit: sed his solum qui enterocelen patiuntur, aut flatûs, vel intestinorum dolores; his enim necessarius est vsus, cum feces sint duriores; aut exitus vltra diem naturalem distulerit: nam terminus temporis etiam in his est semel in die naturali, & fæcum, vt sint figuratæ: liquidiore autem sæpius excernere, malum, etiam in his, nedum in sanis.

Dico igitur quod quæ leniunt aluum, vno ex octo modis id efficiunt, quorum primus est multitudo: nam etsi multitudo per se sit modus, cum tamen excesserit, præsertim in re humidâ, manifestè [assumpta] deiciunt aluum, velut caseus recens humidus, caro suilla, maximè lactentium porcellorum. Sic amygdalæ LX. recentes, & nuces pariter virides, lactucæ, & eiusmodi. Quanquam enim naturâ suâ aluum non deiciant, pondere tamen prægrauant,

vt natura cogatur excernere, tum verò et si non lenirent, copia facum inusitata, quæ redditur ob cibi multitudinem, imaginem lenientis medicamenti præbet. Dicitur autem multum, quod sex uncias excedit, in mediocri naturâ, ætate, & consuetudine. Ozimum ergo, vt ad rem redeam, cum sit humidum valde, licet calidum, ventrem lenit, si multum sumatur.

Quæcunque purgant, vt dictum est, debilitata paucitate, aut coctione, aut destillatione: vel non adulta; velut surculi multarum plantarum, vitis sylvestris, seu attagenæ; clematidis non solum surculi, sed etiam folia teneriora, bryoniæ item surculi, dracunculus maior, & folia etiam cocta, allium quod nondum digestum est in spicas, & huiusmodi: vel si fuerint iuncta cohibentibus: alia quia per se lenia, vt flores violæ in acetario, & sambuci etiam vel ebuli; Tamarindorum quoque uncia dimidium, plus autem purgat.

Humida præterea, licet non pingua, in copiâ sumpta, licet non excedat limites, id est, dimidium libræ, velut lac, maximè asinæ, sed eximere oportet butyrum, [*MS. sed excedere oportet, butyrum,*] thermæ, ius quodcumque maximè capi, magis etiam galli, & veteris, myxorum decoctum, mustum maximè dulce ante cibum per horas quatuor sumptum, succus glycyrrhizæ fluidus, vel decocti glycyrrhizæ iustum pondus; dixi hoc esse vj. unciarum, cum in aquâ uncia vna eorum quæ non purgant, aut dimidium eius medicamenti quod purgat, incoquitur. In omnibus fructibus, præcipuè myxis sufficiunt xx. & in prunis xl. coctis, vt edantur, & ius bibatur, sed sint maturi, non austeri, neque acidi, nec astringentis saporis: magis autem si cum rore colligantur, vt etiam in vuïs; sed aded mouent cerasa sic collecta, & cum nucleis deuorata, vt referant dolores pedum

pedum leuari. Hoc non tam cerasorum munus quàm roris, qui cum fructibus omnibus, & floribus, & etiam per se mouet aluum. Succus mori fructûs, & sycomori, & aranciorum dulcium, atque vt dixi, omnium huiusmodi. Vuam tamen passam absque arillis ego soleo edere, & exhibere aquæ infusam, & plenam atque inflatam. Plus etiam lenit & mouet aluum Cretica, ex quâ Pramnium vinum fit. Cynoglossi etiam folia decocta aluum leniunt. Præterea omnia liquida quæ flatûs excitant, seu naturâ, vt raparum decoctum, seu casu, vt aqua seu vinum.

Ex saporibus dulcia omnia leniunt ventrem, seu quòd laxent, vt *quinto de simpl. medicam. cap. 26.* seu quòd detergant, vt in *libro de Dissolutione continuâ, cap. 2.* sed hoc cum siccâ substantiâ: cum humidâ sentit quòd molliant, *septimo de simpl. medicam. cap. de Cerasis.* Ergo & lac subducit magis, & mellis vnciæ duæ sufficiunt, & sacchari vnciæ sex, absque torminibus & molestiâ vllâ: nam mel tormina facit, ideò est ex principalibus: & mihi sufficiunt totidem drachmæ, & pauciores in aquâ dissolutæ: & ita de omnibus valde dulcibus; vnde etiam siliquæ coctæ, quamuis siccæ si edantur, & ius earum bibatur, ventrem leniunt, & renes valde confirmant. Lac verò asininum quasi medium naturâ est: vide *infra, numero 126. & septimo comm. in Hippocratem de Aëre, Aquis, & locis, comm. 4.*

Præter hæc sunt omnia quæ stimulant, sapore acris scilicet & salsa, sed hæc deteriora, quòd cum detergant pituitam quæ intestina vestit, vbi aluum laxauerint, magis astrictam reddunt. In hoc genere sunt cepæ, & allia, & porri, singula cocta sub cineribus, & dracunculi germina, & lapathi surculi, & herba ac radix narcissi,

310 *De facultatibus medicamentorum,*

& ascalúgiæ, & asphodeli. Est etiam illud de pipere, in *Problematis Aristotelis*, quòd exiguum illius laxat ventrem, multum prolicit urinam. Gingiber maximè viride & conditum. Nasturtij quoque semen à drachmis vnâ & dimidiâ ad duas. At salforum maior etiam copia est; namque in genere herbarum, cremor brassicæ præcipuus est hac ratione, (dico primam aquam) tum betæ, atriplicis, & spinachiorum. Et similiter Corallina ex drachmis duabus, & tartarum album, & aqua marina, & ex marinis animalibus omnia quæ sicco integumento prædita sunt, velut ostrea, chamæ, conchæ, locustæ, gammari, astaci, cancri; & quæcunque sunt molli carne, velut polypi, sepia, loligines: & rursus quæcunque nutriuntur plantæ in littore maris, vt chachile, sed pauca; & quæ in aridis locis oriuntur; & ius omnium leguminum fermè, præterquam fabarum, & præcipuè cicerum rubrorum, soluit enim bene ventrem. Gari vnciæ duæ cum iure. Et sunt quæ propriè leniunt ventrem, pellentia stercus, vt cassiæ nigrae medulla, & myxa, quamuis vt dixi, aliâ ratione. Alia sunt quæ vt pingua, velut oleum commune, & amygdalarum dulcium, & omne genus horum, sub quo etiam ius carnis continetur, licèt etiam vt humidum, & vt multum. Oleum amygdalinum amarum, licèt sapiat medicamentosum, & breuissimo tempore rance scat. Et quæ vestiunt intestina, in quo genere sunt mucii quicunque psyllij, seminum cotoneorum, vel maluæ, vel boraginis, vel myxorum, atque huiusmodi. Hæc ante cibum multò sumi debent, hæcque omnino non purgant, tametsi à purgante materiâ, velut stricte semine detrahuntur.

Demum sunt quæ astringendo leniunt, ea non vt aliqua, ante cibum præsumi, sed à cibo sumi debent, velut

velut cotonea cocta, & pyra seu cocta seu cruda, & mespila, & tricocia, & myrobalani omnes, quamuis è medicamentorum genere, idcòque in modicà quantitate, & ante cibum; sicut & medicamentum Arabum, quod constat ex malorum punicorum dulcium, sed etiam magis acidorum succo, in vase æreo rori exposito per noctem. Quantitas est vnciarum sex ad summum.

Et sunt composita ex huiusmodi, velut mel cum Pramnio vino, aut melicraturum ex vnciis sex. Modus conficiendi est hic: Mustum potens sume post viginti dies, & ei quintam partem mellis despumati adde, agitabisque arundine perpetuò donec albescat per dies quinquaginta, inde tege linteo, vt exhalare possit, post mundâ manu collige quicquid supernabit, seruabisque in dolio gypso oblito, vere intricata parua vasa condes, & gypsata diligenter, operies inde frigidâ cellâ, vel arenis fluuiialibus ea reponere, nam in perpetuum seruetur. Refertur inter aluum lenientia sesami semen, cuius præcipua est vtilitas à me bis experta, insanabiles penè pruritûs tollere; & polygonati etiam semen: non satis quomodo id agat, noui: efficit tamen vtrumque ex drachmis duabus. Eodem modo succi prassij drachmæ tres, aut tantundem styracis, (quæ cum hoc profundum prouocat somnum) vt succus à regio morbo liberet, cum pulueris etiam duæ drachmæ ad ambo sufficiant, siquis tamen assiduè vratur alterutro. Picem etiam referunt aluum mollire eodem pondere, quod proprium sit resinarum omnium, quia colliquent forsan & detergant; ita terebinthina & lentiscina, sed eodem pondere, quæ quàm multa erit. Sed & vnguis odorati puluis, qui quamuis redoleat bene, ventriculo tamen est parum vtilis & amicus.

312 *De facultatibus medicamentorum,*

Sunt præterea quæ aluum leniunt experta, & sæpe meliora medicamentis, sanè tutiora, vt Coriandra saccharo obducta & læuia tria aut quatuor imposita educunt feces, sed exigitur spatium dimidiæ horæ. Hoc certè tutius quàm auxilium Sauonarolæ in Hercule Ferrariæ Principe, pro quo centum accepit coronatos, pro tam præcipiti consilio. ô ! fortunam ac stultitiam hominum : tempus æstiuum [erat,] iussit ambulare per quinquaginta passûs nudis pedibus super marmoreum pavementum, aquâ frigidâ inspersum, statim commotus est venter, inde cùm purgâisset copiosè, (iam enim tres dies erant, quibus aluum non exonerauerat) pedes calidâ aquâ, in quâ herbæ odoratæ incoctæ erant, lauari iussit, & in lecto interquiescere. Sed quid si non demississet: periculum doloris coli [MS. coli] manifestum impendebat : ex quo sub mediocriter iracundo Principe, cùm tot alia essent salutaria, mors impēdebat.

Animaduertendum est etiam quòd leniendo ventrem, perducitur homo sæpe ad colicam fæcum, & hoc quia eiusmodi lenientia educunt solùm partem tenuem, & relinquunt crassam, & etiam quia natura asuescit expectationi auxiliij, & idè pigritat in expulsionem excrementorum. Idem quoque accidit in omnibus medicamentis lenientibus, quæ sunt è genere purgantium, nam educunt partem tenuiorē, & relinquunt crassam, & præsertim si fuerint è genere educentium humores tantùm tenues. Tertiò idem accidit ex medicamentis quæ educunt vel constringendo, vel lubricum faciendo, vel detergendo, & generaliter in omnibus quæ non molliunt fæces; & hoc potest dici piscari hamo aureo, nam propter leue commodum, homo incurrit vitæ periculum ex coli doloribus vehementissimis. Sunt etiam medicamenta eccoprotica [MS. encoprotica,] diuersa

diuerſa à genere lenientium, & hoc multi non animaduertunt, propterea quòd per accidens pleraque lenientia aluum, etiam educunt fæces: ſed quæ propriè educunt feces ſolas per ſuperius, nondum comperta ſunt: quæ autem educunt cum aliquâ parte humorum, ſunt etiam duo tantum quod ſciam, Aloë hepatica, & polypodium coctum cum iure pingui; & illud idem oftendit pauperies Principis in docendo medicamenta expurgantia feces, nam connumerat ſiclā inter præcipua, quam puto eſſe [MS. *putreſſe*] betam, & quæ nõ educit feces, ſed partim mollit, partim detergit. Galenus autem vititur lachrymâ terebinthi, cum decuplo medullæ ficuum ſiccarum. Et ſcias quòd omnia quæ expurgant aluum, ſolēt ipſam reddere aſtriſſam, quia vel euacuant partem tenuem tantum, & ita relinquunt craſſam, quæ ſiccatur & indureſcit, & ita aluus aſtringitur: vel educunt craſſam tantum, & ita educitur pituita quæ circumueſtit inteſtina, & redduntur aſpera, vt non poſſint facilè feces effluere: aut educunt craſſa & tenuia ſimul, & niſi incidant in læuitatem inteſtinorum, neceſſe eſt vt diu maneant excrementa, antequam impleantur inteſtina, & ideò natura aſſueſcit torpedini cuidam non emittendi feces, & cum pertranſierint aliquot dies, neceſſe eſt vt magis augeatur ſiccitas earum, quàm multitudo, in comparatione ad repletionem inteſtinorum, & ideò ſequitur periculofa aſtriſſio: ſed cauſa quòd non frequenter accidat hoc, eſt vſus piſanæ & ouorum recentium, quæ leniunt ventrem, & clyſteria quæ molliunt. Et proprium eorum quæ educunt feces, eſt multitudo & pondus; hæc enim impellūt ipſas feces: nam à ſimilitudine difficile eſſet euacuare feces, quoniā ſi medicamentū eſſet ſubſtantiâ ſimile fecibus, & feces retinētur

314 *De facultatibus medicamentorum,*

ab intestinis ob consuetudinem. Ergo illud medicamentum non poterit irritare intestina ad expellendum feces, & idè oporteret vt esset perfectè simile fecibus exactis, & tunc esset valde abominabile, & forsitan quòd istud conuenit fecibus quorundam animalium, inter quæ numerant stercus muris, quo vtuntur in suppositoriis, & dicunt quòd euacuat potenter: non tamen inuenio qui dicat quòd debeat exhiberi per os, & maximè quia vix fieri potest, vt sit adèd abominabile, vt non perturbet ventriculum excitando vomitum, & corrumpendo ipsum, & idè tutior via videtur esse in mollientibus aluum cum modicâ astringitione & deterfione, quæ omnia cùm sint in betâ, videtur optima, sicut etiam vuz passæ pingues, & ficûs siccæ excorticatæ, sed vsus ficuum non esto nisi coctarum: vsus autem vuz passæ est bonus vtroque modo, scilicet coctæ & crudæ, sed debet ablui diligenter decies aquâ frigidâ, purgando eam ab omni immunditie; deinde debet infundi per tres horas saltem, & non plus quàm per nouem in aquâ frigidâ, quia sic redditur humidior & iucundior gustui, & non amittit vires, neque suauitatem. Et in vniuersum fidere oportet potius abstinentiæ & moderationi cibi, quàm medicamentis præparantibus, velut Oxymel scilliticum, & quæ incidunt, attenuant, aut purgant quouis modo excrementa, & his etiam plus quàm lenientibus, & lenientibus plus quàm purgantibus: & causa est, quoniam primùm homo hac confidentiâ transgreditur metas iustæ rationis viuendi, non solùm in cibis & potibus, sed etiam in Venere, somno, laboribus, aut otio; & nunquam adèd bene emendatur error, quàm bene admittitur. Optimum enim est non errare: pòst errare, & statim corrigere: pòst corrigere, sed non statim: pòst

pòst non corrigere, sed continere se: pessimum omnium est non corrigere, nec continere.

Omnia etiam medicamenta quæ aluum movent, debilitant iecur duabus causis, & persæpe tribus: primum quia illud priuant alimento proprio, & quod deterius est ordine: quoniam ex tenuibus intestinis trahit quod est vtile ad sanguinem bonum generandum, pro alimento spirituum & caloris naturalis: ex crassis autem, quod necessarium est ad sanguinem generandum, pro suâ & ventriculi substantiâ reparandâ. Si ergo homo educat ea quæ sunt in intestinis tenuibus, quæ sunt maxima pars intestinorum, necesse est vt per duos aut tres dies iecur destituatur alimento substantiæ suæ: neque enim omnia fiunt ex omnibus, vt existimauit Anaxagoras; sed ex determinato alimento, & parte alimenti cuncta, velut etiam cibi solidi, liquidi, solidioris & liquidioris. Id manifestum est ex his qui caseo vtuntur plurimo & fermè solo, in quibus augetur robur, vt etiam testatur Hippocrates, *secundo de Diatâ, & in libro de Veteri Medicinâ*, qui illum appellauit nutrimentum robustum, & ita minuit ingenium. Secundò quia fit motus contrarius motui naturali: nam medicamentum etiam leniens trahit à cauâ iecoris versùs intestina per venas mesaræi; iecoris autem munus ordinarium est, trahere ab intestinis ad cauam per illud idem [iter,] ideò sunt motûs contrarij. Et ob id quæ prouocant vrinam, sunt magis vtilia iecori, quàm quæ leniunt aluum aut purgant. Ob hanc causam neque debilitant ipsum, vt illa, imò iecur gaudet huiusmodi operatione, vt illâ tristatur, & facilè & statim cadit ex eâ in hydropem aut malum habitum, nisi commodum & necessitas faciat illud tolerabile. Quòd si medicamentum sit nimis calidum,

debilitat

debilitat etiam ipsum caliditate superfluâ, quæ est illi peculiariter inimica, sicut etiam siccitas: si frigidum, debilitatur venter non parum, cui frigidum est inimicum, quia exanguis; sicut etiam humidum, quod illud laxet. Quod si medicamentum expurget, & quanto violentius, præter hæc tria incommoda, alia tria adducit: nam primum educit aliquid de utili cum inutili, ut *sextâ aphorismorum*; unde rectè inquit Princeps *tertiâ primi*, *Doctr. 3. cap. 1. Omnis medicina purgans purgat & innueterat*. Secundum, quia perturbat corpus totum: & idè dicebat Galenus in *libro de sanguinis missione*, *cap. 12. Non est nostrum sistere medicamentum cum volumus, ut in venæsectione sanguinem*. Tertium quod est deterius omnibus, quia materiæ deducuntur à gibbâ iecoris ad cauam, per venas de quibus dubium est an committantur, adeò ut seu committantur, seu non, periculum sit præsentissimum generationis abscessûs in eo, vel corrumpendi ipsum ut putrescat, aut ut fiat obstructio insuperabilis, ex quâ febris diuturna, & nunquam habitura finem consequatur, aut saltem morbus regius, aut malus habitus, quem Græci *ῥαχιζία* vocant, ut alibi docuimus: neque in transmutatione ad pulmonem, cum tussis adest, uteris, nam periculum est ne tussis cesset: & si recesserit, putrescet materia, & febris accendetur, ut æger persæpe nullo ex morbo moriatur: velut contigit Vlyssi Gozadino Bononiensi Senatori. Idem dico de venæsectione, & alui lenitione ex cassiâ, sed hæc minora, nam sectio venæ eâ deterior est. Atque hæc de medicamentis expurgantibus seu lenientibus, propter morbos illos, qui sine eis sanari non possunt, & ut tempestiuè adhibeantur, memento dicta esse, ne pulchritudo rei, aut ambitio, vel avaritia ad fallendum concreditos fidei tuæ, te perdat & illos.

Reliquum .

Reliquum est vt doceamus quod sæpe attigimus, scilicet cibos liquidos vt lac, multitudine transire in medicamentum leniens aluum; sicut & medicamentum leniens purgare humorem aliquem. Idè multiplicatâ quantitate Brasauolus sua experimenta confirmabat: fiunt ergo tres ordines: liquida multitudine aluum molliunt, vt ius carnis; mollia leniunt, & lenientia etiam purgant, licèt medicamenta dici non possint. Id autem septem modis, aut si vim habeant aliquam purgandi, sed leuem acuta detegunt, vt cassia; vel si multitudine onerent, vel si calida colliquant; aut si materia in ventriculo aut intestinis contenta sit; vel si prope locum multa leuis calida; vel si iam parata sit expulsionì, vt qui talia exhibent, dum vagantur diarrhœæ aut dysentericæ. Demum cùm artificio attenuatum & exalefactum medicamentum transmutatur: quod etiam contingit ex compositione, vt si plurimum gingiberis addatur; tum etiam ex corruptione atque putredine.

C A P V T I V.

De medicamentis purgantibus propriè dictis.

SEd iam ad medicamenta purgantia reuertamur, doceamusque an quæ leniunt, omnes humores educere possint? Est autem quæstio admodum utilis & proposito congruës. Dicimus ex quocunque humore posse fortuitò partem educere, manere tamen maximè in coli fornicibus ac cauitatibus, humorem crudum densum, alium hæreere tunicis, vt melancholiam, etiam manere immobilem, & excrementa quædam ac recrementa, velut

velut leguminum cortices, quæ solùm paulatim educuntur: bilis quoque tenuis partes subterfugere euacuationem, vt longo tempore aut purgante medicamento opus sit. Antequam autẽ veniam ad singulorum medicamentorum enarrationem, illud explorare vtile fuerit, vt sciamus quid & quantum, vnumquodque medicamentorum possit: nam Galenus *cap. tertio, libri tertij de simpl. medicam.* vim hanc in substantiæ medicamento ac humoris similitudinem refert: & dicit quòd Cnicum est simile pituitæ: sed mirum est de hoc homine, qui aded prolixus est in reliquis, quæ nullius momenti sunt, ad fastidium non paruum vsque; hîc aded brevis, vt cùm dederit hoc vnum exemplum de pituitâ, cùm tot alia sint, quæ pituitam purgant, quæ alba non sunt, sed flaua, vt sagapenum, ammoniacum, opopanax: deinde alba quæ flauam bilem educunt; alia quæ nigram: tamen nescio quo vultu tam audacter & vno exemplo contentus protulerit, causam esse similitudinem in substantiâ, aded vt persuaferit hoc etiam aliis, quanquam Auerroës & Princeps in hoc dissentiant, tum Mesuë *cap. 27.* Verùm quod addit in superpurgatione semper leuiorem humorem sequi, intelligendum est, vbi medicamentum non euacuet duos humores, vnum post alium: velut polypodium quod post nigram bilem euacuat pituitam, & non flauam bilem. Cur ergo lac & cerasa non purgant pituitam, cùm sint candidiora cnico? Ideò dico quòd medicamenta euacuant, vt Aristoteles docet, quia amara & acria; & ideò si isti saporis sint in substantiâ simili pituitæ, vel densâ non terreâ, euacuant pituitam; si in vaporosâ & tenui, bilem; si in terreâ & crassâ, & acris sapor prædominetur, melancholiam: & ideò polypodium, epirhymum, helleborus, habent vim sub-

amaram

amaram & acrem, & euacuant bilem exustam, excepto polypodio quod acre cum sit, subamarum non est, & ideo euacuat solum melancholiam naturalem. Hanc ergo substantiæ similitudinem Galenus ex alio sumpsit, & non intellexit: nam vera est, quia terrea omnia quæ purgant, si acria sint, cum etiam sunt subamara, bilem propriè nigram, non sanguinis fecem educunt; & à magnitudine saporis, intelliges robur medicamenti; & à velocitate operationis in linguam, velocitatem & robur purgandi. Auerroës autem *quinto Collig. cap. 21*. præter hæc, tribuit facultatem hanc proprii humoris purgandi, non solum medicamentis, sed etiam à membro proprio: & dat exemplum de sagapeno, quod ab articulis trahit. Sed quia hoc potest fieri per coniunctionem medicamentorum purgantium & confirmantium membrum illud, ideo non tractabo de hoc, satis sit nouisse utrumque genus. Illud quoque animaduertendum, quod nullum medicamentum omnes humores simul trahit, nisi leniendo id agat, sed naturâ similiorem loco leuioris. Certum est enim quod si similitudine trahit, necesse est ut magis assimiletur uni ex reliquis quàm alteri; neque ergo tenuiorem semper. Quomodo ergo intelligendum, nisi ut referatur ad idem genus, bilem tenuiorem quàm crassam, & melancholiam tenuem ante crassam, & reliqua huiusmodi, non bilem ante melancholiam; sed ut tenue & crassum ad idem genus humoris referatur, non ad diuersa. Omne autem medicamentum imbecille permistione tenuium & calidorum medicamentorum ac dissecantium, velut gingiberis & salis ammoniaci euadit robustum: & robustum violento simile, non tamen verè violentum, neque ex imbecilli simile violento. Per separationem
autem

autem atque vstionem, non solum ex robusto efficitur violentum, sed etiam ex imbecilli. Eadem quoque ratio est de transitu inualidi ad validum: sed hoc est longè facilius, quàm permutatio ordinis dicta. Est etiam consideratione dignum, quòd medicamentorum vsus transmutatur quadrifariam, vel ratione modi, vt cùm damus helleborum album loco nigri, vt excitemus vomitum in morbo attonito, tum quia vomitus, vt actio, utilis est, tum quia per aluum adedò torpida natura nihil educeret. Securius per clysteria & glandes etiam in vtero, sed tantum non possunt, verum etiam tanto minùs agitant, & ita cùm sunt sensu aut facultate priuati, vt in infantibus, amentibus, attonitis, resolutis, syncope, animi deliquio, hystericeis, distentis, comitialibus, & conuulsis. Secundò cùm ex maiore morbo ad minorem consimilem, vt quæ profunt [MS. *possunt*] comitialibus, eadem & vertiginosis. Tertiò contrà, vt quæ resolutis, eadem attonitis. Quartò à consimilibus diuersis, velut medicamenta comitialium cùm adhibemus resolutis. Et iuuat etiam considerare formam, velut cùm volumus curare caput, damus catapotium vnum magnum ex Alephanginis, ante somnum, scilicet post cœnam. Medicamentum quoque purgans torrefactum, euadit astringens. Et similiter carnes fructuum maturorum, vt cotoneorum & malorum Medicorum sensim coquendo adiecta oleum emittunt, non enim putrescit.

In exhibendo ergo medicamenta valida atque robusta, vt est helleborus, memento non esse superdormiendum, ne humores agitati nec educti, priùs aliquid mali agant quàm euacuentur. Exhibitionem autem cibi statim, id est, ptisanæ, laudat Hippocrates, ad mitigandum illius & vim & noxam, vt sit quasi frænum.

num. In his quæ benigna sunt & inualida, somnus iuuat ad actionem, & est sine periculo : cibus tamen non est dandus, tum quia noxa nulla est emendanda, tum quia impediret actionem inualidi medicamenti: somnus enim adiuuat actionem, & impedit purgationem; cibus autem actionem debilitat, & purgationem non impedit, sed potius iuuat. Nunquam tamen si post primum somnum sponte exprorectus fuerit, superdormiendum; vigilia enim collectum humorem indicat.

Dicemus ergo singillatim de vnoquoque medicamento purgante iuxta ordinem suum, & electionem, & quantitatem, & modum, & si crassum aut tenuem humorem purget, & ex quo genere sit, si sit validum an inualidum; si turbet, aut non; si maleficum, aut salutare, aut neutrum: & quod maximè vtile est, præparandi rationem, & quibus etiam præcipuè, præter medicamenti rationem, conferat, seu morbis, seu membris; & si in temperamento excesserit, aut detrimenti aliquid insignis afferat, admo-nebo.



P A R S T E R T I A & V L T I M A.

De medicamentis purgantibus in specie.

C A P V T I.

Quæ purgando leniunt.

I. Cassia nigra.



ON eadem est ratio horum quæ sequentium; nam cum omnia quæ purgant, etiam educant feces, & aluum moueant, omnia sub hoc titulo comprehendendi possent; at magnum est discrimen horum ab aliis, similiter & vsûs. Nam hæc primùm aut molliunt feces, aut intestina vestiunt, aut comprimunt, aut detergunt, nec purgant per se, sed quia materiam eiusmodi inueniunt in itinere, scilicet in intestinis, aut etiam propè, illam trahere possunt, velut vnguentum rosaceum bilem flauam educit, si in mesaræi venis propè intestina fuerit, non tamen pituitam, multò minùs atram bilem: ita cum sint tria purgantia medicamenta, quæ aluum omnia deiiciunt, & quæ leniunt ventrem; hæc humores omnes qui in viâ sunt, educunt, & magis tamen vnum quàm alium, vt psyllij mucus bilem, non pituitam, de horum nullo
hîc

hic sermo est, sed de his quæ ex æquo leniunt & purgant, nec procul humores ducunt, sed certum humorem, & propè tantum: psyllij enim mucus, de quo minùs videtur, longiùs trahit bilem. Inter hæc igitur collocabimus, quæ humores educunt, sed non à iecore, talia enim purgant; nec solùm eos qui in viâ sunt, palàm enim est illa esse lenientia aluum simpliciter, sed quæ propè tantum, & certi generis: vocat id Dioscorides mouere aluum. Quæ igitur ex his bilem purgant, & non calefaciunt, omnia etiam si non propriè leniant, vt decem priora, optima sunt his qui sanguinem miserunt, cùm quasi animo destituuntur, aut morsum ventriculi sentiunt, aut turbatur venter, his enim solis, quoniam euacuatio alia præcessit, & motus ille non est spontaneus, idèd non est tutum violenter trahere, & tamen trahere oportet. Ex lenientibus ergo manifestum est, solùm tria prima conuenire, præcipuè autem primum & tertium. Huiusmodi est Cassia nigra, cuius vis est purgare omnes humores, sed magis lenit aluum, quàm vlla res nota. Gignit etiam flatûs, quibus inducit tormina, sed vt dictum est, eo magis mouet aluum. Datur succi eius semuncia, sed non purgata bene à cortice, dilutâque pondere vnciæ, si optima sit, qualis quæ rubra, ponderosa, tenui cortice, intus splendida, succosa, suavis ac dulcis, & aduehitur huiusmodi ex Oriente. Quæ verò ex Occidente affertur, levis, nigro & crasso cortice, intus rudis non suavis, licèt dulcis, non pinguis. Tormina tolluntur berberi frigidò, aut aniso, vel origano Orientali. Solet sumi ante cibum statim, aut certè non plusquàm per horam, pectus lenit, renes purgat. Affertur condita saccharo, dum viridis est, quæ purgat clementer, & est medicamen Principum. Mesuès nimis effusè illam laudat,

324 *De facultatibus medicamentorum,*

cùm articulis & ventriculo obfit, & iecur debilitet, an-
sàmque peccandi intemperatis præbeat. Nec scio qui-
bus profit, præterquam gulonibus, biliosis, & nonnul-
lis ad lapidem renum paratis: bona est pueris, non vt
præstans medicamentum, sed quòd libenter deuorent
ob dulcedinem, spontè enim lingunt eam, imò clan-
culum surreptam. Sed & quidam eo tædio gaudent, vt
apice gladij parui eam paulatim fugant. Et est medica-
mentum purgans pus è ventriculo, & ad duritiem
eius; & confert etiam iecoris obstructionibus, maximè
cum lacte camelarum. Et confert tertianæ nothæ in
fine & in principio etiam, & phlegmoni renum, &
lapidi multipliciter.

2. *Mercurialis.*

Proxima huic, & minùs inimica ventriculo est
Mercurialis: cuius semen cùm aromaticum quid sa-
piat, si incocta iuri edatur, iusque bibatur, lenit al-
uum, purgâtque bilem & pituitam crassam, sed non
procul. Idem quoque faciunt furculi cynocrambæ; succi
eius libra media, imò vnciæ quatuor purgant eosdem
humores. Eius tamen est vna species, quæ acerbissimos
mouet dolores, eamque omnino cauere oportet. Calida
est & sicca in primo ordine, & tenuium partium; ma-
ximè conuenit pueris & senibus, ac imbecilibus; im-
perturbatè enim aluum mouet siquid aliud. Est ex eâ
masculus semine geminato, foemina multiplici. Ad-
hibetur etiam in encimatibus purgandi causâ: quæcun-
que enim purgant epota, etiam in clysteres indita idem
faciunt, non tamen conuersâ ratione [MS. *conuersatio-*
ne;] Coriandra enim saccharo obducta aluum leniunt
supposita quia irritant, non tamen deuorata idem
agunt.

agunt. Eadem ergo ducunt epota medicamenta per aluum, & per vomitum, & clysteribus indita, & per nares attracta, vel etiam commansa, aut imposita sumini, aut arteriis illita; de quorum causâ, si eam Galenus nouisset, longas scripsisset Iliadas.

3. Vnguentum rosaceum.

Et hoc lenit efficaciter, & non longiùs trahit bilem: propterea purum eligi debet. Eius descriptio habetur apud Dioscoridem *lib. 1. cap. 39*. Recipit autem præter rosas, etiam iunci odorati non paruam quantitatem. Confert dysentericis, siccât vlcera, lenit & purgat bilem: sed tamen ex oleo omphacino constare velim, aut clysteri immitti; ytroque autem scilicet oleo & rosâ aluum lenit; altero solùm, nec integrè quidem purgat: peculiarem habet vim ad dolores capitis leuandos: temperatius est quod absque iunco fit. Hucusque mitia, inter quæ etiam quod subiungitur, adnumerari potest.

4. Polium montanum.

Calidum est in secundo ordine, siccum in tertio, tenuiùmq; partium, & ob id vrinas ac menses mouet, & lapides atterit, strenuùmq; est auxilium ad vlcera praua sananda: quod cùm ita sit, singulare erit ad interiora, velut in phthoë laborantibus: aluum quoque purgat ex æquo, ac lenit, nec vllam noxam habet; nam & obstructions aperit, & lac multiplicat, & ipsum melius reddit, & veneno viperæ aduersatur. Incidit præterea & flatûs discutit. Et apud nos bonum inuenitur. Eligi debet, ex generali regulâ à Galeno datâ, *primo de Antidotis, cap. 12*. in omnibus odoratis quod est odoratissimum eius generis. Confert lapidi renum.

5. *Caphura.*

Sicca est in tertio ordine, & calida in initio primi ordinis, verum adeò digerit humores calidos, vt refrigerare videatur, præsertim iuncta frigidis, quorum vim ac substantiam in profundum deducit. Odor & sapor (omitto modò quòd facile ardeat) ostendunt eam esse calidam: sed quanquam siccissima sit, siccitatem illius tenuitas substantiæ superat: à drachmâ ad duas lenit aluum & purgat, libidinis incendia, siquid aliud, tollit. Idè etiam gonorrhœam patientibus, ac fermè solùm utilis: nocet tamen ventriculo, & iecori, & cerebro: idè medicamen alterius ordinis est.

6. *Ammoniacum.*

Purgat maximè pituitam, & lenit aluum. Calidum est & siccum in secundo ordine, sed ob substantiæ densitatem vehementiùs calefacere videtur. Prodest nervoso generi crudis humoribus infarcto, nihilominus nocet ventriculo, sed etiam magis iecori, cum quo nullâ familiaritate iungitur. Quantitas est drachmarum duarum.

7. *Rosmarinus.*

Huius pars inferior radice, quemadmodum & apios seu agrioraphani, per inferna ducit, non tamen est tutum; neque enim vllum medicamentum quod vomitum cieat, amicum ventriculo dici potest. Cùm verò sit odoratum ex hoc genere, aliis medicamentis quæ purgant, meritò adiici debet: adiuuat enim
purga

purgationem ipsam similitudine facultatis, tum etiam leniendo: & cum odoratum sit, detrimentum aliorum medicamentorum tollit. Dantur drachmæ duæ, vel decocti ex quatuor drachmis vnciæ sex: calefacit & siccat ultra primum ordinem.

8. Filix.

Proxima temperamento, aperit obstructions strenuè, educitque menses: surculi eius cocti, & cum iure ipso sumpti aluum leniunt, purgant humores etiam mediocriter crassos: seminis eius ignota est ob paucitatem facultas; neque enim dubium est effundere semen, quod ego habeo subrubrum & fuscum, valde exiguum, non exactè rotundum, quamvis antiqui flore & semine hanc plantam carere existimauerint.

9. Chamæpitys.

Non adulteratur, ut reliqua quæ superius commemorauimus, neque enim pretiosa est: unde necesse est deterius consultum diuitibus quàm pauperibus; siquidem pretiosis, & soli, & maximè vtuntur medicamentis diuites. Assimilatur temperamento & facultatibus omnino polio, ut in illius penuriâ, hac uti possimus. Plus hæc prodest morbo arquato quàm polium, aded ut referant oues marcidas & tabefactas, usu huius herbæ sanari atque impinguari: quamquam hoc argumentum ad coniecturam pertineat, non tamen ostendit ita fore ad vnguem. Peculiariter educit pituitam. Amarior est polio, & ob id, & quia non bene olet, ventriculo & iecori minùs amica. Confer renum lapidi.

10. Sambuci & ebuli cortices medij.

Horum cortices medij aluum mouent, & leniunt purgántque, sed nullum tamen proprium humorem. Dantur pondere dimidiæ drachmæ, parum amici sunt iecori hi, sed ventriculo minùs; sunt enim odiosi, ac lignei, & violenti, ideò nonnisi præcipuâ cum vtilitate exhibendi.

C A P V T . II.

Quæ bilem flauam ducunt.

II. Manna.

HÆc vocatur ros Syriacus, quoniam ibidem primò inuenta est ab Hebræis. Dicebatur autem manhu, id est, quid est hoc? admirantibus illis: vnde dicta postmodum manna, duplici(n) apud nos. Galenus *tertio de Alimentis, cap. de Melle*, refert plurimam colligi in Libano monte qui Syriæ est, sed non agnouit quòd purgaret aut leniret. Vocatur autem hæc ab Arabibus Tereniabin, apud nos Orientalis, cuius in Officinis penuria est apud nos. Nam tres illius sunt species: Hafer, quæ est Indica, vt saccharum candidum splendida, & dura, & ideò vocatur saccharum hafer seu alhafer, & alio nomine Siracost, & est optima & nobilissima. Ignobilis Italica, quam vocamus Calabrensem, cuius adeò magna copia est, vt toti Europæ satisficiat. Media, vt dixi, Tereniabin, quam pro Siracost substituere licet, sicut Tereniabin Calabrensem: at Calabrensem pro Siracost substituere vix licet.

Conue

Continent omnia mannæ genera in nouem conditionibus: omnia enim primùm generantur ex rore congelato frigore noctis; vnde etiam omnia à calore facillimè dissoluantur, & præcipuè humido, aded vt liquefcant: propterea tenue est humidum & terreum, vt salis; non pingue, vt adipis & ceræ, quod ab igne dissoluitur, & crassum remanet: manna autem liquefcit in aquæ substantiam. Substantia verò omnium est tenax, alba, splendoris quippiam continens, & subrufa, nec expers viroris, & pinguis. Conueniunt etiam omnes species in suauitate & dulcedine, omnis alterius saporis, tum odoris expertes. Quartò quòd omnes calidæ sunt in primo ordine & humidæ, sed diuerso ordine, aliæ enim in primo, aliæ in secundo. Euacuant etiam bilem, & sine molestiâ vllâ, & ob id sunt medicamentum Principum & delicorum, & puerorum, & maximè infantium, & senum, & debiliū, & conualescentium propriè, conferuntque omnes iecori & ventriculo; & est earum proprietas conferre conuulsioni præcipuè puerorum, & ided educunt etiam pituitam sed tenuem, & è iecore propriè, sed cum lacte camelarum, & è cerebro ac neruis: per se etiam, & sui similitudine ac substantiâ illi conueniunt. Exhibentur vel cum iure pulli, cum simpliciter euacuare bilem voluerimus: cum verò humores frigidos è iecore, & aquam in ascite (plurimùm enim conueniunt ei morbo,) dissoluere eas expedit cum lacte camelarum, vel decocto cardamomi, vel mytobalanorum emblicarum, ac Chebularum, ac citrinarum. Valent etiam plurimùm suppurationi factæ in ventriculo, quoniam pus & saniem educunt absque molestiâ, & maximè Siracost, & præcipuè cum cassiâ nigrâ, est enim vltimum. Differunt multum inter se: nam Siracost ob duritiem substantiæ

330 *De facultatibus medicamentorum,*

maximè confert iecori, inde ventriculo, minúsque purgat: Tereniabin autem vt plus purgat, ita minús confert ventriculo & iecori: & eâ etiam ipsâ minús Italica, est enim minús cóncreta, tenuis, atque concocta, & ob id etiam magis purgat, si optima sit. Tereniabin autem inuenitur etiam multa in Africâ, & idè in Occidente, non solùm in Oriente, melior Italicâ, non tamen adeò bona vt Orientalis. Italica tria sunt genera: quæ colligitur è frondibus: & est virescens splendida, cuius dimidium vnciæ purgat egregiè sine molestiâ, & est optima & suauissima: post quam est illa quæ colligitur super truncis arborum, nitida, sed non adeò suavis, neque potens, nec perspicua: declaratum est enim à nobis, quòd viridis color est magis perspicuus albo & flauo: tertia est quæ colligitur in terrâ, praua, sordida, impura. Sunt etiam duo alia genera, sed quæ adnumerari his non debent: Gossypina, & est Orientalis cùm inueterascit; in mucum enim copiosum gossypio similem transit: alia est adulterina, conficitur ex saccharo diatragacantho, & scammonio, quæ pessima est. Harum igitur nullus est vsus. Dignoscitur bona suauitate & splendore cum perspicuitate: senescit intra triennium, sed multo antè si non diligentissimè seruetur. Italica (nam de hac sermo in posterum erit) seruari ergo debet in pyxide vitreâ, vel argenteâ, vel aureâ, puris & oblitis oleo glandis vnguentariæ, & sic omnino vt aër prorsus arceatur, & in cellâ vinariâ, vel loco humidissimo. Modus exhibendi est, vt dissoluatur in iure, vel decocto calido, & quicquid supernatat pingue, fœtidum, spumosumve cochleari argenteo detrahatur; deinde quod clarum est effundatur; quod subsidet in imo, seu fœdum, seu turbidum, seu corpulentum abiiciatur, idque

ter aut quater fiat, donec ut aqua, perspicua euadat, vel ut ius pulli, inde bibatur. Quantitas est ab vnciâ mediâ vsque ad vnciam vnam: verum si non sit frondis, accipere oportet vnciam cum dimidiâ, ut sic expurgatâ proximâ integra quantitas relinquatur. In eâ quæ communis est, quædam similia cicerum corticibus inueniuntur, adeo ut si substantiam eius sumat, ventriculus maximè lædatur, ac multò magis quàm ex cassiâ, tamarindis, atque huiusmodi, adeo ut dum hoc nescirem, aliàs deceptus, frustra in perpetuū ab eâ abstinere decreuissem. Sic autem sumpta, & non commansa, innoxia est. Plus ergo sumere non expedit: nam si bona est, frustra; mala autem etsi euacuet, etiam nocet. Vnde antiqua cum plurimum habeat pinguis terrei, obest ventriculo, quoniam plurimum assumere necesse est. Fastidit etiam ventriculus recens ob nimiam dulcedinem & pinguedinem; propterea ita temperanda est, ut suauissima sit: id faciemus, si debitæ quantitati iuris sensim mannam addiderimus, & ubi decrescente iure minùs dulcis euadat potus, iuris aliquid addemus. Detrahitur ex mannâ per destillationem aqua, mel, saccharum, quod vice sacchari hasce fungitur, nec quicquam illi similis, tum etiam oleum, idemque fit ex melle, sed partes non purgant. Lenit ventrem non solum communi ratione illâ, quod omnia quæ purgant, etiam ventrem leniunt; sed peculiari, quod abundè humida sit, & modicè calida, ut etiam de ozimo dictum est. Mansa quoque, & pro eclegmate in ore detenta, lenit, siquid aliud, pectus: & in aquâ maluæ dissoluta, multam è cerebro trahit pituitam, leuatque sincipitis dolores. Cumque tam benigna sit, in aliquibus corporibus est venenum, scilicet ob tenuitatem proprietatèque cœli. Meminit eius Theophrastus

phrastus *tertio de Historia plantarum, c. 9.* sed non ut medicamenti: & in summâ non est medicamentum simile huic in purgando, & leniendo absque fastidio, nisi sit casu, veluti cum vrimur Pramniis vis siccis, aut similibus cum pane solo, & bibimus aquam per multos dies; efficere enim solet diarrhœam lenem, cum quâ corpus purgatur & roboratur, quasi sit spontanea. Ut redeam ad rem, medicamentum est februum, in initio, & præcipuè tertianæ: & si non ducit, additis granis sex scammonij cum tantundem eaphuræ: & conuenit variolis & morbillis, sed magis in fine. Porro de causis horum & aliis dictum est alibi, scilicet in *libr. de Alimento, Comment. 49.*

12. Tamarindi.

Secundus his locus meritò debetur: nam præter id quod bilem & ipsi flauam ducunt, etiam sistunt illius feruorem, sunt enim frigidi valde, & iuxta initium terrij ordinis, & siccant non parum, idè non leniunt aluum, nisi forsan astringendo: sunt etiam suaues gustu. Putant esse genus dactylorum: Tamar enim Arabicâ linguâ dactylum significat. Sed non est, quinimò potius est genus pro specie positum, ob similitudinem suauitatis, non fructûs; tum quia nihil prohiberet, quin ex acerbis Africæ dactylis simile medicamentum fieret; tum quod grana illius nucleo dactylorum non sunt similia: quinimò referunt esse fructum racemosum acidi saporis; sunt & astringentis ac salsi, neque enim aliter seruari possent quàm sale conditi: ob id cum exhibentur, prius aquâ calidâ abluendi sunt, aut frigidæ infundendi ac permutandi. Optimi sunt splendidi, & subnigri, recentes, pingues, teneri, subdulces, cum villis

villis tenuibus. Cùm dantur, medullam cribro exprimere oportet: quantitas ab vnciâ ad duas. Saccharum reddit suauiores ventriculo, commodiores, vt aluum leniant validiores. Si coquantur in iure, quod commune est omnibus leuiter purgantibus, & edantur, & ius bibatur, magis purgant, & minùs lædunt, sed minùs etiam refrigerant & æstum tollunt. Mites sunt, & omnino tuti: & sunt medicamentum nausæ, & variolarum & morbillorum, & febrium acutarum ab initio: & si non sufficiunt, cum scammonio.

13. *Violæ purpureæ.*

Hæc planta humilis est, & planè herba, cuius etiam folia aluum leniunt, & pectori conferunt; sicut & flos tenuis & parum efficax, sed odoratus: & somnum conciliat tam odore ipso, quàm etiam sumptus pro medicamento, velut & nymphæa, non vt bacchara quæ solum odore. *Violæ* autem albæ radix & ipsa quid habet præstans, cùm vicem subire balsami existimetur: verùm non est præsentis instituti de eâ tractare. *Viola* autem hæc refrigerat & humectat ordine priuo, apud illos qui talia in ordinem reducere posse confidunt. Purgant bilem flauam, & est mite medicamentum, sed & sicca idem potest, tum verò amara est; ventriculum labefactat, ideóque saccharo condita melior est. Habet vim stuporem inducendi. Decocti quâtitas vnciæ sex; succi drachmæ totidem; syrupi vnciæ tres; conditi verò vna. Cerebrum odore suo recreat. Conuenit syrupus eius ab initio ad purgandum in tertianis & ardentibus febribus. Est enim regula Principis, à *minori ad maius*: generaliter autem in omnium febrium principio: & si non sufficit, additur scammonium cum caphurâ.

14. Pruna.

Quæ ex his dulcia sunt & acida, præsertim Damascena & Armena, à formâ potiùs quàm à regione sic appellata, vim habent purgandi bilem, & vt dixi, leniendi aluum, sùntque inícia, sed ventriculo parum amica, & minùs quàm tamarindi. Ideò ex decocto dantur vnciæ octo, atque simul fit ex catnibus eorum electuarium, quod vocant. conseruam seu conditum, quod aluum lenit, & purgat bilem: atque hoc ipso præstant pruna tamarindis. Recentia meliora sunt siccis, nisi quòd & ipsa febres excitare possunt: contrà recentia longè magis aluum leniunt, & sunt salubriora. Referunt Armenos perforare truncum arboris duobus aut tribus in locis, & immisso scammonio reddere fructûs ad purgandum non mediocriter efficaces. Optima ex his sunt, quæ myrobalana vocantur, magnitudine eximiâ, dulcedine non paruâ, odore iucundo, ventriculo non insalubria: pòst oblonga, valde dulcia, matura, pinguis, odorata, & magna. Conueniunt ad purgandum in initio tertianæ puræ.

15. Myrobalani citrinæ.

Et ipsæ leniunt aluum constringendo, & bilem flauam purgant, ac magis prunis, & non sunt inimicæ ventriculo, multum obsunt tamen, licet astringant, quia lignosæ, nec odoratæ. Mesuës nimis, profusc eas laudat, forsan tunc non adeò lignosâ erat earum substantia, cùm essent recentiores: optimæ enim sunt carnosæ, recentes, colore citri immaturi. Contritas iuuat cum similibus sui generis oleo amygdalino recenti perfundere, misceréque in Sole, ac in vmbra postmodum

dùm siccare, idque sæpius repetere, donec formam mellis acquisierint; pòst cum aquâ in quâ saccharum dilutum sit, rursus perfundere, ac in umbrâ siccare, atque repetere, donec dulcescant: nam harum vsus salubrior est, & magis purgant. Sunt qui myrobalanos scribant, malè cùm sit glans vnguentaria, at huiusmodi fructibus nihil est cum vnguento; *μύρεν* enim Græcè, Latine pigmentum seu vnguentum dicitur: quamobrem malè faciunt qui nomen alterius rei, scilicet glandis vnguentariæ eis imponunt.

16. Myxa.

Sebesten vocant Arabes fructum similem pruno, sed minorem, & minùs carnosum; humilior est & planta pruni arbore: cognita Græcis post Oribasium: & producit viscum, & est ventriculo amìcior prunis, propinquiórque temperamento illis, adèd vt possit inter medicamenta temperata numerari, educit & ipse bilem. Carnium eorum substantia ex sesquinciâ, aut succi drachmæ sex leniunt ventrem & purgant, velut cassia nigra. Confert pectori atque pulmone, & anhelosis. Et viginti quatuor ex illis iuri incocta absque ossibus, & comesta, & epoto iure aluum mouent, minùs tamen quàm cassia, & minoribus cum torminibus: mitia sunt. Iuuant in tertianâ nothâ, præcipuè in fine.

17. Rosarum succus.

Rosa est frigida in primo ordine, sicca in secundo, multisque ex partibus constat, manifestis, tum occultis. Floris folia, semen, capillamenta, calyx, & foliorum partes angustæ, candidæ. In singulis rursus partibus

bus aquea leuiter odorata, & terrea copiosior sed tenuis & bene concocta, aërea subdulcis, hæ duæ partes mediocriter odoratæ sunt, ignea verò odoratissima, ex quâ etiam robur & amaritudo. Earum etiam species plures sunt, candidæ, rubræ, & ex albo rubræ, luteæ, pallentis lutei oui instar, quas noui; nonnullæ Centifoliæ vocatæ, ob multitudinem foliorum, aliæ paucorum, aliæ quinque foliis contentæ; agrestes, domesticæ; odoratæ, inodoræ; tenaci & quasi perpetuo folio, aliæ caducæ; præterea caninæ, quæ Cynorrhoda ob id vocantur. Sunt pingues aliæ, aliæ euanidæ & tabescentes. Dignoscuntur odoratiores scabritie corticis, nec copiâ maximâ foliorum, nec paucitate despectæ, nec magnitudine, nec paruitate insigni, non luteæ, nec rubræ, nec albæ, sed mistæ, tanquam dona iustè distribuente naturâ. Verùm nulla est planta Medicinæ utilior: flos ipse in acetariis bilem euacuat, aliuumque subducit, ut sæpius sum in meipso, dum iuuenis essem, expertus. Succus purgat validiùs, & bilem ipsam detergit. At flores adhuc inclusi calyce siccati astringunt, roborant, refrigerant, præcipuè candidi. Pilorum qui in calyce sunt, & seminis vis maior astringendi, siccandi, & tamen quia odore carent, minùs amica naturæ sunt. Existimât Mesuës in vnoquoque genere præferri debere puras iuxta genus illud, utpote ad astringendum rubras, ad refrigerandum albas, ad purgandum mistas, denique paucioribus foliis ac leuibus: albas tamen putat magis astringere, quòd sint frigidiores; ego minùs, quòd humidiores. Fit mel rosaceum, saccharum, ac syrupus: vnumquodque sæpius infundendo, & cum rore, ut purget, & paucioribus mutationibus, ac sine rore ut astringat. Præterea aqua, oleum, vnguentum, pastilli, thymianata, electuaria penè innumera,

innumera, vt iam sint quindecim. Fit & acetum, & vinum, quamuis tantò paucioribus vinum placeat, quantò pluribus acetum. Condiuntur & rosæ saccharo, res rarà gratiâ, vt etiam paucis nota; Neapoli tamen aduehitur, sæpèque degustauit. Succus quantitas, vnciæ duæ; foliorum, totidem drachmæ, nec est excessus. Siccantur in furno, nec amittunt odorem, & inter lintea munda, recentia folia seruantur non inodora. Purgant tamen rosæ, & succus, non solùm bilem, sed & aquam, quod & Syluius animaduertit. Porro si vires & vsûs rosarum peculiare referre velim, longè maiorem librum quàm de centaureæ viribus Galenus, aut bētonicæ, Antonius Musa, brassicæ Cato, iure merito conficere possim. Sed sufficiat meminisse olei, quod omnibus conuenit morbis: nam quantum rosa est frigida & sicca, tantùm oleum est calidum & humidum, si ~~esse~~ e medicamentum temperatum, admodum concoquens, digerens, astringens, repellens, leniens dolorem. Habet & rosa quippiam peculiare ad stuporem inducendum, aqua scilicet. Confert autem tota rosa maximè cerebro & cordi, quod magnum est; pòst iecori & pulmonibus; minùs ventriculo, & intestinis; minimùm [MS. *nimiùm*] & tamen aliquid renibus & vesicæ. Exteriùs autem pænè æqualiter omnibus, & etiam articulis & carnibus magis quàm neruis. Incoctæ vino rubro astringenti atque potenti placentæ, vnde detracta est aqua, sanant assiduo foru non calido sed temperato podagras; quibus malè oleum applicatur. Sed iam ipsa iucunditas rei me extra id quod proposueram, rapiebat. Ad rem redeo. Ex rosis conficitur Algeleniabin, maximè cum saccharo, modò cum rore; quod purgat etiam pituitam crassam, quæ tamen obuia est, lenit;

Y uilis

338 *De facultatibus medicamentorum,*

vtilis est ad purgandum ventriculum prægnantium;
 • in principio etiam tertianæ non puræ aqua algelenia-
 bin : & est vt capias, aquæ feruentis libras decem,
 foliorum rosarum mundatorum, libras quatuor. Infun-
 de per noctem & diem , tegendo vas ; inde exprime
 optimè, & adde sacchari libras decem aquæ : & sit ge-
 leniabin, & cum priori aquâ similiter factâ purgat.

18. *Lupus salictarius.*

Multorum est generum, sed eum intelligo qui ascen-
 dens super arbores, trunco aspero, itidem & foliis quo-
 que, flore obscuro , quasi vaginulis amplis semine re-
 fertur, & tumentibus ob insitum aërem. Hic abundat
 vbique, nascitur enim in sepibus : & ex hoc totus Se-
 ptentrio conficit suum zythum seu halam. Est autem
 flos cum semine saporis amari non obscure , odoris
 grauis. Trunci , surculi , & germina vere manduntur.
 Refrigerat in primo ordine, & est proximus temperato
 [MS. *temperamento*] in humido & sicco. Sed sicci flores,
 & semina minore quantitate purgant bilem flauam,
 & maximè cum saccharo rubro , leniendo ventrem.
 Est autem saccharum rubrum, aliud quod solidum ad-
 uehitur ex Insulâ B. Thomæ , quæ est sub æquinoctij
 circulo, molle , minùs dulce , & quod faciliè liquefcit,
 ad multos vsûs commodum : aliud quod Officinæ
 conficiunt ex omni sorde, vt superiùs dixi, ad enemata
 solùm aptum , neque enim ingenuus vir ipsum degu-
 stare possit. Ideò debent qui seruiunt ægro , solidum
 accipere, puluerem Officinis relinquere, vel ad clyste-
 ria, vt dixi, vel ad externa [MS. *extrema*] medicamenta
 conficienda. Est ergo flos lupuli siccus, temperatus in
 calore : & siccus ventriculo parum vtilis, purgat ta-
 men

men sanguinem, ideò est è genere mediocrium medicamentorum, velut rosæ succus, non vt reliqua quæ antea dixi. Præterea aperit lupus, detergit, digerit, vrinas prouocat, concoquit, & resoluit, ob idque febribus plurimùm confert, mutud enim hæc se inferunt ac consequuntur.

19. Psyllium.

Eius mucus refrigerat & humectat, sitim extinguit, purgat bilem flauam & temperat, vestit suâ substantiâ intestina, & ardorem lenit, & aluum, lubrica reddendo intestina, mollit ac purgat. Est in secundo ordine refrigerantium & humectantium, quoniam nulum frigidum humectat magis, quàm ex secundo ordine. Thoraci quoque æstuantî vtile, & ipsum leniens, raro experimento quòd frigida leniant pectus, sed multò tamen plus quàm violæ. Cum aceto agitur phlegmonas, erysipelata, & herpetas, calidosque tumores reprimat. Substantia illius calida est in secundo ordine, ac sicca adeò vt commodè edi possit. Vnde Mesuës inter adurentia collocauerit, causam erroris non intelligo. Mucus eius est medicamentum sanguinis reiecti à pectore & pulmone: & propriè conuenit calidæ intemperiei iecoris: & est medicamentum hæcticorum. Vesicæ quoque scabiei, & vrigini vrinæ, & ad partum facilem efficiendum. Sed si solum lenire, non purgare volumus, vtimur mucò althææ seminis, maluæ, cotoneorum, seminis prassij, seminis lini: pleraque enim semina mucum emittunt.

20. Tragoriganum.

Proximum est gustu pulegio, & bene odoratum,

Y 2

aperit

340 *De facultatibus medicamentorum,*

aperit ora venarum, salubre ventriculo, pectori amicum, crassos humores incidit, bilem purgat, mite & bonum, calidum tamen & siccum non parum: eiusmodi etiam calida & sicca profunt venenis viperarum, & flatûs discutunt.

21. Nasturtij semen.

Innoxium est & ipsum, & creditur pondere drachmarum duarum solam purgare bilem, liquat tamen pituitam, & fundit eam; incidit præterea, est enim acre non parum, & detergit, amicum visceribus, hoc enim nomine intelligi volo omnia membra naturalia. Calidum est in principio tertij ordinis. Sed iam ad violentiora transeamus,

22. Thlaspi.

Notum est semen: violenter purgat bilem crassam: excitatque vomitum etiam; & ob id iuncturarum morbis omnibus, quoniam ad eas humor bile ipsâ pro vehiculo iunctâ confluit, commendatur à Dioscoride & Galeno: ex Cappadociâ optimum est. Educit etiam sanguinem. Quantitas drachmâ vna odoratis mista: eius loco semen hypericônis probatur. Est exiguum, nigrum. Probatur generali regulâ recens, & nitidum, gustu acre. Est proprium eius frangere abscessûs internos, & coxendicis dolori auxiliari. Sed vitandum prægnantibus. Quæcunque autem ab articulis ducunt, eadem etiam à nervis trahunt; & vicissim quæ à nervis trahunt, educunt ab articulis.

23. Nucum

23. Nucum iuli.

Manardus refert purgare bilem. Cùm verò tot melioribus liceat eam purgare, non est vt eis vtamur, nisi vel cùm ruri fuerimus, vel cùm sistere volumus menses. Calidi sunt in primo ordine, sicci in tertio, acrémq; quandam simul atque astringentem habent vim in tenui substantiâ: astringens vis ad venas penetrat, imbecilla cùm sit, non potest cohibere feces. Acris enim [vis] substantiæ crassæ nonnunquam iungitur, vt in pipere; velut in rosâ astringens tenui, quamuis ordine rerum, contrario modo res se habeat: ludit natura in huiusmodi eleganti vicissitudine. In dysenteriâ non incommodi vt reor, sed neque ventriculo, neque iccori multis rationibus possunt esse salubres.

24. Lychnis agrestis.

Huius semen referunt drachmarum duarum pondere multam bilem purgare. Calida est & sicca in fine secundi ordinis, & scorpionibus maximè aduersatur, non solùm veneno interdicens, sed eos occidens.

25. Cassutha.

Innascitur hæc herba aliis, velut Epithymus & Epithymbre; cuius succus pondere vnciarum duarum, bilem purgat, & crassam etiam, liberatque à regio morbo, & est è robustorum genere. Ventriculum tamen lædit; ob id saccharo iungitur, quoniam ipsum adiuuat ad pellendas fæces, vt minùs laboriosum sit naturæ propellere noxium humorem, & ventriculū iuuat.

Y 3

Calida

342 *De facultatibus medicamentorum,*

Calida est in primo, sicca in secundo, & aperit obstructions iecoris. Confert febribus antiquis, propriè infantium. Conuenit maximè cum apio, & est è genere capillarium. Scire autem oportet, omnes herbas quæ aliis innascuntur, purgare, cùmque humorem atque naturam inducere, quam habet planta cui innascitur, vt si cassutha endiuia innata fuerit, refrigerabit, & iecori plurimum conferet: & si lathyridi, purgabit vehementer, & erit venenosa. Ipsa verò per se tot modis confert iecori, vt ei amica censeatur. Vidi enim aliquos ex huius succo, à magnis morbis eius liberatos, tam frigidis quàm calidis: binæ vnciæ iniure pulli coquuntur, bibunturque sex vnciæ iuris cum semunciâ sacchari de Maderâ: nam hoc est purius rubro, Candidum autem vitiosum, & astringit, quòd cum alumine conficiatur.

26. *Thapsia.*

Cortex radice huius, pondere drachmarum duarum bilem educit: succi autem drachma; liquoris verò grana duodecim, purgant bilem, & maximè crassam & vitellinam, eò vsque vt etiam nigram. Liqueor fluit incisâ plantæ parte dum viuit; lachryma, quæ non incisâ sponte fluit; succus, qui ex contusâ educitur, vt iam eruta sit ac pænè mortua. Vbi igitur lachryma est, nil vehementius aut melius: inde liquor, sed impurior etiam, non solùm imbecillior: qui tamen est huius plantæ, vrit & excoriat. Succus autem omnibus infirmior est.

27. *Pycnocomon.*

Eius radix bilem flauam purgat: semen verò fertur
terribilia

terribilia somnia ostendere: ob id 'quanquam nostrâ ætate ignotum, placuit ipsum hîc adnumerare. Inquit Dioscorides: *Radix ut malum rotundum, paruum, odore terra, nigra seu pallida, trunco quadrato, folio erica asperiore & crassiore, flore ozimi, semine marrubij, nascitur saxosis locis.*

28. Scammonium.

Liquor est radicis plantæ lac ferentis, adhærentis-
que aliis velut lupus, & tam flores eius quàm radix,
nequid decisset ad prauitatem significandam, grauis
sunt odoris & iniucundi. Propterea vehementissi-
mum est, violentissimum, & naturæ humanæ inimi-
cissimum. Probatur clarum, spongiosum, leue, glutino
boiûm fermè simile, nec mali odoris, sed proprij non
iucundi, quod linguâ tactum lactescat, manibus tracta-
tum in puluerem soluatur: Orientale, maximè ex An-
tiochiâ optimum; pessimum ex Africâ. Quod quan-
quam per se bilem solùm educat, & præsertim fla-
uam, tamen omnia alia medicamenta dirigit, acuit, ac
roborat, aded vt iunctum medicamenti pituitam pur-
gantibus, pituitam purget præstantissimè, ac si nihil
aliud, sed solum illum humorem educere natum foret;
idémque de melancholiâ. Imperator hoc medica-
mentorûm dici meretur, neque scio medicamentum
nostris in regionibus vllum, quod humorem vt debet
purget. Scammonium autem efficit, vt illa facilè, ce-
lèriter, & multa, ac procul educant, attenuando etiam
& colliquando humores. Quantitas eius est grano-
rum sex, etenim supponimus optimum esse, nam ma-
iorem quantitatem exhibere cogimur, cùm prauum
fuerit & antiquum. Multis modis corrigitur, primùm

344 *De facultatibus medicamentorum,*

in compositis, hinc inter faciles modos optimus, inter optimos facillimus. Optimus autem simpliciter est, vt per circulationem impositum in aquam ardentē trium coctionum, & sex mensium spatio circumactum ac defæcatum: eodem enim tempore primū vitalis fit infans, vt vult Hippocrates. Cū enim in omnibus mistis propria quædam sit vis ab animâ illius fabricata, quæ dum anima recedit, sopitur, & potestatem solū retinet; eadem separatur assiduâ diuisione partium per ignem factâ, ab elementis; (seu sit diuina vis atque cœlestis, vt Mesuës existimat, seu ex mensurâ elementorum, vt Auerroës, seu ex utrâque mista, vt Princeps:) & traducta in aquam illam, per similitudinem impressionis formæ, non absimilis figuris in artificiis ex sigillis factis, opus perficit quàm celerrimè & potenter, ob substantiam calidissimam, tenuissimam, & naturæ principalium mēbrorum maximè amicam, vnde sine noxâ prorsus cerebri, ventriculi, cordis, & iecoris, quibus vehementissimè aduersatur, educit. Terlius est Hippocratis, vt aromatibus condidatur, verū non vnum sit; sufficiebat Hippocrati mitiora tractāti, vt helleborum; in tam violento Rege & ambitioso non sufficit: nihilominus in robustis, & cū materia turget, velut dictum est præstat correcto [MS. *corio*.] Quartus modus est Galeni, vt in cotoneo coquatur, in quo & per quem pluribus modis mitescit, sed est tam imbecillius, ne dicam multò magis imbecille, quàm melius, ignis etiam valde paruus adhibeatur, vt potiùs sub cineribus quàm prunis coctum sit, tūcque Diagredium vocatur ab Officinīs, id est, quasi effæratum. Per se durat annis viginti, sed indies minùs validum redditur. Calidum est siccūmque in tertio, & amarum, nauscabundum. Quod verò tam præstans est vt furiosum videatur etiam extrà appositum,

rum, singularem aliquam vim habet : decet enim Regē quemcunque, aliquid habere admiratione dignum, etiam cū non imperat: ob id antiqui formam in Rege dignam optabant, proceritatem siquidem corporis, ac speciem in vultu. Idē odoratis copulatum, ac etōque postquā fermentauerit dissolutum, præstans est auxilium omnibus capitis doloribus antiquis. Est autem abortiuum medicamentum, quod etiam matres necare possit. In vniuersum autem quod ad correctionem attinet, eiusmodi præparatio à circulatione potior erit. Capias scammonij libram mediam; butyri eiusdem diei, libram vnam; mali cotonei attriti cum tyrocneſte, tantundem; caryophyllorum optimorum in puluerem redactorum, vnciam. Coquantur in vitreo vase optimè concluso per tres dies ac noctes in balneo Mariæ perpetuò fermenti, inde vtatur adiecto semine apij, & citri, ac fefeli. Dicitur medicamen medicamentorum & morborum, non autem ægrorum, neque enim vlli confert: est autem è septem vnum. Et eius alexipharmacum, maximè in febribus caphura: debet enim tum etiam associari alicui mīti medicamēto, veluti mannæ, tamarindis, myrobalanis citrinis, cassiæ nigræ. Et est medicamentum morbi regij solum cum hierâ Galeni.

C A P V T III.

De pituitam ducentibus.

29. Myrobalani Bellericæ, Cheblicæ,
Emblicæ.

HOC nomine duo intelligimus, pituitam scilicet, atque humorem crudum; quod etiam discrimen non videtur ignorasse Galenus in *primo de Alimen-*

346 *De facultatibus medicamentorum,*

ris, cap. 2. Sed tamen humorem crudum sub educentibus humores crassos comprehendemus : satis sit intellexisse, quæ pituitam purgant crassam, non educere æquè bene humorem crudum, educere tamen posse aliquid : at quæ educunt humorem crassum, omnia educunt pituitam. Humor crudus dicitur, qui subterfugit naturæ coctionem sine separatione in ventriculo, atque aliis in partibus : at pituita propriè dicta, quæ subterfugit naturæ operationem in ventriculo, cum separatione terrei excrementosi. Porro quinque sunt pituitæ genera, quæ rectius pituitosa dici possunt : pituita naturalis, mucus, humor crudus, pituita præter naturam, & crassæ bilis pars, quæ tamen ut aliàs sæpe monui, nullo modo est pituita, sed bilis crassa; nam bilis quæ pituitæ admiscetur, est verè pituita, & longè differt à bile crassâ. Cùm ergo de pituitam educentibus sermonem habemus, intelligimus naturalem, & præter naturam, ad quas portio crudi humoris consequitur aliquando. Eadem tamen mucum educunt ut leniunt, non ut purgant : quædam autem peculiariter etiam illum trahunt; crassam autem bilem quæ crassa educunt, ut etiam crudum humorem : etenim humor crassus biliosus, sæpe etiam melancholiam secum habet, persæpe utrumque. Porro mucilaginosa alia fiunt in ventriculo, quibus intestina vestiuntur, & quæ cùm educuntur, gaudium sunt imperitorum Medicorum, cùm non prosint nisi in coli dolore ex eiusmodi pituitâ : in aliis nihil significant aliud, quàm quòd deterferis leniendi loco, & ægri ventrem sicciorum ac duriorum te reddidisse scias. Alia fiunt in cerebro, quæ descendunt ad ventriculum, quæ ut alia educuntur, sed sunt crassiora & tenaciora, quia denuò à ventriculo decocta.

cta. Quæ verò per palatum & nares descendunt , aut in cerebro manent , non per aluum purgantia , sed commodè per errhina & apophlegmatismata ducuntur , quanquam si æger sit patiens , commodiùs concoquantur inediâ.

Myrobalani ergo Belliricæ, & Emblicæ, & nobiliores omnibus his quas vocat Syluius (vnde nescio) Cepulas , seu Chebulæ , euacuant pituitam , & bifariam conferunt iecori, cordi, & cerebro, tum etiam ventriculo, (sed non adeò cū lignosa sint,) & quòd astringant, & pituitam purgent: omnia enim quæ pituitam superfluam purgant , sensibus omnibus tam internis quàm externis & moribus, ac coctionibus conferunt, sed si nimis exquisitè purgent, corpus siccant. Earum ergo vsus est, vt oleo macerentur, vt de citrinis docuimus, inde exhibeatur expressi succi vncia media : minùs hoc obstruit quàm decoctum, & meliùs purgat. Vfus etiam est conditarum seu recentium , non tamen adeò vtilis vt quidam putant; qui enim perpetuo auxilio assueuerè , nec sine illo , nec cum illo , rectè officio suo funguntur. Propterea forsàn in cerebri morbis vtilis. Porro conditura omnium siccorum , oleo fit ; humidorum & amarorum , sale ; eorum quæ dulcescere possunt , melle , saccharo , & cassiæ nigræ succo , sed hoc ad molliendum ventrem. Qui autem sumit myrobalanos, dicit Mesuë, caueat ab usu piscium. Et myrobalani cum aloë , velut in Catapotiis Assaiaret, sunt medicamentum vertiginis ; vt in Catapotiis lucis, oculorum. Et talia iuuant etiam ratione formæ. Et ex his sunt Tripheræ dictæ , vel quia triplex ferant auxilium , vel quia ex tribus generibus myrobalanorum constent , quanquam pleræque ex omnibus quinque; & vna, scilicet magna, sine his fiat. Conferunt autem
maximè

348 *De facultatibus medicamentorum,*

maximè ventriculo, præcipuè Persica, quæ sola purgat satis potenter. Sunt medicamentum intestinorum diarrhœa laborantium. Et Chebulæ proprietate suâ conferunt febribus antiquis: Emblicæ verò purgant etiam atram bilem, acuunt mentem, cor confirmant, & lætitiâ gignunt.

30. Sphondylium, seu spondylium.

Quòd eorum quæ pituitam educunt, usus non sit satis utilis homini, paucitas commodorum auxiliorum id declarat: neque enim præter commemoratas myrobalanos, quæ etiam obstruunt, quicquam noui utile vndiquaque præter sphondylium, nisi salem adnumerare velis, quâ ratione his duobus subiicietur. Ergo radix huius (cùm semen etiam id præstet, sed grauè olet, ideòque patum ventriculo amicum) quæ odorata est, in acetariis ex vnciâ vnâ de more sumpta, pituitam purgat, & cum hoc aluum lenit. Similis est fœniculo, & est herba frequens iuxta riuos. Peculiariter prodest capiti. Et radix prodest morbo regio. Eius quoque semine (cùm ex fœniculo, vt docui *primo libro*, oleum adeò potens detrahatur, ad pituitam è cerebro educendam) quid validius excogitari poterit, si in oleum conuertatur [*MS. conuerso?*]

31. Sal lapideus, & panis.

Alter vocatur gemmæ à splendore, alter repurgatus & candidus: validior est lapideus, etenim vrit in gustu: purgant pituitam tenuem & crassam colliquando. Plus iuuat quàm ducat. Mesuë credit coniunctam esse operationem, quòd colliquet, inde constringendo educat.

cat. Resistit venenis: appetitum cibi excitat. Quantitas lapidei, drachma; communis, vncia media.

32. Nitrum.

In eâdem classe est nitrum, cuius drachma & media pituitam & crassam educit: & quamvis nitrum hoc nostrum, idem non sit cum antiquorum nitro, tamen & ipsum purgat; & Brasauolus experimentum mirum de hoc se vidisse refert. Habet autem miras vires, postquam calidum in initio tertij ordinis, & magis etiam siccum, adeò refrigerat: flatûs discutit, & crassæ substantiæ est, incîditque potenter.

33. Tartarum.

Eiusdem classis est Tartarum, sed minùs violentum. Pauca quantitas, vt dixi, mouet aluum: vncia dimidia educit pituitam, & à locis longinquioribus, quòd naturam referat aquæ ardentis, quæ in fece vini continetur. Sed lenientia pleraque vberius sumpta purgant, quoniam vis quæ in illis purgandi certum humorem occulta inerat, aucta educit humorem ipsum, quem mouere parua quantitas non poterat. Simili ratione vehementer agitato corpore ob motum velocẽ, leniendi humores tenues facilè educuntur: verùm in his quæ solum molliunt, id non accidit, cùm emollitio motum tantum obscurum habeat: & pariter in his quæ intestina lubrica reddunt. Sed cur aliquando pauca cassia nigra magis mouet aluum quàm multa? An quia multa in eo casu magis mouisset, & pauca minùs, conuerso modo? vel quoniam multa subigitur, & in alimentum transit, vnde etiam reliquũ; pauca verò à calore attenuâte non
conco

350 *De facultatibus medicamentorum,*

concoquente subigitur statim, & priùs purgat quàm euinci possit. Olei vires in primo libro descripsimus. In vniuersum Tartarum magis siccatur & attenuatur, quàm purget.

34. *Vlmus.*

Eius cortex rugosior, externus, ac crassus, in puluerem reductus purgat pituitam ex vnciæ vnius pondere; sed ventriculo obest, tum ratione substantiæ, tum temperamenti, & quia minimè odoratus est, & quoniam in puluerem reductus: omnis enim puluis etiam sacchari ventriculo odiosus est: præcipuè autem ob multitudinem. Eius tamen vis præcipua in ruptis sanandis, seu ossa sint, seu membranæ, constringit enim illas: secùs inter tot præcipua nullius est vsùs.

35. *Cappares.*

Salitorum cremor epotus, purgat pituitam, & fœces, & sanguinem etiam violenter: neque enim solum detergit, sed abradit, & capparum ratione, & salis. Sumuntur autem vnciæ sex.

36. *Hermodactyli Officinarum.*

Quamuis recentes radices Ephemeris strangulando interficiant, & adeò celeriter, vt inde nomen Ephemeris promeruerit: siccæ tamen potenter pituitam, & procul, & crassam educunt, vt Brasauolus expertum reliquit. Dices, quid veneno [opus,] in tantâ copiâ securorum medicamentorum, præcipuè cum nullas alias præstantes vires habeat? Est in venenis hoc sanè præci

præcipuum, quodd cum non nocent, plurimum irritant naturam, & etiam quandam vim habent validam, nostrorum corporum comparatione [MS. *compatione*,] vt subigant & educant humorem vehementer, ac quali cum imperio quodam : nam membra vt dixi, non medicamentum, trahunt & expellunt. .

37. Opopanax.

Succus est aut liquor plantæ calidus & siccus in tertio ordine, grauis odoris : & ob id quæ talia sunt ex succis aut liquoribus, pituitam crassam & lentam purgant à remotis, velut cerebro, sensibúisque eius, nervis, articulis, & musculis. Purgat autem à remotis, quoniam tardè, & idè vis eius subigitur in ventriculo & venis, vt ex his non possit educere ; sed prolata, vbi calor naturalis est impotens, exanguia membra diuturnitate moræ immutat, donec colliquant humorem & expellant : hæc autem tarditas prouenit ex densitate substantiæ illius. Apud antiquos alios non pro purgante medicamento habitus : sed & Brasauolus purgare negat. Constat tamen additum in Catapotia foetida, illorum augere vim : & strumarum, ac vlcerum Chironiorum esse medicamen bonum, & rigorum febrilium, & vterinorum morborum. Cuius quantitas est à drachmâ vnâ ad duas. Tanto verò euidentiùs purgare manifestum, quodd ventriculo inimicus sit, & liquetur in eo, & sit calidus & siccus. Vix enim fieri potest, vt medicamento hæc tria conueniant, & non purget, & humorem crudum etiam, aut per vomitum non eiiciat. Sunt autem membra remota, cerebrum, pulmo, & pectus, vterus, vesica, & renes, articuléque.

38. Sarco

38. Sarcocolla.

Hæc facultatibus omnibus absque exceptione fer-
mè priori similis, magis utilis pectori, minùs articulis,
minùs odiosa ventriculo, magis perniciofa picrocho-
lis. Impinguat corpus, multiplicat semen genitale,
vulnera sanat, sed caluitium auget. Propria est oculo-
rum morbis, & podagræ.

39. Sagapenum.

Potentius omnibus est in expurgando pituitam
crassam & lentam à cerebro, nervis, sensibus, articulis,
thorace, pulmone, ventriculo, intestinis; conducitque
ob hoc comitialibus, vertiginosis, paralyfi, tremori,
doloribus capitis, ventriculi, & intestinorum. Chæra-
das, nodos, splenisque tumores, intus & extrà dissolvit,
modò sincerum sit: est autem, quod est ex albo subru-
brum, odore porri, substantiâ crassâ, sed quæ in aquâ
facile solvatur, leue. Prodest ruptis & distentione labo-
rantibus. Calidum in tertio ordine, siccum in secun-
do, amarum. Ideo melius pluribus causis opopanace,
in duritiis dissolvendis, iuvandisque membris fri-
gidis & exanguibus. Eadem quantitas, eadem exce-
ptiones. Sed sufficiat in eiusmodi nominâsse mem-
bra, velut pro nervis tremores, resolutiones, disten-
tiones; pro hepate dolorem, vertiginem, comitia-
lem morbum. Vltimum est in frigido ascite, *ex 14. 3.*
cap. de cura ascitis.

40. Hyssopus.

Et ipse calidus in tertio, tantundemque siccus, cum
oxymelite

oxymelite purgat pituitam & crassam : medicamen-
singulare pro pulmone, lienem extenuat, urinam pro-
licit, iecoris durities dissoluit, flatûs discutit. De re-
centi dantur vnciæ duæ, & plus, sed cum violis aut sac-
charo. Creticum est nostro acutius : & est medicina
pectoris & pulmonis.

41. Spartium & Genista.

Hæ facultate & formâ similes ferre, sed genista
inferior viribus. Educunt pituitam crassam, & sunt
tertij generis. Frangunt lapidem, urinam prouocant.
Semen ex drachmis duabus, cum succo cæparum ex
totidem vnciis, strumas liquat proprietate etiam, non
solum vi quæ tamen maxima est. Succi florum drach-
mæ duæ ad purgandum sufficiunt: Pulueris eorum tres:
succi caulium eius, quatuor : seminum cum saccharo
conditorum, sex : vel si tres drachmæ tantum in iure
coquantur, iuris autem vnciæ sex bibantur : vel si ex
floribus in acetario vncia vna sumatur. Verum purga-
re etiam aquam decoctum radicis, eo experimento
comperimus, quod Augustinus Fornarius Genuensis
Patritius, decoctum eius bis in die bibēs per horas tres
ante cibum, pariter & de illo cum cibo bibens, & di-
luens vinum, à pæne desperato ascite perfectè libera-
tus est, superuixitque multis annis: fuit autem quæ pro-
pinauit mulier certam normam seruans.

42. Cnicum.

Semen est agrestis croci, Arabibus Carthamum ap-
pellatum: in purgando pituitam, ab Auerrhoë omnibus
præfertur medicamentis, quod colocynthis violenta
Z nimis;

354 *De facultatibus medicamentorum,*

nimis; sal, sphondylium, & myrobalani, imbecilles; sagapenum educit potius crudeos humores quàm pituitam, & febrem accendit; Agaricum purgat alios humores. Sed tamen est noxium ventriculo, tum quia aufert proprium ventriculi alimentum, scilicet pituitam; tum quia nimis detergit, nec habet vim astringentem; deinde quia peculiarem in hoc habet proprietatem. Datur in decoctis, medullæ seminis semuncia: non quidem medulla, sed decocti ipsius vnciæ sex. Calidum est in primo, siccum in secundo: quinetiam floris drachma vna (est autem croco similis) purgat: cibus est familiaris psittacis in Europâ: morbo etiam regio confert. Oleum quoque eius præter pituitam, aquas etiam ducit. Demiror in tantâ copiâ emollientium ventrem, cur Galenus inimicissimam rem ventriculo in senibus prætulerit: me quidem hac in parte non persuaserit. Confert pituitâ abundantibus, quibus ob id deficit genitale semen, sed dari debet cum aniso & macere.

43. *Colocynthis.*

// Porro omnium quæ pituitam educere possunt, potentissima est colocynthis, ac Rex vnus inter medicamenta. Horum autem similium, velut etiam hellebori & peplij, proprium est, velut strenuos Duces exire ante humorem: quod cum fateantur omnes, cum Galenò *septimo de simpl. medic. cap. de colocynth.* quid est cur non velint membra trahere; non medicamenta, quæ antè exierunt? sic enim scammonium, & cucumis anguinus, & peplium, & quæcunque talia: non ita oleum, non mucus psyllij, aut cassia nigra. Demiror, imò non demiror pertinaciam stultorum; neque enim secùs stulti

stulti esse possent, si sensibus saltem cederent. Sed ad
vltiora transeamus. Purgat pituitam sanè, sed & hu-
morem illum aquosum frigidum, qui in cerebro ex to-
tius consensu solet generari: quo decidente asthmata,
coxendicum dolores, & alij difficillimi morbi gene-
rantur, cœcitates, surditates, casûs dentium. Sed nun-
quid duos humores purgare dicent, quoniam & hunc
purgat, ac potius hunc præcipuè, qui adèd frigidus est,
vt laborantes glaciem se sentire in eo loco referant.
Cum enim incoctus sit humor, quomodo medica-
mento cedere poterit, qui neque naturæ velit? Calida
est & sicca in tertio ordine, & amarissima, adèd vt
quidam illitis vel tenuiter gladiis conuiuorum, ioci
causâ, totum conuiuium abominabile reddiderint,
nec sustineri potest tam molestus sapor. Neque vsus
est eius, nisi in Catapotiiis ob id, aut mellis in quo in-
cocta sit: quo præclara edidimus experimenta sana-
tionum. Est in eo genere, vt aiunt, fœmina, maior, can-
didior, lenior, cuius medulla est velut nix, matura quo-
que ac leuissima, spongiosa, nata in agro arenoso, libe-
ro, culto, neque sola. Est autem è cucurbitarum genere,
& crescit vt vitis agrestis, sed moritur in hyeme, cum
non sit arbor. Colligitur sub autumnii fine; & cum
vsui adhibentur, semina non solùm cortex diligenter
excutiuntur: rotundior est cæteris cucurbitis & mi-
nor; maxima enim minimum peponem non æquat,
quod ei contingit ex siccitate; nullum enim siccum
facile ad magnitudinem eximiam peruenit. Quo fit vt
specie quidem sit è cucurbitarum genere, capreolis,
foliorum asperitate, flore conico inferiùs reflexo ad
exteriorem partem, flexili trunco, & vt dixi, magnitu-
dinè plantæ arboreæ: sed re omnino differant, cum
vna calida sit ac sicca in tertio ordine, altera tantun-

dem fermè frigida humidâque. Datur ex eâ drachma media, sed emendata: ipsa enim per se, licèt cerebro & crudæ aquæ ab eâ fluenti, ob idque tum illi, tum eius difficillimis morbis, attonito, comitali, vertigini, surdastis, dolori cuicunque capitis inueterato, coxendicis dolori, & podagræ lentæ, tum etiam asthmaticis, distentioni, resolutioni neruorum, colique doloribus, tum ventriculi diuturnis, lui Indicæ, plus proffit vlllo alio medicamento: nihilo scciùs purgat adcò violentè, vt etiam sanguinem secum trahat, excorians intestina, præsertim quod in eâ asperum adhæret cortici, dolorésque ventriculi, qui non faciliè soluuntur, excitando. Præterea turbat, nauseam mouet, cordi, ventriculo, & iecori præcipuè inimica. Vt ergo detrimenta tollantur, ipsa præbet se paratam, cum omnia sustinere possit, & longam coctionem, & contusionem, & miltionem. Modus ergo generalis, quo & noxa tollitur & amaritudo in medicamentis similibus, seruatis illius viribus, & absque circulatione, hic est. Sumantur gratiâ exempli, medullæ illius candidissimæ & purgatæ exquisitissimè, tum optimæ libra media, quam vix ex centum libris, si rectè voles agere, elicies: & in ollam sale candido substratam alternatim collocabis, sic vt pro eâ salis sit pondus trium librarum, & in vmbra seruato & eximito; potes etiam salem aquâ repurgatum in vsum colligere: Rursus tantundem candidi salis, vt priùs adiice, & libram semis gingiberis albi tenuissimè contriti, & alio in vase nouo per dies quindecim, compressa magno pondere aut vinculis seruato: dein sublata, & seorsum si placet collecto sale, ne dispendium fiat, cum vnciis tribus cinnamomi optimi, optimèque contriti, seruato in pyxide marmoreâ, vel argenteâ, vel vitreâ. Demum
cùm

cùm opus est, huius medullæ cape semunciam; & mellis optimi, vncias sex; aquæ fontis, libram vnam. Coque tamdiu perpetuò despumando, donec consumprâ aquâ mel exactè coctum sit: inde exprimito: quicquid sordidum est, reiice: mel ipsum tres in partes diuisum alternis diebus sumes; addendo vnicuique parti, caryophyllorum, grana decem, seminis apij, scrupulum vnum. Ipsa est medicina morborum plurium, præcipuè lethargi, & omnium qui in capite accidunt, & ad apoplexiam, non tamen est medicina ægrorum. Et est vnum ex septem. Et est magna pars materiæ nobilium medicamentorum, vt hierarum Archigenis, quæ est medicamen tortuosi oris, & Rufi [MS. *Busitus*] ad comitiales; tum catapotiorum Albachomachi [forte *Andromachi*,] & [pilul.] foetidarum, ad resolutos quidem magnæ, maiores autem apoplecticis; & cocciarum ad destillationes omnes, & empyema, & phthoën, producunt enim vitam ab initio. Et ipsa est medicina vlcerum narium, maximè cum semine dracunculi: & addita speciebus hieræ, medicina morborum cordis, licet plerumque melius sit Theodoricum magnum, in quod non ingreditur. Est medicina podagræ & ischiaticæ, maximè hiera Hermetis, nam in eam ingreditur. Ad coxendicum etiam dolorem, oleum sesaminum in cortice eius coquatur, inde vtrumque cum sesquialtero aquæ incoletur, & hoc cum pane coquatur, donec inspissetur, & fiant catapotia auellanæ magnitudine; de quibus sumat xvij. Si etiam illius cortex vino impleatur & coquatur, vinum illud curat morbum regium, curatque vteri præfocaciones, præcipuè cum castoréo. Et hiera Logadij, in quam copiosa ingreditur, molam eiicit. Est eius alexipharmacum smaragdus & caryophylli.

44. Cucurbita.

Eius succus parum educit pituitam, quamvis dentibus sit vtilissimus: & frigidissimus est adeò, ut si frigida (ut Galenus putat) occidere possent, nullum aliud esset efficacius. Aqua etiam destillata purgat.

45. Vrtica.

Folia eius leniunt ventrem, & educunt pituitam crassam, præcipuè cocta cum limacibus, ex quo manifestum est quòd ipsa sunt imbecilliora cnico: cnicum enim est robustum: vnde media est fermè inter imbecille & robustum medicamentum; sed potiùs attinet ad robustum, quia est substantiæ tenuis, & idèd prouocat menses: & oleum seminis eius magis educit pituitam, quàm oleum seminis cnici: frangit lapidem renum & atterit, & confert febribus pituitosis in fine. Alexipharmacum semina cotoneorum.

46. Lycium.

Purgat pituitam, sed non ipsum, verùm eius semen, & satis exiguo pondere, scilicet drachmæ vnius cum dimidiâ. Est verò temperatæ naturæ in calore: verùm non facile est inuenire huiusmodi plantam; habet tamen similitudinem quandam cum buxo: nec mirum esset, quòd eius semina idem possent; nam ut dixi, omnia medicamenta quæ purgant, habent necessariò quid amari aut acris, & odiosa sunt. Semina autem plantarum amari folij, & præcipuè malè olentis plerumque amara sunt & odiosa etiam, ipsa adeò in plerisque horum facultas est purgandi humores naturæ inimicos,

inimicos, bilem præcipuè corruptam, & pituitam, atram bilem, & ichores, & aquam putridam, ac talia eiusmodi: sed si non olida sint, plerumque pituitam, aut alium humorem sincerum. Confert oculis. Et scias quòd omnes fermè lacrymæ arborum purgant pituitam; & inter alias bellè crassam & viscidam styrax aurei pondere, cum lacrymæ amygdali tantundem, multa comoda afferendo, velut conciliando somnum, dolores leuando.

47. Daphnoides.

Fronde huius plantæ, tam virides quàm siccæ epotæ pituitam educunt, & crassam etiam, verùm vomitum mouent, hoc autem ad molestiam pertinet. Sed & baccæ eius quindecim numero, corpus purgant. Hoc autem & in daphnoide, & in cæteris medicamentis, vt dixi, educentibus obseruandum est, quòd & commansa, per palatum, & per nares attracta, eundem trahunt humorem; sed non contrariâ ratione quæcunque apophlegmatismata & errhina, per aluum purgant. Exemplo est staphisagria, quæ cum potenter pituitam commansa educat ex ore, non tamen aluum purgat: tamen si quædam potius per vomitum pituitam educant, sed non ex aluo.

48. Glans vnguentaria.

Educit pituitam & multam & crassam: eius duæ sunt species, maior & minor; vtræque vocatur Ben ab Arabibus. Ætate nostrâ pigmentarij ex minore nucleo, qui paulò maior est cnico, excipiunt oleum, quod nequaquam rancescit, atque ideo odoribus excipien-

360 *De facultatibus medicamentorum,*
dis accommodatum. Purgat & oleum ipsum. Nec est
nauseabunda, vt putat Mesuë; oleum est, quoniam om-
ne oleum nauseabundum est.

49. *Vitis alba.*

Succus eius multam ducit pituitam: cum mulsâ
sumptus iuuat difficultate spirandi laborantes, lienos-
os, herniosos, comitiales, vertiginosos, præseruat ab
apoplexiâ. Dantur radicis illius drachmæ duæ cum
aquâ hordei. Dictum est quòd huiusmodi furculi, vt
& clematidis, purgando leniunt aluum. Propriè est
medicamentum perturbatæ aut debilis rationis. Piper
est eius alexipharmacum, vel anagallis. Confirmat
ventriculum: & est in eâ etiam nigra medulla, quæ
cor dicitur, grata gustui, quæ humida sumpta purgat
per aluum & vrinas.

C A P V T IV.

Quæ bilem nigram ducunt.

50. *Myrobalani nigræ.*

Nigræ bilis historiam Galenus adeò confudit, vt
alios in errorem deduxerit, ipso forsan minimè
aberrante; nam atram bilem modò peregrinum humo-
rem, modò vt naturâ talem genitum esse [scribit.] Vnde
Princeps, cùm moram scribendo huius causâ interpo-
ni nollet, tot facit genera atræ bilis quot humorum,
dum humor superassatur. Quinetiam nec his conten-
tus, alios excogitauit modos, velut per frigoris con-
densa

denfationem. Ego autem huc ſolùm , quæ neceſſaria ſunt negotio , transferam. Id primùm ſupponendo, quod alibi demonſtratum eſt , humores in rectè conſtitutis in ſanguine poteſtate eſſe ; excrementa autem in vaſis illi excremento delegatis : quicquid eſt alienum loco, vel magnitudine, vel colore ab his , præter naturam dici meretur. Nego ſanguinem ſub hac appellatione contineri, qui fluit ex hæmorrhoidibus, fluit ex iecore vt coactus nigreſcere videatur, aut effuſus in thrombos, inde eiectus per aluum aut vomitum. Quacunque etiam parte corporis humor ſuperaſſari poteſt; quacunque putreſcere, niſi veloci motu cieatur. Alius eſt calor febrilis, alius naturalis , alius aduentitius. Quæcunque autem tranſeunt ex vno in aliud, maxime ſi longum ſit interſtitium, aliquandiu neceſſe eſt in medio morari , & participia fieri etiam intermediarum qualitatum, vtpote craſſitici, inæqualitatis, atque nigroris, taliûmque. Præterea illud manifeſtum eſt ſub nigrâ bile fuſcam, liuidam, & glaſteam contineri, eandemque rationem eſſe omnium, quòd omnes ab exuſtione fiant. Attamen & fuſca, & nigra, liuidâque ſeu glaſtea, trifariâ omnia fiunt ; alia quidem exuſtione, alia permixtione, alia tincturâ, maioribus ſeu minoribus. Etenim in ſputis, [huiusmodi] tinctura [MS. *tincta*] apparet, ſed ſolùm in ſuperficie ex fumo , qui è corde prodiſt ; vnde Medici decipiuntur, cùm ægri haud difficileter euadant. Sed & omnium eadem eſt ratio miſtorum & ſimplicium, vel aduſtorum magis minûſve, ſeu materiæ naturâ, ſeu caloris qualitate atque magnitudine. Nullum etiam humorem naturalem purgari poſſe ſine maximâ violentiâ conſtat, quòd vt dixi ſolùm poteſtate in ſanguine ſint , non actu. Quibus intellectis conſtat, nigrorum humorum ſex eſſe ſpecies:

362 *De facultatibus medicamentorum,*

naturalem & communem, quæ est fæx sanguinis; naturalem sed non communem; bilem naturalem nigram, sed exustam citra putredinem; & flauam; & utramque ex febre; sextum genus est humoris crudi ex calore febrili exusti. *Vide 4. Prognost. nostr. comm. 17.*

Si nihil horum te mouet, quod Medicorum pertinaciâ videas omnia confundi, id saltem te doceat, quod alia est bilis nigra in infaniâ euacuanda; alia in quartanâ & continuâ ex melancholiâ: namque in melancholicis plerumque etiam in venis materia est, vt non loco, sed proprietate differant. Propterea melius erit distinguere melancholiam à loco primum; alia enim in venis, alia extrâ: à materiâ, quoniam quædam est, cuius subiectum est fæx sanguinis; alia, cuius bilis flaua: à causâ quæ illam mutauit, calor asciticus & putridus: neque enim in temperaturis naturalibus tantus potest esse calor, vt nigrescat in venis, sed iam separata nigrescit aut tingitur; aut ab irâ, vel tristitiâ. Eadem verò iuxta rationem consimilem in finitimis coloribus atque cognatis sunt dicenda. Quæ ergo purgant hos humores, alia quidem ex venis educunt, alia ex cerebro atque iuncturis; quædam etiam putredine corruptum, quædam simplici calore exustum; alia denique factum ex bile ac tenuem, alia ex melancholiâ, & crassum. Atram bilem ducere puto nullum medicamentum; nam vt dixi, membra trahunt, non medicamentum. Oportet corruptum esse membrum prorsus, quod humore simili gauderet: quod autem corruptum est, nullas habet vires. Præter id nemo vidit æruginosam bilem medicamentoeductam neque atram: dico atram, quæ nigerrima est, nec nigerrima videtur, quia admodum nitet velut Pramissum, & corallium nigrum perpolitum: est etiam quasi arenosa &

& minutissima trita, quæque effusa in terram, illam fermentat, & à quâ animalia prorsus omnia quæ olfactum habent, inter quæ etiam muscæ, fugiunt. Educitur quandoque casu, in quibusdam pestilentibus febribus, societate fecum & propriâ grauitate. At humorem nigrum sanguini similem sæpe videmus, & præcipuè in lienosis. Ergo nigræ myrobalani secundi generis sunt, & melancholiam omnem ex venis educunt, naturalem quidem exustam familiaritate substantiæ ex flauâ bile, quòd dum immaturæ essent, talem humorem educere poterant. Ob id insanix pariter, ac melancholicis, & tremori, & elephantiasi [conferre] possunt. Condîtæ autem si non humidæ condîtæ sint, melancholiam generant, & obstructiones pariunt. Nutritæ debent exhiberi, expressæque vt superius dictum est, pondere eodem. Elige grauiiores & recentes, vt de aliis dictum est. Conferunt hebetationi omnium sensuum tam interiorum quàm exteriorum, & morûs: at in quibus nihil tale educunt, eundem humorem efficiunt. Iuuant etiam hæmorrhoidas patientes. Propriè conferunt febribus antiquis, & quæ reuerti solent. Sed & communi ratione; quæcunque enim melancholiam purgant, quartanis, & etiam huiusmodi febribus vtilia sunt.

51. Pulegium.

Hoc longè præstantius est, saltem apud nos, est enim odoratum. Et assatam, non putredine, purgat; & à cerebro, neque iuncturis: sed est debile valde, aded vt sit inferius origano. Incidit, attenuat, magno est præsidio ventriculi doloribus, aduersatur venenis, lentos & crassos pulmonis humores præparat, vt faciliè educi possint.

364 *De facultatibus medicamentorum,*
possint. Quantitas duarum drachmarum, vel sex vnciarum decocti: vnciæ semis in iure galli. Editur in acetariis. Proprietate singulari deliquia animi prohibet odore solo vel potum; propriè cum melicrato calefacit & extenuat, statim prolicit menses, alleuiat partum, & est medicina vteri: & frangit vesicæ lapidem, ex 18.3. tract. 2. cap. 19.

52. Origanum.

Origanum ventriculi morbis valde salutare, dolores tollit, flatûs & tumores duros dissoluit. Calidum & siccum in tertio ordine. Eo solo multos sanaui, tumoribus ventriculi partim scirrhosis, partim mistis laborantes: venenis aduersatur, menses prouocat, nocet dentibus & oculis. In purgando & dolores leuando, multò præstantius Creticum. Quantitas huius drachma cum dimidiâ: non adeò iucundum est vt pulegium. Parthenium non purgat, quamuis creditum sit. Atque hæc de mitibus.

53. Epithymus.

Est ac si dicas, supra thymum: sed & thymbræ adnascitur optimum, odoratum, verè subrufum, capitulis florulentis, quod ex Cretâ aduehitur. Deterius Syriacum, & illo Italicum; dicerem Europæum, si Creta in Europâ non esset. Exustam bilem, non à putredine, euacuat: vnde in febribus nulli vsui, sed in insaniâ, comitialibus, vertigine, cordis palpitatione vtilissimum: carcinomatibus autem adeò vtile, vt Galenus hoc solo ex aquâ lactis, omnia quæ non longo tempore confirmata sint, curari posse credat, imò ab eo curata affirmet.

Attenuat

Attenuat præter hæc, aperit, digerit, & viscera etiam confirmare putat Mesuës, & quartanis prodesse, sed parum. Siccis præterea corporibus noxium est. Ad tristitiam, & timorem, ac syncopas detur cum apij semine, & Pramnio vino, vncia in decocto vt dixi, vel semuncia in puluere. Sub hoc genere etiam continetur Epistæbe. Confert propriè melancholiæ, & asthmati.

54. Alypum.

Inferius aliquanto epithymo, sed exulcerat etiam intestina. Radix eius purgat pituitam: & vt quæcunque purgant pituitam, vt dixi, inimica sunt membris naturalibus; ita quæ bilem, cordi, licet purgatione ipsâ iuuent. Causam tamen esse reor non eandem; sed quæ pituitam educunt, subtrahunt, vt dixi, alimentum membrorum naturalium, & illa exsiccant. Quæ autem melancholiam, ab ipso etiam corde reuellunt. Vnde miscenda confirmantibus cor, quæ sunt maximè apium, semen boraginis cum totâ plantâ, crocus Orientalis, melissa, sed est imbecillis, velut & citri semen; Pramnium, & aqua ardens manifestè, caryophylli, & ex gemmis smaragdus, hyacinthus, corallium, margaritæ, & rasura [MS. *referunt*] de osse cordis cerui, & been album, & ozymum foliis paruis, valde odoratum, & sericum cocco valde imbutum, & forsan bibinella, dera sum os monocerotis, ambra, & theriaca, licet compositum, seu mithridatum.

55. Lapis cœruleus.

Hic purgat melancholiam, & propriè non putridam. Debet eligi splendidus dum est integer, boni coloris,

366 *De facultatibus medicamentorum;*

coloris, & aureis insignis maculis. Ex hoc efficiunt Pictores æternas imagines: idè qui optimus est, pondere auri æquali permutatur. Calidus est & siccus in secundo ordine. Purgat pulmones, & difficultati spirandi prodest, prodest & lienis tumoribus, & hæmorrhoidibus, sed id generali ratione, quoniam nigram bilem euacuat; sicut quæ flauam, morbo regio laborantibus. Sed cordi speciali ratione conuenit: lætum reddit hominem, ac quasi beatum, præsertim exhibitum, vt in Electuario Alkermes, quod ambræ dimidiam partem recipit. Non lotus vrit, & venenosus est. Datur pondere drachmæ dimidiæ, quadragies aquâ lotus, aquâ decies rosaceâ. Confert etiam generali ratione, vt omnia quæ ex venis nigrum humorem educere possunt; pesti etiam nostrorum temporum, quam serpentem vocabimus, & Elephantiasi, & Indicæ lûi, vt siquid aliud; sciôque cum vino ex cortice & ligno satis leui, plurimos optimè curatos. Verumtamen Catapotia quæ adeò iuuant, præter ipsum lapidem, recipiunt agaricum, polypodium, epithymum, helleborum, atque scammonium.

56. Lapis Armenus.

Hic est in quo Trallianus & Mesuës conueniunt, quòd potentiùs educat melancholiam sed non putridam cœruleo, & tutiùs helleboro; sed helleborus etiam putridam purgat, non putridam autem vehementiùs. Eodem temperamento, pondere, præparationeque exhibetur. Prodest itaque insanix, comitali, vertigini, mœrori, carcinomatibus, lepræ. Non lotus vomitum cit: sed vix inuenitur apud nos. Refert tamen Brasauolus inueniri Germanicum, viribus non inferiorem: sed

sed authores nostræ ætatis verbis non temperant, ut magni aliquid inuenisse videantur. Fieri potest ut purget: ut illi æqualis sit, qui forsan neque vnquam expertus est, ratio non fert: illa enim tenuia sunt, neque hoc in huiusmodi similibus experimur. Confert podagræ. Hinc verò considerare licet morborum curationes, velut vertiginis, quoniam ab educentibus melancholiam, solùm sanatur.

C A P V T V.

Quæ aquam ducunt.

57. Eriçij terrestris caro.

ET huius multiplex est genus: contenta in venis, quam si nihil obstat, conducit magis per vrinam ducere; quæ è capite fluit, materia ischiadicarum, frigida ut nix dissoluta; quibusdam non aded, sed ad pulmones confertim veniens, orthopnoeam gignit, quam non putrescere, antequam descendat certum est: ex huiusmodi etiam resolutiones fiunt: & si malum non sæuiat, grauedines & rauedines: quam (nisi quid aliud obstat) iuuat euphorbio purgare, neque enim tales sitiunt, nec caloris signa vlla præ se ferunt. At aquam asciticorum purgant alia, aliâque vtramque. Ex his ergo innoxia maximè est caro eriçij terrestris. Sumuntur vnciæ duæ cum vnciis sex oxymelitis: nec solùm purgat aquam, sed confert iecori, ventriculo, renibus, ac vesicæ, aded ut sperarem siquis hac solâ vteretur, posse plenè sanari,

58. Tripo

58. *Tripolium.*

Huius radix etiam præstantissima, alba, feruida, odorata: cuius drachmæ duæ solunt aquam, & etiam per. vrinas eam educunt. Vocatur autem à Serapione Turpethum, aliud ab alypi[MS. *aly*] generibus. Exhibetur pondere drachmarum duarum in vino flauo velut Pramnio, vt nil elegantius. Calidum est in tertio, & venenis aduersatur.

59. *Lactuca agrestis.*

Huius plantæ lac pondere granorum octo, vel succi vncia vna, aquam ducunt asciticorum: quæ autem huiusmodi aquam mouent, nec aliud, odiosa esse naturæ necesse est, quoniam dissimili & contrario magis similia sunt, quàm quæ bilem mouent aut pituitam. Fieri tamen potest, vt vnâ parte trahant, alterâ non sint ingrata, aut quod ingratum est, aliquo meliore tegatur, velut in tripolij radice.

60. *Ficûs lac.*

Et huius arboris lac, aquam potenter educit, vt omnium ferentium lac plantarum; calidissimum enim est atque vrens: vnde etiam aqua lactis caprilli hoc ipso detracta, podagræ magnum affert auxilium: sed si curati non sapius purgentur, in alios morbos deteriores incidunt, velut & ab ischiadico dolore. Natura enim quæ tales admittit morbos, nec trudit extrâ materiam, impotens est; vnde conclusio solito exitu, nec sublata causâ generationis, in locum periculosiorem, in materiam genitam dirigit: hoc autem violentum est.

61. *Sampsu*

61. Sampfuchus.

Huius succi sex vnciæ parum ducunt aquam asciticorum; attractus autem per nares plurimum prodesset poterit, cum cerebrum intemperie frigida & humida graui laborauerit. Caterum velle iam conflatam & conclusam aquam asciticorum, ac putrefactam siccare, est piscari velle hamo aureo: forsan aperiendo, vrinam prouocando, intemperiem putridam tollendo iecoris, strenuè prodesset poterit, non calefaciendo; quandoquidem iecur in hydrope, calida intemperie laborat, vt aliàs est demonstratum. Ergo in capitalibus, si ferant, aquis vtendum erit. Quomodo autem tanta aqua in capite congregari possit, vt nonnunquam libras quinque aut sex superet, dubium est. Atque in hoc sæpe cogitaui: necesse est enim, caput calida intemperie in his laborare, aquam autem collectam in venis continuè exugì, ipsum verò cerebrum simul refrigerari. Atque etiam hoc aliàs à nobis declaratum est: nam & in Pontifice Scoto orthopneæa laborante haud obscure id vidimus.

62. Mori radix.

Eius succum tempore messis ex drachmis duabus; vnciiis autem sex decocti mediæ vnciæ eiusdem radicis [damus.] Est autem commune præceptum in ascite, dum purgare porione volumus, non antè quiescere, aut cibum exhibere, quàm medicamentum prodierit.

63. Brassica marina.

Nescio quid huic cum brassicâ simile; serpit, & folia

A a exigua

370 *De facultatibus medicamentorum,*

exigua habet, & lac fert; quorum nullum est commune cum brassicâ. Saporis est falsi, subamari, acuti; folium, quod peculiariter aquam ducit hydropicorum, & densæ substantiæ est, capitalem ducere non potest. Dantur vnciæ duæ, quoniam imbecille est medicamentum, aut libra media iuri galli incoquitur, ex quo sumere oportet libram, aut etiam plus: tutius est hoc quàm si in aquâ lactis; sed bene percolatum sit. Et vt dixi, eò magis necesse est differre cibum, & diutius ambulare, vt tota exeat. Vocatur ab Officinis Soldanella.

64. Chachile.

Eiusmodi herba est è falsarum genere; & idè tales, vt etiam soldanella, aquam educunt. Ignora Græcis, nam Africæ familiaris solum herba est, folio nasturtij, salsa valde inter herbas, & in sterquiliniis nascitur, similis musco arborum.

65. Verbascum.

Eius folia in acetario (cùm vix ob asperitatem edi possint) aquam educunt multam, ac sine molestiâ; vnde etiam hydropicis cõfert. Radicis succus ex vnciis duabus ter sumptus à quartanâ liberat; experimentumque est Arnaldi[MS. Rinaldi] de Villâ nouâ sæpe probatum. Flores quoque rufi & admoti curant hæmorrhoidas, & in clysteribus dysenteriam, & emplastri loco tenesimum[MS. tinesmonem.] idem in vase vitreo soli expositi, aut sepulti, in oleum rubrum vertuntur ad eadem, vt verisimile est, vtile. Folia cocta difficilius manduntur quàm cruda modò sint tenera. Referunt radicem pestilentia

stilentiae perutilem esse, quod minimè absurdum est. Herba est luteo flore, aspera, quā nulla frequentius se offert aridis in locis, & in ripis riuorum.

66. Vitis agrestis.

Nulla planta magis vitem refert pulchritudine & formā: nulla domus insignis Bononiae hac arbore caret. Amplissimum spatium viriditate suā, imò totas domos Prætorias exhilarat. Attagenam vocant Græci: cuius radix incocta aquæ, & vino mista, & cum aquā falsā epota, purgat hydropicorum aquam; quanquam hic modus mihi parum commodus videatur. Quapropter quemadmodum in Tripolio dixi, eam confractam atque prius, vt ita dicam, multis in locis sauciatam, infunderem vesperi loco libero in Pramnio vino, vinumque ipsum in potu exhiberem, etiam additis his quæ cor & ventriculum confirmant, & bene odorata sunt, velut catyophyllo, xyloaloe, aquā rosaceā, santalis. Hæc enim cordi, cerebro, iecori, ventriculo, pariter singula quæque auxiliantur. Decet autem in huiusmodi singula medicamenta non periculosa experiri, propter naturarum & morborum varias differentias.

67. Labrusca.

Quocircā & huius arboris radix ei affinis, cum Pramnio vino ex drachmis duabus, purgat potenter aquam hydropicorum. Sed & oleum ex floribus eius, cenanthinum appellant, iuuat potius ex infuso, vt in attagenā, (cū aquam educere volumus) præparare, quā in puluere exhibere, ob ventriculi imbecillitatem.

372 *De facultatibus medicamentorum,*
68. *Iridis succus.*

Succus radicis ex vnciiis duabus purgat eiusmodi aquam corruptam. Sed cum Illyrica & Macedonica optimæ sint, eiusmodi succum ex illis habere non licet: sed cogimur radice pro succo uti. Solâ Illyricâ (quæ ut odorata est, eò utilior, atque præferenda succo) uter in Pramnio infusâ. Gaudet hic morbus calidis purgantibus, sed frigidis medicamentis, & cibis percoctis & temperatis, quoniam etsi intemperies calida sit, ob imbecillitatem tamen naturalis caloris, calidis purgantibus & odoratis gaudet, quoniam tum præcipuè cum aqua educitur, corpus refrigeratur. Iridis ergo succus sæpe plus turbando nocet, quàm purgando iuuat 6. *Aphor.* 16. Verùm coctus ut minùs educit, ita minùs etiam perturbat. Quæ regula generalis est omnibus succis: quemadmodum etiam quòd saccharo addito debeant exhiberi; plus enim iuuant amiciora ventriculo, minùsque nausæam mouent: si moueant, faciliùs per vomitum eiiciuntur, & temperatiora. Multi tamen eiusmodi succo præsertim crudo, sunt liberati. Multis contingit ut alleviari videantur subductâ portione aquæ; tamen pulsus non eleuatur, appetitus cibi non redditur melior, nec urinx; quòd vitium in icore, seu scirrhus seu mala intemperies vehemens, sit confirmatum. Ob hoc videre debes, quos curandos suscipias, ne arti atque auxiliis, & tibi dedecus parias, nihil proficiens agro. Quòd antiquior, eò odoratior, non tamen ad purgationes magis apta.

69. *Tithymalus platyphyllus.*

Similis est foliis verbasco; radice, frondibus, lacte,
omnibus

Lib. III. Pars III. & Ult. Cap. V. 373

omnibus (vt ita dicam) partibus aquam educit, & violentum est (vt eius reliqua genera) medicamentum, sed tamen mitius est eorum. Ipsius folia & caules mista vnguentis scabiem tollunt potenter. Inmistus caseo & pani occidit pisces, quos tamen vt ceteros medicamentis necatos, aut in stuporem versos, non admodum tutum est imbecilibus edere; nemini verò deuorare viscera: constatque Sacerdotem penè periisse hac causâ; felis autem qui interiora deuorauerat, obiit. Quæ igitur adiicere in huiusmodi debeamus, iam diximus. Tutiùs autem quæ veneno non carent, velut mezereon, id est, thymelæa, sunt præparanda. Aceto rosaceo folia tithymali huius, cum duplo absinthij similiter tusi infundes per horas viginti quatuor; inde ex hoc aceto expresso, saccharo addito efficies syrupum, quem in fine odoratum reddes santalis, caryophyllis, & xyloaloe, tutòque præbebis vncias duas cum tantundem iuris, si tamen quicquam huiusmodi, & in tali morbo tutò exhiberi possit. Hæc igitur summa ratio omnium eiusmodi præparandorum, veluti etiam chamelææ, (& est Serapionis aliud mezereon,) tum aliorum tithymalorum, lathyridis; ricini, peplij, peplique, ac similium. Quòd si displicet absinthium (quanquam quì possit displicere coma viridis admodum, & Pontici seu Macedonici) loco eius menta [MS. *metam*,] aut cotoneorum caro subiiciatur; sed nihil melius absinthio. Eius alexipharmacum est munia bona, aut loco eius pissasphaltum, aut syrupus de ribes.

70. *Æs.*

Eius plura sunt genera, vel à regione, vt Cyprium; vel à parte, vt squamina, quæ præcipua sunt,
A a 3 nam

374 *De facultatibus medicamentorum,*

nam florem non purgare, Brasauolus affirmat expertum esse: vel artificio, ut vltum. Drachma igitur squammæ non solum purgat, sed superpurgat aquam. Cæterum ipsa bonum etiam corpori habitum præstat, & lienem extenuat. Eligitur quæ in Cypro decit ab ære rubro dum clauui fiunt: crassior præterea melior est, ut quæ non adeo vsta sit, aut sicca: & quæ aceto tacta statim æruginem contrahit, nam teneriorem substantiam esse ostendit. Ergo dimidium drachmæ cum panis medullâ in globulos cogitur. Inde manifestum fit quod sæpe dixi, non medicamenta, quæ si eiusmodi sint, planum est non dissolui, sed membra eorum viribus affecta, id efficere. Præterea eius squamma ipsa etiam attenuat & erodit quod corruptum est, ut etiam phthisicorum vlcera curare posset, sed ad illa penetrare non valet.

71. Chalybs.

Eiusdem penè est facultatis, at magis refrigerat & astringit, sed minùs purgat minùsque attenuat, nec solum aquam educit, sed & humores etiam nigros. Miscetur medicamentis purgantibus, velut Tripheræ illi quam vocant ex arte Phenonis, alij vocant Electuarium de scoriâ ferri: corrumpitur tamen ubi madefacta fuerit statim, & rubiginem contrahit: nihilominus aperit obstructions, & purgat nigra: quæ sic distinguuntur, cum medicamentum fuerit nigrum; nam seorsum coacta manent si nigra sint, & interiùs sunt nigriora; secùs, ex tincturâ id accidit. Modus secundus exhibendi, est ut in singulas vices deradas semidrachmam, quam aceto decies, inde aquâ quinquies lauabis, ut splendeat instar argenti, & cum sacchari rosacei semuncia

munciâ dabis : qui modus vt sincerior est , ita longè melior ac tutior. Nec tamen te fallat quòd æger nigra deiiciat , siquidem in viginti quatuor horarum spatio , quo solent quæ sumuntur , nec admodum irritant aluum , in ventre contineri , rubiginem contrahit squamma chalybis. Ob id eadem arte opus est ad distinguendum, licet non adeò nigra tum euadunt feces. Sumitur autem , vt pleraque talia quæ per aluum purgant & aperiunt, per viginti dies; sic quæ per sudorem, quadraginta ; quæ temperiem mutant , anni spatio. Flos igitur huius chalybis delatus per venas , exit, nec tamen immunis fit à rubigine , quoniam in chalybe terra continetur. Quod experimentum si cum auro fiat, cum etiam colligi possit quòd non permeet, exustis fecibus toto tempore collectis , forsan longè melius fuerit , sanè tutius : est enim aurum longè amicus naturæ humanæ chalybe, & ferro, & ære: nam plumbum vtrumque inimicissimum est & venenum. Nec te deterreat quæ dicit Brasauolus, nam etsi integrum forsan non iuuat, certè nihil nocebit : de illuue planum est ; quòd aceto aurei sæpius lauandi sunt , inde aquâ. Tertius modus : in viginti libris Mombasij [fortè legendum, *maluatici*, sic enim Fallop. habet] diuisi in duo vasa, imponunt hoc modo libram mediam scobis chalybis (Fallopius dicit ferrea,) hac ratione vt singula vasa decem libras contineant. In reliquum vas frustum chalybis eiusdem ponderis , decem diebus exponunt Soli torrido, atque miscent : fit ex flauo nigerrimum, tetrum odore saporeque, vt sitientes hydropicos ab eius potu absterreat : dicebátque Antonius Caldarinus Bononiensis , præoptare mortem quàm sanare eiusmodi potum. Educit tamen aquam & nigra , vt dixi, cum ipsum sit nigerrimum, aperítque obstructio-

376 *De facultatibus medicamentorum,*

nes mēfaræi : sed est medicamentum rusticorum & damnatorum ; nec etiam tutum , nam ille peruenit ad febrem , & vrinæ suppressionem , nec potuit vnuquam plenè restitui , sed mortuus est. Oportet autem bibentem vti deambulatione perpetuâ , donec prodierit , & cibis [coctis] facillimis atque optimis. Illud [addo,] quòd Dioscorides non nouerit , ferri rubiginem atque substantiam habere vim purgandi : imò astringere vtrumque opinetur , *lib. 5. cap. 52. & 53.* Quâ ratione argumentum Fallopij concludit : nam licet inditum vino contrahat rubiginem , attamen & illam purgare ignorauit Dioscorides , vt defendi non possit. Id tamen argumentum non concludit ; vinum non purgat : expositum Soli cum scobe ferri purgat. Igitur scobs ferri purgat : nam exposita Soli in vino per tot dies corrumpitur : & multa corrupta purgant , quæ incorrupta sistunt ; prout etiam de vomitu videmus.

Efficacius ad demonstrandum contra Dioscoridem , est nostrum experimentum : quandoquidem limatura eius statim detracta , & cum saccharo rosaceo id potest. Et si dicat aliquis pro Dioscoride , quòd in corpore corrumpitur , nihil ad me quomodo id agat , modò agat non exterius permutata. Est ratio Aristotelis generalis quæ demonstrat. Nihilominus exhibitam nostro more , crediderim non semper purgare ; idèò non dictum à Dioscoride. Est autem ferri scobs medicamentum proprium ventriculo , & maximè cum myrobalanis ; & iccoris doloribus , cum spicâ , rhabarbaro , laccâ , fece vini , & decocto coriandri.

C A P V T VI.

Corruptos humores ducentia.

72. Stercus columbinum.

TAlia, dicit Auenzoar, cùm similitudine ducant, corrupta esse oportet atque acria, vt stercus hoc quod fermentat seipsum, & accendit putredine, in *primo de differentijs februm, cap. 6.* Humidum ergo adhuc & recens, purgat pestilentem humorem; nam in eâ corrumpitur, non ichor tantum; ideo pestilens humor puri aut saniei frequentius similis est. Verum non adeo hunc potest educere, vt quæ suppurata sunt; illa enim verè putrida sunt, hæc verò potius ad sequentem ordinem pertinent. Ideo non propriè purgauit nec curauit Auenzoar pestilentem febrem, sed quasi ex transuerso, vt dici solet: tametsi enim quæ putridum educunt, etiam eorum quæ in pestilenti febre peccant, particulam aliquam educere possint, non tamen sunt ei propria, nec cordis vires reficiunt, nec ipsius intemperiem tollunt, vt ea quæ dicemus. Quantum verò afficiat corpus eiusmodi medicamentum, & præcipuè ventriculum, satis conspicuum est: vnde Princeps inquit, *in colici doloris frigidi curâ magna utilitatis est in educendo pituitam, & magni timoris.* Et bibuntur tamen vnciæ duæ solùm decocti eius. Immisceri debet medicamentis leniendo purgantibus, de quibus in primo ordine actum est: diximus enim quod huiusmodi molliunt illorum prauitatem, & vestiunt intestina humore suo abundanti, præcipuè cassia nigra; aut mucoso, velut myxa.

Sed & quædam sunt quæ omnia possunt, velut stibium : quæ si volumus vt vnum humorem tantum purgent, cohibenda est vis ad reliquos educendos; velut absinthium cohibet pituitam, mala punica bilem flauam, acetum atram, bene odorata & omnia cordi amica, omnes quos non opus est educere. Siquidem vita ab animâ dirigitur, quæ non errat, vt nisi impediatur confirmata optimum eligit. Ita non solum medicamentum ad alienum educendum humorem, sed etiam vt in Confectione Hamech scammonium ad nigram bilem solam purgandum deduces, verum id non sine fermentatione. At cohibitio sine eâ etiam fieri potest, sed cum illâ longè melius & adamussim. Manifestum est autem, cur in hoc ordine nullum mite medicamentum aut gratum esse possit; & quâ ratione, sed non eâdem tamen, pauca ex his quæ aquam ducunt: nam id præter naturam est, aquam per aluum duci, cum naturâ comparatum sit, vt per vrinas vel per sudores promptius educatur. Propter tamen illam quæ in ventre asciticorum continetur, pauca illa mitia nobis magnâ cum industriâ tribuit. Neque existimes nos hæc pro numero conscripsisse, nam indies multò plura de regentur ad singula munia, cum hæc seges sit abundantissima. Et ego habeo lignum ex Orientali Indiâ, quod sine noxâ bilem flauam purgat absque vllâ molestiâ. Sed hæc proposita, erunt pro modulis ad omnia alia noua distinguenda sapore, odore, colore, substantiâ, modo exhibendi, experimento, noxâ, proprietate, emendatione, irritatione, atque aliis huiusmodi, velut electione, & partium delectu. Semina enim omnia, gratiâ exempli, plurimum olei continent, parum ob id aquæ. Radices, folia, fructus qui è pomorum genere sunt, aquæ plurimum, olei ferè nihil. Stercoris columbi

lumbi syluestris drachma vna, cum vrinâ pueri bibitur
ad proliciendam vrinam.

73. Gallinæ stercus.

Hoc proximum est illi, vt etiam auis auî : acre est,
& minùs tamen calidum columbino. In ipsis sterco-
ribus auium duæ sunt partes, si diligenter animadu-
ertas, candida & spumôsa, magis calida, tenuis, mordax,
quam eligere præstat : alia terrea, solida, minùs efficax
& amarior, siquidem amarum in terreo repositum est.
Referunt hoc stercus peculiariter disrumpere absces-
sûs morbi lateralis, & sanare : & ob id etiam multò ma-
gis abscessibus membrorum naturalium, cùm maturi
fuerint, conducet : eo enim tempore cum odoratis ad-
hibere conueniet. Referunt anserinum, quod acrius
est & vrît magis quàm attenuat, scorbutum sanare,
cum bubulo & radice raphani, pari pondere, tum
aromatibus odoratoribus ex vino. Est autem scorbu-
tus, morbus lienis secundus *in libro de Internis affectio-
nibus*, sub Arctico difficilior.

74. Accipitris stercus.

Hoc vt par est, ratione alimenti acrius esse, existi-
mandum est & validiùs ducere ac potentiùs frangere
internos abscessûs. Multa præterea quæ non ducunt,
corrupta id possunt ; sed cùm vomitum priùs & ve-
hementiùs cieant, ad hoc argumentum non perti-
nent, præsertim quòd horum exemplo de illis statue-
re quid eligendum, quidque possint, & quid agen-
dum sit, possimus.

CAPUT VII.

De atra & æruginosa purgantibus.

75. De Smaragdo.

DVbium primùm esse potest, an talia vlllo medicamento educi possint? nam etsi plurima commemorarent quæ atram bilem educant, palam tamen est in excrementis non cerni: neque etiam æruginosa, quæ facilioris est purgationis, siquidem ex æruginosâ transitur in atram veram. Neutra etiam naturæ subiicitur, nisi sit in ventriculo, tunc enim lethalius fermè cum symptomatibus vix eiicitur. Vtraque etiam superat naturam; quod autem purgare debet, oportet vt superetur. Præterea si esset modus purgandi hunc humorem, esset non solum modus sanandi pestilentes febres, sed morituros & senes restituendi. Respondeo quodd tales humores possunt refrigerari, & tunc expurgari (sicut expurgantur à renibus arenulæ) nam tunc sunt sub dominio naturæ; quia solus immodicus calor obstat, quò minùs euacuari possint. Cùm verò extingui calor ille non possit, nisi à medicamento potentissimo, & cuius modica quantitas plurimam habet vim: id verò sit metallicum & terreum, vt videmus in stibio, cuius tria grana adeò vehementer purgant, tamen quia oportet vt id cordi sit amicum, & etiam terreum ratione similitudinis substantiæ; atque hæc duo solum gemmis[MS.geminis]conuenire possint: eâ ratione quæ hæc purgant, aut omnia aut fermè omnia è genere sunt gemmarum. Verùm bilem atram extinguere non
fas

fas est, nisi in valde robustis adhuc, & cum multâ smaragdo, & vt esset aliquid quod superari non posset, reliqua vincuntur, si tempestiuè auxilium adhibeatur. Sed æruginosam domat smaragdus ex semidrachmâ; nec verearis quòd Auenzoar solùm grana septem exhiberet, nam illâ optimâ utebatur & splendidâ, quæ cum hoc quòd pretiosa sit, etiam magno pretio venditur, vt non facile sit eiusmodi habere mediocri pecuniâ. Ergo cum modico vini albi exhibita, si subducatur ventrem, res in tuto est. Educit autem omnem, ab æruginosâ incipiens, exustam bilem, præter omnino atram. Ergo rubram valde & rubiginosam educere poterit, hæc tamen mitior est. Sed cùm sint smaragdi plura genera, de Orientali intelligo qui venustior est, & de quo antiqui loquuti sunt. Qui ex Peru Occidentalis Indiæ tantò durior & acerbioris coloris, quantò sanctæ Marthæ mollior & obscurior, qui tamen lucernæ splendore gaudet. Sed neutrum expertus sum, gnarus esse inferiores.

76. Sapphirus.

Cæruleus & nitidus purgat glasteam, cæruleam, & liuidam bilem, ac fuscæ nonnihil. Datur eodem pondere, & subtilissimè tritus, & cum vino flauo. Idem ferè potest, vt dixi, cæruleus lapis, sed in pestilentibus inferior sapphiro.

77. Granatus.

Hic rubram bilem & assatam purgat pari pondere & arte exhibitus. Quæ autem talia educunt,
&

382 *De facultatibus medicamentorum,*
& leuius affecta educere possunt, velut rubiginosa &
cinerei coloris; non tamen facilius, neque minori
pondere semper, cum similitudo non tanta sit.

78. Hyacinthus.

Hic purgat rubiginosam, & cordi confert plurimum, maxime ruber, quod tenerior sit. Arabes secundum in ordine confirmandi cor, ipsum statuere videntur. Frigidi & sicci temperamenti sunt, sed smaragdus & hyacinthus minus sicci. Huiusmodi autem omnia dum cordi prosunt, praeter id etiam pestilentibus febribus utilia sunt.

C A P V T VIII.

Quae bilem flauam & pituitam.

79. Rhabarbarum.

HOrum est usus maximus, quod in plerisque morbis non omnino leuibus [MS. *seuius*,] uterque horum abundet, quoniam si pituita abundet & putrescat, in bilem flauam transsit; ob hoc dicebat recte Hippocrates, quod *omnes febres sunt à bile*: si autem bilis genita sit debilitato calore, pituitam generari contingit. Immoderantia etiam cibi utrumque humorem gignere simul nata est, cum partim non concoquatur quod frigidum est aut crassum, partim exuratur, quod tenue est & calidum. Igitur Rhabarbarum utrumque humorem ducit, sed prius & facilius bilem, confirmat omnia membra naturalia, & aperit obstructions valde.

de. Dicebat Auerroës quòd aded caret nocumento, vt aliorum medicamentorum detrimenta emender. Quantitas est drachma vna, & in infuso duæ. Occidit vermes, præcipuè in vino Pramnio. Exiccat tamen iusto plus iecur, vnde passæ vuæ in his iungi debet. Optimum ponderosum, & tamen rarum, ex croceo rufoque alternans, quod solutum seu sub linguâ, seu alio modo croci colorem plenè refert, succosum, exterius nigrum in rufum inclinans, non vehementer amarum & astringens. Nostro tempore ex glauco & rufo, non croceo alternare videtur, aded degenerauit à pueritiâ meâ ad consistentem ætatem. Seruatur in milio, vt pleraque alia medicamenta, quæ siccitate aut calore deficiunt. Alij circumdant cerâ propolide. Abortum tamen facit, & podagricis nocet, quanquam mite sit. Calidum est & siccum in secundo ordine. Est medicamentum iecoris, & est vnum è septem. Valet etiam hemittitæo cum aloë & absinthio; & febribus antiquis, & etiam ex pituitâ; & intestinorum excoriationi.

80. Rosaceus syrupus, & saccharum purgans.

Fit ex rosis cum rore collectis, nouies iteratâ infusione, educitque pondere vnciarum trium, bilem & pituitam etiam crassam, (quanquam de bile solum crediderint.) Hispani Medici hoc inuentum est, cuius nomen è memoriâ excidit. Sed & aquam ducit, aded vt sub diuersis ordinibus collocari posset, sed tamen placuit sub hoc disponere, quòd parum in vsum venerit ad asciticos exhaustiendos. Educt tamen primò bilem, inde pituitam. Fit & saccharum rosaceum demptâ parte astringente, cum multo rore collectæ rosa fuerint,

nam

384 *De facultatibus medicamentorum,*

nam & hoc purgat sed leuius. Idem possunt folia rosarum in acetario sumpta. In huiusmodi autem medicamentis, quæ plures humores purgant & aquam simul, aqua cum bile exit maximâ ex parte, inde etiam cum pituitâ mista. Attamen aquam hydropicorum vix educere potest, sed est quod exit aqueum excrementum in his qui malè concoquunt, in ventriculo & locis propinquis collectum.

81. Eupatorium Mesuës.

Herba est peculiaris Africæ, cubitalis, valde amara, folio aspero, viridi, inciso, simili ei quod est minoris centaurij, caule tenui, floribus subluteis, oblongis. Iecori valde amica. Hæc igitur purgat pituitam, & bilem attenuat, præterea & incidit, putredinem prohibet, resoluit, nec attrahit, tumoribus membrorum naturalium vtilis. Datur more aliorum leuium medicamentorum, pondere drachmarum duarum. Confert præcipuè febris antiquis.

82. Aloë.

Hæc succus est herbæ crassissimæ amarissimus, & vt ex vngue leonem agnoscas. Neque Galenus, neque Serapio dixerunt purgare bilem, cum non solum bilem, sed pituitam etiam expurget, sed pro eccoproctico, id est, feces educente solum (& educit sanè,) sed & alia habuerunt. Amicum ventriculo inter purgantia, non simpliciter, vt Rhasis rectè animaduertit. Debilitat iecur, nocet siccis, & tabidis, & senibus, & abbreviat vitam. Est tamen & inter mitia. Est è septem principalibus vnum. Et adiuuat vim aliorum medicamentorum,

&

& corrigit eorum noxam, ideò debet eis addi. Et cum aromatibus est medicina ventriculi 14.3. *tract. 4. cap. 13.* Et proprietatem habet cum oculis: & ipsum solum nocet iecori, & confert febribus antiquis, & in omnibus febribus educit cum aromatibus materiam imbitam in ventriculo, sed debet nutriri cum succo endiuæ. Est medicina vermium & pestis, maximè cum myrrhâ & ammoniaco. Aperit præterea hæmorrhoidas, & maximè cum Catapotiiis ex bdellio: & est perinde si illi addas bdellium, & succinum, & myrobalanos infusas in succo porri. Aloë Persica mentem acuit, & cibi appetitum.

83. Asarum.

Educit pituitam primùm, inde bilem flauam, & aquam etiam: sed & humores crassos, vt ischiadicis conferat. Confert antiquis febribus, & obstructionibus, atque duritiebus iecoris, & lienis, & viscerum, vnde etiam cum sit odoratum & astringens, plurimùm confert ventriculo. Galenus ipsum acoro comparat. Estque medicina nobilis, & in ascite etiam singularis, nisi obstaret, quòd cum educat alios humores, etiam impedit hoc, tum perturbando, tum vt minùs purget aquam, efficiendo, vt non adeò illis vtile sit. Calidum est ordine secundo, siccum in tertio: attenuat, resoluitque: fit mustum ex radicibus eius, hydropicis salutare: semen auget. Datur drachma in puluere, vel duæ in decocto: sed Orientale habere oportet; Italicum enim inefficax est. Est medicamentum tussis. Frangit renum lapidem.

84. *Apios.*

Agrioraphanum appellant, id est, raphanum agrestem, à similitudine radicis. Aliâ ratione rorimarino assimilatur, quòd radicis pars superior vomitum, inferior aluum moueat. Vncia igitur eius ex acetario sumpta, bilem & pituitam latis faciliè educit. Succus eiusdem semuncia idem efficit; & eius quod lac vocant, grana sex idem possunt. Sed pro regulâ habendum: quicquid tam exiguâ quantitate purgat, violentum esse; neque enim nisi ex immoderatâ vi, membrum à tam paucâ quantitate ad eò immutari potest.

85. *Iris.*

Huius radix præcipuè Illyricæ, ex drachmis septem cum mulsâ purgat bilem flauam & pituitam. Odoratum, amicum ventriculo [medicamentum.] Purgat crassum & tenue. Vtero, & aduersus serpentes auxiliatur. Confert neruorum morbis, ac pectoris peculiariter. Extenuat splenem. Mitissimum est ratione contrariâ suprâ dictæ: nam plurima eius quantitas ad purgandum exigitur, ad eò vt errorem [MS. *terrorem*] esse suspicer Meluæ [MS. *sen*] quòd velit incoqui in mulsâ. Educit crassa ac tenuia ex his: Calida est & sicca cum humido quodam superfluo radix dum recens est, in fine secundi ordinis. Coquitur sub cineribus, vel cum aquâ in furno, & cum saccharo lignis exemptis conditur. Propriè educit pus è pectore, & coxendicis dolori [opitulatur,] & aperit hæmorrhoidas, præcipuè supposita, sed oleo violaceo per noctem priùs madefacta, vt in Gualtherio Corbettâ Senatore,

natore, Græcarum literarum peritissimo, amicoque nostro. Confert gonorrhœæ, sed præcipuum est nymphæa.

86. Aristolochia.

Aperit, resoluit; exterius applicata, impacta attrahit, velut spinas; attenuat. Calida & sicca in initio tertij. Pituitam principaliter, post etiam bilem, & crassam etiam purgat. Dictum est quod quæcunque attenuant & purgant, etiam crassa purgant, quia illa attenuando liquefaciunt. Cerebrum & pectus ab humoribus crudis liberat. Dixi quæcunque tollunt humores crudos, etiam pituitam tollere: nam nomine crudus humor sub pituitâ continetur, at re pituita sub crudo humore. Nam quæ educunt, aut colliquant, aut attenuant crudum humorem, quamcunque etiam pituitam attenuare, colliquare, vel educere possunt. Longa efficacior est intus, rotunda extrâ. Confirmat ventriculum purgando etiam. Vtraque purgat menses, & præcipue à partu, vnde nomen sumpsit, optima partuum purgamentis: sed quæcunque immodicè id agant, palam est abortum facere. Sordida vlcera, maligna, & fistulas curat; vnde etiam intus sumpta, eadem poterit & phthisicis auxiliari [MS. *phthisicis auxilia*,] præsertim per circulationem ducta. Manifestum est autem quod in huiusmodi oportet alere tenuissimè, vt modico pane, & lacte asinino, vel caprillo, vel saccharo roseo; vel ericij, aut limaciarum, aut testudinis carnibus; aut vuis passis: potus nullus, aut lac, aut mulsæ in quâ folia huius plantæ incocta essent. Viscera confirmat, non tamen inter mitia medicamenta adnumeranda est.

388 *De facultatibus medicamentorum,*
87. *Clematis secunda.*

Sapor frondium acutissimus; ipsa herba serpit vt hederæ. Eius frondes in acetariis, & succus, tum radix pituitam primò, quoniam acre est valde [medicamentum,] & crassam, vt dictum est, inde etiam bilem (flauam scilicet) detrahit; nam de hac intelligimus, cum nihil adiicimus, Galeno teste, ad effugiendam non solum prolixitatem, sed ancipitem sensum.

88. *Sesamois.*

Maiores lenit corpus tantum, cum sit infirmior, sed helleboro sociabatur, vt purgaret melius, eâ ratione quæ suprà de cassiâ nigrâ dicta est. Verum minor purgat bilem flauam & pituitam. Ignotum nostrâ ætate. Olim [reperiebatur] in Anticyrâ, quæ erat vrbs Phocidis regionis, quasi è directo contra posita Cyræ insulæ, quamuis Anticyra orientior sit ipsâ insulâ: sunt autem Phocis & Bœotia, regiones utræque ad Parnassi montis radices positæ, vt Strabo docet, ibique affirmat præparari helleborum: sed Plinius libro quarto, cap. ser-sio oppidum Locrorum, qui sunt paulò occidentiores Phœnicibus. Alibi verò, putà lib. 25. cap. 5. Insulam in quâ cum sesamoide helleborus præparatur. Diximus enim optimam esse præparationem, quæ opus iuuat, & vitia tollit, cuiusmodi est hæc quæ per sesamoiden in helleboro fit. Sed in Plinij codice mendum est; sic enim debet legi: *Optimum autem est helleborum, quod in Anticyra insulâ colligitur.* Insula enim erat deserta, Anticyrensi vrbi in continenti, subiecta, in quâ colligebantur helleborus & sesamois, & ad urbem deferabantur, atque ibi præparabantur, vt Strabo docet. Nunc autem

autem ea vrbs vocatur valde diuerso nomine Suola. Cæterum sesamois minor etiam bilem & pituitam renuem tantum purgat: nam quæ crassam purgant, vel acria esse oportet, aut valde salsa, aut subdulcia sine amaritudine aut astrictione. Acida autem crassa non possunt educere; quia sine calore non possunt breui attenuare, imò etiam vix purgare, cum frigida sint.

89. Gratiola.

Herba est exigua, nota, cuius copia est apud Infubres. E tertio genere est purgantium, & molestissime purgat pituitam & bilem, & etiam serosos, vt puto, humores. Colliquat & tabefacit hominem.

C A P V T IX.

Bilem & utramque purgantia,

90. Fumaria.

HOrum medicamentorum si copia non adsit, duplex est modus conficiendi, vel vt gratiâ exempli, cœruleum lapidem iungamus scammonio vel tamarindis: vel vt educenti [MS. *velut educendi*] tres humores, vt pote helleboro addamus quod cohibeat pituitæ purgationem, velut absinthium. Et tamen vel sic difficile est inuenire huiusmodi medicamentum, quanto minùs à naturâ genitum: nam melancholiam propriè terrea educunt; bilem flauam, quæ leuissimæ sunt calidæque substantiæ: at huiusmodi contraria componere, salutarémque rem conficere, durum est & raram inuentu. Vtramque autem bilem

B b 3

flauam,

390 *De facultatibus medicamentorum,*

flauam, non exustam & exustam quæ ducant, inueniri possunt; quandoquidem medicamentum multiplex sit, materia tamen vna, scilicet flaua bilis. Velut fumaria, cuius folia, succus, & syrupus, hos duos humores qui maximè malefici sunt, ex venis purgant: vnde scabiei, & febribus tam in initio quàm in fine perutilis est. Mitissimum est, notum, temperatum, & siccum; cuius labilis est ætas, solùm enim circa Maij mensẽ colligi potest. Succı vnciæ tres exhibentur. Confert ventriculo, & iecoris aperit obstructiones. Quæ bilem flauam & aquam euacuant, sub his quæ tenues tantùm humores ducunt, comprehendimus. Est medicamentum phrenitidis.

C A P V T X.

Quæ pituitam & nigram bilem educunt.

91. Thymus.

Pari difficultate iungi possunt exusta bilis & pituita, quâ nigra cum bile flauâ. At nigram cum pituitâ educunt primùm Thymus inter mitia. Est autem nobile medicamentum, ventriculo vtile, iucundum, difficultati spirandi maximè conueniens: pituitamque purgat magis quàm hyssopus. Calidus est & siccus in secundo ordine, coctionem iuuat, appetitum cibi excitat, vtilis senibus, visum acuit, neruis confert, hyemis iniurias mitigat, vrinas cit.

92. Argentum viuum.

Hoc per os sumptum, tametsi venenum sit, tamen
destilla

destillatum & sumptum in Catapotiiis ad grana sex, cum caryophyllis, nuce myristicâ, macere, mithridatio, diamolcho, margaritis, smaragdis, hyacintho; aut torrefactum in terreo vase, exustumve, ad grana duodecim cum eisdem, tutò satis purgat humores pituitosos, & melancholiam etiam corruptam, vt expertus sum. Quidam dabat laborantibus peste; quod cum parum tutum esset, illud etiam accedebat quòd qui vi morbi periissent, veneno necari dici poterant. Illi tum etiam arteriis eosdem purgat, sed per cutem aut os, protruso veneno à corde per arterias in venas, inde ex illis ad iecur, & à iecore ad alias venas vsque ad cutem, quandoque vsque ad os: nonnunquam ad portæ venam, alioque exoneratâ materiâ. Namque vi veneni quod corruptum, potestate humor [erat,] actu humor fit. Indicum morbum curat & scabiem, nam se consequuntur. In suffumigio magis etiam purgat per aluum, & capiti prodest.

93. Mandragora.

Eius radix ex obolis duobus eadem potest si bibatur, dolores leuat, somnum facit: sed copiosius hausta, aut si non purget, insaniam facit, cuius rei meminit Hippocrates, mollit duos abscessus internos. Eius alexipharmacum radix raphani.

C A P V T X I.

Quæ pituitam & aquam ducunt.

94. Ciclamen.

CVm mulsâ potum, potenter vtrumque humorem educit, nec est maleficum, vt Arabes existimant:

runt: imò eius radix ex vnciis duabus in acetario editur ad hæc. Confert hydropicis, & est tenuis substantiæ: vnde & illitum vmbilico & ossi pubis Venerem pro-uocat. Manifestum est autem ex hoc, quod diximus; scilicet membra imbuta vi medicamentorum purgare, non ipsa medicamenta; & quòd ex lanâ suppositum, etiam idem poterit. Aduersatúrque venenis, & capitis omnibus morbis, qui ex huiusmodi humoribus fiunt. Incidunt autem membra in morbos temperaturæ suæ familiares magis, vt cor in febres, cerebrum in destillationes. Succus autem eius est inter ea numerandus, quæ à proprietate ciunt sudorem, velut etiam lignum sanctum, & semen genistæ, cuius ℥j. potus cum prolicet, sicut & illa quæ sunt tenuiorum partium, vt sinapis, & ferula, calamintha, nepeta, tanacetum. Alia fiunt talia cum vino iuncta, nam vinum per se, Galeno teste, tum mel, & ficus, sudores prouocant quanquam non efficaciter. Eiusmodi sunt amaranthi & smyrnij semen, radix aristolochiæ rotundæ, rorismarini herba & flos, & ex compositis, Galeni theriaca, vel: ℥. cinnamomi. ℥ij. nardi, myrrhæ, iunci odorati. an. ℥j. melle excipiantur. Sed destillata hæc vitro in Balneo Mariæ, redduntur efficaciora & temperatiora; ignis enim separat crassum, attenuat aquam; & humidum non sinit resolui partes tenuiores; vitrum facit vt omnis prauæ qualitatis sit expers. Ideò temperata, vel cordi vtilia, & frigida iuncta calidis in pretio sunt, velut aqua ex theriacæ librâ, oxylapathi m. iij. Pulegij, cardui benedicti, chamæmeli, graminis. an. m. j. Prolicetur & illitis, è quorum numero rursus est cyclamen, pyrethrum, & Galeni vnguentum. ℥. falis. ℥ij. olei ℥ij. cerusæ ℥ij. Coquantur ad spissitudinem non multam, inde addantur Chabani, propolis liquefacto

liquefactorum, demum aristolochiæ leuigatæ. an. ʒij. Præcipuum autem est huiusmodi auxilio balneum, aut cooperiri bene, ut etiam spiritus contineatur. Vnde hîc multa habes ad regium morbum.

95. Hippophæstum.

Hæc ex numero violentorum est: succus eius educit pituitam & melancholiam, utilis comitialibus & resolutis, sed parum nota planta. Sociari debet his quibus maleficæ aliæ.

96. Euphorbium.

Hoc est in quarto ordine calidum ac siccum, occiditque recens vsque ad annum. Inuentum referunt à fratre Antonij Musæ euphorbo Medico Iubæ Mauritanie Regis. Drachmæ tres interficiunt hominem, sed in calidioribus regionibus, velut Africæ, longè minor quantitas, ut etiam aureus vnus. Eligitur leue, fragile, pallidum, perspicuum, sapore & odore acerrimum. Eius pondus si non præparetur, est pro ratione temperaturæ, à scrupulo ad duos. Optimum morbis neruorum medicamentum, ob id prodest ischiadicis, resolutis. Emendatur hoc modo. ʒ. Euphorbij, drachmas duas. Mastichis, tragacanthi. an. drachmam vnam: ita tunde ut in vnam massam redigantur, & in medio panis, antequam coquatur, ponito, & cocto pane ac refrigerato, purgatam massam optimè eximito, cuius dimidium exhibitum pro catapotio, purgat pituitam crassam etiam & aquam. Antidotus ad illud est semen citri & enula cocta in vino, iuxta Matthiolum, nescio vbi inuenerit. Illud mirum est cum veneni

Bb 5 habeat

394 *De facultatibus medicamentorum,*
habeat tam euidentēs vires, cur neque à Dioscoride,
nec Principe, nec Conciliatore inter venena numere-
tur. Post tamen illius assumptionem, cū incipit ope-
rari, detur aqua hordei, cum oleo amygdalino recenti.
Superpositum capiti trahit ad se aquam, & exiccat ce-
rebrum. Est enim in vtraque facultate potens. Confert
propriè apoplecticis.

C A P V T XII.

Quæ bilem atram, & aquam.

97. Esula.

Relinquebantur illa quæ purgant nigram bilem ac
aquam, quæ rara admodum sunt, quoniam nigra
bilis crassa est, aqua autem tenuis; & ratione quæ dicta
est de bile flauâ & nigrâ, eisdemque modis, curandum
est vt habeas eiusmodi medicamenta. Verū quod
tale est, oportet esse compositum ex duplici substantiâ,
crassâ & nigrâ, aut tenui sed exustâ; & aliâ tenui, sed
horribili aut potente. Quæ à Mesuë præponitur esula
mitior, appellatur tithymalus cyparissias, educit enim
nigram bilem & aquam. Est enim tithymalorum è ge-
nere parua exilibusque planta, exilibusque radicibus.
Exhibetur pondere granorum octo, seu siliquarum
duarum. Cum hoc etiam lædit cor, ventriculum, ie-
cur, excoriat viscera, sanguinem educit, febres accen-
dit, immodicè purgat. Ob hæc igitur sic præparanda
est, vt reliqua quæ proprietate nocent: (nam maior
est venenum illud, de quo Galenus dixit, quod occi-
debat educendo sanguinem.) Infundatur in aceto ro-
faceo

faceo ter, & semper siccetur; pòst ter in lacte, inde vbi siccata fuerit, cum mastiche & tragacantho exhibetur; vel recens sed siccata, (cauendo semper tamen nigram, quod commune est omnibus huiusmodi medicamentis, quæ naturâ nigra non sunt, vt colocynthidi, tithymalo cuique, agarico) imponatur in pane cum mastiche, tragacantho, seminibus citri, & enulâ; & vbi coctus fuerit panis, eximatur; & ita præparatæ pondus sit granorum viginti aut paulo minùs. Et qui sumet eiusmodi medicamenta, semper, vt dictum est, frigus vt exitialem rem cauere debet, sed præcipuè in hoc. Alexipharmacum eius est organum assatum.

C A P V T XIII.

Quæ tres humores purgant.

98. Centaurium minus.

Purgat primùm pituitam & crassam, inde bilem flauam, & melancholiam, non tamen aquam, & est è secundo genere medicamentorum, aded verò venis addicta est vt ebibita sanguinem per inferiora educat, seu venas hæmorrhoidarum aperiendo, seu quascunque alias, cæque ratione per clysterem infusa, aut superposita ischiadicis prodest, nam epota parum confert, quia etiam eo modo administrata parum de sanguine educit. Quæcunque etiam tres humores purgant, conferunt febribus mistis & diuturnis in fine, & his quæ redierunt. Applicitus autem succus eius ano, sanguinem per hæmorrhoidas trahit, velut etiam vrticæ, sed minùs, & cepæ nucleus mundatus, & folia ficûs

396 *De facultatibus medicamentorum,*

ficûs ob asperitatem & lactis vim, & folia vlmi à proprietate, & radix iridis, vt suprà dictum est. Liquet autem quòd centaurij folia dicuntur medicamentum absolutum ad aperiendum hæmorrhoidas, quia illud idem præstant intus sumpta, & extrà, velut & folia porri, sed hæc sunt acriora, atque molestiora, & minùs tuta. Debet autem ad hoc munus exhiberi centaurium de mente Galeni, cum hierâ simplici. Prodest etiam centaurium venenis longis, putrefacientibus, ac tabefacientibus, quia educit humores corruptos, saniem, & huiusmodi. Calidum est, siccum vltra secundum ordinem. Dantur drachmæ duæ. Et est medicina pectoris, aut saltem morborum eius; & splenis, associata cucumi anguino, aut colocynthidi, curat tremorem ortum ex superfluâ Venere. Huius proprium est ad intima deducere vim medicamentorum, præcipuè ad pulmones, ad intersepientes membranas, cordis capsulam, anteriorem renum & vesicæ superficiem. Venenis igitur temporancis. ℞. centaurij minoris m. j. ficûs siccas. n. viij. fructûs iuniperi. ʒj. chamæleontis albi. ʒij. & si vrget, adde Cantharides, in ℥. iij. aquæ, ducatur ad tertiam. Sumat in balneo per dies xx. Possunt addi cicera, baccæ lauri, vel ruta. Cibus lac asininum, & panis tantùm.

99. Sena, & colútea.

Eadem & eodem ordine purgant hæc, seu vnum seu diuersa inter se, quo centaurium. Folliculi magis purgant quàm folia. Italica quàm senam esse volunt, minùs purgat, & plus agit, capitis dolorem mouet, ventriculo inimica admodum. Vidi virginem vestalem, quæ quòd decoctum vnciæ vnius bibisset, veneni sympto

symptomata passa est. Ob hoc neque ad custodiam utilis, cum vitam abbreviet, nec ad morbos magnos, cum sit imbecillis, sed solum in cura epicrastica longarum febrium, quibus est propria quantitas vnciae dimidium in decocto. Sola hæc melius ex infusione, quam exhibitâ substantiâ operatur. Sed ubi tempus desit ob accessiones, cataportiis ante cibum utemur ex aloë locâ, aut è tribus: estque medicina Epicrastica.

100. Agaricum.

Bono nihil melius, sed rarum inuentu: malum veneno proximum. Purgat pituitam primum, inde flavam bilem, deinde nigram. Quæcunque verò tres humores ducunt, & sunt è tertio genere, & hydropicorum aquam purgant. Est autem eiusmodi agaricum, nam maximè caput iuvat, purgat & pulmonem, & nervos: lignum eius inimicum ventriculo, sed optimum eo caret, aut quàm tenuissimum habet. Candidissimum, leuissimum, æquale totum & intus & extrâ, subdulce, inde etiam amarum. Cum melle propriè est medicamentum peccoris & pulmonis. Et est vnum è septem. Confert vteri præfocationibus, & est medicina eius, præcipuè cum castoreo. Confert etiam propriè febribus pituitosis.

101. Helleborus niger.

Secundus hic est Rex medicamentorum, & mitior colocynthide. Purgat primum bilem nigram, inde flavam, post pituitam. Vnde manifestum est bilis nomine plerumque apud Dioscoridem utramque intelligi,
nam

398 *De facultatibus medicamentorum,*

nam cum dixisset bilem ipsum purgare, nec nigram subiunxerit, quam constat primum purgare, vnum sub altero comprehendit. Magis est violentus quam molestus, nam non pręparatus, aut non pręparatis datus suffocat. Opportunę autem exhibitus speciem redditus [MS. *redditus*] ad iuuentutem prębet. Cordi, cerebro, iecori, ventriculo vtilissimus, quod nigrum humorem, & iam atrum esse incipientem, mortis sedem & alteram senectutis causam purgat. Ob id mentem acuit, memorię restituit, canos restituit ad natium colorem, resolutos, comitiales, insanos sanat: vitam in longum æuū & supra fidem producit. Scirrhus nondum siccatus iecoris ac lienis tollit, tristitiam aufert, dentes stabilit. Ductus per circulationem ab exhibitione in quatuor horis asciticos liberat, & adeo vires addit, vt qui iacuerunt aliquot mensibus, confirmati tanquam ius aliquod ab ephemerā, aut ouum, vel etiam vinum Pramnium sumpsissent, inambulent. Est medicamentum illud sapore & colore ad vnguem rubro vino simile. Nec quicquam creauit sub Lunā adeo humano generi salutare natura, vt helleborum. Eligitur purpureo flore, Orientale, in montibus natum, recens, sed siccum. Adnatum prope vites, ita vt radix radicem tangat, vuas efficit medicamentosas. Cumque albus homines pręfocet, niger iuuet, iumenta tamen album edunt sine detrimento, à nigro abstinēt, & si incautę deuorauerint eum, pereunt statim. Visui salutaris & auditui est helleborus niger. Calidus est & siccus in tertio ordine. Purgat pręterea vesicam, renes, vterum, neruos, sanans podagram melius quouis medicamento, vt etiam vlcera interiora, callosa, malefica, chironia; vnde etiam Hippocrates tabificos ob id factos & phthoën curabat. Vertiginem,
dolorem

dolorem capitis antiquum, strumas tollit. Corporis colorem & habitum bonum efficit, necnon etiam illius, tum oris odorem commendat; lepras, elephantiasin, caneros, & carcinomata, & antiquas febres curat. Cúmque tale sit, non ipsum sumere bonum est, aut tutum, nisi cum aniso, & apio, vel cymino beneolente, nam nostrum euertit ventriculum. Quantitas granorum duodecim. Sunt qui in radicem sphondylii multis locis perforatam, drachmam mediam radicularum hellebori immittant, & post diem sphondylium exhibeant. Scribitur ab aliquibus Elleborus sine aspiratione. Et cum simpliciter profertur, pro purgatione nigrum, pro vomitu album est intelligendum. Acris est saporis recens ac acerrimus est eligendus. Curat etiam inferiorem morbum lateralem. Durat decem annis vis eius, & est vnum è septem. Et est medicina cerebri; & ideo optimè iungitur cum castoreo & stœchade. Et est medicina morbi lateralis in costis inferioribus, si sumatur cum speciebus hieræ ab initio. Et est phthoë laborantium medicina, post sumendo lenticulæ ius. Et medicina contra fracturam ossium & luxatorum. Et sumuntur pilulæ seu catapotia Inda loco eius. Et meliora sunt quæ subiiciemus. Est etiam proprium elephantiasis, & caro etiam viperæ: & præparatio urinæ hirci super lapides, caniculæ temporibus. Et medicamentum ex auro, argento, & chalybe vstis, expertum à nobis. Conuenit propriè lieni, & eius morbis, sed & fistulis, velut & asplenia adhibita [MS. *aspleniati bibita*,] & galiopsis, & cancri, astacique: sed hi extrà in cinerem reducti; nam galiopsis species radicem habet vt cicet, quæ solo tactu sanat hæmorrhoidas. Transferuntur enim auxilia ad morbos à maiori, sacri [v.g.] ad vertiginem: vel quia idem membrum, vel materia, vel symptoma,

400 *De facultatibus medicamentorum,*
symptoma, vel sanandi difficultas, vt à carcinomate
ad fistulas & chironia [vlcera.] Eius alexipharmacum,
Nymphææ flos albus.

102. Helleborine.

Folio angustiore, flore albo, cæterùm formâ & viri-
bus longè inferior, strangulat etiam, neque est epipa-
ctis: nec scio cui vsui, vbi helleborum adsit, nisi quòd
adeò præstans sit helleborus, vt etiam illius æmulanti-
bus formam ac vires, velut optimi Regis seruis fa-
uendum sit.

103. Peplium.

Hoc lacteum est, ideò acre, & calidum ac sic-
cum valde: lac enim quodcunque etiam lactucæ,
ficcas partes habet & vrit. Exhibetur ad vnguem
vt helleborus, eisdémque fermè viribus præditum.
Estque tertius Rex medicamentorum, licèt non adeò
iustus; nam violentum non solùm est, sed etiam
maleficum.

104. Peplum.

Hoc earundem ad vnguem est virium, sed minùs
efficax.

C A P V T XIV.

Quæ omnia purgant.

105. Aquæ thermarum.

HÆ expurgant multitudine suâ & caliditate, vt *sect. prima problem 42.* omnes humores: primùm quidem qui in mesaræo sunt, & cauâ iecoris per aluum; pòst in gibbâ & vniuersis aliis venis, modò per aluum, modò per vrinas: falsæ enim magis per aluum. Et quanquam Galenus hoc cognouisse videatur, *quartâ Aphorism. comm. 10.* vbi aquas calidas inter vniuersum corpus purgantia commemorat, non tamen sub eo sensu intelligit, sed solùm per digestionem illam, quæ fit à calore in vniuerso corpore, vt manifestum est illius dicta scrutanti, *sexto de Tumedâ sanitate, cap. 9.* Igitur vsum potûs earum nostra ætas inter reliqua inuenit commoda, vt totum corpus hoc auxilio expurgetur, & cum hoc etiam malæ intemperies, frigidæ, calidæ, humidæque præcipuè soluantur: in siccâ forsân si caliditati iuncta sit, quædam etiam iuuant. Cum hoc præterea aliæ conferunt peculiariter iecori, aliæ ventriculo, inde intestinis & licni, pòst renibus. Quædam etiam frangunt lapidem, aliæ vtero, demum capiti, sed minùs hoc, ac quasi per accidens potæ. Cúmque omnes vt dixi, ob multitudinem ac calorem, humores omnes expurgent, non tamen æqualiter: sed quæ ex nitro primas obtinent partes; inde ex bitumine, vel ære vsto; bitumen enim nitro & sulphure constat: pòst falsæ, inde sulphuræ. Quædam etiam immodico calore cruda colliquando, aut biliosa irritando

C c

purgant,

402 *De facultatibus medicamentorum,*

purgant, tametsi naturâ tales minimè sint, vt quæ sulphure & calce solùm constant. Materia igitur metallica purgans, nitrum, æs, sal, sulphur, ex quibus reliqua, quæ compositione quandoque euadunt multò potentiora. Sed & ordo variatur: nam biliosa primùm à frigidis balneis, cruda à calidis; & hæc prima in omnibus fermè, inde pituitosa educuntur. Atra autem quæ purgant, vt dixi, in pretio sunt ærea, & auri aliquid admistum habentia, moderatè calida, quæ solæ longitudini vitæ, sensibus, & hilaritati profunt, velut apud Viterbium in Italiâ, & Piperinæ in Germaniâ, & apud Curiam in Rhætiâ Fabariæ, tales enim feruntur, vt habet *Fallopius de Thermis, cap. 8*. Verùm omnes aquæ thermarum nocent vesicæ, licet omnes educant arenas, & lapidem renum, & frangant eum.

106. *Cucumis anguinus.*

Hic etiam vocatur asininus, & agrestis, & erraticus. Tyrannusque est supremus medicamentorum, violentissimus, validissimus, cuius succus coactus appellatur Elaterium, nec vlla medicina minùs sentit senectutem, durat enim in centum annos. Succus eius pondere granorum duodecim, vel corticis eius duplum in decocto, cuius exhibetur dimidium vnciæ, euacuat potenter aquam hydropicorum, & pituitam, & vtramque bilem. Elaterium verò fit ex fructu eius, & dantur grana octo duntaxat, pueris quatuor: pro ratione in omnibus propè, dimidium virorum ac mulierum, ita etiam in lenientibus aluum. Erant autem corpora Græcorum ob exercitationem vehementem, & ciborum paucitatem, & regionem montuosam, validiora, idè potentioribus medicamentis indigebant. Loca etiam

etiam maritima efficiunt robustiores homines. Qui etiam habitant in paludibus, vt Ferrarienses & Ra-uennâtes, & qui edunt glandes, & castaneas, & nuces cuiuscunque generis, non solùm exigunt medica-menta validiora, sed etiam ferunt. Horum autem vtrumque semper considerare oportet, vt in omnibus auxiliis, quid exigat, & quid ferat. Qui etiam loca ista ventis exposita inhabitant, aut montes, aut multum exercentur, licet exigant & ferant medicamenta vali-da, & ipsi sint robusti, tamen non est robur nisi exter-num aut ad speciem, non autem verum & in substantiâ membrorum principalium; sed in caloris copiâ, magni-tudine, & tenuitate, non in temperamento & densitate solidorum. Et ided minùs viuunt, & sæpius ægrotant quietis & habitantibus in terrâ planâ. Sed vt ad rem reuertar, calidum est elaterium in secundo, vt manife-stum sit vim purgandi medicamentorum non sequi qualitates: siccum in principio quarti; est enim ama-rissimum; omnia autem talia siccissima sunt, aded vt etiam teredo omnis amara sit. Et calor ex quo genita est hæc planta, putrido similis est, & ided etiam abomi-nabilis est amaritudo hæc. Et tota planta, scilicet radix, fructus, & caules purgant vehementer, & sunt amarif-sima. Trahit etiam non solùm epotum, sed per nares pituitam & excrementa cerebri. Ex grano vno vel duobus cum lacte aut aquâ maluæ, sanat antiquos ca-pitis dolores, & comitalem, & obstructions iecoris ac lienis. Et subdita radix, vel cum melle rosaceo illius decocto misto aquam hydropicorum paruâ cum mo-lestiâ trahit. Vtendum tamen in his, tum etiam sumere oportet per os laccam, hæc enim est vtilior iecori can-camo antiquorum, & mastichem, & bdellium opti-mum si haberi potest, & radicem sphondylii, & semen

404 *De facultatibus medicamentorum,*
maſi Medici. Vomitum acerrimum cit. Et eſt medica-
mentum hydropis & aquæ, & aſthmatis, & morborum
columellæ. Et eſt vnum è ſeptem principalibus. Eius
alexipharmacum menthæ ſuccus.

C A P V T X V.

Quæ tenues humores educunt.

107. Abſinthium.

Quæ tenues educunt humores, non eadem ſunt his
quæ bilem flauam & aquam purgant ſolùm: ſicut
quæ craſſos, non eadem his quæ crudos humores, &
melancholiam. Cùm enim craſſa ſit bilis aliqua flaua
& pituita, par eſt etiam melancholiam tenuem aliquam
eſſe. Non enim bilis flaua, craſſa admixture pituitæ ſit,
cùm nec omnis pituita craſſa ſit, ſed multa tenuis
etiam ſit. Multus calor naturalis, cum multo frigore
præter naturam, bilem craſſam gignit; cum paruo autem
tenuem: ſicut paruus calor naturalis cum multo fri-
gore præter naturam, craſſam pituitam; & cum pauco,
tenuem gignit: præſertim coadiuuante naturâ ci-
borum; terrei quidem exuſti craſſum & melancholi-
cum humorem gignunt; craſſi & lenti, vt piſcium
magnum, pituitam; craſſi feruidique, vt cœpæ,
bulbi, bilem craſſam; tenues & calidi, velut aroma-
ta, vinum, olera acuti ſaporis, bilem tenuem; con-
traria ſimplicia [MS. *contra ſimplicia*], pituitam, vt lactu-
ca, cucurbita, beta. Ergo abſinthium humores ſolùm
tenues educit, qualeſcunque ſint, & debiliter. Cæte-
rùm iuuat iecur & ventriculum, cibi appetitum exci-
tans,

tans, & obstructions aperiens. Ideò non solùm non lædit viscera, sed aliorum medicamentorum detrimēta tollit; atque etiam hydropi, & morbo regio medetur. Peculiare illi est singultum sedare. Opportunum est febribus antiquis. Ponticum [MS. *Pontificum*] optimum & Macedonicum, Seriphium malum, medium commune. Vitiatur æstate, & nigra animalia parit è genere paruarum muscarum, tuncque statim præcidendum, vt mundum renascatur. Neque totius herbæ vsus, sed solius comæ, eiúsque admodum virentis. Radix inutilis, sed neque succus ventriculo gratus, neque decoctum: sed coma viridis iam feruenti iuri imponatur paululum, vt amarum & astringens sapiat suauiter, non vt vini qualitatem imbuat; sic enim omnia commoda affert, incommodi nihil aut mali. Ad regium morbum, & ad summam appetitûs deiectionem, in vino flauo & incorrupto bibitur, & sanat mirificè. Innocens est, non solùm mite. Estur cum oleo & sale ante prandium, in cœnâ minùs vtile. Educt etiam aquam in hydrope, sed leuiter, nam prouocat vrinam; quæcunque autem vrinam prouocant, si præterea purgent, etiam aquam educere possunt. Nihil mirum est quàm multa posse humores tenues educere, quæ non possunt crassos, tum ob substantiæ similitudinem, tum etiam quia tenuia facilius est mouere quàm crassa, quæ ponderosa existunt, & sæpe lenta. Prolicit autem & vrinam, quòd cum aquam educere non potest, illam sequitur: hoc enim naturâ inditum est, vt in coniunctis etiam agens passum sequatur, vt Herculei lapidis frustulum aut schidia ad magnum ferri frustum fertur ac tendit.

406 *De facultatibus medicamentorum,*
108. Perfici flores.

Hi cum saccharo conditi non minùs purgant quàm rosæ, imò longè plus, & tenuem tantùm humorem, siquidem naturâ sunt tenuissimi. Mirum est autem, cùm nulla plantæ illius pars hoc possit. Creditur etiam podagricis plurimùm opitulari, scilicet vbi materia tenuis principaliter infestat.

109. Cynocrambe.

Mercuriali similis admodum est, eoque agrestis mercurialis vocata, notissima planta. Educit bilem, pituitam, & aquam, si iuri incoquatur & edatur, iusque bibatur. Egregium medicamentum & mite, dolores tamen mouet.

110. Empetron.

Non huic forsan inferius Empetron, si inueniretur. Purgat enim pariter eosdem humores, ac sine noxâ, vt etiam asciticorum aquam, idque ob falsedinem. Et hoc ideò mite.

111. Sambucus, & ebulus.

Superiùs de illorum corticibus egimus, nunc de foliis & surculis qui tenues humores ducunt, primùm aquam, inde bilem, & pituitam. Ob id etiam radix vino incocta utilis est asciticis; nam & iniucundum odorem quo grauis est, vinum mitigat. Liquet autem eiusdem esse speciei ob similitudinem exactam: sed herba plus purgat quàm arbor, & etiam plus nocet. Sunt igitur è genere violentorum.

112. Hippo

112. Hippophaë.

Hæc minùs efficax est ad tenues humores educendos, & magis molesta; est enim lactariæ herbæ species. Quidam exhibent vncias duas seminis, dicuntque solam flauam bilem purgare; sed nescio quàm tutò tantum pondus.

113. Lathyrus.

Earundem virium est cum tithymalis, purgans bilem, pituitam, & aquam, tenuia omnia: penè exitialis, quia nullæ est herba lactis feracior, nec vlla copiosior in hortis, adeò vt illud dicere possimus Virgilianum. *Et fallax herba veneni.* Vnde manifestum est, quanto in periculo versetur vita nostra: plerisque enim deuorata pauca folia huius herbæ, mortem aut noxam insanabilem iecori cum malo habitu perpetuo inferunt. Sed Deus huic periculo succurrit, nam coctione venena mitigantur si cum mitioribus iungantur: at efficiuntur diriora, si separentur, aut deterioribus iuncta fuerint. Sunt & quædam familiaria & nobis in vsu, quæ non permittunt sæuire venenum, velut ruta & alium, præterea iura omnia carniū, & præcipuè pulloꝝ, & oleum, & butyrum etiam magis, & sal, & ficûs siccæ, & nuces hebetant omnia venena; præterea etiam si nulla suspicio fraudis sit, propter casûs ipsos non absurdum fuerit aliquid horum sumere, & non parum; aut de pluribus, licèt non multum. Eadem profunt in crudis, sed cruda vt sunt sæuiora, ita produnt se acri & abominando sapore, etiam si herbam non agnoscas. Propterea & lactarias omnes herbas agnoscere, & napellum, & aconitum, è re fuerit, & dendroidem,

408 *De facultatibus medicamentorum,*

droidem, sed in illâ periculum abest ob asperitatem mandendi, est enim durior, & etiam cùm senseris sapes huiusmodi, aut prauos odores, reiicere non indecorum est. Sed & caue quæ sponte talia sunt, vt fungos, anguillas, ranas, præterea piper & gingiber, ne eâ sub specie, aut potius spe fallaris. Alexipharmacum eius, hypericônis semen.

114. Ricinus.

Planta hæc heliotropium vocatur: arborefcit, cùm sit herba non è lacticiniorum genere, sed molestè purgat tamen semen eius, à similitudine formæ & coloris dictum cum canino pediculo. Calidum est & siccum in terrio. Dantur grana septem. Oleum itidem potest. Ducit enim bilem, & aquam, sed & pituitam. Lædit membra naturalia, idè similibus iungendum, sphondylîo & semini citri; & hæc sufficiunt ad coercendam offensam, sed ne immodicè purget, mastiche, tragacanthum, santala, caryophylli, & succus cotoneorum prohibent, sicut & cinnamomum nostrum, & præter reliqua Theriaca in omnibus vsui est, si bona sit. Et oleum eius & lilij, cum decocto cassiæ nigræ & iridis, conferunt proprietate suâ scirrhis ventriculi, & vteri præfocationi, & declinationi, & idè est medicina illius, & confirmat fœtum in consuetis abortire ob superfluum humidum. Et est vtile valde in dolore vesicæ à flatu, & coli à causâ frigidâ.

115. Pityusa, seu Turpetum.

Est quod officinis in vsu est, nec tamen valde molestum est. Radix eius purgat bilem, & pituitam, & aquam

aquam non corruptam. Ideò vtile valde his quibus salua abundat. Cùm ergo lac ferat, & non sit odorata, molesta est: ideò vtimur pastillis confectis ex eâ, manna, & violis; earum enim tempore conficiuntur. Dantur drachmæ duæ huius compositionis, vel etiam decoquitur eodem pondere radix, seminis dimidium, succi quarta pars; addi tamen debent quæ roborant iecur, vt absinthium, lacca, caryophylli. Turpetum cum scammonio & gingibere, & castoreo educit pituitam lentam è cerebro. Et ex illo fiunt catapotia stomachica Alchindi, quæ etiam conferunt singultui propriè, & obstructionibus iecoris. Et est medicamentum morborum ventriculi, cùm necesse est expellere, quod etiam influit in illum, & citò. Et lac eius cum saccharo est proprium ad purgandum asciticos, quia absque detrimento fermè & potenter conuenit febribus antiquis, & epialæ, & lipyriæ, propriè cum myrobalanis, centauro, absinthio, & rosis, in fine tamen. In tertianâ autem nothâ, etiam in principio. Et coli doloribus ex pituitâ crassâ, in fine, sed debet vis eius augeri; & etiam si sit à fecibus. Ideò præcipuè in Diaphœnico [ponitur.] Eius alexipharmacum, hypericônis semen.

116. Chamelæa.

Semen huius vocatur Gnidium, quod purgat, vt etiam oleum: eius folia cum absinthio & melle conformatâ in catapotia, & integra deuorata purgant pituitam & bilem: folium est amarum & acre. Est è lacticiniorum genere, potiùsque molesta quàm violenta. Corrigi debet vt reliqua eiusmodi. Vocatur mezereon minus à Mesuë. Eius alexipharmacum amygdalæ amaræ, vel quod est thymelææ.

410 *De facultatibus medicamentorum,*
117. *Thymelæa.*

Mezéreon maius, planta mortis, Princeps latronum. Maxima planta lacticiniorum, & sæuissima, adeò vt ad naturam veneni apertè accedat. Præter enim id quòd ventriculo & iecori sit inimicissima, fauces incendit & exulcerat, vrit, inflammat, abscessus vndique, etiam intus excitat, colliquatque naturalia membra, adipem, & carnes. Propriè tamen hydropis aquam educit. Ideò & cocta & præparata exhiberi debet. Deterior est aspera, parua, spissis foliis, ac præsertim crispis aut nigris, & quæ aridis locis, & solitaria nata est, vel serpentum loco, aut proxima thermis: quòd si etiam aliæ herbæ adsint, maleficæ tamen, & non sui generis, pro veneno habenda est. Singulorum autem causas referre, non abs re fuerit. Paruitas & asperitas foliorum, & crispitudo, à siccitate proueniunt; ipsa autem iam per se sicca immodicè est, & ad quartum ordinem accedit: sicut nigrities fit ex adustione, cum sit ignea iam totà naturâ suâ. Spissa folia fiunt humore terræ facultatem plantæ superante. Cum verò maleficæ hæ plantæ, consensu quodam communi inimicitie cum humano genere, copulentur serpentibus atque fœdis animalibus; si eadem ibi inueniantur, non solum terram prauam, aquas, & aërem corrupta esse docent, sed ex eorum familiaritate prorsus euadunt mortiferæ. Atque eò magis si sola planta, eò enim accurrunt omnes: ex quo vix fieri potest, quin magno ac lethali veneno præditæ non sint. Facit & solitudo illa, vt neque vi soli, neque semine nata videatur, sed putredine, aut animalis virulenti colluie: omnia enim in omnibus cum aliquid agant, quid sperari aliud potest, quàm vt ex fœdorum reptilium humore, perniciosæ plantæ generen

Lib. III. Pars III. & Vlt. Cap. XV. 411

generentur : ac vicissim ex plantarum consuetudine in humore, aëre, atque terrâ similes pestes ? Quod ad therimas attinet, corruptum exustione solum, omnia deteriora reddit, & per se noxiam iam[plantam]naturâ suâ, exacuit. Quod verò dicit Dioscorides, *viginti illius grana purgant pituitam, & bilem, & aqueos humores*. Et rursus : *Folia messis tempore qua cnéorum appellantur, collecta, & in umbrâ siccata tusâque, si excipiantur nerui, epota acetabuli pondere cum vino diluto, humores aqueos purgant : idémque faciunt mediocriter, cum alijs oleribus lentibúsque cocta & comesta*. Hoc vno palàm est, tenues humores semper excerni, meritóque aquam hydropicorum. Verùm expositores circa quædam minoris momenti plus quàm diligentes, hæc prætermittunt tanquam nullius ponderis. Vt verò pro regulâ sit, semina violentiora videntur, quoniam nullâ arte præparata; folia mitiora cruda sumpta, sed tamen debilitata, dum exiccarentur in umbrâ; calidior enim atque acrior pars resoluitur : at cocta & coniuncta lentibus, in quibus est facultas refrigerans & astringens, solùm aluum mouent. Dixi autem quòd hoc opus simile est lenitioni, plurimùm tamen ab eo differt. Eius alexipharmacum, origanum assatum, quod differt à tosto in hoc, quoniam non vritur.

118. Tithymali.

Reliqua genera omnia quiddam habent, quiddam non : nam omnia lac habent ; licèt non omnia quæ lac habent, sint è tithymalorum genere, vt chamelæa, thymelæa, pityusa, lathyris, ficûs lac, & lactucæ, vt supra visum est. [Dicitur tithymalus] à τῆς nutrix, & *καλὸς* exitiosus ; capitur enim nutrix pro eâ quæ lactat,

412 *De facultatibus medicamentorum,*

Etat, nam lac, vt dixi, ferunt omnes. Etiam inest [MS. est] omnibus, vt quatuor habeant partes: lac violentissimum, inimicum cordi [MS. in cordi,] iecori, ventriculo, gutturi, gulæ, intestinis. Folia cruda vi & prauitate illi proxima sunt, minùs mala si cocta, vel diu salita, postquam experimur sal etiam à fungis vim veneni detrhere, adeò vt ex salitorum fungorum esu nullus periisse inueniatur, quanquam à recentibus tot præfocati sint. Semen autem innocentius, quoniam non habet humidum vitiosum, sed loco eius oleum, maximè siccatum. Trahunt ergo hæc aquam, bilem, inde pituitam tenuem, maximè lac: quomodo enim crassam, cum lac tenue sit, leuèque quod ex plantis excipitur? quapropter granorum numero pondus metimur, vt tria, quatuor, octo dentur. Alexipharmacum idem quod platyphylly.

C A P V T XVI.

Crassos humores purgantia ex ventriculo, & venis, ac etiam articulis.

119. Ius galli antiqui.

ELigitur gallus sex annorum, aut saltem quinque, & vt antiquior, salacior, magis rubet, & cristatus, magnus, & audax, eò melior. Deplumatur, virgis cæditur paruis liber, inde captus statim capite præciso exenteratur, & amputatis cruribus, additâ salis vnciâ excoquitur alacri igne in libris 20. aquæ, donec dissolutus fuerit. Dantur ex eo à librâ vnâ ad duas. Calidum forbetur.

betur. Educit pituitam crassam, crudum humorem, atque melancholiam; nam hi cum crassâ etiam bile, nomine crassorum comprehenduntur, omnésque frigidi, sed vltimus siccior. Paucis cum torminibus ducit, nam necesse est quæ ducunt crassa, & tormina mouere, magis tamen si lenta fuerint. Forsan obiiciet aliquis non videri[esse vlla] quæ purgant crassa, & non tenuia; nam cum validiora sint, etiam tenuia eiusdem generis expurgare debere. At non ita est, quoniam quæ huiusmodi purgant humores, aut terrea sunt, velut stibium; aut lenta, vt resina, & palma Christi quæ bulbosa est; aut quoniam attenuant & incidunt, vt scilla: hæc igitur tenuia non educunt, cum nec similia substantiâ sint, nec attenuata nimis, aut dissecta in minimas partes exprimi possint, vt Galenus dicebat de pituitâ excreandâ. Omnia præterea quæ ducunt humores tenues, iuncta alumini educunt crassos eiusdem generis, vt author est Princeps, in *curâ morbi regij*.

120. Lapis Iudaicus.

Hunc maximè foeminam frangere lapidem vesicæ referunt. Huiusmodi autem omnia longè magis etiam lapidem renum atterere possunt. Hunc tamen contingit crassa etiam omnia per aluum ducere, generali Aristotelis ratione, quod acris est, & subigi non potest. Acris enim omnia, quæ vincuntur, excalefaciunt valde; terrea qualitatibus alienæ expertia astringunt; terrea acris, si valde sint acris, omnia ex professo venena sunt: neque enim subigi possunt, & euincunt hominis naturam; moderatè autem acris seu amara laxant ventrem, & humores crassos ducunt.

In

414 *De facultatibus medicamentorum,*

In quo genere est qui vocatur lapis Herculeus. Magnus eligi debet, qui valenter trahit ferrum. Grana duodecim ex illo exquisitissimè trita, educunt eiusmodi humores crassos, & ex locis dictis, ut sit è genere robustorum. Quæcunque autem robusta sunt in hoc genere, etiam valida sunt, & quæ crassos humores trahunt, molesta sunt, si non colliquant: neque enim fieri potest ut crassa, dum crassa sunt, sine violentiâ educantur. Quæ autem colliquant, extremæ caliditatis sint oportet, nec crassorum tamen secundum genus colliquare queunt. Optima sunt tertij generis medicamenta, quæ nec colliquant, nec nimis excalefaciunt, nec per se crassum humorem educunt, hoc enim, ut dixi, non absque violentiâ fieri potest, sed quæ incidunt ac dissecant prius, inde expurgant. Quæ ergo terrea sunt, trifariam violentissima sunt, & quod trahunt nec dissecant; & quod nullum bonum odorem habent, & quod in antipathiâ consistunt.

121. Stibium.

Hoc etiam solet vocari Antimonium præparatum, ut in *quarto de secretis*. Euacuat humores omnes crassos adeò potenter, ut statim aliquos à diuturnâ spirandi difficultate liberauerit, alios etiam à peste. Summum præsidium in lue Indicâ. Quantitas à granorum trium pondere ad octo: datur cum sacchari rosacei drachmis duabus aut tribus. Quia verò nec secundi, nec tertij generis medicamentorum crassa educendum est, de quibus modò dixi, ob id violentissimum est, tum verò magis quod tenuium humorum valde parum educat. Quæcunque enim in hoc genere collocantur, tenues humores propriè non educunt. Nam
fi

si propriè etiam educerent tenues humores, & multò plures ex his, qui faciliùs mouentur, & quorum fermè semper maior est copia quàm aliorum, educerent: at in tam violentâ educatione fieri non potest, vt reliqui omnino quiescant. Quæ verò colliquando educunt medicamenta, plurimum ex tenuibus humoribus educunt familiaritate naturæ; nam neque crassos, nisi postquàm tenues facti sunt, purgant; ergo etiam tenuium magnam quantitatem, & idè etiam hydropicis vtilia sunt: nam dicti humores colliquati, in materiam similem aquæ illorum, id est, putridam & acrem vertuntur. Et rursus quæ nec colliquant, nec incidunt, multum ex his, sed non adèd euacuant; minimè quæ incidunt tenuium humorum educunt.

122. Scilla.

In huius historix enarratione, non leues emergunt dubitationes: nam cùm primò dixisset Dioscorides, *cochlearis pondere cum octuplo salis, scillam mouere corpus*: paulo post subiicit, quòd *cocta cum melle glutinosos euacuat humores*. Vt hoc videatur intelligendum de crudâ coctâ cum melle; illud de assatâ. Sed rursus quæritur, an solùm tenaces humores euacuet? quinimò cum Mesuë dicemus etiam crassos & melancholicos: experimento enim docemur, vix esse melancholico humori naturali quicquam vtilius. Propterea rectè idem author, scillam non solùm euacuare humores crassos dixit, sed etiam ad euacuationem præparare. Quædam ergo sunt medicamenta, quæ licèt parum euacuent, multum tamen faciunt ad præparationem, & vbi iungantur euacuantibus, plurimum euacuant; alia, vt etiam dixi, iuncta lenientibus validis

lidis strenuè purgant. Quid est ergo vt medicamentum etiamsi non purget, simile tamen substantiâ sit purgando humori, quin iunctum alteri purgare potenti, aut valenter lenire, non purget eundem humorem valenter? Seu enim substantiæ similitudo cum humore, & caliditas coniuncta, causæ sint purgationis: cum Galenus substantiæ similitudinem inter medicamenta & membra palàm admittat, vt de iccore lupi, & cochleis cum nostro iccore scriptum reliquit; palàm est, seu virtus illa cœlestis, aut aliud in causâ sit, multo frequentius eandem inueniri posse inter medicamenta & humores, nec tamen mouere, quòd non calida sint; eadem iuncta mouentibus aut calidis medicamentis mouere. Nec solùm hanc similitudinem substantiæ inueniri in temperie, coloribus, atque huiusmodi, sed in lentore, crassitie, odore, atque aliis: nam vt superiora repetam; opopanax, serapinum, sarcocolla, omnia lenta sunt & glutinosa, eadèmq; soluunt lentos & glutinosos humores: magnes, stibium, tum magis terreus lapis stellatus, idèd minùs purgant lentos humores, longè verò magis terreos. Quæ malè olent, corruptos, & pus, & saniem, vt etiam dixi de stercoribus auium. Quæ igitur præparant, non tamen mouent per se humores, nec purgant; aut similia sunt substantiâ ipsâ, verùm calore destituta; vel calida valde, & quæ colliquant, non tamen educere possunt, quoniam per vrinas trahunt, aut sudores molliuntur; vel quoniam irritant humorem, sed inualida per se ducere non possunt, vt capillus Veneris ad educendam bilem. Iuuat in vteri præfocatione, & ad renum lapidem.

123. Visci lignum.

Huius plantæ, quanquam antiquis omnibus hoc purgandi nomine ignotæ, drachma media ligni purgat efficaciter humores quoscunque crassos, iuuatque præclare comitiali morbo laborantes. Verum molestum est medicamentum, nam quod est vltimum, est etiam molestissimum. *Vide 7. in Hippocrat. de aer. ag. & loc. comm. 10. de vstione inij.* Eius fructûs grana triginta subducunt satis potenter pituitam etiam crassam. Eius alexipharmacum ruta: propterea cum illâ debet exhiberi.

124. Polypodium.

Dictum quodd radix multos videatur habere pedes: & ipsa lentos crassosque humores educit, melancholiam & pituitam crudam, mistumque illud, exustam tamen bilem non educit. Violentum nec calidum [*fortè validum*] medicamentum, quoniam, ut dixi, magis præparat quàm educat. Optimum est quod innascitur plantis glandiferis, radice magnâ, nodosâ, solidâ, exteriùs ex nigro rubescens, intus pistachij similitudine virescens, sapore dulci, austero, subamaro, aromatico aliquantulum: verum vel sic, cum ab articulis etiam trahat, ventriculo inimicum est, ob causam quam suprâ diximus: neque latitat in eo tetrum [*fortè legendum: namque latitat in eo terreum*] illud, quo hæc omnia potest. Calidum etiam est vehementer, scilicet in tertio gradu, siccum in secundo. Nihilominus drachma viridis radicis ex acetario, purgat non minùs quàm vncia Cassiæ fistulæ.

418 *De facultatibus medicamentorum,*
125. Palma Christi.

Similis est Ephemero, radice bulbosâ, in modum digitorum manûs quadrifidâ, aut quinque in digitos diuisâ, vnde etiam Hermodactylus dictus: cuius duæ sunt species; maior, folio lactucæ, læui, flore purpureo ac candido, in speciem quasi iridis, & odorato, caule etiam læui ac rotundo. Minori, croci folium, caulis penè similis, flos olens moschum & ambram, ideóque iucundissimi odoris ac suauissimi, purpureus ac violaceus, sed vt amaranthi in conum quasi desinens, leuis. Vomitu educit melancholiam, & crudos humores, vnde quartanam curat, vt testatur Nicolus: per aluum etiam purgat crassos omnes humores, atque ab articulis præcipuè. Quantitas drachmæ vnus, & cum aromatibus. Seminis etiam maioris grana singula, trita cum vino, per nouem dies sumpta, comitiales liberare creduntur: quod ratione non vacat, siquidem vtrumque humorem purgare eum compertum sit, ex quo talis morbus generari solet. Exhibetur in ipsius accessio- nis initio, sicque sanauit Biliotum in LII. circuitibus: alij tum mittunt sanguinem ex saluatellâ sinistræ ma- pûs, re potens auxilium.

C A P V T X V I I.

Quæ sanguinem purgant.

126. Lactis aqua, & asininum lac.

Sanguinem purgare dicuntur, quædam propriè, quædam vtilissimè. Vtilissimè quidem quæ humo-
res

res qui in venis sunt, aut potestate solum sed exuberantes, vt [MS. aut] nimia bilis; aut actu sed imperfecto, ac quasi medij; aut etiam corrupti, vel semicorrupti, purgant: cuiusmodi est hoc quod proponitur, & fumaria. Actuarius addit mercurialem, & alia, sed illa non aluum ducunt, verum per vrinas id agunt, vel alia via, velut borago modicè per aluum, vt dictum est; quinimò leniendo, lupulus, melissa, radix violæ albæ, absinthij succus; verè autem quotquot à regio morbo pallido, seu nigro, aut albâ pituitâ hominem liberant. At propriè quæ sanguinem ipsum per aluum ducunt, & bonum, atque hæc venena sunt, non ideò quòd sanguinem trahant, sed ob id trahunt, quia venena sunt huius generis, velut herba illa, cuius meminit Galenus in libro de medicamentis purgantibus, & est thymelæa, quanquam thymelæam Galenus nouerit, sed non hoc, quòd hoc posset, intellexit. Quædam neque propriè, neque vtilissimè, sed vel erodendo intestina, velut radix capparis, & aqua marina; vel cùm educunt alios humores, aperiendo oscula venarum, vt centaurium minus, & hiera inter composita. Quædam violentâ attractione, vt cucumis anguinus: quod maximè contingit in superpurgationibus, vt Hippocrates docuit in libro de humana naturâ.

Ergo redeundo ad lactis aquam, illa purgat sanguinem à flauâ bile, & exustâ, & aqua nihilominus melancholiam neque naturalem, neque exustam non educit. Sumitur à libris septem, vel etiam plus, sed non vno haustu, verum exiguis interuallis, nec tamen intermedio tempore dormire, aut ambulare licet; plurimi enim hoc negligentes, læsi sunt. Oportet autem & hanc, & lac asininum, & aquas thermarum, quorum copia immodica sumitur, calida sumere; & saccharum

etiam huiusmodi medicamentis additum, vtile est, sed aquæ lactis & lacti ipsi quasi necessarium. Optima è caprillo, inde vaccino lacte educitur: & ob id sanguinem purgare eam aiunt, quòd illius duo propria & naturalia excrementa, & naturæ inimica (*ex 2. de facult. natur.*) educit, scilicet bilem flauam & nigram, in quæ etiam cum sanguis ipse corrumpitur transit, vt *secundo de different. februm, cap. 9.* Sed vt iuxta rationem [habeas] modi coagulandi lac [opus est.] Sola enim lactis aqua pura est, quæ calefacto eo in vase plumbi albi, inde vbi incaluerit, statim immisso in vas aquæ frigidæ, concreto lacte ab eo separatur: nam lac vnum est ex his quatuor, quæ ex animalibus calore concretescunt: reliqua enim tria sunt, oua, cerebrum, & iecur: vnde quantò diutius coquuntur hæc, eò sunt duriora. Quæ verò educitur ex lacte concreto è cnici semine, purgat magis pituitam. Quæ ex coagulo, aquam: & ea magis quæ ex lacte ficus. Quæ ex flore cardui, bilem exustam. Atque ita iuxta rationem eorum, à quibus vt dixi, lac concretum est. Sed vt ad ea, quæ propriè educuntur, reuertar: fiunt etiam hæc fuligines post sanguinis generationem, velut situs! quidam in superficie tabularum, vnde diligentes patresfamilias iubent singulo mense detergi. Hoc idem ergo ex naturæ cursu fit in sanguine, sed maximè in ætate senili, temperaturis calidis & siccis, habitibus densioribus, vigiliis, tristitiâ, curis, timore, irâ, odio, liuore, cibis acrioribus vel amaris, aut odoratis, potu vini potentis, laboribus, Venere immodicâ. Cum ergo aqua lactis & fumaria in hoc conueniant, quòd vtraque purget sanguinem ab istis excrementis acribus, & sint ambo benigna, rectè fecerit quisquis hæc duo coniunxerit:

iunxerit : sed & lupulus eiusdem classis est [MS. sunt:] melissa autem, & etiam salvia purgant sanguinem, sed per vrinas, vt non sint nunc huius argumenti. Omnia præterea buglossi genera, sunt autem præcipuè tria quæ conueniunt viribus, auxiliantur enim cordi, & sanguinem purgant flore cœruleo, folio molli substantiâ, lanugine aculeatâ circumdato, sapore, odore, præterea semine atque radice. Sed quæ borago vocatur, humidior est, minùs calida, minùs concocta: vix enim folium inuenias non exesum; purant à vermiculis ob superfluum humidum terebrari, vt & gingiber, & pleraque talia, hanc latifolium buglossum ob latitudinem foliorum appellare licebit: sicut contrariâ ratione agrestis, valde longius & angustius folium habet, tum durius, crassius, siccius: hortense autem horum medium est. Referunt etiam sericum sanguinem purgare, sed quomodo non dicunt. Est & modus alius sanguinem purgandi vtiliter, sed non eâdem ratione, vt cum per sanguinem ab hæmorrhoidibus eductum: & cum à medicamento expurgante alios humores non mistos sanguini, etiam sanguis expurgatur, vt cum helleboro. Tertius est eorum, quæ vnum educunt humorem, sed violenter, vt cum scammonio. Quartus est eorum quæ nihil expurgant, sed solùm separant partes corruptas ab incorruptis, velut apium & melissa. Quintus est eorum quæ purum sanguinem progignunt, vnde per misionem redditur purior, velut ex vsu ouorum recentium & pullorum columborum. Sextus eorum quæ fermentant sanguinem, & partem corruptam propellunt extrâ ad cutem, velut caro viperæ. Septimus eorum quæ à sanguine educunt qualicumque modo, velut rosâ, propriè enim à venis educunt humorem. Et scias quòd purgatio sanguinis est finis Medici,

422 *De facultatibus medicamentorum,*

& dimidium fermè reditûs ætatum ; quoniam sanguis purior restituit habitum bonum corporis, colorem viu-uidum, capillos iuueniles, sensûs tam externos quàm internos validos, acutos, & sinceros, Veneris robur & appetentiam, vt etiam ciborum : dentes confirmat, lætiti-
am & prudentiam parit. Præterea aqua lactis, vt ad rem redeam, aperit obstructions, detergit vlcera. Conuenit propriè lapidi renum, & vrinæ vrigini, & quartanæ, sed cum epithymo, & polypodio, ac simili-
bus. Est purgans hecticorum, si relinquatur in eâ ali-
quid partis caseariæ. Chalybéata est medicamentum dysenteria, & diarrhœæ, & etiam intestinorum vlce-
rum. Illa autem quæ pura est frigida & humida in ini-
tio secundi ordinis. Detracta autem vi coaguli, habet
partes calidas & siccas, valde efficaces propter substan-
tiam terream. Olim etiam lacte asinino purgabant
ad heminas nouem per duos dies biliosa, vt habetur
septimo Epid. Et confert hecticis maximè, atque vlceri-
bus renum, & mictui sanguinis, præcipuè cum glycy-
rhizâ, quia detergit, concoquit, siccatur, glutinat. Ex 18.
3. tract. 2. cap. 12.

C A P V T XVIII.

127. De superpurgatione.

HÆc fit tribus modis : vel naturâ, & quantitate,
& malâ præparatione medicamenti, aut qualita-
te, vt cucumer anguinus, helleborus, peplium, colocyn-
this, scammonium, & thymelæa, tithymalus cyparif-
sias, centaurium minus : qualitate, vt thymelæa nigra.
Adiuuant etiam quædam, vt fel tauri, pyrethrum, iberis
[MS.]

[MS. *sberida*] vtraque, nasturtij semen. Vel ratione patientis, cuius humores sunt fluxiles & calidi, & ora venarum lata, & vires imbecillæ. Vel ratione casûs, vt constitutionis aëris, motûs, somni post assumptum medicamentum. At si quis [MS. *vt si*] obiiciat ex hoc, quod purgatio fit à medicamento; nam si à membris, medicamenta magis operarentur in corporibus validis quàm imbecillibus, cuius oppositum præcipiunt omnes Medici, & experientia ipsa docet. Dico quod validus ventriculus parum immutatur à mediocri medicamento; imbecillis, multum: & quia operatio fit à robore in qualitate potius quàm simpliciter; ideo ventriculus imbecillis magis purgat quàm validus, à mediocri medicamento. Velut truncus arboris est validior paleâ, tamen si candela vtrique applicetur, magis calefaciet palea quàm truncus: & hoc est, quia magis recipit impressionem. Est autem triplex superpurgatio: vna cum medicamentum trahit plusquàm expedit de humore, quem trahere volumus; hanc non solemus multum formidare. Secunda, cum trahit alium humorem post necessarium, vt bilem post pituitam, aut contrâ; hoc est valde malum. Tertia, cum trahit post omnes humores sanguinem; & est pessimum: primum quia aperit, imò lacerat oscula venarum ventriculi; & ideo sentiunt vriginem magnam in ventriculo, & est valde malum, & perducit ad abscessûs eiusdem, ad syncopem, & ad conuulsionem: vel iccoris; & profluit multus sanguis, & perueniunt ad mortem repentinam, aut malum habitum, & hoc est rarius. Secundò quia educunt humorem potestate non actu, & ideo corrumpunt sanguinem, & calefaciunt immodicè. Tertiò quia debilitant vires, & corrumpunt spiritûs, & conuellunt cor: & post proprium humorem,

non succedit ille qui est tenuior, ut quidam putant: sed ille qui est actu humor in loculis, aut in venis; aut naturâ propinquior, ut fiat ex humore in potentia, humor in actu. Et si purgatio, quantum fieri potest, est vitanda: quanto magis superpurgatio. Solum in materia turgente, melius est declinare ad superpurgationem non exactam. Et multi correpti à maximis morbis, ex superpurgatione euaserunt incolumes, & breui, etiam tempore pestis. Sed in materia quæ per coctionem facta est ad purgationem idonea, nunquam debemus peruenire ad periculum superpurgationis, tum quia non tantum imminet periculum à reliquiis materiæ, tum quia vires sunt imbecilliores.

C A P V T XIX.

De purgantibus incertos humores.

128. Adiantum.

DVobis modis dicimus medicamentum purgare incertum humorem: vel quia purgat semper vnum & eundem humorem, sed nos nescimus qualem, quia illud ab Authoribus non est explicatum. Secundus autem, quia modò vnum, modò aliud purgat humorem, vel ob diuersitatem specierum medicamenti, ut in hyperico; vel ob id quòd eadem licet sit species, tamen purgat diuersos humores, quia purgat eum qui illi est obuius; aut qui magis abundat; aut quoniam facilius trahi potest, vel quia tenuis, vel quia propinquus, vel quia viæ sunt latiores. Vel
dicitur

dicitur incertum purgare humorem, quia omnes purgat simul, & non potest discerni, quem magis: ubi enim mistos purgauerit, non potest cognosci, quem magis purget. Hoc autem præcipue cum medicamentum purgat vnum humorem magis alio, ratione generis; & ratione substantiæ, aliter. Veluti si medicamentum magis purget pituitam quam bilem, & tenuia magis quam crassa; tunc cum erit bilis tenuis, & pituita crassa, purgabit magis bilem quam pituitam: & cum erit contrario modo, purgabit magis pituitam quam bilem, & idè reddetur incertum, quem humorem magis euacuet.

Adiantum ergo, quem etiam vocant Capillum Veneris, parum admodum purgat, nec nisi viride, & pondere drachmarum trium saltem: idè incertum est ferme, quem purget humorem. Et cum aperiat obstructions, & plurimum profit iecori, & pectori, ac renibus, & sit medicina benigna, idè debet sumi cum aqua lactis. Oportet autem ut sit collectum loco penitus vmbroso & aquoso. Brasauolus negat prorsus purgare: sed sunt quædam quæ habent virtutem purgandi, tamen non possunt purgare; verum sociata alijs, excitatur eorum vis, & purgant: cuius indicio est, quod coniuncta his quæ solum leniunt, velut lacti, aut oleo, educunt tamen certum humorem, sicut adiantum, quod bilem educit, cum lac id facere non soleat. Alleuiat partum. Aqua eius gustui iucunda est.

129. Hypericum.

Nô ob id hîc reponitur, quòd tres humores euacuet, sed quoniam incerti sit generis; inquit enim Dioscorides: *bilem euacuat, & ob id utile ischiadicis*. Potius ergo

426 *De facultatibus medicamentorum,*

dicendum esset, pituitam euacuat, ideò ischiadicis vtile est. Mirum est autem de stupore scribentium; nam Serapio cæteri que hoc dissimulant, tacitè prætereunt. Sententia ergo eius, maximè de ascyro & androsæmo [est intelligenda;] quorum semen ex drachmis duabus sæpius epotum, cum mulsæ vnciiis viginti, seu etiam libris duabus, vtrumque facit, & purgat bilem scilicet crassam & lentam, quæ non est, vt quidam putant, bilis mista pituitæ, sed medium quid, quod sapit exustionem, coloratiórque est flauâ bile, & ab eo nomen sumpsit: ideóque curat ischiadicos: quia vnumquodque medicamentum propriè & necessariò purgat illum humorem, qui etiam propriè & verè est materia illius morbi: quoniam non sufficit in huiusmodi affectibus, quòd sit bilis & pituita, sed hic certus humor, vtpote ad ischiadicam, vel ad quartanam, aut ad carcinoma: cum ergo hæ species purgent illum humorem, meritò propriè curant illum morbum. Apetit etiam obstructions, prouocatque vrinas & menses; est enim tenuium partium. Quidam putant solùm bilem flauam hoc medicamento euacuari posse, forsan crassam tantùm ac melancholiam. Expertus sum ego, quòd ex drachmis duabus purgat humores potiùs tenues quàm crassos, & ideò ichores, & bilem, & pituitam.

130. *Spina ceruina.*

Succus fructûs eius, potenter etiam absque alio, aquam hydropicorum educit, & podagræ humores: incertum tamen quos propriè educat ac præcipuè humores. Cum aromatibus debet iungi. Arbutus est foliis penè pyri, flore candido odorato, in umbellis exiguo, baccis ligustro similibus, ex quo pictores conficere

ficere solent viridem colorem, spinosa planta & exilis, pituitam & melancholiam purgare credita, sed ut dixi, & alia.

C A P V T XX. ac postremum.

§. I.

Cum medicamentum non opportunè purgat.

Cum verò medicamentum vexat ægrum, vel non purgando, aut nimis purgando, vel nauseam, vel vomitum excitando, aut tormina, vel dolores ventriculi, aut anxietatem, vel grauem spirationem, vel febrem, aut sitim superfluam, aut syncopen, quod omnium deterrimum est: tunc si non purgat, solent consequi omnia, præter sitim & syncopen: & loco eius vertigo, dolor capitis, & singultus, & æstus. Et cura est à clysteribus, & glandibus, & astringentibus, etsi non tuomat, & sumat theriacam: & si incaluit multum, aut conturbationem magnam passus est, sanguis mittatur. Sin autem nimis excernat, solent sequi exco-riatio, tormina, sitis superflua, & quandoque syncope. Cura est vomitus, ius pingue, seminis nasturtij torrefacti. ℥iij. incoquantur aquæ lactis acetosæ, theriaca, balneum, modicum panis in vino austero & aquâ rosaceâ, vincula extremitatum. Sed si moderata sit euacuatio, & æger tamen dolet, anxius est, & inquietur [animo:] tunc vel est proprietas hominis, vel medicamentum exhibitum est horâ febris, vel ipsum, aut humor venenosâ qualitate participant. Si sit propter febrem, cura est syrupus de cotoneis,

428 *De facultatibus medicamentorum,*

coroneis, cum smaragdō, margaritis, corallio, caphurā, fantalis, rosis, succino, serico, cocco, & sphragide, coriandro, pomorum succo, moscho, & croco, cornu monocerotis, aut loco eius, eboris tenuissimā scobe; & syrupus de pomis, & rosarum. Si verò sit ob alias [causas,] medicamentum eiusmodi temperetur, & exhibeatur cum iure ciconiæ, aut gruis, vel anatis, decoctis cum ozimo odorato viridi, carne, & citro diuiso in frusta, & coriandro præparato, & buglossō multo atque boragine: & grana xv. sem. Mandragoræ, plurimum profunt cordi excalesfacto, & præcipue si adsint vigiliæ, cum reliquis exhibita.

§. II.

De conseruatione medicamentorum.

Et si contingat medicamentum non posse haberi ad manûs, vt in hyeme radices & herbæ, & caro viperæ, debent seruari in pastillis. Et forma eorum est ex sale & pane: & his quæ non corrumpuntur per se, & siccant humidum, & non sunt prædita qualitate aliâ manifestâ; istiusmodi enim est sal, medulla panis maximè siccati in furno, nam etiam non siccatus per multos annos durat, mel coctum, mastiche. Alia adduntur præparandi causâ, velut gingiber, & huiusmodi.

§. III.

Epilogus.

Ex huius autem morbi curatione, quisque intelliget, quod

quod antea diximus ex Hippocrate in *primo Prognosticorum*, in *initio*, scilicet morbos omnes esse sanabiles; omnes autem qui moriuntur, culpâ Medicorum, aut aegrorum mori. Nam si quis respiciat, quantum discriminis sit in hoc morbo, in podagrâ, quodd quis ab initio rectè curet aut negligat; intelliget nullum esse morbum tam leuem, qui non curatus bene, statim in mortiferos verti non possit: contrâ nullum tam maleficum, qui rectè ab initio si curetur, mediocris euadat ac facilis: sed oportet grauissimis & supra fidem insistere auxiliis, vt in exemplo Podagræ.

§. IV.

Pilula seu catapotia vite.

Nulla sunt medicamenta, ad omnia quæ dicentur, ipsâ victûs temperantiâ meliora: nihilominus si quis illam seruare non possit, aut omnino mollior sit, aut iam non sufficiat se seruare ob aëris grauitatem, vel congestam iam materiam, aut pugnantes inuicem tum intemperies, tum imbecillitates diuersorum membrorum: huiusmodi catapotiiis vtatur, quæ iuuenibus, & magis etiam senibus, & sanis [conueniunt,] & liberant ab omnibus morbis, qui non sint in compositione, præterquàm ab hecticâ, acuiunt omnes sensûs tam interiores quàm exteriores, lætitiâ gignunt, somnos lætos conciliant, reiuuenescere faciunt, appetitum cibi excitant, coctionem adiuuant, & conferunt omnibus membris principalibus, canos retardant, sanguinem & totum corpus purgant, & constant numero perfectò. ʒ. Succi absinthij Macedonici purgati &

430 *De facultatibus medicamentorum,*

& condensati. 3x. Radicis hellebori nigri, florem purpureum ferentis, orti in monte respiciente Orientem, recentis. 3ß. Salis Indi. 3j. croci Orientalis. ʒij. Gingeris conditi in Oriente. 3ij. Terantur omnia præter crocum : inde misceantur cum melle violaceo, & ponantur in Sole ardenti per quindecim dies, quotidie miscendo, donec exiccetur bene; pòst teratur optimè, & cum croco, & melle violaceo redigatur in formam ceræ mollis, & pòst circumdetur chartâ Pergamenâ, illitâ oleo amygdalino dulci, & seruetur in pyxide vitreâ, vel alabastri, aut argenteâ, vel aureâ. Et quantitas est 3j. vel circà. Et vsus à sex mensibus ad tres annos vsque : assumi debent circa mediam noctem, ita vt præcedenti die neque laborauerit, nec incommodum passus sit ex vigiliis, vel aliis causis, nec comederit quicquam, sed biberit tantum ius pulli.

§. V.

*Calorem innatum excitantia, & Φερέσβια
ἢ Φουσίζωα.*

Crocus, & hellenij succus Orientalia, opium purum, amaracus, chelidonia, saluix succus, ozimum, petrosilium, borago, mali Medici maturi cortex extimus recens.

§. VI.

Herba Regia.

Ruta, betonica, centaurium minus.

§. VII.

§. VII.

Medicamenta varia, & penè ignota.

Ex his est Mecoacan : radix alba , cinerei penè coloris , levis , inodora , ac quasi insipida : purgat humores tenues ; grata accipientibus. Dosis à ʒj. ꝯ. ad ʒij. Infunditur in vino flauo per horas xij. Ebibunt vel totum , vel quod excolatum est. Substantia videtur crassos humores educere. Aduchitur ex Indiâ. Scripsit de eâ Andréas Baccius.

HIERO



HIERONYMI
CARDANI,
MEDIOLANENSIS
MEDICI,

De curâ morbi regij,
LIBER QVARTVS.

PROOEMIUM.



ERIT ò veteres hunc morbum, Regium appellauere, forsan fœliciori casu, quàm ratione; eoque [MS. ea qua] illi nomen indidère, scilicet quòd homines aurei coloris, quo genere vestiuntur Reges, efficiat; vnde etiam auriginosus à Celso appellatur. Namque morbus hic omnium videtur esse principium ac finis, atque omnium morborum maximus: etenim eum refert colorem in viuentibus, qui mortuis proprius est, & qui à Græcis χλωρός dicitur, à χλωρίς aue, quam galgulum, vulgari nomine galberium vocant Mediolanenses, magnitudine turdi, coloris viridis ac crocei. Martialis:

Galbula decipitur calamis ac retibus ales,

Turget

Turget adhuc viridi cùm rudis tua mero.

Sed Græcè alij *χλωρίον* vocari putant, Latine viréonem; quidam *χλωρόν*, id est, luteum: similiter autem huius meminit Aristoteles, *nono de Historia animalium, cap. 13.* vt & viréonis, *cap. 22.* vtcunque sit dicta à *χλωρίζω* verbo, quod significat viresco vel palleſco, vt ad aureum referri possit. Sed veriùs, vt dixi, Regius vocatus, quoniam omnibus aliis morbis imperet. Vt enim aliàs diximus in *comm. Epidem.* duo sunt morbi, in quos omnes finiuntur: vnus calidus & siccus, Regius scilicet; & frigidus ac humidus, siquidem hydrops: nam si hominem mors excipere debet, necesse est qualicunque in casu etiam naturalem vitam interire; quamobrem & iecur siccari atque refrigerari secundum naturam; à siccitate verò calor, & à frigore humidum. Omnes igitur qui intereunt, morbo Regio, quacunque moriantur causà, corripì necesse est, seu hydrope, seu strangulati, seu vulnere cordis aut capitis, seu veneno, vel in ipso mortis momento, si non antea pereant. Quinetiam omnes morbi dum sanguinem corrumpunt, Regium procreant: & si id non agant, non natura quidem morbi, sed magnitudo in causà est. Similiter & in sanis huiusmodi dispositio omnem procreare morbum apta est, & ad id maximè procliuis. Propterea quis vnquam vidit hominem phthisi, hydrope, elephantiasi, febre longà, febre venenosà, veneno ipso epoto, vel etiam morſu, aut tabe, aut abscessu viscerum, aut cum magno vulnere laborantem, vel etiam solitudine graui, aut timore, aut dolore, aut morbo quouis victum, aut lue, aut vlceribus fœdis, aut profluuio sanguinis oppressum, qui omnino immunis sit ab hoc morbo? Cùm verò tot ex causis contingat, & tam perniciosus sit, tótque morbis succedat,

E c

meritò

meritò difficillima, & maximè necessaria, tum verò utilis eius cura erit. Indicat autem & difficultatem eius, quòd nullus antiquorum, eam tradere iuxta methodum ausus sit, sed omnes empiricè illam scripsère; vt demirer de Principe, qui sine distinctione vllâ, & satis inconstanter ac confusè, curationem à sectione venæ inceperit. In vniuersum autem cùm omnes morbi in arquatum desinant, aut ei coniungantur, aded vt etiam ascites vt dixi, corruptâ aquâ eum gignat; non tamen omnes morbo regio laborantes, ascitici fiunt, etsi persæpe id accadat. Cùmque in sanis morbos futuros prænunciet; in ægris salutem si recedat, interitum cùm augetur; atque ipsos morbos comitari soleat, tum quòd [MS. *tam quàm*] difficiles cognitu species illius sint, tum quòd multiplices, meritò quartum hunc librum tractationi eius dedicauimus. Memento autem quòd certâ huiusmodi methodo, non solùm longè plures, & securius, & certius, exquisitiúsque curantur, tum verò maiore cum gloriâ ac voluptate Medici, sed quod etiam aliàs diximus, meliùs quàm qui ex præscripto & Empiricè, cùm robusti ac nitidi relinquiuntur; atque ideò etiam si contingat casu ægrotare, non magis, imò minùs periculo vitæ obnoxij sint, quàm si nunquam antea ægrotâssent: quod quantum referat, non est vt dicam, cùm etiam plus sit, quàm iactura tot illorum, qui omnino ex curâ illâ empiricâ pereunt.

C A P V T I.

De nominibus morbi, & ratione eorum.

Celfus igitur, vt ab eo incipiam, *lib. 3. cap. 24.* inquit: *Æquè notus est morbus, quem interdum arquatum,*

tum, interdum regium nominant: color autem eum detegit, maximè oculorum, in quibus quod album esse debet, fit luteum. Plinius quoque lib. 26. cap. 12. ait: *Morbum regium in oculis præcipuè mirari est, tenuitatem illam densitatèque tunicularum febre subeunte.* Idem alibi, putà lib. 20. cap. 9. loquens de brassicà, *ictericis conferre scribit.* Et rursus peculiariter de eo agens, lib. 30. cap. 11. *Auis icterus vocatur à colore, quæ si spectetur, sanari id malum tradunt, & auem mori, hanc puto Latine vocari galgulum.* Ergo iam constat ratio nominis icteri, ab aue ei colore simillimâ. Rursus auriginis meminerunt Cælius Aurelianus Siccensis in *tertio Chronicôn*, cap. 5. & Marcellus de *medicamentis*, cap. 27. in *medicamento vocato Dodecatheo.* Dicitur autem auriginosus, ab aurei coloris similitudine. Arquatus autem à cœlestis arcûs colore, nam arcum arquum scribebant antiqui, iridem significantes, cuius colori interiori assimilatur color patientium hunc morbum. Regius autem, quoniam mulso curetur, ex Varronis sententiâ, aut si sequamur Q. Serenum.

Molliter hic celsâ quoniam curatur in aulâ.

Sed mihi Regius dictus videtur, quoniam totum occupet corpus; Regum enim est cuncta possidere: forsan & aureus color ille ad hoc iuuat, cum nitidus apparet; in pluribus autem nitet, aurumque refert, quod peculiare est Regibus ornamentum, atque ob id etiam sic appellatum. Sed de nomine satis.

CAPUT II.

De morbi naturâ.

ESt igitur morbus regius, bilis redundantia in venis, per quam vitatur color in cute propter permissionem sanguinis. Nam in impetigine, & elephantiasi, vitatur profundius; in albâ autem pituitâ, non vitatur à bile; in vitiligine, non vitatur à sanguine, sed ab alimento sanguinis iam mutati. Et impetigo, ac vitiligo sunt vitia terciæ coctionis; regius morbus secundæ. Prætereâ morbus est, quoniam ex permissione bilis vitatur operatio sanguinis; nō enim adeò bene nutrit corpus. Ergo diffinitio est per accidens quod declarat essentiam rei, id est, vitium operationis: & hoc non est absurdum in morbis, quoniam sunt accidentia, & præter naturam, & apud Medicum quatenus est artifex, & non ut medicina scientia est, hæc enim manifestior est diffinitio. Et ex hoc patet, quòd potest esse cum febre, & sine febre; & cum putredine, & sine eâ: at cum species potest esse sine differentiâ, vel sine causâ aliquâ, illa differentia vel causa non debet attribui generi, sed est ei tanquam accidens. Manifestum est ergo, quòd morbus hic non est neque in compositione, quia tantum potest deficere de sanguine, quantum abundat de bile (& cum dico bilem, intelligo tam atram quàm flavam;) & sic non erit in formâ: nec est in continui diuisione. Ergo erit in intemperie cum materiâ. Et manifestum est, quòd cum omnis morbus sit in membro, vel spiritu seu parte animatâ, quòd intemperies erit in ipsis venis, tanquam vasis
ipsius

ipsius bilis & sanguinis. Et scias quòd color bonus est signum proprium, sed non inseparabile: & ideò Galenus cùm vidisset in Stesiano colorem bonum, dixit apertè, non esse timendum de affectu in iecore, quamvis Medici curassent illum, tanquam laborantem abscessu in parte illà, sicut habetur, *quinto de Locis, cap. ultimo.* Morbus autem regius, ex his quæ dicuntur, aut malus color, est signum inseparabile iecoris malè affecti. Ideò dicebat *secundo Epidemior. sect. 1.* Quibus id quod medium est inter abdomen & cutem, inflatur & non sedatur, color est velut qui multum pallidus est, & qui ex candicante pallet: quoniam omne huiusmodi ab hepate est, & ex hoc sunt hepatici in his morbi; & morbi regij ab hepate ad subalbidum colorem vergunt, & qui ex aquà inter cutem, & ex albà pituità laborant: qui verò à splene sunt tum hydropes, tum morbi regij, nigriores sunt.

CAPUT III.

De differentijs ipsius, & causis.

Differentiæ autem primæ sunt tres: prima à colore: secunda à membro: tertia à modo generationis. Et à colore quidem triplex est morbus regius: flauus, niger, & viridis. A membro autem duplex; à iecore & liene. Sed hoc non tam simpliciter accipere oportet: nam si per iecur, ipsum solum intelligamus, verum id non est. Esse enim principium tam nigri quàm flauï morbi regij, vno quidem modo verum est, alio autem falsum. Iecur enim cùm vel non expurgat flauam bilem

Ec 3. ad

ad vesicam fellis, fit morbus regius simplex seu flauus: & similiter cùm expurgat ad vesicam fellis, sed præcluditur via ex ipsâ ad intestina, fit similiter regius morbus flauus. Eodem modo niger; cùm ex liene ad intestina & ventriculum via præcluditur, fit morbus regius niger. Atque sic non rectè dicimus, morbum regium duplicem esse, ex iecore, & ex liene; sed potiùs debemus dicere, quòd vnus fit ex liene, alter ex vesicâ fellis. Alter modus est quòd flaua bilis fit vitio iecoris vel excalefacti, vel obstructi, vel febre laborantis aut phlegmone, & nigra vitio lienis similiter affecti; sed tamen & in hoc rursus differunt: Flaua enim bilis secundùm naturam in iecore est; nigra autem non est in liene secundùm naturam, saltem vt excernatur: neque enim sanis egestionibus nigræ, neque etiam febricitantibus, neque vomitûs nigri, vel etiam in quartanis, nisi in quibusdam casibus raris: at acida vomunt, & colore flaua obscura, vt dubium non sit, quam vocamus melancholiam seu nigrum humorem, non esse talem; sed quoniam persæpe, imò ferè semper talis humor sanguini iungitur, & tunc niger apparet, ideò humorem illum nigrum appellamus, cùm etiam in sanguine flaua bilis appareat; verumtamen non propriè flaua, sed flaua rubra appellanda est: ita etiam nigra est niger sanguis, non niger humor. Cùm aliquando euomerem acida & acria, alios verò viderim in quartanis vomentes, semper humorem vidi liquidum vt aqua, licèt crassiorem, coloris ferruginei seu rubiginosi. Et vt in vniuersum dicam, humores actû in corpore naturales, sunt alba pituita, ruber sanguis, flaua bilis, & rubiginosa, quam vocant atram. Potestate autem sanguis remanet in suo statu: pituita autem vix dignoscitur, nec est locus disputationis

nis de hoc : & quam vocant nigram , sanguis est nigricans , non tamen niger , & splendidus etiam . Præter naturam autem inveniuntur humores nigri , sanguis putrefactus , sanguis exustus , bilis splenitica (sic enim appellabimus quartum humorem in actu) exusta , demum atra bilis : nihil enim in corpore nostro nigrum , præter vueam , secundum naturam ; nam præter naturam multa sunt , velut lapis , vermes , pili . Cum ergo viderimus humorem aliquem nigrum , nisi allucinemur ob medicamentum , vel cibum , debemus vehementer timere , etiam de vitâ , quoniam non est minus præter naturam , quàm lapis vel vermes . In duobus ergo nimis oscitanter , quia non animaduertit , Galenus se gessit , quamvis essent admodum necessaria : in hypostasi vrinæ , quam appellauit albam , cum sit coloris subrusi , aliquantò dilutioris , & perspicui ; & in bili spleniticâ , quam appellauit nigram , cum sit , vt dixi , rubiginosa , & non nigra . Et in singulis horum contingit multiplex error : primò quoniam cum offertur bilis naturalis aut hypostasis , terremur quia credimus esse præter naturam : & ex contrario , cum offertur res non naturalis , sæpe lætamur : tertio quia nescimus res quales sint : quarto quia non possumus inuenire causas eorum quæ non sunt , seu quæ aliter se habent . Demum quia confunditur ordo vniuersi .

His ergo præmissis , dico quòd cum morbus regiùs niger sit , deſcendatâ cute nigro colore , quòd iſtud poteſt contingere trifariâ : vel vt bilis ſit exuſta in liene , vel in iecore , nec potuerit tranſmitti ad lienem ; vel quod verius eſt , vt non ſit verè color niger ; nunquam enim talem vidi , niſi in paucis Æthiopibus ; vel vt humor ille non ſit niger , ſed tamen tranſfuſus ad cutim , ſpeciem nigritiei referat . Sed quia vt dixi , docemus

res, non nugas, ideò secundus modus solùm verus est, scilicet vt sit obscuri coloris cutis, non nigri, ob tres causas. Primùm quia, vt dixi, rarissimè & omnino præter naturam inuenitur humor acti niger in corpore. Secundò, quia dato quòd esset immixtus sanguini, necessariò redditur fuscus. Tertiò quoniam diffusus sub cute, non potest adeò denigrare. Dicemus ergo icteritiam nigram, colorem fuscum valde cutis, & hic non potest fieri propter obstructionem inter iecur & lienem, sicut accidit de flauâ ob obstructionem vesicæ fellis; & hoc quia via inter iecur & lienem est valde lata, vt ferè nunquam accadat hæc obstructio. Ergo tandem relinquitur, vt bifariam possit dici, niger regius morbus fieri ex liene, & non flauus ex vesicâ fellis, sed ex iecore, quamuis vesica fellis, vt dixi, aliquando sit causa sola absque vitio iecoris, propter obstructionem ad intestina, ipsius morbi regij. Et cùm dico morbum regium simpliciter, intelligo flauum; de nigro, oportet addere regius niger. Primùm quoniam non potest accidere propter obstructionem, quæ sit inter iecur & lienem. Ergo iecur semper se exonerabit in lienem, & semper fiet ex liene, quia non est verisimile quòd iecur transmittat per venas patente aditu ad lienem. Secundò quia humor ille potest recipere formam magis in liene, quàm flaua bilis in vesicâ fellis, ex eo quòd lien nutritur ex humore proprio, sed vesica fellis non nutritur ex bile flauâ, sed sanguine, bilioso tamen.

Colligendo ergo breuiter, quoniam tractatio hæc difficillima est propter errores in principiis vt dictum est: dico quòd duplex est morbus regius simplex: vnus qui fit à iecore transmittente bilem flauam per
venas,

venas, & is fit necessariò læsà vesicâ fellis, præterquam in crisi: quoniam etsi obstructa non sit vesica fellis, saltem tamen erit plena: sicut etiam dixi de Rêgio morbo nigro, quòd potest fieri ex vitio lienis, & quandoque etiam laborante liene: quibus autem modis & causis dicemus iam.

Causæ autem sunt duorum generum: propinquæ & interiores, ac externæ. Interiores præcipue sunt, calor iecoris, aut inflammatio, aut phlegmone, vel abundantia bilis collectæ, aut impedimentum eiiciendi illam, quod multiplex esse potest, velut obstructio, imbecillitas vesicæ fellis, & eiusmodi. Sed externæ & remotæ sunt plures: morsus animalis venenosi, venenum assumptum, mala aqua & corrupta ebibita, mala victûs ratio, malus aër, vel ratione regionis, velut in Sardinia, vbi refert Valescus de Tarrantâ, quodam anni tempore omnes homines incurere in hoc symptoma; vel ratione proprietatis loci, vt qui habitant iuxta paludes, stagna, specûs, lacûs quietos, vel vbi malæ arbores sunt; vel ratione constitutionis anni, vt de cæteris morbis vagantibus quibusdam annis.

Quod ad tertiam diuisionem attinet: quæ repente fit, magnam causam sequitur, vt venenum, aut morbum mortiferum, aut magnum motum, velut crîsim, aut naturam se exonerantem: quæ autem paulatim fit, sequitur obstructions, morbos longos, venena temporanea, hydropem, tabem quæ exurit alimentum membrorum, & hæc est plus quam morbus regius.

CAPVT IV.

De speciebus morbi regij.

ERgo dicamus primùm de eo qui prouenit à iecore, & iam constat quòd vnus tantùm est, qui non sit cum vitio vesicæ fellis, & est qui fit per crisin, & tamen hic est morbus, & ideò indiget curatione. Secunda ergo causa est obstructio à iecore in vesicam fellis, in quâ necesse est vt sequantur feces albæ, quamuis nullum sit impedimentum in ipso meatu à vesicâ fellis ad intestina, quoniam euacuato felle non potest amplius transmittere ad intestina. Tertius [modus] est cùm meatus ex vesicâ fellis ad intestina est obstructus, non tamen à iecore in vesicam fellis, & isti duo vocantur morbi proprij felli. Quartus est ex veneno, & hic est duplex, vel assumpto, vel ex morsu, & corrumpit sanguinem statim; & in venenis [MS. *venis*] temporaneis etiam succedit hic morbus pro ratione tēporis, scilicet sensim: seu enim erodat aliquod membrorum naturalium, aut putrefaciat, aut pulmonem ipsum, omnino succedit hic morbus: & si deterius sit venenum, sequitur tertia species, scilicet morbus regius viridis; & ita dico de obstruente, & de tabefaciente, atque aliis modis. Corrumpunt enim sanguinē venena, & nisi corrumperent, homines non morerētur. Et licet venena retulerim inter causas externas, quia tamen postulant curam propriam, posui inter species. Quintus modus fit per obstructiones in iecore, per quas bilis non potest transire ad vesicam fellis, & est proximus secundo. Sextus fit ex nimia caliditate ipsius iecoris generantis tantam quantitatem bilis, vt non possit recipi
tota

tora in vesicâ fellis, ut antea dixi. Septimus est, quoties est inflammatio in iecore citra phlegmonem, & hic differt à præcedenti, quia in inflammatione substantia membri est permutata in colore; ex simplici caliditate, non. Octavus modus est ex phlegmone: differt ab inflammatione, quoniam in phlegmone adest tumor & febris præcipue, quæ non sunt in inflammatione. Nonus modus est ex tumore duro, & potest reduci ad quintum: sed quia cura est omnino diuersa, & prædictio, & symptomata quæ sequuntur, idè distinximus. Decimus modus est per febres, & tangitur à Galeno *secundo de differentiis febrium, cap. 9.* Totidem ferme modis fit morbus regius niger, quia loco secundi, qui fit ex obstructione iecoris in vesicam fellis, succedit alius secundus modus, qui fit repleto liene, aut debili & non trahente: raro tamen aut nunquam regius niger subito fit. Buhahyla Byngezla, 18. *contin. cap. 1. fol. 187. col. 2.* deduxit ad duas causas tantum, calorem iecoris tanquam generantem, aut obstructionem prohibentem exitum. Et forsan de generalibus morbi causis non malè dixit. Hippocrates autem in *libro de internis affectionibus, cap. 14. sect. 37. 5.* ponit illius quatuor genera, quorum prima tria sunt cum febre; quartum autem, non. Apponam autem seriem.

Primus quidem æstate maximè corripit, bile commotâ. Consistit igitur bilis sub cute & in capite, quare statim corpus in alium colorem mutat, & fit pallidum velut malicorium. Et oculi pallidi fiunt, & in capite sub pilis velut cortex subest. Et rigor ac febris corripit, & pallidam urinam mingit, & crassum subpallidum in ipsâ subsidet: & manè quamdiu ieiunius fuerit, ad cor & viscera exugitur: & si quis ipsum alloquatur aut interroget, agrè fert, & anxius fit, & non sustinet audire: stercore autem excretum cum pallore

pallore albicat, & malè olet. Hic cum ita habueris, maximè moritur in quatuordecim diebus: si verò has effugias, sanatur.

Alius morbus regius sine arquatus. Hic corripit tempore hyemis, & ex ebrietate & frigore. Incipit autem primum rigor inuadere, postea etiam febris desinet: & humor qui est in corpore, congelatur in cute. Quod autem sic habeat, ex his ostenditur. Liuidum est ipsius corpus, & subdurum: & vena per corpus distenta sunt pallida, maiores autem & crassiores sunt quàm prius, & alia vena subnigriores distenta sunt. Et si quis aliquam ipsarum secet, sanguis effluet pallidus, si pallida sunt vena. Si verò nigra fuerint, niger sanguis effluet. Et vestem interiorem corpori adiacentem præ pruritu non sustinet. Hic promptus est ad iter faciendum & ambulandum, sed præ debilitate crura labascunt, ac ipsum non sufferunt, & sitit vehementer. Hic morbus non minùs priore lethalis est. Procedit autem ad amplius tempus, si non in primis diebus sanus fiat. Si verò morbus prolongetur, & ad octauum aut nonum diem duret, in morbum incidit: & morbus, & dolor magis premit, & exsurgere non potest, & plerique in hoc tempore statim pereunt.

Alius morbus regius, popularis appellatur hic, eo quòd omni tempore corripit. Fit autem à repletionem maximè ac ebrietate. Et postquàm riguerit, statim sanè corpus immutatur, & pallidum fit, & oculi pallidi valde sunt. Et sub pilos ac sub ungues morbus procedit. Et rigor ac febris debilis tenet: & debile est corpus, & in capite dolor adest. Et pallidum ac crassum mingit. Hic morbus minùs lethalis est prioribus, & curatus breui sanatur.

Alius morbus regius fit quidem à pituità, hyeme autem maximè corripit: & color ipsius agri est albus: & pectora ipsius pituità plena sunt: & spuit saliuam: & cum excreat, singulus

*singultus ipsi oboritur: & album lotium ac crassum mingit:
& in urinâ subsidet velut farina. Hic morbus non est le-
thalis, & brevi sanatur.*

CAPUT V.

*Quomodo reducuntur species ad vesicam
fellis, & lienem.*

SVnt autem qui hunc morbum proprium vesicæ fel-
lis & lieni esse velint. Vnde Princeps sectionis vnius
tractatum peculiarem ei dicavit, scilicet *primum* 15. 3.
quasi referret vtrumque genus morbi regij ad iecur
comparatum, vesicæ fellis & lieni; nam post tracta-
tum de morbo regio, agit de liene. Volunt ergo non
fieri morbum regium, nisi quia vesica fellis non po-
test recipere totam bilem flauam, vel lien nigram, seu
modò id contingat, quia fellis via sit obstructa in ipsâ
fellis vesicâ, vel in iecore, aut ab humoribus crassis,
aut lapide, vt vidit Curtius & L. Iacchinus, seu duro
abscessu, seu calido; seu nimium generetur de bile
in iecore, propter caliditatem, aut venenum, aut in-
flammationem, aut febrem; seu fellis vesica sit iam
plena ob malum regimen, seu quia non possit euacuari
quod continetur per intestina, ob obstructionem,
seu quia ipsa non possit expellere, seu quia non
possit attrahere, seu in horâ crisis materia non fue-
rit propinqua loco, aut non potuerit recipi ob eius
multitudinem, seu ob aliam causam. Constat
sanè omnem morbum regium flauum posse re-
duci ad fellis vesicam; velut & nigrum ad lie-
nem. Sed causæ sunt considerandæ in ordine ad cu-
ram. Itaque sic distinguemus, omissis disputationibus,
dicentes

dicentes quòd morbus vel est in iecore per essentiam, vel per consensum, vel est secundarius, vel est in vesicâ fellis, vel est præter morem. Et quod dico de flauâ bile, dictum sit etiam de nigrâ; sed loco vesicæ fellis, subiiciatur lien. Sunt ergo causæ quinque principales in iecore. Prima est ab essentia, calida intemperies, inflammatio, obstructio, quæ potest esse à crassis & lentis humoribus, à tumore duro, vel calido, vel à lapide ibi genito in bobus frequenter, in homine raro. Secundarius, à veneno, & à febre. Per consensum, à ventriculo, vel à venis. Sed à vesicâ fellis, ob obstructionem in meatu attrahente, quæ potest esse ab humoribus, vel tuberculo, vel à lapide in cauitate contento, vel à meatu ad intestina obstructo, vel ab imbecillitate attractionis, aut expulsionis. Circa quæ duo dubitari solent, an vesica fellis participet nervis? nam hoc videtur negare Galenus *tertio de Facultatibus naturalibus*, cap. 12. Cum tamen in *quinto de usu partium*, cap. 9. eos admittat. Sed & Vesalius *lib. quinto*, cap. 8. sunt autem exiles & exterius positi. Verùm de hoc in *contradictionibus*, lib. 4. 91. Ultimus modus est præter morem, qui criticus est, ut sint in vniuersum modi sexdecim, ac fermè totidem morbi regij nigri. Quia tamen videtur Galenus 5. *de locis*, cap. ult. tangere vnum modum extra ordinem, ut sit vesica fellis plena, & non possit euacuari, quia non potest constringi, sicut nec vesica vrinæ, cum nimis plena fuerit, eritque morbus regius sine affectu in iecore, vel felle. Dico quòd est fallax ratio, nam vesica fellis laborabit morbo in cauitate, quæ est impedita, & etiam illa bilis ibi contenta, non facit morbum, sed illa quæ non potest recipi. Igitur si dicas, morbus erit absque facultate lassâ.

Dico

Dico quod est verum & frequenter accidit; nam ad morbum exigitur solum læsio operationis, non facultatis. Et hic morbus, si quis diligenter consideret, parum differt à morbo, qui fit à vesicâ fellis, obstructo meatu attrahente.

CAPVT VI.

An Regius morbus sit symptoma.

PORRò illud occurrit quod à pluribus dici solet, Regium morbum, morbum non esse, sed vitiũ tantum cutis, symptoma in qualitate mutatâ: quo errore, dum vera dicunt, nihil est perniciosius. Multa enim sunt eiusmodi in humanâ vitâ, quæ si vt se habent, proferrantur, magnorum malorum causæ sint. Propterea rectè dicebat Auerroës, *quadam esse qua sint solum sapientibus reuelanda: atque alia quidem, quia per se mala sint, alia quia malè interpretari solèant.* Cuiusmodi est hoc; nam quasi contemptim etiam L. Iacchinus de ipso tractat, cum tamen è morbo pendeat, qui sit omnium malorum origo: sed intellexit rem, non descripsit. Fieri enim potest vt sit solum symptoma, scilicet defœdata cutis morbo iam sanato, atque sic certè nihil graue habet, verum quàm breui euanescit, cum huiusmodi est: neque enim est vt imperigo, res profunda; neque vt vitiligo, vitium alimenti: sed tinctura quædam quæ citò euanescit, vt veriùs diffiniamus morbum qualem à principio, corruptionem sanguinis ex bile flauâ aut nigrâ, vt superiùs diximus. Sed de his hætenus.

CAPVT VII.

De signis specierum eius.

PRincipio quidem reducere oportet signa omnia ad causas, quæ curationem recipere possunt; vnum autem est genus causarum insanabilium. Ergo in vniuersum fient quatuor genera signorum: commune totius generis morbi regij, seu flauī, seu nigri, seu viridis. Et signum proprium generis, flauus, niger, viridis, itaque distinguitur in tres species. Tertium est specierum, & vt dixi sunt quinque vt sanari possunt, scilicet in iecore per essentiam, per consensum, secundarius, in vesicâ fellis, & præter morem. Quartum genus est insanabilium causarum, quod etiam in suas distinguitur species, de quibus dicemus. Causæ enim insanabiles sunt, aut quantitate, aut qualitate; qualitate quidem scirrhus, lapis, & verruca; quantitate autem magnitudo, morbi diuturnitas, imbecillitas virium, phlegmone coniuncta, & huiusmodi. Et ideo in inquisitione signorum, non solum in hoc morbo, sed in aliis omnibus morbis, maximè vbi multæ sunt species, & in complicatis, oportet obseruare quatuor: primum vt sciamus signum proprium aut inseparabile vniuscuiusque causæ, & si fieri potest, quod vtrumque amplectatur. Secundum vt sciamus signa repugnantia: velut feces esse tinctas, est proprium regij morbi, qui non est ab obstructione, non tamen inseparabile; nam potest esse via aperta, sed vis vesicæ fellis imbecillis. Pondus quoque lateris dextri est similiter proprium, & non inseparabile obstructionis. Calor verò est inseparabile facti à multitudine bilis, non tamen proprium: est autem

autem proprium & inseparabile excalefacti iecoris. Subitò etiam fieri: est enim proprium eius qui non fit ab obstructione, non tamen inseparabile. Proprium enim dicimus, cum causâ positâ signum adesse potest necessariò, & posito signo contrarium causæ esse non potest. Inseparabile verò cum causâ positâ, signi contrarium esse non potest: posito autem signo eiusmodi, causa esse potest necessariò. Si verò reciprocantur, dicitur signum proprium & inseparabile. Febrem non adesse est proprium, non inseparabile, quòd phlegmone non adsit. Feces non tingi est inseparabile, non proprium obstructionis. Tertium, si feces tingi, est proprium, non inseparabile non obstructionis; non tingi, inseparabile obstructionis, non proprium: à proprio ad contrarium inseparabile, & vicissim ad contrarias causas commutatio erit. Quartum est, quòd si urinam tingi, non est proprium, neque inseparabile obstructionis, nec non obstructionis; pallor urinae nec erit proprium, nec inseparabile contrarij, seu obstructionis seu non obstructionis. Oportebit ergo tale signum, & illius contrarium sub alio genere collocare, & ad alia comparare, veluti Nicolaüs *lib. 7. tract. 6. cap. 3.* ad imbecillitatem iecoris refert pallorem, aut vesicæ inflammationem: colorem autem esse naturalem, si cum fecibus tinctis, ad vesicæ fellis repletionem absque obstructione. Sed si urina naturalis sit, & feces pallidæ, natura aliò mouet bilem, seu [ob] obstructionem, seu aliam causam: & sunt signa propria, non inseparabilia. Vomitus ergo & nausea, cum tincturâ fecum, significant motum ad ventriculum; pruritus, ad cutim, propter abundantiam. Signa igitur insanabilium huiusmodi causarum, sunt pondus

& durities ad tactum, & maximè pendente iecore, vt superiùs diximus, & quòd auxilia non proficiunt, & successio hydropis, & pulsûs paruitas & durities; & flatûs copia. Et hæc signa communia sunt lapidi, verrucis, & scirrho. Et lapidem declarat tactus, si valde comprimatur locus; is est à dextro latere, (vt Vesalius docet *lib. 4. cap. 8. in initio, figuræque 6. P. & 20. H.*) incumbens colo ab anteriore parte, quâ colon cauæ iecoris parti adhæret. Ergo si premas valde & colum & dorsum subiectum, dolore afficietur: est autem è regione vltimæ costæ, vel minimùm infrâ, & quali è regione vmbilici, & valde prope costam ipsam, profundâ tamen. Solet [etiam lapidem] consequi scabies insanabilis; & hoc est quia in omni morbo regio diuturno putrescit humor, & sanguis, & præcipuè serosa eius pars: & diuturnitas solâ affectûs ostendit non posse sanari, aut vix; nihilominus etiam tractabimus de hoc genere in curatione, vel vt vita producat, vel vt aliqui, quamuis deplorari videantur, possint sanari: sicut contingit in omnibus rebus naturalibus, vt adsint monstra.

Generis autem tria sunt signa: permutatio coloris in candidâ parte oculorum citra alium morbum, ex Hippocrat. *lib. de locis in homine, pag. 8.* nam si fuerit in vno oculo tantùm, posset esse ex solo morbo oculi illius. Certius autem signum est, cum prope oculum idem acciderit: inde solent ungues & facies infici, & maximè circa tempora & genas: & hoc contingit quinque modis; vel cum ariditate, vt in febribus acutis, & est signum mortis breui superuenturæ; aut cum inflatione [MS. inflammatione] palpebræ inferioris, & est signum cachexiæ, id est, mali habitûs & periculi hydropis:

dropis : aut cum rubore maxillarum , ita vt tota facies reliqua sit auriginosa , & istud est signum patientis pulmonis , & phthoës futuræ seu iam cœptæ ; aut color est in totâ facie auriginosus , & hoc est signum morbi regij puri ; aut tota facies reliqua est pallida , & hoc est signum obstructionum in membris naturalibus. Secundum signum est vrina tincta , nigra , viridis , vel fulua : necesse est enim , nisi sit obstructio in renibus , vt vrina tingatur colore materiæ permixtæ cum sanguine. Et in hoc obseruanda sunt tria præcipuè : primum quòd spuma eius semper est colorata colore morbi , etiam quòd vrina non videretur tincta. Secundum , quòd lintheum & papyrus etiam postquam siccatus fuerit , remanet imbutus colore ; & in hoc distinguitur à tincturâ assationis febris ; nam in illâ cùm siccatur lintheum aut charta , ob substantiæ tenuitatem color euanescit. Et iuxta hoc etiam cognoscitur qualitas , & substantia crassa vel tenuis , & quantitas materiæ. Tertium est quòd [in] imo remaneat fœculentum quiddam , & est malum ; aut non , & est melius. Et Galenus *quinto de locis , cap. vlt. in fine* , considerabat sudorem loco vrinæ , colligendo illum cum strigili , sed hoc est operosius & minus vtile quàm vrina , quia non cognoscimus statum iecoris : est tamen vtilius in dignoscendo materiam propriam morbi , an sit crassa vel tenuis , exusta vel simplex. At albedo fecum , non est adeò generalis , neque signum certum velut tinctura vrinæ , quia potest esse morbus regius sine vllâ obstructione , velut in caliditate iecoris , in veneno , in inflammatione , & idè sine fecibus albis. Tertium est astrictio alui , hoc non est inseparabile , est tamen generalius quàm albedo fecum , quia dum meatus [est] obstructus , feces sunt albæ & siccæ , propter [MS. prater]

retentionem & caliditatem iecoris; & dum meatus est apertus, feces sunt tinctæ, & tamen aluus est astricta propter caliditatem. Ergo aluus astricta est signum generalius & certius quàm feces albæ, & hoc est quod prædiximus. Attamen nec istud signum est inseparabile, quoniam fieri potest, vt caliditas non sit tanta, vt feces sint duræ, & aluus astricta. Et ideo non est nisi vnum signum proprium & inseparabile, scilicet color ille. Relinquitur dubitatio non leuis, in illo dicto *quinta particula Aphorismorum, ultimo: Qui regio morbo laborant, non multum ventosi sunt.* Nam experimentum ostendit, quòd morbo regio laborantes abundant plurimo flatu, imò per sæpe decidunt ex hoc in tympanitem: propterea dicendum, vt ibi exposuimus, verum esse in iis qui rectâ ratione victus vtuntur: superueniens enim hic morbus patienti flatûs, propter caliditatem dissoluit flatum, & materiam etiam illius, scilicet pituitam. Et si quis obiiciat, quòd flatus propriè fit à calore naturali diminuto, & præternaturali aucto; quia calor naturalis condensat, & non rarefacit, & ideo prohibet flatûs: præternaturalis autem, si non adsit pituita seu bilis crassa, non potest attenuare; nam ex his duobus, tum aquâ & crudis humoribus seu cibis, fit flatus: deesset ergo causa eleuans flatum. Hæc igitur sunt signa generalia morbi regij, scilicet oculorum defœdatio in parte albâ, & præcipuè partium circumuicinarum; vrinæ tinctura; & astrictio alui; & quartum est abundantia flatûs, si malo vtatur regimine: clara est causa ob cruditates, vel si diu perseueret, aut si sit morbus regius niger aut viridis, ob extinctionem caloris naturalis. Pulsûs autem illorum sunt parui, duri, crebri, non tamen celeres, *quarto de Causis pulsuum, cap. 26.* Causa est manifesta

feſta ibi. Addit Aërius *lib. 10. cap. 17.* pigritiem & pruriturum. Exiſtimat etiam cum inualuerit, cibos dulces minùs eos amare, & variis imaginibus mentem vexari, eaſque etiam ante oculos obuerti.

Signa autem generum ſunt clara, quia dignoſcuntur ab oculo, & ſimiliter ſigna multitudinis materiæ ex colore efficaci, & in magnitudine ratione totius corporis, & etiam ratione membri affecti. Et in morbo regio flauo, qui non eſt præter morem, afficitur iecur, vel veſica fellis, vel vtrumque membrum. Et in nigro afficitur lien neceſſariò, vt dixi, & iecur quandoque ſimul, & hoc eſt valde malum, & præparat ad aſcitem, aut aliud genus hydropiſ. Viridis autem morbus regius duplex eſt; alius fit mixtione nigræ & flauæ bilis, & hic fit compatiēte iecore, & veſicâ fellis, & ſplene; alius fit exuſtione flauæ bilis, ſed hoc contingit rarò: contingit tamen in febribus peſtiferis, vnde apparent illa ſigna ſimilia maculis pulicum, quæ etiam ſunt de genere icteri præter morem; ſed non eſt intentio de illo tractare, ſatis tamen ſit nouiſſe hoc, quòd datur icterus viridis in febre peſtilenti, & eſt admodum exitialis.

At verò morbus regius ſanabilis diuiditur in illas quinque ſpecies: & qui fit per viam criſis, ſi fiat ante ſeptimam diem in acutis, eſt malus, vt dicebat Hippocrates 4. *Aphoriſm. 61.* ſed de hoc aliàs. Obſtructionem autem declarant venæ naturaliter anguſtæ, vrina craſſa & quaſi crocea, & in quâ tingitur lintheum & etiam charta; & ſi ſit aquoſa cum calore, eſt etiam deterior: & ratio victùs antecedens, ciborum multorum, craſſorum, lentorum, crudorum, horis non conſtitutis aſſumptorum, cum paucitate ſomni, & exercitationis opportuna [MS. *exercitatione opportuna,*]

parua appetentia cibi, pallor labiorum, sitis, febris, & morbi regij reditus frequens. Quodd si præcesserit sitis, æstus ventriculi, esus [MS. æstus] ciborum calidorum, aut facilè putrescentium, aut virulentorum, aut vomitus bilis sedatus sine causâ, signum est consensus cum ventriculo, velut & oris amaritudo. Sed si fuerit sitis vehemens, & calor & æstus, & feces, & urinæ tinctæ, ex iecoris caliditate. Et si sitis vrgeat, & æstus sit maior & febris, & vrina & feces tinctæ, non adsit pondus, neque durities, erit inflammatio. Et si adsit febris vehemens, pondus, durities, tumor, erit phlegmone. Et si non adsint [MS. absint] signa caloris, sed pondus, & durities, erit lapis, vel verruca, tuberculum, aut scirrhus, vt dictum est. Sed cum fuerint in initio adhuc, corpus satis bene se habebit. Tumor ergo, durities, & pondus, si non multum dissoluerint corpus, & regius morbus tendit ad obscuritatem, tunc est signum initij alicuius horum. Et scias quodd scirrhus plerumque multum differt à duritie iecoris; nam durities iecoris est magis in superficie, & est quasi corium incrispatum, & amplectitur magnam iecoris partem: sed scirrhus est profundus, & durior, & non crispatus, sed lenis, & plerumque multiplex, rarè enim solus inuenitur, seu in iecore, seu pulmone, seu liene, seu renibus, quibus communis est; cum durities illa in renibus rarè inueniatur, nec frequenter in pulmone. Et licet cura aliquo modo similis sit, multum tamen differunt: nam durities indiget humectantibus, & rarè parit hydropem, nisi cum coriacea fuerit: scirrhus autem ascitem parit, & curatur mollientibus & digerentibus. Et si repentè accidat morbus regius post morsum, animal est venenosum, & color spargitur in toto corpore. Et vomitus bilis est commune signum morsus,

morsus, & veneni assumpti per os : nausea autem veneni assumpti solum : & solent venena animalium, & assumpta per os, adducere sitim, molestiam, cordis palpitationem, frigus extremorum ; & venena serpentium efficiunt colorem vitidem : epota autem, flauum, & cum incendio magno : sed temporanea tabefaciunt, & faciunt siticulosos, & minuunt somnum. Sed qui accidit ex obstructione vesicæ fellis, indies morbus augeatur, & minus parit symptomatum malorum, nisi quod corrumpitur valde color, & egestio valde alba, cum urinâ valde tinctâ, est proprium signum eius. Et si fuerit in superiore & inferiore meatu, vel in superiore tantum, morbus redditur maior, & cutis magis defœdatur, sed homo est leuior : sed si in inferiore tantum, morbus videtur esse leuis, sed adest grauitas in latere dextro, & succedit colica, & febres longæ, & induratur vesica fellis, & intumescit, & moritur æger post longam conflictationem, cum felle duro, rotundo, & magno, incertâ ratione Medicorum, qui hæc non nôrunt. Et urina bona in quouis genere morbi regij, significat quod in iecore non est obstructio, neque læsio, sed in vesicâ fellis aut liene. Et secundum signum est, quod si sit ex iecore, color non est perfectus in suo genere.

CAPVT VIII.

De quadam specie morbi regij, aliâ ab his.

Incidit morbus regius satis diuersus à supradicto, in quo vel color non est, neque niger, neque flauus, neque viridis, sed quasi maculosus, permixtus ex flauo, plumbeo, pallido, & hic magis apparet iuxta encanthis-

des, id est, exteriores angulos oculorum, & non apparet in substantiâ oculorum, quia fit ex pituitâ, & humore crudo permixto vni bili, aut alteri, aut vtrique: & homo per hunc disponitur ad hydropem, maximè ascitem, & etiam ad extenuationem & sitim, licet sitis sit minor. Et signum est abundantix crudi humoris aut aquosi, iam in venis & iecore collecti. Et est mala merx, quia est difficilioris sanationis quàm morbus regius. Et causa quare non tingitur oculus, sed potiùs tempora, vt dixi, est crassities materiæ quæ non potest penetrare in substantiam oculi, & plerumque prouenit ex malâ curâ febrium, quia natura impedita importunis cibus & medicamentis, & sectionibus venarum, non potest separare, neque expellere, neque vnum, neque alterum humorem; & idè remanet cinis ille in venis: & cura horum est longa, nisi sanentur quartanâ superueniente, aut fluxu hæmorrhoidarum, in quo tamen est periculum hydropis; aut per epicrasim nutriendo bonis cibus vbertim & indulgendo, & exercendo corpus ante cibum, & purgando per medicamenta ex helleboro, vel per confectionem Flammæ, & Diacatholicon bonum. Et hic morbus adeò frequens nostrâ ætate est, vt nihil frequentius, ob imperitiam & improbitatem Medicorum. Rursus si fiat obstructio in renibus, vt non possit transire bilis, quam palam est transire cum vrinâ, cum sit salsa & amara: vel inter cauam & gibbam iecoris, vbi venæ sunt angustissimæ, videtur necessarium vt fiat quoddam genus morbi regij conuersum, & maximè si feces non præter solitum tingantur; sed quia talis bilis est valde tenuis, & via lata, rarè accidit: sed cum accidit, videntur rubri in colore, & color tamen est flauus; & æger moritur ex hoc, sed post longum tempus, adeò vt non-

nulli

nulli ferant hunc morbum aliquot annis, & cum hoc etiam sunt pingues.

CAPVT IX.

De quibusdam causis morbi regij coniunctis: & sunt præcipuè septem, febris, durities iecoris aut lienis, hæmorrhoides, cachexia seu hydrops, morbus Indicus, venenum, & phthoë.

Cum manifestum sit curam [puto legendum, *can-*
sam] superioris morbi ab alterutrâ obstructione facti [MS. *factam*], esse aut insanabilē, ut qui [MS. *utque*] à compositione contingat; aut esse eandem quæ & venenorum temporaliū, quæ obstruendō occidunt & siccando; aut sanandam [MS. *sanandam*] fore iuxta similitudinem curationis morbi regij ex obstructione, vel cum duritie ipsius iecoris, ut *infra cap. 32. & 35.* Propterea ad causas principales transeamus; & hæ quidem duplices sunt, præcedentes & coniunctæ. Præcedentes quidem, velut exercitationes immodicæ, & maximè in corporibus siccis, & à cibo, & usus ciborum crassorum, lentorum, crudorum, multorum, feruidorum, putridorum; potus vini potentis, & maximè nigri, tristitia, timor, odium diuturna, quæ etiam confestim immutant corpus, immodica Venus, & ieiunia: præterea medicamenta venenata, & genus omne lathyridum ac tithymalorum, retentio fecum & urinæ, & solitæ excretionis per vlcera vel hæmorrhoidas. Præterea fit per potum amatorium & promptissimè ac vehementissimè, [usum] aquarum corruptarum,

aëris vallium & stagnorum, vt dixi. At verò coniuncti morbi, & qui loco causæ etiam habentur, vel qui ad ipsam sequuntur, præcipui sunt septem: febris vel lenta calido abdomine in venis mesaræi, quam purgatio iuuat; vt quæ in ambitu, totius sudore liberatur: vel acuta, in magnis, aut viscerum. De eo autem qui fit cum tumore, dixit Hippocrates *sextâ Aphorismorum*, 42. *Morbo regio laborantibus si fiat hepar durum, malum.* Idem intelligatur de nigro, respectu splenis, estque fermè deterius ad ascitis generationem, quoniam lien etiam non possit recipere fecem sanguinis, cogitur plerumque[eam]retinere, & fit ascites. Verum non solum in regio morbo, sed in quouis alio, præcipuè febribus, & diarrhœis, ac dysenteriiis expedit explorare ventrem, & tumores, & dolores, prout iubet Hippocrates: sæpe enim diarrhœa & dysenteria sunt symptomata phlegmonarum aut scirthorum viscerum, & Medici curant astringendo, & nutriendo, & calefaciendo, vt prorsus occidant. Tertius morbus est fluxus hæmorrhoidarum, ex quo si succedat morbus regius, palàm est bilem prædominari in iecore, ideò & calidam intemperiem præter naturam, & frigidam naturalem ob euacuationem immodicam sanguinis: igitur ascites paratus est: sed si cum cachexiâ, rursus periculum est hydropis. A morbo autem Indico corrumpente sanguinem, vt sæpius obseruaui, itémque [MS. *observari, idémque*] ab elephantiasi [fieri potest.] Consequitur etiam venenâ, vt antea dixi, & ad phthoën, vt nunquam fallat: at verò ipse vicissim tabefacit corpus, & languidum reddit, & sitim præcreat exiccando illud, vnde aliquando etiam in phthoën decidunt, vt infra docebimus, *cap. 42.* Constat etiam quòd ex solâ hecticâ contingit decidere in morbum regium

regium flauum, vt Paulus docet. Et si contingat vt morbo regio alter morbus succedat, nec regius finiatu-
 tur, hoc semper malum est, si non sit ex genere illorum
 per quos corpus euacuatur. Et si finiatur ac transmu-
 tetur in deterio-rem, est peius quàm si non desinat
 prior, quia aufertur spes sanationis. Si autem trans-
 mutetur in eum per quem fit euacuatio, vt in fistulam
 vel hæmorrhoidas, est bonum. Si verò ex hoc morbus
 regius non finiatur, tunc est deterior, si fuerit sub for-
 mâ morbi, vt fistula. Dicebat Cælius Aurelianus 3.
Chronicon, cap. 5. Regius morbus fit sape cum tumore ie-
coris seu duro seu laxo, rariùs lienis, rarissimè ventriculi:
 in quâ sententiâ est & Timothéus. Fit etiam ven-
 triculi & ventris inferioris vitio, sed intellige per
 consensum.

CAPUT X.

De signis prognosticis.

Non est morbus regius leuis res, vt quidam pu-
 tant: imò dicebat Rhafis, *decimo octauo Continentis,*
folio [mibi] 186. pag. 3. Audiu ab auo, quòd non vidit mor-
bum deterio-rem regio, quoniam sapius expertus est mortem
subitam, si non rectè curetur, contigisse; cui dicto ratio
 abundè suffragatur. In febribus etiam ante septimam
 diem mala habetur & pernitiola plerumque [icteritia:]
 quoniam cum foràs non protrudatur, non potest esse
 concocta materia, si tenuis sit; sin autem crassa, vt
 concoquatur indiget longiore tempore. Ergo ante
 septimam non potest icteritia esse bona; sed si acci-
 dat, vel ob materiæ cruditatem, vel virium imbecilli-
 tatem,

tatem, vel impedimentum protrudi non potuit; potest tamen cum hoc seruari, & multi liberantur, cum morbus non est adeò malus, ut ex hac iacturâ, quòd ante coctionem mutatio facta sit, æger pereat; nam ex mutatione ipsâ in genere iuuatur, quia febris alienatur. Secunda conditio est adhuc euidentior, & est Ioannis Bacchanelli, scilicet quòd non sit iunctus & consequens ad crisin per euacuationem, velut vomitûs aut sudoris: tunc enim poterit esse materia concocta, imò plerumque erit, & ita morbus regius erit pro supplemento, & erit bonus, licet ante septimum; & de hoc non loquitur Hippocrates: vide *quarto Contradiçt.* 93. Frigida autem ictericia, quæ non resoluitur, est valde mala, quia plerumque parit mortem subitam, ut ait Princeps. Similiter si succedat ei durities iecoris, erit valde malum, & ut dixi, periculosum: propterea quòd, ut ibi declarauimus, difficulter curatur, & immodicè siccum est iecur, quod durum euasit. Tertiò cum vrina sit alba, nam obstructio est ex frigore. Quartum est Valesci de Tarantâ, quod expertus est sæpe, cum aduenit decrepitis vel pinguibus in primo senio, materia enim crassa est. Quintum cum euenit dysenteria, fit enim debilitato naturali ca- lore iecoris, ut concoquere non possit, robustâ ta- men manente expultrice; & calida nocent causæ, & frigida augent fluxum ventris, & quæ astringunt interficiunt, aut saltem hydropem generant. Sextum signum malum est, cum contabescit corpus, & maximè si succedat hectica, in quam cadere pronus est propter caliditatem & siccitatem alimenti membrorum, & est sanguis mistus bili, & feruefactus ab illâ. Septimum est deiectio appetitûs, quæ contingit euictâ facultate iecoris à bile; nam si esset ex bile

in

in ventriculo collectâ, timendum non est, sed hæc deiectio purgatione tollitur, & sitim habet, quæ extinguitur potu. Octauum est coli dolor, qui tamen sæpe contingit, propterea quod neque feces, neque humor crudus [descendunt,] quoniam bilis non stimulat intestina ad excernendum, & frigida nocent illi, & calida nocent regio morbo. Nonum est urinæ sedimen eruo simile, Hippocr. 3. de Morbis, cap. 12. Decimum, Vigilia, deiectio appetitûs, & impotentia linguæ. Undecimum est, cum associatur aliquis ex morbis supradiçtis, utpote hydrope aut phthoë. Cum generali ergo erunt duodecim. Sunt & signa futuri: Velut in Coacis prædictionibus: Quibus lumborum dolor & lateris sine causâ manifestâ, hi regium morbum incurrunt. Et illud: Frequentes ad egerendum progressûs paulatim contingentes, pauca stercoracea, subnitiosa habentes, cum præcordij & lateris dolore, morbum regium denotant; nam his suppressis hi cum virore pallidi fiunt: arbitror autem & hos sanguinem effundere. At dolores in lumbis in his sanguinem fundentibus, sanguinem egerunt splendidum. Inquit Hippocrates, lib. de diebus decretorijs, pag. [mibi] 3. Morbus regium qui vehementer virescit ex pallido, velut malicorij & lacerti [color,] si cum febre fuerit, ac molestiâ acutus est, & plerumque intra 14. diem occidit. Hic est de quo supra dixi, è pestilentium genere. Sumptum est autem hoc ab Hippocrate, 3. de Morbis, pag. [mibi] 4. Vicissim verò in morituris, regius morbus apparet; in omnibus enim morituris sanguis corrumpitur. Trifariam verò occultâ ex causâ perit æger: venenosâ qualitate, superatâ naturâ à vi morbi, & tumore viscerum: cætera rarò contingunt. In omnibus his sanguinem corrumpi cum necesse sit, & regium morbum apparere, tum cum euidentior conspicitur, signû [est] euictæ naturæ, & impendentis mortis,

&

& quanto obscurior & liuido mistus. Vicissim ergo ista se habent. Et cùm morbus regius confirmatur, perducit ad hydropem, aut febres malas, aut scabiem; & hoc est minùs malum, & contingit iunioribus; hydrops autem senioribus; febres inclinatis. Dicebat in libro de Iudic. pag. [mibi quidem] 2. In febribus ardentibus si posterius septimo die, morbus regius accedat, indicium est sublatis sudoris; nam morbus non solet exudare, neque usquam alibi abscessum facere, sed sanus fit. Et rursus: Si verò septimo die morbus regius accedat, aut posterius, in febre ardente; & difficilis multi sputi secessus, tum in ardentibus, tum in alijs febribus, si nullo talium signorum contingente, dimiseris febris, necesse est tales indicationes præ illis fieri, aut magnorum tuberculorum abscessum, aut dolores ex abscessu vehementes, aut colliquationes humorum ex calore. Et rursus cum dicit malum signum, & adiicit aliud, per se malum, [quod] lethale est, vt palam infra: In febribus ardentibus, si accedat morbus regius & singultus quinto die, lethale est. Similiter & illud Prorrhethici, pag. [mibi] ultimâ: Quibus magnum & frequentem spiritum habentibus, morbus regius, & febres acute cum præcordijs duris perfrigerata sunt, num his abscessus magni ad aures consistunt? Quod verò dicitur in Coacis prædictionibus, de febribus intelligitur: è regio morbo abundè colorati moriuntur, alba verò alui egestio in his præcedit. Intelligit ergo solùm adiectâ conditione. Sed commune illud: Mâla est & ex morbo regio fatuitas: hos voce priuari sentientes tamen esse contingit: fortassis autem & alius malè his afficitur.

CAPVT XI.

An in morbo regio sit secunda vena.

DVbium non est quin magis in nigro regio morbo conueniat venæ sectio, quàm in flauo: ita tamen vt adsit vel inflammatio lienis, vel febris, sicut vult Paulus lib. 3. cap. 49. & Rhasis *decimo octauo Continentis*, fol. [mibi] 188. columnâ 4. in fine: *Si morbus regius fuerit è splene, mittatur sanguis ex parte sinistrâ, aut per viam cucurbitularum*, & intelligit de basilicâ: sicut si fuerit flaua, à basilicâ dextrâ. Dicebat Princeps 15. 3. tract. 2. cap. 7. sequutus Paulum, *ex basilicâ, vel venâ qua est inter minimum digitum & annularem*. Et ratio in promptu est, quia sanguis est crassior. Nihilominus præsupponunt omnes adesse inflammationem aut febrem. Et vt breuiter dicam, in morbo regio nigro paruus est error, si ducatur sanguis ex alterutrâ istarum venarum; quamuis Galenus, nescio quâ causâ, *nono de medicamentis secundum locos*, cap. 2. vbi locus erat tractandi de hac sectione venæ, eam prorsus omiserit. In eodem autem libro, cap. 1. in fine, vix meminit cuiusdam sectionis venæ sub linguâ in morbo regio flauo, de quo miratur Princeps, cap. 6. in principio, & iure meritò, cum aliarum venarum [non meminerit.] Sed de his in quarto *Contradiçt.* 92. Nunc solùm, quantum ad propositum pertinet, meminisse sufficiat. Dico ergo quòd in nigro regio morbo mittere sanguinem, paruus est error, ob causam dictam. In flauo autem sectione venæ vti licet, quæ euacuet totum corpus; hæc enim in omni morbo, cum corpus plenitudine laborauerit, conuenit [MS. *cum venit*:] secùs ratione morbi coniuncti licebit vti,

si

si magis vrgeat, vt febris sanguinis, aut phlegmone in visceribus. Ratione autem morbi cùm ex obstructione fuerit à multis crassis atque lentis humoribus, & ipse icterus à bile crassâ per se, qualis præcipuè vitellina, non autem ex permixtione bilis cum pituitâ crassâ, vel humore alio tali. Et tunc mirum in modum iuuat secare venam, quæ est in concauitate vtriusque pedis; nam vt Conciliator testatur, hoc solum sufficit ad sanandam icteritiam flauam & diuturnam.

CAPVT XII.

An feбри cuipiam sectio venæ conueniat?

IVxta hoc ergo dubitare expedit, de eo quod pro confesso multi Galenum sequentes concesserunt, non solum tanquam verum, sed etiam ex Hippocratis sententiâ, scilicet: An sectio venæ febrienti alicui, citra phlegmonem, loquor, aut venæ fracturam, conuenire possit? Habenda autem mihi videtur, quemadmodum & in omnibus aliis, ratio loci; hoc enim opus breue est, & ideo trium præceptorum semper meminisse oportet. Primum vt exilia pro exemplo lucidè & diffusè, habitâ ratione loci, tum sufficienter declarentur. Ampla & quorum ratio manifesta est, breuissimè & rotundè tractentur. Ratio ipsa circuitibus suis contenta, hinc illincque deducta, & modis omnibus composita & coniugata deducatur, vt [MS. &] infinitum illud penè pateat intelligenti. Ergo venæ sectionem omnibus febribus conuenire (de putridis loquor duntaxat,) ex innumeris locis vno docuisse sufficiat,

vndecimo

undecimo scilicet Artis curandi, cap. 15. ibi enim hoc Galenus apertè docet: non sic ex Hippocrate, [qui] nempe vno tantum loco eiusmodi auxilij in febribus meminit, nec satis legitimo, si vel ipsi Galeno credimus, *quarto scilicet de Victu in acutis, textu 19.* Idèò pensanda est ratio in fine: cum enim sectio venæ refrigeret corpus, educat materiam putrescentem, seruet hominem à periculo abscessus, valde commoda erit cuicunque febris putridæ. At è regione pugnat, quòd Erasistratus primum, [qui] nepos refertur Aristotelis, & idèò è proprietatibus Hippocratis, eam negauerit adhiberi debere in febribus; non [enim] verisimile est adèò impudenter egisse erga maiorem suum, præsertim tanti nominis, si Hippocrates fuisset alterius opinionis, & maximè sine nominis [MS. *si nominis*] præfatione: quam non omisisset Galenus, cum in rem suam facere videretur. Constat sanè libro peculiari titulo ad hoc dedicato, Erasistratum in eâ fuisse sententià apud Galenum, vt nemini ob febrem Hippocrates venam secuerit. Ad sunt etiam rationes validæ quatuor. Prima, quòd omnis eiusmodi sectio mouet materiam ex loco ad locum; & vnde mouetur, relinquuntur putredinis semina; & quò materia deducitur, ibi necesse est etiam putredinem fieri; sed & in transitu passim, quicquid tangitur à putrido, putrescit: vnde necesse est locum morbi dilatari & proferri, materiàmque putrescentem augeri, maximà ægri iacturâ. Secunda, quoniam plerisque speciebus non conuenit, adèò vt etiam conueniat, cum in paucissimis, sit difficile inuenire, & periculosum experiri. Ostenditur autem id quod supponitur: quoniam primò neque in febribus intermittentibus, nam frustra, imò magis [noceret;] quia posset materia quæ extra venas est, intra venas deduci, & ex intermittente fieri continua:

G g

Idque

*Idem quare
non prohibet
in feb.*

idque vt etiam præcedens patet, cùm sit motus consequentiæ, quem vocant attractionem à vacuò, cui nihil resistere solet [MS. *subsistere solet*] aut potest. Sunt & febres pestilentes & venenosæ, in quibus sectio venæ lethalis continuò est, quoniam materiæ infectæ transeunt supra membra principalia, & præsertim supra cor; & quis potest scire num febris sit pestilens, saltem ob aëris constitutionem aut contagium? Sunt etiam febres omnes lentæ, in quibus materia est in venis paruis, & per sectionem venæ trahitur ad venas magnas, & ita fit deterior conditio ægri. Rursus omnes febres, in quibus materia est valde cruda, vt *duodecimo Artis curandi, cap. 3.* Febres quoque quas vocant syncopales, sunt ex hoc genere, nec in illis Galenus mittere sanguinem audet; vt neque in his quæ mala accidentia pariunt; vel si iungantur quæ plurimum repugnant, velut tabes, hæctica, infantia, senectus prouecta, fluxus sanguinis præcedens, Venus multa, qui lapidem habent in vesicâ, resoluti, longo morbo laborantes: præterea in quibus peccat bilis valde acris, aut immodica, aut humor crudus, aut immodicè frigidus: & si materia iam repat aliò, vtpote in quibus fluit per hæmorrhoidas, aut sudor copiosius iam effluit, aut si turgeat; est enim euacuanda medicamento, non sectione venæ: neque etiam conuenit cùm materia iam deriuatur ad parotidas, aut ad abscessum exteriorem: nec in incremento, vel in statu morbi, dicente Hippocrate 2. *Aphorism. 29. Cùm morbi consistunt ac vigent, melius est quietem habere.* Sunt etiam proprietates hominum, quæ huiusmodi genus auxilij reformidant: est & tempus anni valde calidum aut frigidum, *primo ad Glauconem, cap. 14.* Tertia ratio est, quoniam necessarium

rium est vt natura sufficiat coctioni, & maximè quia oportet laborantes vti inediâ; & ipsemet Galenus dicit super illo *Aphorismo* 15. *particula* 2. *Vbi famēs, laborandum non est*; quòd non oportet vnquam vti duobus auxiliis extenuantibus vires, veluti inediâ & sanguinis missione, (explicat enim ipse hoc exemplum) At constat inediam esse necessariam in omni febre: igitur nunquam erit locus venæsectioni. Adduco modò rationem demonstratiuam fermè in hoc genere, quam aliàs publicè recitaui, contra adeò laudantes venæsectionem: nam cùm dicant, quòd natura redditur potentior supra reliquum materiæ. Dico, quòd est oppositum, & est huiusmodi: si æqualiter detrahatur ex viribus & materiâ peccante, & natura esset solùm intenta ipsi materiæ, proportio remaneret eadem: sed natura habet partem virium delegatam muneri necessario. Ergo proportio virium ad materiam decrescit ex sanguinis detractiōe. Exemplum: sint vires viginti, quarum quarta pars sit delegata muneribus naturalibus; & materia sit vt quinque: erit ergo residui virium ad materiam proportio tripla. Auferatur, inquam, quinta pars ex viribus & ex materiâ, remanebunt vires sexdecim; & quia iam quinque partes necessariae sunt muneribus naturalibus, relinquuntur partes virium vndecim, & materiæ partes quatuor. Proportio igitur virium delegatarum materiæ, est vt vndecim ad quatuor, scilicet minor triplâ, quæ antea erat. Ergo proportio virium ad materiam per sectionem venæ semper fit minor, & conditio ægri deterior. Et si quis dicat, quòd plus extrahitur de materiâ, quàm pro ratione sanguinis aut spiritûs. Dico quòd hoc est falsum, & contra omne experimentum & rationem; quia sanguis magis fluit, & est liquidior,

& magis in dominio naturæ, vt pareat illi, & est etiam propinquior loco sectionis venæ, cùm materia putrescens rarissimè sit vel nunquam in brachiis vel in cruribus, sed est in intimis, vt liquet. Quarta ratio est similiter contra ea quæ ipsi præsupponunt: nam homo moritur vel per abscessum, vel febrem pestilentem, vel quia humores putrescunt putredine immodicâ: dicunt ergo quòd impeditur abscessus per sectionem venæ: at occurret Erasistratus dicens: Ego vbi cœperit phlegmone, tum mittendum sanguinem censeo, & occurrâ opportuniùs, detrahens quantum oportet, & ex quâ venâ necessarium erit ac melius. Si verò dicas, quòd velis mittere sanguinem, ne materia transeat in venenum: respondebit Erasistratus, quòd tum multo minùs decet mittere sanguinem, propter causam dictam de transitu; & etiam quia quantumcunque minima pars relinquatur, repullulabit tota, & virtus erit iam debilitata, & ita omnino nocbis, & in hoc pauci, nisi stulti contradicunt. Quòd si dicas non adeò putrescere materiam diminutam sectione venæ. Dico quòd deterius putrescit, quia mota è loco suo violenter, non potest bene concoqui, ideòque tardiùs; hoc nemo negabit: sed quod concoquitur tardiùs, magis putrescit, vt colligitur à Galeno expresse, *primo de Differentiis febrium, cap. 6.* Igitur quantum ad hoc, deterior erit conditio mittentis sanguinem, quàm non mittentis. Ex quo patet quòd in febribus quæ sunt sine phlegmone, tutius plerumque est, & forsan etiam semper melius, non mittere sanguinem quàm mittere. Sed quinque sunt causæ, quibus mittimus sanguinem. Prima est quia si natura nominatur materiæ magno excessu, morbus celerius minuitur, & Medicus videtur fecisse miraculum, & alteri

*Homines quinque
sanguinem mittimus
nam probatur
sej.*

alteri imputatur tanquam ignarus, & produciens morbum, quia existimant quòd circuitus febris mitioris debeat etiam esse minor, quod tamen est falsum; est enim æqualis, aut etiam maior. Ergo hoc modo cessant æstus, sitis, & dolor capitis, & similia; quæ sunt valde grata ipsi ægro, & placent etiam astantibus. Secunda est, quia symptomata minuuntur, & inter illa aliquando quædam, quæ sunt causæ morbi, velut dolor capitis, per quem conciliatur somnus, & ita augeatur coctio & ciborum, & materiæ morbi. Tertia est, cum corpus est totum plenum, & tunc natura iam est impedita potius ratione multitudinis, quàm ratione febris: & idè in hoc casu augentur vires, non minuuntur, quoniam à multitudine opprimebantur. Quarta, quæ est præcipua, quoniam ægri nolunt perferre in diem debitam; & idè in hoc casu, si quis postmodum abstineret à sectione venæ, interficeret ægrum, suffocaretur enim: idem dico de his qui eam perferre non possunt. Idè in huiusmodi animadvertere decet, quòd quanto æger est magis licentiosus, eò copiosiore sanguinis detractione uti oportet. Quinta est, quoniam homo redditur tutior à phlegmone, & hoc maximè cum Medicus nò est adeò peritus, aut non potest adhibere extremam diligentiam, quam teneremur adhibere ægris, si vel essemus homines. Ut in summâ sectio venæ non conueniat verè, aut utilis sit in febribus, nisi duabus ex causis: vel cum natura est impedita ob nimiam repletionem, ut non possit se explicare, adeò [ut] etiam si esset sine febre, esset in magno discrimine; & in hoc casu est sanguis, qui paucus sæpe erumpit his: motus [MS. *erumpit: his modus*] est solus turgentis sanguinis, qui venæ sectione repletionem tollente, curandus est. Secunda est, cum symptomata adeò urgent, ut

augeant morbum, velut impediendo cibum per ſitim, & ſomnum per dolorem capitis, & quietem per æſtum, nam quies eſt neceſſaria coctioni. Reliquæ tres ſunt, vel ad licentiam ægri, vel ad oſtentionem Medici, aut propter ipſius iniuriam aut negligentiam. Et ideò longè melius eſſet, non mittere niſi in illis duobus caſibus. At dicit quiſpiam pro Galeno, miſſo ſanguine ex venâ, non ſolùm in continuis iugulatur febris (vt vtatur nomine eius,) ſed etiam in tertianis. Dico quòd de continuis non ſumus in caſu, quoniam & Galenus ipſe negat hoc accidere poſſe, cùm iam ſanguis compuit; & tunc Hippocrates iuberet curari ægrum ſolâ inediâ, frictiõibus, balneis, & cucurbitulis incifis, poſtquam omnino febris non deſiuit per venæ ſectionem. Sed ante putredinem, iſtud quòd febris finiatur, contingit ob refrigerationem: in tertianis verò propter idem; ſed materia remanet, quam poſtmodum euacuare oportet; atque etiam ſubiicimur periculo, ne ex tertianâ fiat continua, loco ſpei vt finiatur. Ergo ſectio venæ nihil ad materiam confert vt putruit, ſed refrigerando prohibet, ne quæ nondum putruit, putrefcat. Vbi ergo iam putruit pars eius, & non eſt interuallum temporis, nihil iuuat ſectio venæ, quia materia omnino ſubducto calore putreſceret, ob continuitatem materiæ iam putridæ. Sed neque intermittentibus, ob periculum ne retractâ materiâ in venas, fiat continua. Ergo in nullâ putridâ conuenit ſectio venæ, ſed tantùm in ſanguineis febribus ante putredinem: at in aliis humoribus nunquam, quia nullus alius humor à ſanguine poteſt facere febre, antequam fuerit putrefactus, ſed tunc vt dixi, non iuratur ex ſectione venæ. Ex hoc patet quòd ubi obſtet vel minima mittendi ſanguinem in febribus
conditio,

conditio, magnus est error si mittatur: secus in phlegmonis, & venarum rupturâ.

CAPVT XIII.

De curâ generali morbi regij à bile flauâ.

HÆc pars complectitur duas intentiones, communem & generalem. Communis perficitur duobus: auxiliis medicinalibus, & per sex res non naturales. Res non naturales tendunt ad tres fines: vt vires roborentur, vt per somnum, & exercitium conueniens; vt operationes facilius administrentur, velut fumendo cibos pauciores, boni alimenti, paucorum excrementorum & facilis coctionis; & vt ipsa excrementa emittantur liberè, per aluum lenientia, vrinas prouocantia, & aperientia meatûs vniuersi corporis, vt exhalent vapores, aut sudor digeratur. Sed per medica auxilia fiunt euacuationes totius corporis; per venæsectionem, quoties vires prægrauantur ab humoribus in venis contentis sub formâ sanguinis; aut ventriculus ex cibo assumpto; aut cum volumus diuertere per cucurbitulas. Et hoc est quia quicquid peccat in corpore, vel mouetur, vel quiescit: & quod quiescit, vel est in venis, vel extra venas. Et si mouetur, indiget auersione. Et si quiescit, & est in venis coniunctum materiæ, quæ est extra venas, indiget deriuatione, vt etiam propriè in hoc casu demonstrabimus. Quod autem quiescit extra venas, aut in venis, sed non annexum alteri, indiget coctione primùm, inde educatione per locum, vt in *Arte medicâ*, cap. 95. docet Galenus. Pertinent & ad hoc duo dicta ab Hippocrate: vnum

*secundâ Aphorismorum 7. Quâ longo tempore extenuantur corpora, tardè reuerti consueuerunt: quod non solum de extenuatis est intelligendum, sed de morbis ac symptomatibus, non tamen adeò est intelligendum. Alterum 7. Epidemiorum, pag. [mibi] 15. sed hoc ad generalem potius curationem spectat: Regio morbo correpto prodest laborare, sudare, panem edere, bibere non multum, lauare caput calidâ multâ, sed potius tepidâ, vinum album, somno non multo vri. Et in libro de Affectionibus, pag. [mibi] 9. In morbo regio extrinsecus quidem corpus molliendum balneis calidis, aluius & vesica humectanda, [his] quæ sunt præscripta: si verò validus fuerit, purgato capite pharmacum quoddam potandum dato, quod bilem deorsum purget; postea verò urinam cientibus utendum est. Iure quidem, nam bilis cum sit leuis, caput petit: & humectare oportet, morbus enim siccus, vt fluat. Purgabimus præparatâ materiâ cum febre, etiam concoctâ, vt iubet Hippocrates: neque enim periculum est, ne in medio jecoris perfectè concocta retineatur. Galenus autem in *Methodo*, non tractat de purgatione in putridis febribus, quoniam non nisi eas quæ à sanguine originem ducunt, attigit. Si tamen non iudicentur, per aluum educere quod peccat, etiam si sit vltra jecoris cauum, oportet; nam nullâ aliâ viâ multitudinem magnam, & crassæ materiæ, expurgare solita est natura; per hanc ipsam quotidie: idè medicamento indulget.*

Ergo pro venæsectione, si contingat summa plenitudo, mittemus quatuor partes sanguinis, ex venâ tali interiori seu externâ pedis sinistri: sequenti die duas partes, ex iecorariâ brachij dextri: tertiâ verò partem vnam, ex saphenâ aut ischiaticâ dextri pedis. Et si minor fuerit repletio, incipiemus eodem ordine & quantitate,

titate, à basilicâ sinistri brachij, duas partes extrahendo, aut ex nigrâ loco eius; pòst deueniemus ad pedem dextrum. Et si repletio adhuc fuerit minor, incipiemus à pede dextro, & mittemus vnâ partem tantum. Et similiter in euacuatione alui incipiemus à cassiâ nigrâ, aut à clystere, aut à vomitu: & hic conuenit in curâ generali morbi regij, & etiam potest conuenire in curâ communi: & idèd cura communis est triplex: sanorum, ægrotorum [MS. *agrum*] hoc morbo, & [neutrorum:] non est cura tamen generalis morbi regij, sed communis; quoniam communis, vt ad generalem refertur, negans est: nam si sit affirmans, tunc est generalis, & non communis, velut si dicam: in morbo regio non debemus purgare ab initio, communis est: si dicam: debemus purgare, est generalis, & etiam falsa. Dicemus ergo de curâ generali.

Hæc igitur cura est generalis morbo regio flauo, & vt à nigro distinguitur: & quoniam distinguuntur à pluribus causis, idèd non potest transferri, nisi trifariam: vnò mōdo vt est cūra generalis: secundo, vt conuenit primæ causæ, id est, mistioni bilis in actu cum sanguine: tertio, vt conuenit pluribus generibus, nam quæ conuenit causæ generali, veluti obstructio in vesicâ scellis, non est generalis, sed tradetur in *c. proprio*, *videl.* 32. Generalis ergo erit, velut si dicam, quòd chamæpitys, cassutha, & scammoniū conueniunt morbo regio; nam conueniunt non solū ei, cūm factus fuerit ex obstructione, vt frequentissimè accidit, sed etiam cūm ex caliditate solâ, vel consensu ventriculi, vel malo regimine. Ergo hæc est cura generalis quodam modo, de quo antea non sumus loquuti distinctè. Et quoniam visi sumus dicere, quòd cura generalis communis alicuius morbi, non est nisi negans: dico quòd est verum,

G g s quamuis

quamuis tamen tradatur modo simplici & per affirmationem. Et ideo cura generalis in hoc casu præcipue conuenit morbo regio, qui fit per flauam bilem tantum, potius quàm morbo regio simpliciter [MS. *simpliciter*;] quoniam est duplex diuisio, & non concidit vna cum aliâ: nam morbus regius diuiditur in plures species, ratione causarum, vt dictum est supra; & in flauum, nigrum, & viridem: & singulæ species causarum, communes sunt flauo, viridi, & nigro. Et singula genera flauî, nigri, & viridis, sunt communia ei qui fit ab obstructione, vel scirrho, vel inflammatione, & ita de cæteris. Ergo morbus regius flauus in tractatione artificiosâ, non vt apud Philosophum naturalem, debet supponi pro genere: & cura generalis huius morbi erit, vt distinguitur à nigro, & viridi; & vt conuenit solum flauæ bili primum, & vt fit in iecore, tanquam membro principali, vt dictum; & vt est propinquior locus ipsi ventriculo, quàm in nigro, vel viridi. Ratione ergo flauæ bilis, cum sit calidior humor & tenuior, indigebit refrigerantibus magis & leuioribus auxiliis; & in maiori quantitate, quia maior est quantitas flauæ bilis in corpore humano quàm nigræ, vt habetur à Galeno, *quinto de usu partium, cap. 6.* Et quia est in membro principali, vtemur astringentibus & odoratis, & non simpliciter refrigerantibus & aperientibus: hoc autem est quartum, quod includitur in curâ generali, scilicet quòd cum aperientia pertineant ad curam specialem morbi regij prouenientis ab obstructione; tamen vti aperientibus, & vitare ea quæ obstruunt, & causas omnes obstructionis, pertinet ad curam generalem; quia obstructio potest parere regium morbum flauum, & ita ea quæ possunt esse causa febris, pertinent ad curam generalem,

vt omnis negans specialis causæ morbi, pertineat ad curam generalem; & est quasi similitudo in Dialecticâ, quia vniuersalis negans opponitur speciali affirmatiuæ. Et ita habes pulchram segetem curæ generalis. Tertia pars est, vt vtaris auxiliis leuioris substantiæ, & imbecillioribus quoad qualitatem, quàm in nigrâ; quia locus est propior ventriculo: rosa ergo, & feris, & omnia genera cichorij, vt etiam sonchus, plurimum conferent huic morbo, velut & vix passæ, & aqua cochlearum, & ius earundem; refrigerant enim & humectant, & aperiunt, & iuuant iecur. Idem dico de balneo. Vrinæ autem biliosas, teste Oribasio 14. *Collectedan. cap. 49.* fumaria educit; scolymos cardui species graucolentes; erythrodanum crassas atque cruentas; eruum sanguinem, sed magis sabina: singula hæc etiam multas, (quibus auxiliatur spica Indæ.) Symptomatis autem cura, seu coloris prauus est, ex *Aëtio lib. 10. cap. 18.* vt impleto ore poscâ, cerebrum per nares expurgetur cyclaminis succo in lacte muliebri, inde atramento sutorio in eodem. Oribasius autem *lib. 3. Collectedan. cap. 24.* commemorat asphodeli turiones [MS. *turios*,] pro medicamento singulari morbi.

CAPVT XIV.

De curâ generali morbi regij à bile nigrâ.

CONtrariâ ratione instituemus curam morbi regij nigri, in quâ calida sustinemus, moderatè humidiora ac validiora [prodesse.] Balneum non adeò proderit, & erit ex calidiore aquâ; nam in flauo sufficit vt sit tepidum, vel etiam subtepidum, ne iecur incalascet;

lescat; & oportet vt medicamenta sint longè robustiora, nam vires eorum franguntur plurimùm in iecore. Humectatio autem maxima fit cum iuribus carnis castrati, nam omnium carniū humidissima est suilla & ouilla; omnis enim caro calida est, quia fit ex sanguine: igitur cùm animalia sanguinea sint humidissima & calida; & ouilla atque suilla, humidissima inter animalia; & caro inter partes animalium; conuenit vt caro ouilla sit omnium humidissima: suilla autem non est idonea ad ius conficiendum, ob nimiam pinguedinem quæ gelascit in frigore, & etiam nauscam mouet, & est potestate frigida. Ergo ius carnis castrati inter calida est humidissimum, & se habet proportionē ad oleum, sicut caro ad oliuam; sed caro est longè humidior oliuâ: igitur ius illud est longè humidius oleo. Oportet autem eligere carnem castrati, à primo anno vsque ad quartum annum, & vt sit exercitatus, & sit caro musculorum, & vt auferatur tota pinguedo, deinde incidatur in frusta nucis magnitudine, & abluantur cum aquâ calidissimâ ter aut quater, donec pars tota sanguinea & aquosa auferatur, inde coquatur donec dissoluatur, postmodum coletur, ad eò vt remaneat clarissimum, & cum hoc coquantur sicut capparis radices, & scolopendrium, velut *tertio decimo Artis curandi, cap. 17.* vel etiam tamariscus, & quæuis radix aperiendi [MS. *quæi radix aperienda*] vim habens, velut inter calidas petroselini, & inter temperatas filicis, sed prius incisæ, & in aceto acerrimo albo maceratæ. Hæc ergo nigro regio morbo conferunt, atque eadem ratione generali quâ dictum est, vt distinguitur à flauo. Tum verò specialiter acorus, semen viticis, lien equi [MS. *aqui*] syluestris, saxifragia, xyris, vitis albæ radix, isatis, hemionitis [MS. *hamonites*], leucioj radix, lonchitis; sed nihil amicus

cus aceto mulso seu oxymelite, & afinino liene, & absinthio; ex ciceribus autem eligere oportet orobizum. Et ex purgantibus helleborus niger, & fumaria. Et ex cibis caro pullorum est melior carne castrati ob tenuitatem. Et pisces petrosi laudantur, & apium odoratum, & endiuia iuncta illis est utilis. Et hæc est cura huius communis generalis, ut distinguitur à flauo. Halyabbas lib. 7. Pract. cap. 41. exhibet lentis ʒij. (à Græcis habetur, decorticatæ :) tere, & propina in balneo cum urinâ pueri impolluti, & aquâ fœniculi, paribus ponderibus. Sed optima cataportia è lapide cœruleo.

CAPUT XV.

De curâ morbi regij per aërem, somnum, motum, animi accidentia.

DEinceps modò ponam curam specialem morbi regij, flauitantum breuitatis causâ (per morbum enim regium, flauus intelligi solet:) nigri autem comparatione ad flauum in generalibus: viridis autem, composita erit ex utraque, seu media. Ergo aër humidus, tenuis, & parum frigidus, bonusque est eligendus: & ubi pueri, & mulieres, & viri ipsi sunt boni coloris, & boni habitus. Et vestimenta sint leuia & calida. Et vtatur balneis frequenter; & somno prolixo super sericeâ stuppâ, in cubili perflato. Et exercitatio, & cursus iuuant, sed quatenus potu exhibito prouocatur sudor. Et frictiones etiam iuuant. Lætitia quoque, & bona spes, & imaginari res coloris flauit, iuuat ad hoc aliquo

aliquo modo, vt materia foràs protrudatur : non est tamen res generalis, & in paucis multum affert iuua-
men. Et si fuerit ex obstructionibus, non debet homo multum se exercere, sed sufficient deambulationes. Et si sit ex caliditate, sufficiet equitare, vel vehi car-
pento, vel in naui. Et nauigatio in mari sola per se multos liberat, propter vomitum, & motum etiam aëris, & totius corporis agitationem, & abstinentiam cibi. Et mutatio regionum etiam sola, est causa salutis in his qui seruari possunt.

CAPVT XVI.

*An vinum, an aqua sit melior in curâ
morbi regij.*

AQua quidem in regio morbo flauo, vtilior esse videtur : refrigerat enim & humectat magis, & ventriculo amica est. Præterea non impellit materias corruptas, sanguinemque bile infectum ad membra nobiliora, maximè cerebrum. Est etiam tenuioris substantiæ, si ex optimo fonte sit, aut destillata, aut saltem cocta, vel si imbuatur viribus medicamentorum iccori vtilium, tum etiam ventriculo; quid enim commodius esse potest? At neque vino suæ desunt dotes : prouocat vrinas magis quàm aqua, quoniam acrius est & valentius : sicut aqua sudores, quoniam tenuior est, & imbecillior, & magis amica naturæ, est enim potus eius, vinum autem hominum. Et in vniuersum tutior est potus aquæ tantò magis in flauo, quantò vinum in nigro : nihil enim hîc opus est vitali facultate, quam
vinum

vinum maximè fouet. Alimentum autem ex aquâ æqualius est, & purius, & melius. Sed aquas conuenit esse vel fieri bonas; namque præter id quòd omnia mala [MS. *mala*,] mala sunt; aquæ malæ damna deteriora sunt quàm vini. Sed aquam vix malam esse dicere possumus, quæ vel currit, vel è nubibus decidit, vel coquitur & expurgatur. Vnum tamen imminet periculum, quo vina carent, serpentum scilicet putredo & virus, sed hæc in stagnantibus. Aquæ præterea in frigidis regionibus, & vallibus, & paludibus, & iuxta mare, & iuxta antra, & loca exhalationum, deteriores sunt vino. Vinum verò aquâ in calidis locis, & montibus, & sensibus, & facultati naturali; vitali autem præstantior est. Quòd si quis obijciat, aquam bilem generare: id verum est in febribus, cùm faciliùs putrescat vino: ob hæc igitur Princeps consuluit, vt vterentur vino, sed valde aquâ diluto. Et mihi placet aqua destillata cum xij. parte semp. peponum, & xlvij. apij foliorum ac radicis, aut decocta.

CAPVT XVII.

De curâ per cibos.

Ciborum ratio, quanquam diuersis modis distingui possit, commodiùs tamen meo iudicio in xxi. genera distinguitur. Namque cùm tria sint prima genera, ex quibus sumitur alimentum; plantæ scilicet, & animalia, & terrea: hæc tamen [terrea] vno genere continentur indiuiso, scilicet sale, quod neque alimentum est propriè, sed potiùs condimentum, idque huic proposito satis ineptum, nisi quantum necessitas cogat:

nam

nam sal auget flauam bilem, & acuit, & iecur calefacit & siccatur, astringit, & vrit, & sitim prouocat: quæ omnia etiam in nigro regio morbo aduersissima sunt, nedum in flauo. Secundum verò genus principale [nimirum Plantæ,] in sex rursus genera diuiditur: namque plantarum partes sex habentur, scilicet folia, surculi seu germina, vel asparagi seu cauliculi [MS. *canaliculi*,] aut turiones; & radices, fructus, semina, ac succi. Succorum quatuor species præcipuè habentur; mel, saccharum, oleum, & acetum, quorum duo vltima, & ipsa potius inter condimenta numerari debent, quàm inter cibos. Et folia quidem parum nutriunt, pro ratione tamen plantæ laudabilia vel noxia habentur. Quæcunque igitur iuuant iecur, & refrigerant & humectant, quæ ducunt vrinas, vel leniunt aluum, omnia ferri possunt; velut & quæ incidunt, aut attenuant, cuiusmodi fœniculum, petroselinum, cucurbita, lactuca. At si in pluribus conuenerint, etiam laudabilia sunt, quemadmodum endiuiæ, feris, sonchus, quælibet cichoræi genera, rapæ: nam est idem iudicium de radicibus, & surculis seu germinibus, nisi quòd radicum ius solum vtile est. Surculi autem teneri, molles, & bene cocti esse debent, plûsque nutriunt foliis, & ventriculo sunt vtiliores. Ergo & radícula & raphanus concedi possunt, in eâ [içteritiâ] quæ cum obstructione est: similiter & beta, & sicla, & lupulus maximè, & absinthium; sed hæc non tam pro cibo quàm pro medicamento habenda sunt. Seminum autem, oryza per se quidem vtilis, & boni alimenti, amicæque ventriculo, sed tamen huic morbo minùs idonea, astringit, siccatur, difficilis est concoctionis, & parum nutrit: reliqua omnia præter triticum, & ptisanam hordeaceam, & in genere leguminum, ciceris orobiai ius, inutilia sunt;

hoc

hoc autem pro medicamento habetur singulari: est autem cicer orobiæum [MS. *cicer orobem*,] quantitate paruum, nigricans, prædurum, montibus & solidâ terrâ nutritum, seu cretaceâ [MS. *cretea*:] alterum rubrum, quod faciliè coquitur, arenâ natum, cuius tantò salubrior est substantia, quantò ius ipsum imbecillius & inefficacius. Et ut breuiter dicam, substantia leguminum praua, ius non omne, sed & orobiæi ciceris [MS. *orobei & ciceris*,] & phaselorum, & pisorum, & eruiliæ quam vocant ochrum syluestre [MS. *æron syluestrum*,] & lathyri seu cicerculæ, & lentis vtriusque, sed præcipuè illius quam Hippocrates nominat odoratam, quâ reor eandem esse, propter quam Esaü refertur cessisse primogenituræ iuri, seu hæreditati: omnia ista vtilia sunt, ut dixi, scilicet ius. Panis verò ex tritico abundè subactò, sed haud experte furfuris, sic enim commodior obstructioni, spongiosus, leuis, fermentatus, tenui lixiuio pinsitus, bene coctus, cuius pars sicca & exusta excuti debet, eiusdémque diei; incredibile enim est, iuxta etiam Auenzoar sententiam, quantum ex modico temporis, detrimenti accipiat; certè post tertium diem omnino ablegandus est, hic enim contumax est, in concoquendo tenax, & terreum alimentum præbet, vnde obstruit, & prauè alit, & negotium ventriculo ac iecori exhibet humido quodam crudo. Reliqua quæ nomine frugum continentur, omnino inutilia sunt, ut non sit quod vilius [MS. *quo illius*] mentionem faciam; sunt enim minoris alimenti, aut sicciora, aut difficilioris coctionis. Sunt tamen semina quædam tertij generis, quæ neque inter fruges, nec legumina numerantur, quorum est vsus abundè utilis, velut peponum, & cucurbitarum, & cucumerum, & melopeponum, sed minùs peponum: igitur optimum genus est,

atque in omnibus cibus lac eorum; refrigerat enim, humectat, aperit, ducit vrinas, facile concoquitur, sudores iuuat, somnum conciliat, parum nutrit, & facile excetnitur, vt prîsanæ simillimum sit. Sed neque prîsana ipsa per se exhibita adeò utilis est, quinimò aliquid acre ei immisceri debet, velut aceti parum, aut oxymelitis, aut porrum more Galeni. Fructuum autem alia ratio est, quippe multi vtilēs, scilicet qui sunt è genere pomorum, & horæi, pepones, pruna, cerasa, cucurbitæ; non ita è genere nucum, sed tamen ex his meliores amygdalæ, ob alimenti tenuitatem; & auellana, vt quæ sint iecori admodum amicæ; ficûs minùs vtilēs recentes, nam siccæ sudorem prouocant; bonæ sunt & vix passæ. E tertio autem genere fructuum, scilicet glandium, nullus bonus, non castanea, aut aliquid simile. Illud non obliuioni mandandum, quod à Galeno præcipitur salubriter, *secundo de Alimentis, cap. 58*. Germina quæcunque plantarum sicciorum, tantò humidiora esse foliis, velut radicula, asparagi, cardami, apij, sij, lapathi, bulbi, ozimi, sîmyrnij, sîsymbrij, dauci omnium generum, raphani; quantò sicciora sunt humidiorum herbarum, atriplicis, malua, lactuca, caulium. Ob hoc igitur illa suis oleribus longè vtiliora, hæc deteriora. Carduis igitur & asparagis commodè utemur, tum etiam eo genere spinosa plantæ quam vocamus cardos, & est herba longissimo caule, pingui, ex viridi alba, tota spinis longioribus oblita. E succis autem oleum parum vtile est; saccharum & mel, inutilia prorsus; acetum album, & tenue, acréque, in regio morbo nigro vtilius; in flauo posca melior est, vt quæ refrigeret & humectet, abundéque incidat: quocircà non malè mihi sapere visi sunt Romani, qui eâ pro potu castrensi utebantur, refrigerat enim

enim & humectat calefactos, & immodicis exercitiis exiccatos : quinetiam incidit cibos eorum lentos; erant autem hi, caseus, lardum, cœpe, placentæ absque fermento : putredinēque prohibet, cui maximè milites, ob impuritatem victūs, vestium, aëris, ac sordium, obnoxij sunt. Sed & (siquid ad rem) vilis pretij, & paratu abundè facilis, & gustui iucunda. Iam ergo septem genera eduliorum explicuimus.

Tertij verò generis primj, quatuordecim vt dixi, si numerus expleri debet, membra simplicia erunt : & prima quidem sex : quadrupedia, pisces, Amphibia, quorum, nī fallor, quatuor tantū genera noui, scilicet testudines tam lutosas quā nemoreas, caneros & paguros, ranas, & cochleas : tum verò oua, & lac, & quæ ex eo fiunt : partes autem præcipuè habentur quinque, aqua quæ vtilissima est, sed potius pro medicinā quā pro alimento, spuma, butyrum, caseus primarius, & secundarius. Piscium verò tres sunt præcipuè differentiæ; marini, & dulces; molles, & duri; squammosi, & cute coniecti : vt iam sint octo. Auibus verò ex cibo aduenit discrimen : aliæ enim granis & plantis vescuntur; aliæ sordidis, quæcunque vel latum habent rostrum, vt anseres, anâtes, olores, & onocrotali; & denique omnes quæ in aquis versantur, velut halcyones, gauia, & mergi : harum enim omnium caro inutilis est; sed quæ longum habent rostrum ac prætenue, velut gallinacæ vocatæ, has dubium non est vesci pisciculis paruis atque vermibus : omnes itaque bonæ sunt. Meliores tamen quæ granis, sed non simpliciter, cū in hoc morbo omnes sint inutiles : est enim caro omnis auis, comparatione quadrupedum, aut calidior, velut aquaticarum; aut siccior, velut earum quæ vescuntur granis, maximè si paruæ sint, velut passerum, cardue-

lium. Sunt & quinque differentiæ rursus à membris omnium animalium sumptæ : viscerum , carnis glandosæ, carnis musculosæ, extremorum seu capitis & cerebri , tum verò partium exanguium. Ergo animalium quadrupedum primò nullum vtile ex feris propter siccitatem , præter cuniculum [MS. *caniculum*,] & longè magis eritium seu erinaceum [MS. *criticum seu erhinaceum*,] qui proprietate videtur esse iccori & omnibus [partibus] naturalibus vtilissimus ; magis tamen in hydrope , quàm morbo regio , minùs etiam nigro : vtilissima est eius caro in morbi regij specie illa , in quâ color plumbeus admistus apparet , tum varius , de quo *supra cap. 8.* Ex domesticis hœdina bona non est , nec vitulina , nec suilla ; castrati ergo , atque agni , optima censetur. Excipitur caro vaccina cocta in aquâ cum aceto , quæ purgat bilem per aluum , & iuvat à proprietate in hoc morbo. Ex partibus animalium , caro glandosa & alba facilioris coctionis , melioris alimenti , humidior & frigidior : post quam est caro rubra musculorum , præsertim magnorum , vt lumborum : ex visceribus , auium & piscium iecur ; in quadrupedibus autem non item , ni forsan lupinum pro medicamento potius quàm pro cibo exhibeamus ; & in piscibus lacteas partes , quas vocant appendices seu apophyses exquisitiore vocabulo. Pedes verò inter extrema quadrupedum , boni sunt. Pisces quoque dulcium aquarum meliores sunt morbo regio flauo ; marini tamen simpliciter meliores , quorum capita deteriora ; & duriorum dorsa ; vt contrà ventres meliores [MS. *mulieres* :] & in mollioribus dorsum : partes autem iuxta caudam in vtrisque salubriores , humidum enim magis concoctum est. Duriorum nullus bonus , nisi qui paruitate mollis est.

Molles

Molles autem generaliter boni, maximè si friabiles extiterint, vt gobij, & saxatiles, velut perca: omnia talia tamen quæ exuberant humido, aceto, & incidentibus, & attenuantibus condiri debent. Ouorum mollium & recentium lutea, boni sunt alimenti: album obstructioni paratum est; sicut & indurata pars summa (quam lac vocamus:) quæ non concrefcit, & exigua est, vtilior cæteris partibus, humectat & refrigerat. Caseus malus, obstruit enim: secundarius coctione durior, minùs nutrit, somnum tamen à cœnâ sumptus conciliat. Butyrum deterius est ob dulcedinem, & magis conuertitur in bilem. Spuma facilè corrumpitur, & si cum aliis cibis miscetur, obstruit iecur. Ranæ vtilis sunt, quanquam antiquis non essent in vsu mensæ. Testudinum palustrium ius solum bonum est cum petroselino, nisi iecur forsan vtile sit. Cochlearum ius optimum, & substantia, si mollis sit; debet vt cætera quæ crassa, vel lenta, vel etiam frigida & humida sunt, iungi attenuantibus atque incidentibus maximè temperatis, veluti sunt acetum, oxymel, filicis radix, lapathum, tum verò piper, petroselinum, & eiusmodi, sicut etiam cappares, sed cum succo limonij fructûs. Sapa verò tamen si pro succo describi possit, inutilis est, velut & oleum, facilè enim incalescit. Tubera etiam mala, & fungi deteriores. Adnumerantur autem inter plantarum partes, flores buglossi & boraginis, quia tamen non multum profunt, neque in vsu sunt aliis prætermittuntur. Atque hæc breuiter, & generaliter, & in omni curâ. Communiter autem mali sunt omnes cibi crassi alimenti.

CAPVT XVIII.

De curâ per euacuationem.

EVacuatio generalis debetur materiæ peccanti: specialis autem causæ, id est, materiæ facienti obstructionem. Quæ autem morbum parit, est vel bilis flaua, vt dixi, vel nigra. Medicamenta autem quæ proportionē respondent, cassutha, scammonium, chamæpitys, sphondylii radix, cnicum, colocynthis, & absinthium. Ergo in chamæpity, vt suprâ dictum est, magna vis est. Tria autem sunt spectanda in huiusmodi euacuatione præter humoris proprietatem. Primum, vt temperies potius emendetur quàm corrumpatur: vnde scammonium plurimum obest, excalefaciendo ac exiccando. Secundum, vt trahat propriè ex loco, atque ita ex venis ac sanguine, non autem ex articulis ac pulmone. Tertium est, vt celeriter id agat, & cum facilitate; nam quæ tardè & difficulter vacuant, noxam afferunt, & commodi parum. Est etiam aliud non ex parte medicamenti, sed quasi externum, scilicet præparatio humoris, non solum vicem causæ habentis, sed morbi, si ita dici potest, humor enim morbus esse non potest. Præparatio verò illius est, vt attenuetur si crassus, incidatur si lentus, & vt temperetur. Scammonium ergo facilè & celeriter educit bilem flauam, & ex venis, vt nihil præstantius esse possit: nocet tamen membris principalibus, præcipuè cordi & ventriculo, & calefacit ac siccat: ob id caphurâ, & flore nymphææ, moscho, & caryophyllis, gemmis, ac malo cotoneo castigandum est. Absinthium agrè expurgat, & calefacit ac siccat: ob id cùm sit proprium medicamentum

camentum eius morbi, vino misceri debet, & fumarix, vel etiam similibus & humidioribus herbis, velut endiuix, lupulis; sed ut reor, nihil melius aqua lactis. Chamæpitys huic morbo propria maximè est, ut simul materiam educat, intemperies corruptas corrigat, multaque alia commoda afferat. Humectare autem oportet ac refrigerare: id autem postquam à natura non factum est per misionem, quæ optimè & valentiùs agit, & minùs lædit, per artem facere decet, quæ si sit inferior genere, specie tamen utilior est, cum & refrigerare quantum volumus, & humectare, & calefacere liceat, & recentibus uti medicamentis, quandoquidem electio commodior sit inter plura; quâ ratione etiam ex validioribus, velut natis in montibus, vel in regione, quæ optima medicamenta eius generis gignere soleat. Sed ut dixi, hoc incommodi in arte relinquitur, ut nunquam (præsertim si fermentatum non sit) medicamentum priuetur facultate naturali; velut si misceas cassutham cum aloë, non tamen fieri poterit, quin magis ventriculo noceat, quàm absinthium, nec tantum profit morbo regio. Aëtius & Princeps vinum dulce, quod in cortice colocynthidis per noctem manserit, colatum dant. Timothéus tamen abiicit vinum, & exhibet corticem, quem in cataportia digerere necessarium esset. Vide *lib. de Alimentis, comm. 61.*

C A P V T XIX.

De curâ per præparantia.

Preparant, quaecunque impedimenta tollunt, quorum quaedam sunt annexa ipsi materię morbi, Hh 4 velus

velut caliditas, siccitas, crassities, lentor; atque hæc duo etiam causis conueniunt, velut & malâ temperies membrorum. Ergo inter præparantia, violas, endiuia, betam, aquam lactis collocabimus. Quod si crassa sit bilis, nihil melius succo raphani; sed & balneum, quamuis cibus non sit, & in oleo chamæmelino, sed & ipsum chamæmelum sumptum in potu, iuuat hunc morbum, præparâtque ad expulsionem. Itaque voco præparantia, non solum diuersa ratione materiæ, velut balneum, cibus, potus, somnus, quies; sed etiam ratione modi, vt quæ purgant, vrinam prouocant, aut sudorem mouent: omnia enim eiusce generis sunt.

C A P V T XX.

De medicamentis proprijs.

Propria quidem medicamenta voco, quæ huic morbo maximè conueniunt, seu purgent, seu præparent, seu quouis modo iuuent, non tamen ita propria, vt occultâ ratione agant, de quibus dicemus *inferius*. Primum ergo & principale est, vt dixi, balneum aquæ dulcis, quod refrigerat, & humectat, & attenuat humores crassos, & per halitum, sudoremve educit. Secundum est vomitus, quoniam in omni morbi regij genere utilis est. Tertium est aqua lactis, quæ & ipsa attenuat, humectat, refrigerat, aperit obstructions. Quartum est scammonium, dictum est autem *suprà* de eo, tum de aliis medicamentis purgantibus. Quintum sunt omnia genera cichorij, quoniam plurimum prodest iecori, refrigerat, humectat, aperit. In sexto genere est raphani succus, & lapathum; est enim quasi medium

dium inter raphanum & cichorium vel endiuia : & succus mori, humectat enim mirum in modum, & bilis acrimoniam obtundit : & semen atriplicis, & herba, eadem ratione quâ & betæ, sed semen longè validius est : & cnici semen ipsum, etiam cum aquâ lactis quam separat, educit bilem & serosos humores, repurgans sanguinem, quamuis pituitam solùm expurgare soleat. Lac quoque asininum est ex huiusmodi numero, velut & semina melonum : & iecur lupi confert in omni dispositione, quoniam confirmat humanum iecur : & causa quare plus iuuet puluis eius in parua quantitate, quàm caro eius comesta loco cibi, est quia cibus vincitur à naturâ, & ideò illam non nisi vt mutatus, mutare potest ; puluis autem quia mutari non potest in alimentum, ob siccitatem, mutat magis, interim enim quòd concoqueretur (& est spatium fermè duodecim horarum) [MS. *annorum*,] mutat ventriculum & iecur. Apuleius laudat verbenam, & sabinam, quæ potens est, sed ventriculo inimica. Macer vrticam, betonicam, chamæmelon, chelidonium, aloën. Aërius serpillum, medullam acidam mâli Medici. Halyabbas, si non adsit abscessus, spodium maximè, & reliqua refrigerantia exhibet cum aquâ lactis. Medicamentum nobile, cuius penè omnes meminerunt, sed ex Galeno potiùs depromptum. ℞. Adianti, menthæ, erythrodani pares portiones, cum aquæ ʒiij. dentur anhelanti in balneo, sed meliùs in Sole ; nam balneo immorari calido tamdiu, periculosum est, educit vrinam, & sudorem multum. Laudat & ibi Galenus, *quarto scil. de Compos. medic. secund. loc. cap. 1.* Lychnidis ʒj. ex vino meraco. Oxalis præterea, & portulaca, & succi harum sunt ex hoc genere, adeò vt existiment, [his] etiâ tubercula tolli posse. Punica quoque mala his

adnumerantur, adeò vt ex vsu illorum plurimi sanentur: & cicera orobiza, de quibus *suprà* actum est. Asparagus quoque, & Irion, & chelidonia, & cyclamen, & melanthion, & prassium seu marrubium, adianthumque, tum chamæmelon, & betonica, & anchusa, & erythrodanum, & verbena, & halicacabum, & ruscus, & lycium, & chamæcissus, & cornu ceruinum, (diximus & de absinthio:) & rhabbarum, & asarum, & vitelli ouorum: & ex compositis, mithridatium. Et appello medicinas proprias, quæ iuuant & non nocent, quia sunt prope temperamentum, & habent ex quatuor qualitatibus, quæ conferunt huic morbo, duas aut tres. Sunt autem qualitates illæ, quòd refrigerent & humectent, quòd expellant materiam biliosam quouis modo, maximè tamen per aluum, vel per sudorem; quòd confirment membra naturalia, maximè iecur; quòd incendant, & attenuent absque frigidity sicca, vel substantiâ crassa. Huiusmodi autem in morbo regio nigro sunt asplenium, tamariscus, caparis radix, & hypericônis surculi cum foliis, floribus, & semine. Non sunt autem specialia, nisi quantitate, & specie, & modo determinentur: quamobrem de his primùm dicemus.

C A P V T XXI.

De balneis aquæ dulcis.

ELigere oportet aquam leuem, & omnis qualitatis expertem, in quâ facilè legumina coquantur, ieiunúsque æger imponatur, loco temperato, excretis primis excrementis ventriculo prorsus inani, & vt
bene

bene dormierit, nec langueat, sensimque balneo assue-
 faciendus est, ab octauâ parte horæ ad horam vsque
 pro salubri, hoc enim tepidum est, & nihil agit pariens,
 sed solùm oblectatur in eo, & diutiùs manet ibi. Re-
 frigerat, humectat, lætificat, & prouocat somnum. Est
 etiam balneum quod medicamento rationem habet,
 cuius aqua calidior, mora non vltra mediam horam:
æger assumit medicamenta, dum in eo moratur, quæ
 purgant, aut vrinam mouent, aut sudorem prouocant,
 vnde vsus abundè diuersus.

CAPVT XXII.

De his quæ à proprietate agunt.

Primum ex his est fel vrsi, & datur à drachmâ vnâ,
 & habet sympathiam. Item vermes terrestres, aut
 aselli qui sub hydriis inueniuntur, in furno siccati;
 & quantitas est à drachmâ vnâ ad duas cum succo che-
 lidonij. Et stercus album catuli ossa solùm comedent-
 ris, & ouillum, & Scribonius capræ montanæ ex vino
 præbet. Et hæc quinque oportet vt æger nesciat quid
 sint, ne abominetur: & componantur cum spicâ, aut
 asaro, aut alio odorato, vt non sentiat odoris grauita-
 tem. Cerebrum quoque perdicis, & ferrugo seu rubi-
 go ferri *ex Plinio Secundo, & lib. de facili parabil. ad Solo-*
nem, & canini rubi fructus ruber. Multò plura etiam
 sunt quasi media inter hæc, & vtroque modo partici-
 pantia, scilicet radix oxalidis, & cornu ceruinum, &
 ericius marinus; terrestres autem membris ipsis con-
 fert, & semen nucis cupressi, & cassutha, & succus ro-
 stri porcini, seu dentis leonis, & est species cichorij;
 vnde

vnde dignoscitur quòd sit longè validior, & magis confert iecori vllâ aliâ specie; & radix raphani, atque serpillum, tum iuncus odoratus. Experimentum Arnaldi, 2. *Breuiar. cap. 41.* Stercus asini dissolue manibus in vino, reiecto quod descendit, bibat quod clarum est, & cooperiat se in lecto, sudabit & minget totam materiam, & ita liberauit supra viginti ægros. Laudatur & Caprifolium. Montagnana dabat aquas acori & napi, purgant enim sanguinem: & remittit nos ad Principem, *septimâ quarti, tract. 2. cap. 2.* Et ibi laudantur aqua dactylorum immaturorum, & ficus sicca; ea enim, inquit, augent calorem naturalem: & vinum, & lac simul à ieiuno. Et oua sorbilia, & vinum odoratum; & ius, & aqua carnis, & est vt caro dissoluatur in duplici vase. Et mirobalani chebulæ conditæ, purgant sanguinem, siquid aliud.

CAPVT XXIII.

De potu aquarum naturalium calidarum.

IAm in tertio libro declarauimus, quòd aquæ thermarum omnia purgant: quæ tamen minùs calidæ sunt & leues, bilem flauam magis educunt. Oportet autem exhibere, vt pleraque alia, in balneo aquæ dulcis: sed si magis calorem iecoris temperare voluerimus, tepidam & frigidam potestate, leuiter deambulando. Optima autem est Lucensis nostrâ ætate, nam vt in *Physicis* declarauimus, omnia temporum successu variantur, ac veluti per circulationem quandam mutantur. Propter multitudinem autem earum,

earum, multiplex periculum hydropis aquosæ incidit, seu aquæ corruptæ sint propter pluuias, seu parum temperamento iecoris conueniant, seu iecur admodum sit imbecille, vel vt æger importunè se gerat, & cibis multis, aut multùm nutrientibus, aut crassis, aut valde frigidis vtatur, seu obstructio in iecore adsit, aut in renibus, ita vt permeare non possit [aqua.] His præsertim casibus, manifesto periculo ægrum subiiciemus. Putrescit autem aqua, vel immisso quod putrescere possit, vel permista fontanæ, dum agalones volunt replere vasa, quæ ex parte exinaniuerunt, ob instantem sitim antea; vnde etiam interim agitata, aliam corruptionis causam adipiscitur. Itaque vt tutò exhibeatur, magno Medico opus est.

CAPVT XXIV.

De curâ morbi regij à crisi.

Specialis igitur & propria morbi regij, imò potiùs solius symptomatis cura, est eius qui fit à crisi, per ea quæ sudorem prouocant, & per errhina. Et si omnia fiant in balneo, erunt potentiora. Talia ergo erunt, cyclamen in lacte mulieris infusum, & succus siclæ, & aizoi, & melanthium, & syrupus ex succo mæli Medici. Et si in balneo coquantur chamæmelon, polium, amaracus, anethum, & hyssopus; & in potu detur erythrodanum, & quæ prouocant vrinam, & adiantum, & apium. Et in cibis vtatur limonij succo, endiuia, & oxalide. Oculorum verò color detergitur cum aquâ rosaceâ, & aquâ coriandri, & aquâ niuis. [Incertum est, an *nini*, an *nuci*, legendum in MS.]

CAPVT XXV.

De curâ morbi regij à veneno.

AVenzoar docuit eam curam fieri debere, exhibitâ smaragdo Orientali optimâ, pondere decem granorum. Et similiter Princeps dat theriacam pondere drachmæ vnius, aut mithridatium cum aquâ malorum acidorum, tum etiam Punicorum acidorum, & succo endiuix, & portulacæ, & oxalidis, & mucoso succo psyllij, & berberorum. Itémque assiduè vti in principio potu lactis, & oleo amygdalino dulci, & iure pullo-
rum, & ciconiarum, & gruum, & catulorum. Et centa-
urium plurimùm potest in regio morbo, qui reli-
ctus est post operationem veneni. Et reliqua quæ di-
cta sunt in curâ eius. Marcellus autem in hoc casu
laudat zopyram compositionem, quæ etiam in prin-
cipio, & magis conuenit.

CAPVT XXVI.

De curâ morbi regij, à solâ caliditate iecoris.

IN hac adhibemus balnea longa, quæ infra tepo-
rem; & somnum prolixum, & lætitiâ, & quietem,
& clysteria refrigerantia, cum decocto siclæ, viola-
rum, endiuix; & cibos frigidos & humidos, & aquam
simplicem pro potu, aut decoctum cum seminibus me-
lonum, aut cum tamarindis, aut berberis, & aquam
etiam hordei, & mala punica, & vinum eorum cum
aquâ, & syrupum de limoniis, qui est optimus, & se-
mina

mina peponum. Et in hac exterius propriè conueniunt linimenta refrigerantia, velut vnguentum santalinum, vnguentum rosaceum Mesuë, oleum ex nymphae flore, & rosaceum myropolarum, & oleum de coroneis, & vinum eorum, & vinum malorum puni-
corum, & ananthes oleum seu labruscae. Et omnia hæc cum modico olei de croco, vel cum crocomagmate. Et scias quòd vnguenta magis refrigerant quàm olea, quia diutius vis eorum manet; & quàm emplastra, quia non adeò grauant, neque obstruunt meatūs. Et ideo bonum est, vt singulis diebus lauetur locus aceto rosaceo, vel si non adlit, vino tenui odorato. Et admistio crocomagmatis facit vt magis refrigeret, quàm si sine illo, aut simili conficeretur. In concoquendo tamen debemus vti emplastris.

C A P V T XXVII.

De curâ morbi regij ex inflammatione, vel phlegmone iecoris.

IAm diximus suprà, quòd in phlegmone oportet mittere sanguinem copiosè, donec morbus alleuietur, & hoc si finis in principio; tunc enim symptomata minuuntur, tussis, dolor, grauitas, febris, spirandi difficultas, vrinarum vel fæcum corruptio. Stultum est autem niti simul curare morbum tam leuem, instante acutissimo; deterius verò negligere periculosum, propter vacantem periculo, aut velle hîc describere phlegmones curam præter propositum. Constat enim quòd perfectâ phlegmones curâ, regium morbum

bum etiam curandum [habeamus,] velut illum qui ex caliditate contigit, aut inflammatione, vel febre. Halyabbas in regio morbo cum phlegmone iecoris, propriè exhibet cassiam nigram cum aquis endiuia & solani. Paulus autem ad eam quæ sit ex inflammatione: dat ʒj. scobis ceruinæ deraſæ, vel seminis atriplicis. ʒviij. ex Cretico passo in balneo, ac Theodoretam compositionem: & est Myrepsi, purgans & iecori non parum conferens. Est autem passum Creticum, vinum dulce quod ex vuis passis in cretâ exprimitur: docet modum Columella, *lib. 12. cap. 39.* Cura igitur eius qui contingit ex inflammatione, est vt in redundantia sanguinis, euacuetur ex longinquissimâ parte, inde per cassiam nigram & tamarindos in magnâ copîâ, ab vnciâ incipiendo, sic vt sola medulla, & salis expers adhibeatur, atque in decocto pruna, violæ, endiuia, oxalis, atque eiusmodi. Præterea lintea madefacta in huiusmodi decocto. ℞. Plantaginis aquaticæ & terrestres, endiuia, herbæ violarum purpurearum, aizoi, sonchi, rosarum, florum nymphææ. an. M^{ss}. fantalorum citrinorum, seminis myrti an. ʒij. carnis coto-neorum minutim incisæ ʒij. Coquatur caro, & fantali citrini, & semina myrti confRACTA, in libris quatuor aquæ, ad consumptionem quartæ partis, inde addantur reliqua, & coquantur ad consumptionem medietatis, & in fine addantur floris chamæmeli. M^{ss}. & bulliant parum: demum coletur bene, & addatur vini mali punici medijs saporis inter acidum & dulcem ʒij. olei rosacei myropolarū. ʒij. madescant lintea alba, tenuia ex lino vel serico in hoc decocto, & superponantur assiduè super hypochondrium dextrum permutâdo: & si calor fuerit vehemēs, imponatur frigidū: & si fuerit moderatus, imponatur infra teporem, & hoc sæpius fiat in die.

CAPVT XXVIII.

*De curâ morbi regij, ex solâ abundantia
congesta bilis.*

DVbium non est, quin tota ratio partim in euacuatione consistat, partim in tollendo causam ipsius generationis, quæ in superioribus (*capite nimirum 26.*) partim declarata est, partim infrâ (*puta capite 31.*) docebitur: aut si qua alia causa sit. Porro de purgatione ipsius materiæ, forsan meminisse non abs re erit medicamenti Principis, & est illud præcipuum. ℞. Agarici, erythrodani, & aloës. an. ʒss. salis naptici, grana xv. Scammonij, grana iiij. Confice catapotia, & sumantur cum aquâ seminum. Mihi autem videtur, vt illud fiat facilius, & est vt decoquamus cassutham viridem in multâ aquâ, donec fiat quasi succus, & adiiciamus in eâ asarum, & sphondylium & absinthium, dum decoquitur, vel aliqua ex his in maiori quantitate, iuxta artem decoquendi medicamenta: & post in ʒvj. huius decocti colati, immisceantur Pastillorum de violis cum scammonio. ʒj. ℞. succi cassiæ Orientalis nigræ. ʒvj. vel si sit delicatior, mannæ frondis tantundem, & bibat calidum. Si enim præparata fuerit materia, vnico potu liberari poterit æger, sicut Galenus facere solebat. Et in eodem genere sunt, Diaprunis solutium, Electuarium de psyllio, Electuarium de succo rosarum, Electuarium rosatum Mesuës, Tryphera Saracenica: hæc si bene composita inueniantur, fermè idem præstant. Validius ex his est Electuarium de psyllio, inde diaprunis, post de succo rosarum, maximè si turpethum ei immisceatur; inde rosatum Mesuës;

I i omnium

omnium mitissima est tryphera Saracenica, in quam nihil violentum ingreditur. Ratio verò victûs æquè humida & frigida esse debet, sed non adèò plena; dicebat enim Hippocrates *secundâ Aphorismorum*, 10. *Non p̄ra corpora quansò magis nutries, tantò magis lades.* Minus autem pinguibus opus est in his, & magis acidis locus est, velut succo limonij & aceto, quàm in solâ calidâ intemperie. Quòd si materia medicamento non cesserit, sed magis per vrinam aut sudores euacuetur, proritanda sunt eiusmodi, maximè cum balneis: inquit enim Hippocrates: *Qua educere oportet, undecunque natura repit, inde ducere per conuenientes regiones.* Plurimum autem facit succus cyclaminis, & potus cum aquâ lactis, & illitus arteriis, sudorem.

CAPVT XXIX.

*De curâ morbi regij ex obstructione in
superiore loco.*

NON aliam quidem hoc in casu instituere decreui, quàm eam quâ vsus sum in Francisco Grato Bononiensi patritio, Procuratore causarum criminalium. Primum ergo injunxi vomitum, quî ei facilis erat. Vtebatur autem ob alui duritiem singulis diebus clystere. Cibus autem erat panis contritus, cappares ex aceto, cichorium, beta, caro pulli modica, & maximè iecora, permittebam & fœniculum. Serapia autem dabam ex cichorio, & oxymelite simplici; quandoque etiam Byzantinum syrupum: atque ita paulatim obstructions aperui. Postmodum exhibui medicamen-
tum

tum ex vnciâ succi cassiæ, & drachmis duabus diaphœ-
 nicônis, cum decocto ex radicibus raphani, & ro-
 rismarini, & chamæpityos, tum prunis & sebesten:
 atque ita purgatus est valde, licet non sine labore.
 Inde tribus diebus sequentibus exhibui catapotia
 huiusmodi. ℞. Rhabarbari electi maturi. 3j. Chamæ-
 pityos ℥iiij. radicis raphani. 3ß. Succis radicis eiusdem
 quantum sufficit ad formandum catapotia: quæ diuisi,
 vt dixi, in tres partes, exhibens ea dum esset in balneo
 calido, à quibus purgabatur copiose, licet tardè: atque
 ita cœpit aluus sponte molliri, color in melius mutari,
 vrinæ quæ paucæ, sed frequentes prodibant, crassæ
 admodum, rubræ, nigræ, virides, cum contentis etiam
 nigrioribus, clariores euaserunt, & multò copiosiores
 & meliores. Postmodum ipso exigente aquam exhi-
 bui thermarum Villæ in Lucensi agro, quæ etiam
 profuerunt, licet non multum. Omisi autem in bal-
 neo, dum catapotia exhiberem, decocta, quoniam
 aluum potius quàm vrinas mouere propositum erat:
 sudabat tamen dum in eo esset. Ergo in huiusmodi
 curâ, si non proficias vt velis, sapius ad cassiam re-
 uertere, & eam succo radicis raphani iunge: quin
 etiam succum eundem aliis incidentibus & attenuan-
 tibus iungito: incidunt & attenuant maximè radices
 apij, asparagi, brusci, fœniculi; cortices radicis cappa-
 rum, omnes sauciata, sed non incisæ, atque infusæ per
 diem in aceto albo acerrimo; tum verò acetum mul-
 sum per se, & cum pipere & rutâ: fieri enim non po-
 test vt calore balnei liquefactis humoribus, sumptis-
 que huiusmodi medicamentis quæ partim purgent,
 partim dissecent attenuentve, non morbi causa finia-
 tur: quâ solutâ cura ad idem redit. Purgatio igitur
 valde bona ad obstructionem leuandam. ℞. Succis
 endiuiz,

endiuiæ, succi solani, vel decoctionis eorum. ʒiij. Syrupi acetosi. ʒij. β. Agarici ʒj. refrigerat, aperit, purgat bilem crassam. Facit & illud Plinij Secundi, lib. 2. cap. 59. & fuit Praxagoræ inuentum. ℞. *Ally capita septem, centaurij minoris, anethi, singulorum Mj. atriplicis semunciam, coquantur ad tertias: sumat decoctum in balneo, post edat radículas ex oleo & sale.* Forſan legi poſſet, *ſeminiſ atriplicis ſemunciam.* Verùm vtcunq̃ ſit, incredibile eſt quantum modica pars medicamenti frigidi, retundat multorum calidorum vim, cùm humores frigidi adfuerint: nam frigidum à membris trahitur, dum calidi viſ in atterendis craſſis humoribus abſumitur.

CAPVT XXX.

De curâ duplici morbi regij, ex obſtructione lapilli, vel duritie iecoris aut lienis.

SCirrhum in iecore iam confirmatum ſequitur aſciſtes, vt Galenus ait *quinto de Locis, cap. 7. pag. [mibi] 2.* Non confirmatum curabimus emollientibus, externis magis quàm internis auxiliis. Sufficiat enim non ſubminiſtrâſſe incrementi materiam, quæ à craſſis & lentis humoribus ſumitur. Sunt autem craſſa & lenta ex alimentis, quæcunq̃ adulta ex animalibus, aut magna, aut ſicca, aut dura, aut tenacia dum tractantur: & ex plantis, radices & lignoſa, & ſenilia omnia, & quæ non eâdem die collecta ſunt, & legumina, & frugum ſemina quæcunq̃, & quæ cruda manduntur, & quæ non pro ratione cocta fuêre, & immodicè frigida aut humida, & cortices omnes, & agreſtia, & pingua, aut valde miſta, aut non ordine ſumpta, aut nimîâ multitudine, vel ſiquis vigilet, vel ſi

à cibo se exerceat, vel si vitam omnino ignauam ducat, vel si omnino non bibat bibere consuetus, vel si nimium bibat, vel si flatum sentiat in ventriculo, vel si ventriculus mundus non sit, aut si imbecillitate laboret, aut si flatus interponatur, aut si aliqua sit omnino causa impediens coctionem, velut in asciticis vel tympaniticis. Necesse est enim in his omnibus corrumpi quæ coquuntur, aut lentum alimentum vel crassum generari, nisi tantò minùs, & eò magis coctione subactum exhibeatur, quantum est quod vitio rei quæ editur, aut hominis, aut occasionis detractum fuerit. Ex medicamentis tamen internis [MS. *externis*] est illud Principis, quod constat ex succis oxalidis, portulacæ, & raphani simul coctis donec concreuerint, inde additis succo oxalidis liquido, & seminibus peponum, ac costi radice, ac myrrhâ. Et manifestum est, quòd debet assumi in balneo calido. Applicetur autem exterius vnguentum nostrum eiusmodi. ℞. Bituminis Iudaici, lachrymæ ligni sancti, adipis anatis, singulorum. ʒss. olei hypericònis completi, olei laurini, serapini, singulorum. ʒiij. seminis citri. ʒj. Ammoniacy. ʒvj. Et si sit durities lienis, debet curari ratione propriâ: & ad hoc descripsimus Ceratum suprâ, quod similiter adhiberi debet, dum æger est in balneo, & diu manere in eo, & iuuat mittere sanguinem ex basilicâ sinistrâ, aut venâ quæ est inter digitos, sic vt sanguis per se fluere desinat. Si verò fuerit lapis, curetur curâ lapidis vesicæ, & hæc est cura causæ. Cura verò per custodiam est, vt morbus non augeatur, & quod debet transmitti per alui excrementa, sinatur alimentis contrariis, ex quibus non generetur bilis flaua, aut multò minus, vt vitanda sint dulcia omnia præter vuas passas; & omnibus reliquis cibis succus limonij cocti, aut oxalidis,

aut portulacæ, aut endiuivæ immisceatur, & deuitet exercitationem, vigilias, iram, & tristitiam. Et his ægris conuenit balneum quinquies in die, & longa mora in eo: & semina melonum, & quæcunque proritant vrinas & sudores valenter: & cauere ab omnibus acribus, amaris, & falsis. Et non oportet in huiusmodi vti succo raphani, neque capparibus, nec niti vt aperiamus obstructions: est enim error magnus, velle facere quod facere non possumus. Nihilominus vtemur semine vrticæ, collecto mense & Lunâ Augusti assiduè: iuuat enim regium morbum, prohibet detrimenta lapidis generati in vesicis, & frangit persæpe illos, & emollit durities omnium viscerum: & vsus eius, medicamenti loco debet, esse cum aquâ lactis; & quantitas est drachma media. Meritò autem querendum est, an fieri possit, vel cur fieri non possit, si omnino non possit, vt obstructione factâ in vesicâ fellis, & euacuata bile per vrinam & sudorem, æger à morbo regio non liberetur? Et dicimus posse quidem fieri, quoniam homines quidam sine felle geniti, carent tamen morbo regio: id tamen difficilius est in his, in quibus fel pro auxilio datum est; siquidem primum oportet paucam gigni bilem, atque hominem in perpetuâ custodiâ viuere, deinde illam perpetuò educere per aluum ex venis à iecore venientibus, quod reliquum est per sudores & vrinas. At tum necesse est duo sequi impedimenta; primum, vt bilis necessariò sanguini misceatur in cauâ venâ, vnde tum expurgari non potest tota per ramos illos solos emulgentes, quin pars ascendat cum ramo cauæ ad cor delatæ. Atque ea causa est, quòd in morbo regio magis appareant superiores partes flauæ quàm inferiores, & vt melius per sudores corpus expurgetur quàm per vrinas; nam superiores

periores partes, cùm iam bilis ad cutim delata fuerit, vix plenè expurgari per vrinas possunt. Secundum impedimentum est, quòd crassa bilis & fex eius non potest plenè expurgari per vrinas, & multo minùs per sudores, neque etiam per aluum, naturâ id consuetâ educere per latas vias. Ergo non sublatâ obstructione, non nisi magnâ cum custodiâ & agrè, & non semper, liber ab hoc morbo patiens esse poterit.

CAP. V. T. XXXI.

*De curâ morbi regij per consensum à
ventriculo.*

Primæ coctionis vitium non potest à secundâ emendari, vel si sit magnum, vel si ad corruptionem tendat, aut vterius ad affationem quandam progrediatur. Quocirca quibus chylus exurit in ventriculo, necesse est in bilem transire sub secundâ coctione in iecore, plerumque autem viridem, nam præsina in iecore generatur, *secundo de Temper. c. 6.* Oportet igitur ventriculum purgare sæpe hierâ, si humor infarctus sit, & procurare coctionem bonam: ea autem fit roborato ventriculo & temperato, commodissimè autem cibis bonis, vnguentis, ac somno: nam somnus coctiones iuuat, & humectat corpus innato & naturali humido: quòd si cui ante absolutam coctionem abruptatur, multum læditur corpus, & maximè cerebrum & ventriculus. Vt igitur recuperetur, ego pluribus vsus sum auxiliis, imaginando læta, sed præterito anno, LXV. scilicet ætatis, cœpit esse inefficax

auxilium. Secundum, balnea & papauer, & hæc non contulerunt. Tertium fuit potus frigida, & nonnunquam cum saccharo, sed hoc lædebat dentes atque cerebrum. Demum eò deueni casu, vt surgens & ambulâs paucis passibus, statim vbi rediissem in lectum, dormiebam, & diu, & quierè: quo cognito, adhuc eo auxilio perquam saluari vtor, de causâ diu incertus, nec nunc satis confido eam intellexisse: quanquam verisimile sit, aërem qui est in cerebro vaporibus plenum, prohibere somnum, ambulanti expurgari, atque sic humectato cerebro somnum redire: cuius indicium est, quòd melius sit si libet, experiar, & quòd noctu, non interdiu id mihi contingat, nocturnus enim aër humidior est. Secunda causa est, vt opinor, quòd deambulatione mutatur cogitatio, ac quasi solutus cutis in somnum prolabor ad incitationem prioris, scilicet primi decubitûs: natura enim in his præsertim, qui vi imaginandi plurimum pollent, eadem solet facere iuxta similitudinem actionum quæ præcedunt [MS. *procedunt*:] velut si à cibo quis vtatur Venere, idque sæpius agat; aut surgat ad alium exonerandam; post etiam nolens assumpto cibo, [ad] eadem peragenda incitabitur. Tertia forsan causa est, quòd ex motu membrorum leui, refrigerantur membra, con- crescitque humidum tenue, quod ad cerebrum euaporat, excitâtque somnum. Ergo decet in his mutare victûs rationem, à crassis ad tenuia, vel à tenuibus ad crassa, deambulare ante cibum, mouere post illum: quibusdam profuit prorsus à vino abstinere. Scimus enim alios, præsertim pueros, vini solâ abstinentiâ liberatos à perenni lachrymâ oculi, alios à capitis dolore, alios à vertigine. Si autem adsit dolor maximus ventriculi, non licet euacuare eum Elêscoph, neque hierâ Logadion,

gadion, nec Theodorico, nisi cum materia fuerit è genere assumptæ, ut in veneno, & non cedit vomitui. In aliis magis diligo quantitatem magnam hieræ Galeni, ab uncia vnâ ad unciam cum dimidiâ. Et si non educit, nec adfuerit scirrhus, nec laxitas substantiæ, nec tabes ventriculi, nec summa imbecillitas, tunc conueniunt ob multitudinem materiæ, tum enim medicamenti vis extinguitur, ut non trahat ad locum, vel quia est defluxio perpetua ex propinquo, maximè ex iecore, non euacuatur quod influit, & sanatur interim. Et idèd cum hæc coniunguntur, solùm curatur imbecillitas.

CAPVT XXXII.

Cura morbi regij ex obstructione in vesicâ, fellis.

MAnifestum est quòd hæc cura, est similis ei quæ fit cum morbus regius pendet ab obstructione iecoris, nisi quòd indiget validioribus. Et scias quòd in istiusmodi non oportet formidare calida medicamenta, velut in cæteris, modò speres consequi apertionem obstructionis, & oportet exinanire iecur, velut cum potu aquæ ligni Indici: & metallica, velut ferrum, argentum, & aurum, & Triphera Phænonis, prosunt in huiusmodi: verùm vbi aliquid ex eis penetrârît ad imum vesicæ illius, nescio quomodo expurgabitur, & forsan conuertetur in lapidem, neque enim vesica illa habet musculos, nec conuerti potest seu inuerti, ut ventriculus: & si non penetret, quomodo aperiet?

Propterea tutissimus est succus raphani, & cappares conditæ atque exhibitæ cum succo limoniorum, & oxymel scilliticum, & in genere metallicorum sunt etiam quædam validiora his, sicut aliàs docuimus de aquis illis propinquis Romæ, quæ frangunt lapides vesicæ. Eadem dico, si obstructio fuerit in meatu veniente ad intestina, sed in eo metallica vtiliora erunt.

CAPVT XXXIII.

*De curâ morbi regij propter imbecillitatem in
vesicâ fellis, vel in attrahendo,
vel in expellendo.*

HÆc cura in senibus est desperata; & in his in quibus ex exercitatione calor naturalis incrementum non recipit, licet possit conseruari; & vbi diuturna fuerit & confirmata [imbecillitas.] Quæ tamen iuuant, sunt quæ calorem naturalem adaugent, & quæ neruosum genus roborant, velut inuentiones omnes ad paralysem, & præsertim ex castoréo, & aceto scilliticó. Exprimatur ergo oleum ex castoréo, aut destilletur. Et exercitatio assidua [conuenit,] & efus vesicæ fellis auium adunci rostri, & apri, & vrsi. Et scias quòd istud contingit frequentius ex imbecillitate expultricis facultatis, quàm attractricis; nam in attrahendo bilem, iuuatur à iecore. Et dicebat Rhasis in libro Dinisisonum, cap. 64. in fine, quòd fel roboratur iisdem, quibus etiam iecur.

CAPVT XXXIV.

De curâ morbi regij cum febre.

Sinaile est ei quod diximus *suprà cap. 27.* de curatione morbi regij propter phlegmonem: palàm enim est quòd oportet curare febrem qualiscunque sit, & morbum regium nigrum solet comitari quartana, & flauum tertiana, vel continua. Et persæpe morbus regius curatur per febrem superuenientem; sicut febris per morbum regium. Curatio tamen est fermè eadem per incîdentia, attenuantia, refrigerantia, humectantia, purgando bilem, aperiendo obstructions. Verùm in hoc differunt, quòd non oportet euacuare adeò frequenter, sed oportet expectare coctionem, neque cum adeò calidis, neque adeò attenuare, & oportet vti tenuiore victu. Et febris succedens morbo regio, si non soluat ipsum, solet reddere iecur durum, & efficere hydropem. Et hoc est quod dicebat Celsus *lib. 3. cap. 24.* citans Dioclem: *Si febris succedat morbo regio, occidit.* Et curabant aliam [içteritiam] antiqui, potu aquæ falsæ, tum etiam vini: Serapio autem meliùs eam quæ cum febre est, oxylaparho, endiuia, semine atriplicis, solano, adiantho, erythrodano, absinthii-que succo. Supremum in hoc syrupus ex succo limoniorum, & inaximè in pestilentibus, etiam interdii, & cum cibo. Et si nigro regio morbo quartana succedat, curabitur curâ quartanæ, maximè quæ à bile nigrâ fuerit: & est vt cum sit sex specierum, iuxta genera melancholiæ, incîdentibus & humectantibus curetur. Optimum est oxymel scilliticum cum modico syrupi violacei. Et si sit exusta, addemus de syrupo.

Et

Et si fuerit succedens febris, adhuc plus. Et ideò Lydiam Venetam diuitem sceminam curavi in triginta diebus, cum non fuisset ex putredine, sed solùm ex vstâ; dando oxymelitis scillitici. 3j. syrupi violacei. 3vj. Et die accessionis ieiunabat, donec vrina concocta fuit: inde purgaui cataportis ex lapide cœruleo: pòst dedi ius gallinæ prorsus nigraë rostro & pedibus, in quâ 3vj. radicem verbasci, & pentaphylli foliorum. M. ij. & cinnamomi optimi. 3j. Licebit & senam, aut polypodium addere, vel calendulam. Exhibe 3x. tribus diebus. Interim secetur vena manûs sinistra, horâ coitûs Lunæ. Vnde aliud genus curationis. Vomitus & sudor adiuuentur: & spinæ dorsi, & musculorum finibus, & pulsibus, olea contra rigores applicentur, velut [c] pyrethro, abrotano, gentianâ, & scorpionibus; & pinguedines valde calidæ, vt auium Diomedearum, porcina, vrsina, leonina. Et soluuntur persæpe diarrhœa aut dysenteria.

C A P V T XXXV.

De curâ morbi regij, cum duritie iecoris.

HOc est simile superioribus *cap.* 30. sed in hoc differt quòd oportet curare vtrumque, & est casus ad vnguem descriptus ab Hippocrate 6. *Aphorismorum*, 41. Præsupponimus enim quòd non morbo regio laborauerit æger, inde ex eo successerit durities iecoris: quo in casu erunt fermè pares intentiones, ad duritiem propter nobilitatem visceris, [&] ad morbum regium tanquam causam. Et ideò in hoc casu est longè maior spes, quàm in illo: & oportet vti victu tenuiore, & vomitu, & expurgare sæpius; nam iecur durum læditur

à medicamentis expurgantibus, & qualitercunque imbecillum: & vuæ passæ sunt valde bonæ in hoc casu. Et ego non noui quicquam melius bdellio optimo, quod est viride, odoratum, & pingue, & inuenitur apud myropolas Venetiis; aut mastiche recenti, præcipuè cum oxymelite scillitico. Et hæc iuuant intus & extrà. Et radix sanguinis draconis, fel vrsi, chamæpitys, & grana pini, maximè cum vis passis Creticis, & pistacia, & ammoniaci lachryma, & pastilli de berberis, à Principe in *quinto Canonis, comm. 1. tract. 9. desc. 2. & summ. 2. tract. 6. desc. 15. & 16.* positi: & fermè omnia quæ sumpta intus iuuant, iuuant etiam apposita extrà, & contrà: nisi sit vnguentum diachylon [MS. *se vnguento diachilo*] cum dimidio stercoris caprarum; aut corium capræ recens, quæ solùm exteriùs iuuant, sit [MS. *si*] autem nuper ablatum, seruenturque frustra in suo calore [MS. *frustrà in suo colore.*] Et præcipua secundùm vtrumque modum sunt, mucosus succus seminis cucumis anguini, tum radix eius, & fel vrsi, & semen prassij, & semen herbæ quam Veneti vocant, D. Ioannis, & euphorbium, sed in exiguâ admodum quantitate, & radix cicutæ. Et omnia venenosa debent misceri cum magis temperatis & iecori vtilibus, vt bdellio, mastiche, croco, & lupino iecore. Et exteriùs tantùm quæ ossa etiam, & nodos [MS. *modos,*] & tophos, & concreta emolliunt, velut feces oleorum & vnguentorum, croci, liliorum, inspissatæ in modum cerati mollis, & medullæ ossium, duorum præcipuè, leonis & cerui, & fructus gossipij & palmæ, & radix maluaïsci, & oleum ex cornu capræ, & vnguentum eburneum, & emplastrum ex castoréo, costo, colubino fimo, & sinapi. Et cucurbitula magna imposita, inde admotò sulphure & nitro. Et abstineat à carnibus, vt docet Princeps, *quartâ decimâ 3. tr. 3. c. 16. in fine.*

Et

Et à tristitiâ, irâ, vigiliâ, & cruditatibus, & labore post cibum : sed sit contentus manè pane modico leui, modò cum pistaciis, modò pincis ; hæ enim vtiliores duritiei, sed minùs ventriculo ; & vuis passis absque potu.

C A P V T X X X V I.

De curâ morbi regij, cum duritie splenis.

HÆc icteritia erit nigra, & quatenus adducit duritiem splenis, periculum affert ascitis [MS. *asciticus*,] & signum est quòd res procedit in deterius, & est paulo minùs periculosa, quàm illa quæ fit cum duritie iecoris, sed est etiam longioris curæ vt possit sanari, siquando [MS. *quando*] illa quæ est in iecore sanari possit ; nam tumor durus in iecore, nonnisi in principio sanari potest : lien autem triplici [de] causâ, tametsi illius humor crassior sit, faciliùs sanatur & celerius iecore. Prima, quia sustinet medicamenta validiora quàm iecur, quia non est membrum principale. Secunda, quia est præditus pluribus arteriis & magnis. Tertia, quia substantia eius est rarior, & corpus eius est longè tenuius, vt medicamenta exterius applicita possint ipsum totum facilè penetrare, Eiusmodi ergo sunt cappares, oxymel scilliticum, asplenium. Et ad hoc facit regimen descriptum *quinto Canonis, sum. 2. tract. 6. descript. 20.*

CAPVT XXXVII.

*De curâ morbi regij, cum fluxu
hæmorrhoidarum.*

EX fluxu hæmorrhoidarum solet fieri morbus regius, euacuato sanguine; unde non sine magno periculo sunt, ne in ascitem incidant: ut enim à nobis aliàs est declaratum, ascitis duæ sunt causæ necessariæ: extinctio caloris naturalis, & intemperies calida præter naturam: quorum utrumque solet efficere fluxus immodicus [MS. *immodicos*] hæmorrhoidarum; namque euacuando sanguinem, calor naturalis deficit; retentâ bile, calor præter naturam augetur. Calida præterea augent bilem; frigida extinguunt calorem naturalem: quæ laxant, euacuant sanguinem; quæ astringunt, retinent bilem. Hoc in casu, non ut stulti faciunt, calefacere oportet iecur, sed refrigerare, modestè tamen, quia calor naturalis quodocunque fuerit imbecillis, euertitur à calidis, & à frigidis validis, seu cibis, seu potibus, seu medicamentis. Adhibeantur igitur exterius supra iecur, vnguenti santalini, partes quinque; vnguenti rosacei Mesuë, partes septem: olei de absinthio, partes sex: misce. Et similiter cibetur cum temperatis, & vuis passis, & lupulis, betis, boragine, atriplice decoctis, & quandoque seminibus peponum. Et quantitas ciborum sit pauca: & potus vinum dilutum, lene, tenue, valde paucum. Et expurgetur cum mannâ singulis tribus diebus aut quatuor, & diluatur cum succo fumarie, vel cum decocto mirbalanorum citrinarum, & destilletur manna, sic ut euadat

euadat dura, & cum eâ purgetur. Et non comedat pisces vllius generis, neque fructûs, neque alimenta crassa, donec virtus & sanguis restituantur, & ex optimis medicamentis est hoc. ℞. Miobalanorum citrinarum nutritarum. ʒj. terantur subtilissimè: vix passæ ablutæ cum vino, pinguis. ʒx. nucis myristicæ. ʒj. Rhabbarbari electi maturi. ʒijss. Misceantur, addendo syrupi de corticibus citri, aut de menthâ, tantum, vt redigatur in formam electuarij mollis, de quo capiat ʒvj. pro vice, cum ʒss. scobis chalybis limâ attritæ statim, & ablutæ cum aceto ter aut quater, inde toties cum aquâ rosaceâ: hoc enim astringuntur hæmorrhoides, & bilis expurgatur, & bonus habitus restituitur.

C A P V T X X X V I I I .

*De curâ morbi regij cum hydrope asciticâ,
vel tympanite, vel hypofarcâ,
& fluxu hepatico.*

SI ergo cura non rectè cesserit, aut hydrops simul aduenerit, vel ex ipsâ conflatus fuerit morbus regius; retenta enim aqua in venis putrefacit sanguinem, ex quo bilis generatur, vt est 2. de Differ. febr. cap. 9. inde morbus regius tam flauus quàm niger, vnde huiusmodi homines videntur laborare morbo regio viridi, admixto colore plumbeo ob caloris innati extinctionem, quemadmodum suprâ dixi cap. 8. Sicut etiam fluxus ventris hepaticus appellatus; omnes enim ab eâdem causâ eueniunt, scilicet iecoris imbecillitate, & penè [sunt] insanabiles, neque balnea conueniunt.

Curari

Curari autem debet contrariis atque mediis : & medicamenta quæ expurgant , calidiora esse debent , quoniam expurgata bile nimis refrigerarentur iecur; nam & qui euacuantur omnes, calido loco constitui debent; secus horrent, & in periculum adducuntur. Cibi autem frigidi esse debent, quoniam intemperies iecoris præter naturam calida est: reliqua, vt syrupi, & electuaria, debent esse temperata, vt calorem præternaturalem extinguant bilis & iecoris, naturalem autem exsuscitent. Cibi verò sint molles, humidi, lenes, temperati, velut panis ex iure pulli, modò cum viuis passis, modò cum seminibus peponum ad proliciendum urinam, modò cum floribus boraginis. integris, aliquando cum floribus persicorum, necnon cum radicibus raphani, aut iridis, singulis eorum saccharo conditis. Sunt enim omnia hæc gustu iucunda, leuia, aperientia, proxima temperamento, maxime alternâ vicissitudine si fumantur, euacuantque materias peccates, & aperiunt. Et si opus est alimento, tria sunt: vitella ouorum, iecur gallinarum & gallipauorum, & caro glandosa vituli: horum vnum sumat; & exerceatur corpus, dum homo est ieiunus iuxta vires; fieri enim non potest vt membra naturalia aliter seruentur in robore suo; nam per exercitium euacuantur excrementa eorum, & sanguis ipse incalescit, digeritque quod in eo aquosum est, & impedimento omnibus actionibus; per illud etiam cor transmittit spiritum maiorem quantitatem ad ea membra. Laudatur in hoc Marcelli compositio Dodecathéon. Cura hydropis deplorata quintuplex: vinum Compos. Io. Firmi Triultij, Hellebori anima, radice cucumeris anguini cremor in enemate, vltio non ventriculi, sectio in ventre, lethalis omnino nisi répestiuè fiat; vel in cruribus quæ palliata cura est;

licet speciosa imperitis, ideò sensim fieri debet. Verùm fluxus faciliùs curatur: & est vtumat sacchari rosacei ʒij. cum gran.x. scobis chalybis nuper limâ tenui comminutæ, & loræ cum aceto albo acri septies, totidem in aquâ fontis [MS. foliæ], aded vt lucida euadat, velut splendens argentum; idque bis in die per horas tres ante cibumumat: quartâ diei horâ, panis ʒv. carnis ʒij. vuæ passæ ʒj. potûs ʒviij. Dimidium horum vndecimam post horam, aut commutatâ ratione: & iecur foueat: & diu dormiat.

CAPVT XXXIX.

De curâ morbi regij, ex accessione morbi Indici.

Manifestum est quòd in hoc necesse est curare morbum Indicum, tanquam causam: & si niger sit morbus regius, valde deterius est, & signum malum; flauus autem minor est hoc: etenim qui fit ex accessione elephantiasis, niger est, & prauus. Et de curâ quidem elephantiasis, dictum est suprâ in tertio libro: curatio verò morbi Indici, etiam suprâ tractata est, & præcipua fuit cum ligno Indo, cum sarzâ parillâ, & cum radice chynæ, atque cum argento viuo: melior ex his est quæ fit cum radice chynæ. Oportet autem in eiusmodi præeuacuare multum corpus, ac ante causam fermè tollere effectum. Illud quoque animaduertendum est, quòd in huiusmodi regio morbo, nõ vt in aliis, siccis vti oportet, scilicet carnibus auiũ, & pane sicco biscocto, potu vini sine aquâ, tenuis sed tamen levis: inedia tamen, & vsus vuæ Pramniæ siccæ, communis est vtriq; , quemadmodum & prouocatio sudoris. Oportet autem valedicere omnibus aliis quæ è terrâ vel aquâ nascuntur

nascuntur. Chynæ ergo radix temperatior est, & admirabilis in hoc casu, si copiosius fluat sudor: secus ad vina refugiendum, sed temperata, velut cum lupulis & fumariâ, quæ medicamenta omnia sunt, velut & lapathum. Et sulphur in hoc casu est medicina præcipua, conferens propriè & valde vtrique morbo, & à principio, idque omnes laudant, præsertim Timothæus *lib. 2. c. 14*. Sed & exterius, nihil innoxium & potens adeò. Oleum eius ebibitum est proprium vtrique, quia vomitu educit vt oportet, velut inunctum sarcomatis & hæmorrhoidibus; sed & lapathi radices, & lac tithymalorum, & sal, & melanacardi, & lachryma ligni Indi cum axungia porcinâ. Sulphur sit ignis expers, nitidum, & perspicuum, quod etsi rarum sit, inuenitur tamen; & optimum est vnguentum ad illud pro pulsibus. ℞. Sulphuris viui ℥iij. nitri parietarij mundi 3x. lactis tithymalorum 3vj. olei de baccis lauri, olei de scorpionibus an. 3ijß. visci 3jß. fiat vnguentum in cineribus: vngantur loca pulsum manuum & pedum diu, inde ponatur in balneo, & maneat per dimidium horæ. Antea per xx. dies, & post per x. sumat hunc potum. ℞. Ligni sancti rasi 3xvj. thuris 3ß. lupulorum, endiuia, lapathi an. Mj.ß. Infundantur in tb. xx. aquæ fontis, horis xxiv. Inde bulliant ad consumptionem medietatis in lebece nouo, & superfundatur hoc. ℞. Corticis ligni Indi 3vijß. Vini albi odoriferi tb. x. Cinnamomi electi 3iij. Caryophyllorum 3ij. Terrantur subtilissimè omnia, & infundantur horis xxiv. inde misceantur, & omnibus addantur syrupi de succo fumiterræ tb. j. de pomis compositi tb. jß. Et hoc esto pro potu colatum: & est suauissimum, referens Pramnium vinum quod venditur in cauponis. Cibus vuar passæ, caro pulli elixa vel assata, panis 3ij. bis in

die madefactæ in iure pulli, syrupus suprà ascripti decocti ʒxvj. Mellis puri, ʒiij. Agarici electi minutim triti ʒiʒ. Infundantur per noctem, inde ferueant manè parum, & bibatur colatum in duabus vicibus, per horas tres ante cibum, & hoc singulo die. Purgetur etiam ter, interpositis decem diebus, cum catapotiiis de lapide cœruleo, ʒj. pro vice exhibendo. Pòst custodiat se quadraginta diebus. Et si contingant tumores [MS. *humores*] duri etiam in capite, superponatur vnguentum descriptum suprà, sublato adipe. Et si sint albi, modò non iuxta cor aut iecur, etiam in mandibulis, loco adipis addantur stibij vel cinnabaris xvij. partes, & succini xxvij. Et si morbus sit in capite, fiat suffumigium ex cinnabari artefacto, succino, lachrymâ ligni Indi, semine citri, ligno aloës, & iuniperi vetusto & odorato, ac costo, radice item iridis & cyclaminis, & si necesse, etiam rithymali, & viperis. Catapotia nostra. ʒ. Præcipitati (est [MS. ʒ] argentum [vium] sublimatum in æneo vase, cum aquâ separationis, in rubrum conuersum) gran. xij. margaritarum, smaragdi Orientalis, hyacinthorum Orientalium, an. ʒʒ. mastiches ʒj. caryophyllorum gran. xv. Terantur omnia subtilissimè, & cum miuâ citoniorum, fiant catapotia tria: capiat vnum post cœnam leuem per singulos dies. Aliud ʒ. Stibij præparati loco præcipitati ʒj. reliqua vt priùs. Aliud ʒ. Colocynthidis electæ, mundatæ, siccata in forno, & ligni visci similiter siccati, & ellebori nigri, an. ʒj. mastiches, aloës an. ʒiij. caryophyllorum tenuium ʒij. Terantur subtilissimè, & cum oleo de sulphure fiant pilulæ viij. quas capiat in tribus vicibus manè per horas vj. ante cibum, velut & illas quæ cum stibio. Alia familiaria. ʒ. Catapotiorum ex cœruleo lapide optimo

optimo 3j. ellebori nigri optimè contriti, gran. viij. caryophyllorum contritorum, gran. v. cum oleo de sulphure; formantur catapotia tria: sumantur vt superiora. Vnguentum quo pulsus inunguntur pedum & manuum optimè alternis diebus quinquies, & si fert, singulis diebus loco calido, & eiicit etiam ossa putrefacta ex capite, & aliis locis; & vnguntur etiam plantæ pedum, si oportet. ℞. Olei laurini 3iiij. olei de sulphure 3ij. axungie porcine lb. ss. argenti vini extincti 3iiss. cinabrij. stibij, ani. 3j. radicis lapathi 3ij. lachrymæ lartice 3iiij. fiat vnguentum.

CAPVT XL.

De curâ morbi regij, ex accessione phthoës.

Hic morbus sanari non potest, nisi phthoë sanatâ, heam autem sanare difficillimum est: sanatur autem magis quæ ex rupturâ venæ in pectore quàm [MS. nam] pulmone contingit, in quâ habitus bonus est, & sputum saniosum paucum, tenue, nec multum somnium interrumpt, febrisque occulta. Diximus de signis *suprà*. Hunc assidue nutries lenticulæ parvæ odoratæ iure, quod etiâ in potu dabis, & panis leui, Creticisq; vis, auiculis, carne lacteâ gallinarû, iecoribus, vitellis ouorum, alis perdicû. Purgabis sæpius ac sæpius helleboro. Electuarium dabis huiusmodi. ℞. Radicum aristolochiæ longæ, & toliorum eius, tum foliorum pressij, & absinthij, singulorum 3j. ita vt sint 3iiij. siccantur in furno, vt possint teri, & in leuissimum puluerem redigi, sed non vrantur, & cum librâ vnâ mellis optimi

& despumati condiantur : & capiat in quindecim diebus totum , cum ℥ij. aquæ centaurij minoris destillatæ hoc modo. ℥. Centaurij minoris lb. vj. terantur statim vt collecta sunt , & ponantur super linteum rarum , & linteum super ollam , & super linteum , operculum ollæ , & super operculum prunæ , & relinquatur donec siccetur materia ; nam effluet aqua in ollam : subductâ ergo portione illâ herbæ , alia loco eius superponatur , donec tota consumatur. Huiusmodi aqua est media viribus inter aquam & succum , & tamen parum amaritudinis retinet. Condiantur etiam radices aristolochiæ longæ , eo modo quo dictum est in *cap. de Iride*. Quod si restituatur , remaneâtque sola extenuatio corporis , postmodùm lacte asinæ reficiendus , & vt crassescat , etiam bubulo , si oportuerit , operanda est.

CAPUT XLI.

De curâ morbi regij , cum accessione prauorum symptomatum, & sunt præcipuè duo , mala coctio ventriculi , & flatus : & de fluxu sanguinis narium.

Diximus *suprà cap. 7.* quinam sint qui morbo regio laborent , sintque flatuosi : ratio verò imbecillitatis coctionis primæ , est calor immodicus iecoris præter naturam , qui naturalem ventriculi exhaurit , vt sol ignem ; eadēque generatio flatūs , si non malo utatur regimine , sitque flauus ; nam de nigro dubium

non

non est. Ergo curatio est cum his quæ calorem naturalem confirmant. Ea autem reducuntur ad sex genera præcipuè [MS. *proprie*:] ad bonitatem alimenti; ad exercitationem; ad somnum; ad ea quæ trahunt calorem naturalem ad locum, & sunt odorata; ad astringentia; & ad ea quæ à proprietate agunt. Præstat autem renutrire corpus, & maximè in causâ ventriculi: & hoc fit præcipuè cum lacte; nam ab illo duximus initium alimenti, inde plurimo somno, & exercitatione: neque est alia via tollendi flatum quàm hæc: deterius tamen agunt, qui discutere ipsum cum calidis & siccis student, tollunt enim eum qui vrget, ad deteriore[m] autem statum patientem præparant, arefacto ventriculo & extenuato. Præstat ergo exterius imponere emplastrum ex pinguedine lactis, & uvis passis, & puluere tunicæ ventriculorum gallinarum, & labruscæ, caryophyllis, corallio, & iaspide Oriétali. Vesci autem pinguibus uvis passis maioribus, & carne exteriorẽ ventriculi gallinarum coctâ valde in iure, & alimentis, quæ *suprà cap. 38.* diximus. Ex medicamentis autem nihil est magis proprium stercore canis ossa comedentis, discutit enim flatûs, & etiam curat morbum ipsum regium. Memento autem interim refrigerare iecur, nam quamdiu excalefactum fuerit, nihil impetrabis. Hæc est cura imbecillitatis coctionis ventriculi, & flatûs huic morbo coniunctorum. Et si accidat fluxus sanguinis narium, vt sæpe contingit: cura est sectio cephalicæ, constrictio aurium, balneum aquæ frigidæ, cerebra gallinarum plura in cibo.

CAPUT XLII.

De curâ quatuor specierum morbi regij,
scriptarum ab Hippocrate.

Conmemorauimus *suprà cap. 4.* ex Hippocrate in *Libro de internis affectionibus*, quatuor species morbi regij, quarum curam hîc proponere verbo tenus, eodemque ordine propositum est.

Curare autem oportet primam sic: *Quibus febris remiserit, multâ calidâ lauato, & aquam mulsam bibendam dato: & sorbitionibus utatur, prisana succo melle affuso: mel autem non simul coquito, donec praterierint quatuordecim dies; hi enim indicant, an lethalis sit morbus, aut non. Postea verò bis in die lauato, & nutrito, primum modici, quacunque maxime admiserit: postea tamen plura dato. Vinum album bibat plurimum per diem. Et si progressu corporis videatur tibi pallidus esse, & debilis, vomitum à cibis facere iubeto, velut in superioribus morbis habetur. Et siquidem ab his morbis quiescat, satis est: sin minus, veratrum bibendum dato. Post talem autem purgationem, ad vespertinam edat mazzam mollem, aut panis medullam. Obsonium verò edat pullum gallinaceum percoctum probe, conditum cum capâ, coriandro, casco, sale, sesamo, & uua passâ albâ. Vinum autem bibat album, austerum, vetustissimum. Alium verò infra subpurgato: postera die succo cicerum alborum melle affuso utatur, & duas heminas huiusmodi succi ebibat. Tertiâ verò die initio factò, singulis diebus hanc aquam bibat ex his rebus coctam: Fœniculi radices tenues, eâ copiâ quantatribus digitis comprehendi potest, in duos aqua congios mittito,*

mittito, ac coquito usque ad dimidias, & cicerum alborum chœnicem in duobus aqua congijs ad dimidias item coquito, & quod superest excolatum sub dio per integram noctem exponito; & ambo hac decocta misceto cum hac aqua, & vinum temperatum bibat, & ipsam aquam solam, si velit, quàm plurimam bibat, & aliam aquam non bibat. Si verò hanc potionem non admiserit, aliam sic preparatam dato. Caricarum albarum chœnicem in duobus aqua congijs coquito, excolato, sub dio per integram noctem exponito. Postea hanc aquam bibat, sine nudam ipsam voluerit, siue cum vino mixtam. Bibat autem non aservatim multam, sed pro unâ vice dimidiam heminam, ut ne alui prostuvium ipsi succedat, & modico tempore interposito rursus bibat. Commoda autem sunt & hac in potu data ieiuno singulis diebus, trita, & in vini veteris albi heminâ diluta: Apij semen, cucumeris semen, fœniculi semen, cuminum. Ethiopum, adiantum, coriandrum herba, rœa passa alba. His & illis in potu acceptis utilitatem percipiet, & celerrimè sanus fiet.

Secundum sic: Huic [si] sic habuerit, siquidem principio morbi accesseris, cum iam septem dies praterierint, veratrum bibendum dato. Ventrem autem infra subpurgato per succum, velut priori, & alia eadem pharmaca dato. Exhibet & cantbaridas sine alis & capite quatuor tritas, & in vini albi heminâ dimidiâ dilutas, modico etiam melle affuso, atque has bis in die, aut ter bibat. Progrediente verò morbo balneis & fomentis curato. Edat autem quæcunque admittit. Vinum bibat album, austerrum, & alia eadem assumat quæ prior. Hic morbus diurnus & gravis, si non ab initio probè curatus fuerit.

Tertium sic: Huic cum sic habuerit, cubiti venam secato, & sanguinem detrahito, deinde fomento adhibito elaterium bibendum dato; tertiâ verò die rursus infra subpurgato

cum lacte asinino. Reliquas verò sorbitiones, & potûs, ac edulia eadem dato, quæ priori. Et caput ipsius frequenter purgato, & de succo bibendum dato. Et multâ calidâ ipsum lauato, ac carnem defricato, & defricatas sordes in vino albo bibendas dato, & ad alia omnia hic utatur, & brevis finis euadet.

Quantum sic: Huic cum sic habueris, cnidium granum bibendum dato. Et post purgationem, succi ptisana quatuor heminas melle affuso exsorbendas dato. Superiorem verò ventrem vomitu inducto, velut in prioribus purgato: sic enim facillimè pituitam à pulmone & arterijs abduxeris. Sed & gargarismum ipsi frequenter præparato. Hic aliquando etiam febricit debili febre, & horror tenuis succedit. De cætero verò iisdem, quibus priores curato, & pharmaciis, & fomentis, & balneis, & edulijs, & potibus, & sorbitionibus, sic enim maximè sanum facies.

Ad virulentum autem morbum regium, cuius supra cap. 10. meminimus, hæc scripta reliquit Hippocrates: Quamquam urina in his plerumque habeant globosa contenta, & phlegmone partes internas obsideat, laudabilior tamen est hæc cura, quæ summâ cum inediâ perficitur. Inquit enim; oportet autem ipsum calidâ lanare, & aquam mulsam bibendam dare, ita ut de nucibus Thasijs decorticatis, & absinthij comâ aquis portionibus acceptis, & de aniso cribrato dimidiâ parte admixtâ, obolos tres ieiunus ex illâ bibat, & rursus dum cubicum sit, hanc aquam mulsam sumat, bibat etiam vinum vetus tenuis, & sorbitionibus utatur, nec à cibis abstineat.

Curam autem generalem, quam proposuit libro de Locis Hippocrates cap. 11. hîc adiciere decreui, nec non [si qua] circa illam explicanda sint, ne hac in tractatione intactum quicquam relinquatur. Inquit ergo: Icterus
sua

sue regium morbum sic curare oportet, cum susceperis, nutrito, & balneis & pinguefactionibus, potibusque ac cibis humectato per tres aut quatuor dies. Postquam autem humectatum fuerit corpus, purgato & resiccato ipsum, pinguedineque derepentè exaurito, & undequaque, si possibile sit, medicamentum adhibens, humiditatem educito; ad caput verò purgatorio debili utitor: & urinam cientia bibenda dato, eaque ante cibos, hoc tempore quo turbatam humiditatem purgaueris, in potu prabe, ne ab eo tempore corpus nutriatur. Cum verò astenuatum fuerit, etiam balneis purgato, & contusâ cucumeris sylvestris radice, eaque in aquam coniectâ, inde lauato. Caterum medicamenta bilem ducensia ne propinato, ne corpus magis conturbes. Vbi verò siccum fuerit id quod conturbatum fuit, nutrito, nullo alium subducente medicamento, neque urinam cliente utens, sed vino vinoso, & his [qua] rubicundiores hominem faciunt: si verò viridis ac luteus sit, rursus exaurito, nequaquam verò siccato, ut ne is color stabilis reddatur. Suadet sic, non esse ducendam bilem per alium, sed per urinas, utili præcepto; cum enim sit sparsa per venas, non poterit educi, nisi per gibbam iecoris[partem] redeat ad cauam: cumque sint obstructiones multæ, & etiam si sine illis sit, periclitatur ne non in medio retineatur materia, & iecur inflammetur aut putrescat, & æger intereat; quod non animaduertentes Medici nostrâ ætate, securos alioquin à periculo quot interimunt? Iubet, antea nutrirî, ne siccatum, quod verisimile est, tantâ bile retentâ, non solum, quod sæpe accidit, non purgetur, sed etiam vehementer lædatur: idèd & humectat hominem, & vires reficit. Non vult ut valido medicamento caput purgetur, obuiam iens illis qui antiquo tempore validius purgabant superiora erthinis, existimantes maximè sanare hominem, quodd

quòd ibi purgarent, vnde maxime laborare videtur, cum dubium haud sit, non præpurcato exquisitè corpore, tum ob caliditatem, tum ob motum, plus trahi, ac crassioris materiæ ad cerebrum, quàm sit id quod euacuetur, vnde in periculum phrenitidis illos perducere [necesse est.] Iubet autem vt humectato corpore, simul vndique expurgetur, medicamento aluus, non validè tamen ciente, balneis, er-rhinis, diutericis, vt partes singulæ materiæ per sua loca educantur, & non confertim ductæ irruant, quæ in cauâ ad gibbarn, aut contrâ, aut quæ in toto ad vrinas, aut in capite ad cor, quæ omnia mala sunt; liquefactâ enim vndique & perfusâ materiâ regij morbi, hoc periculum apertè imminet. Non vult præterea, vbi humectatum fuerit corpus, necdum expurgatum, vt siccetur [MS. aut siccatur,] aut nutriatur; nam *Non pura corpora* (vt est aphorismo 10. sect. 2.) *quantò magis nutries, tantò magis lades.* Augetetur enim materia peccans in immensum, & negotium totum arduum redderetur. Sed neque balneis scilicet validis, nisi expurgato priùs corpore per aluum, & per vrinas, vti vult: tum quia materia crassa per sudores educi non potest; tum etiam quia balnei opus, omnia auxilia, & [ne] medicamenta purgent, & diuretica vrinas proliciant, impedit. Sed ante purgationem balneis, de quibus dixi, tantum mollibus vti iubet: à purgatione, validis quæ sudorem proliciant, euacuat [MS. euacuent;] commemorâtque [MS. commemoréntque] in hoc vltimum auxilium more suo elegantissimo. Siccato corpore, ne ampliùs purgetur iubet, ne iusto plus excalefacias, aut exinantias; aut sices, sed nutri & humecta. Si sic curâset Galenus Hippocratem, multò plus laudis sibi, & vtilitatis mortalibus

talibus reliquisset : nèque hîc quicquam vides ademptum aut additum, tam pulchræ curationi perficiendæ, [vt] ex illius verbis vides.

CAPVT XLIII.

De Symptomatibus quæ relinquuntur, è quorum numero præcipua sunt, alui durities, sitis, tristitia, & vigilia.

CVM non solum ex ipso morbo, sed etiam curatione, corpus immodicè siccet, nihil mirum est si hæc quatuor symptomata, quæ omnia à siccitate sunt, etiam curato morbo relinquuntur. Et vigiliæ quidem ac tristitia, in melancholiam deducere conualescentem possunt, debilitantque vires, & cruditates gignunt. Sitis autem ariditatem facit, aut bibere necessum est, inde hydropis periculum. Alui obstructio corrumpit contenta in corpore, grauat hominem, caput turbat, appetitum deiicit, iecur excalefacit. Propterea iuribus, & balneis, & clysteribus, & cibis, & somno, & inunctionibus, & deambulationibus, equitationibus leuibus, & hilaritate animi, aspectuque iucundo nemorum, & pratorum, & riuorum, & frutetorum, & montium, & umbrarum, corpus humectandum est. Et si necesse est, vtatur saccharo ex floribus boraginis, & nymphææ, & violarum, sed in quibus odor violæ abundè sentiatur. Necesse est enim vt ex his omnia illa tandem curentur.

CAPVT XLIV.

De custodiâ à morbo regio.

MAnifestum est quòd causas cauere oportet , vigiliis , curas , exercitationes graues ; alimenta mala, & quæ facillè putrescunt, calida, valde sicca omnia, crassa, lenta, dura ; iram, repletionem, vina potentia, tristitiam occasionem febrium, morbum Gallicum, prauas aquas ; aërem malum, lacustrem, palustrem, vallium vbi ventus meridionalis perflat ; vbi nec Boréas, nec Eurus spirat ; seruitutem præsertim duram aut odiosam : edere non concocto cibo, recludere longam consuetam euacuationem. Et vtatur syrupo de limoniis, oxalide herbâ & radice, endiuia, portulacâ, seminibus melonum, gemmis, & margaritis, & conditis dictis. Vtatur & balneis : & expurgetur sæpe cassiâ nigrâ, tamarindis, lupulis, fumariâ, violis, mannâ, aliquando etiam rhabarbaro cum vuis passis, vel macerato cum saccharo violato ; sic enim se habet ad illud, velut agaricum ad mel.

CAPVT XLV.

De iecoris tribus morbis maximis.

QVoniam ob quæ antea diximus, corporis status, quod ad ea quæ sponte ei insunt, fermè totus pendet ex iecore, maximos illius morbos cauere oportet : vesicæ enim & ædemata non sunt maxima, & vlcera eius mala sanat cyphi, & iecur equinum. Ea
ergo

ergo sunt: exustio, cùm velut frixis valde excidunt micæ siccæ; putredo, cùm marcida extrema dissol- uuntur; & scirrhi. Non facile dictu esset, quod de- terius ex his. Scirrhi difficiliùs sanantur: vltio te- riora affert symptomata: putredo, quamuis minùs sentiatur, repentinam mortem, & celerius. Scirrhi tamen plerumque his sociantur, & frequentiores sunt, & plures plerumque sunt, ac parui, ac sparsi, nec tam facile ascitem generant, vt Galenus existimat: quinimò plurium cadauera discissa sunt, variis causis mortuorum, in quibus scirrhi multi & inæquales in iecore inuenti sunt, etiam cùm in facie essent rubi- cundi. Hoc maximè contingit, vbi iecur est amplum. Fiunt maximè ex phlegmone, & febribus malis non bene curatis, ex crapulâ, & calidâ cruditate, vt esu aromatum multorum, farciminum, caseo veteri, & vino potenti; tristitiâ etiam, & retentâ defluxione longâ, vt fistularum, strumarum, hæmorrhoidarum, podagræ contumacis, & ictu. Apparet primùm graui- tas in præcordio dextro, & pulsus durus. Et assatum [iecur] sanat prassium: & putridum, iecur lupinum, vel herinaceum; valde fetuenti enim aquæ mersa sic- cantur in furno, & puluis exhibetur, quamuis Octa- uianus Horatianus in cinerem redigat. Omnia hæc, iamque etiam oppressos ascite validâ, curat vinum Comp. Io. Firmi Triultij, lib. 2. cap. 13. quo sanauimus Helenam Canobiam ex scirrhis confirmatis iecoris non solùm, sed ex ascite quæ ad illos subsequuta est grauissima: à quâ non solùm venter, sed tota intumuit, & rotunda facta est. Peculiariter autem his, qui id ferre non possunt, & præter malagma suprâ descri- ptum, cura habenda est ne generetur vel augeatur; & quod genitum est tollatur. Cibi ergo paucitas, maximè panis,

panis, & præcipuè medullæ [hîc conuenit,] inedia frequens vnus diei: solis sorbitionibus vtatur: deambulationibus longis, vbi concoxerit, vtatur. Cibi boni, cichorium, maximè seris, & agreste; & vuæ passæ, & amygdalæ præsertim amaræ, quibus solis pro prandio sæpe vtatur. Pisces friabiles meliores ouis & carne. Generaliter dulcia ac tenuia, vel tenuibus ac incidentibus mista, ficûs, passum, vinum dulce, cum pipere, sinapi, hedysari partibus, gingibere, caryophyllis, capparibus, limonio: ex medicamentis scillâ, ac radice Solis, castoréo, myrrhâ. Quiescat assumptis huiusmodi super latus dextrum, & citra cibum alium per diem: paucus sit potus, vt magis morerentur in iecore, & ne ascitis causa sit. Cùm verò materia fluat & refluat, necesse est immutari totum ex longâ victûs ratione, quæ attenuet & molliat, vt sit selectus cibus in quantitate, & qualitate: ficûs siccæ sine cortice, vuæ passæ, prîsana hordeacea, vel pauxillum panis leuis, fermentati, cocti bene; lactea caro, quæ friabilis est; vinum album, tenuissimum, leue; oxymel ex pulegio, aut scilliticum. Crescit enim iecur, & substantiam mutat, & molle fit, vt in anseribus: vnde etiamsi post aberrare contingat, non immutatur; nam quod mollissimum [MS. *molestissimum*] est, non potest lapidescere, sed vt malè res cedat, in glandulas transit. Proprietate autem iuuant cochlearum caro, cerui pulmo cum arteriâ furno siccatus, fel vrsi; aceto scillitico cum vuis passis nihil melius; solanum crudum & coctum dissoluit tumores omnes iecoris. Optimum: ammoniaci ʒss. vini Hispani ʒxv. coque donec dissoluatur, iaceat sub diuo, capiat quod clarum est colatum. Vel: ammoniaci ʒiij. mastiches granum, capiat cum mulsâ. Tertium genus auxilij
constat

constat ex frangentibus lapidem, cinere vitri, & scorpionum. Vnde quartum[genus,] quod ex duobus constat: sanguis hircinus, troglodytidis avis pedes, & crura galli, lepusculi educti è ventre matris, & exenterati, & pleni sanguine matris, & in cinerem redacti. Compositum. ℞. Baccas hederæ mense Ianuario collectas, num. 25. cum myrrhâ, & pipere, ex passo. Quæ autem pingua non sunt, vt plantarum partes, parum in hoc possunt, velut althææ radix, & Virga aurea, quamuis feratur etiam sanare enterocelen; est autem chamæmelo valde similis. Chamæmelum autem exterius optimum. Malagma ob id præcipuum [est istud:] ℞. florum iunci odorati, croci Orientalis, chamæmeli, cardamomi, fuliginis thuris, propolidis, resinæ, singulorum æqua pondera, cum fece olei nardini & chamæmelini, læuigatis omnibus, misce. Hippocrates libro de Internis affection. pag. [mibi] 16. purgat lacte asinino; si non [adfit,] bubulo, & iure, vt dixi, inde vrit locum fufis, aut fungis.

C A P V T XLVI. & VLT.

De abscessibus celeriter occidentibus, qui quasi clàm inuadunt, præcipuè cerebrum.

HOrum loco, præcipuè in cerebro, contingunt abscessûs deteriores: nam mollius est, & remotius à medicamentis, & ad concoquendum ineptius, ob frigiditatem; & ided pueri persæpe euadunt, at senes nunquam. Sed & in his rariùs accidunt, ob sanguinis & aliorum humorum calidorum paucitatem,

& parcitatem victûs, & duritiem substantiæ. Et contingunt præsertim his qui aëre matutino gaudent, & in locis frigidis & humidis versantur, & non se exercent, & vtuntur plurimo vino potenti, & ouis, & carnibus. Et rarò accidunt his, quibus mucus tenuis plurimus, aut sputum effluit, aut qui multum sudant; sunt enim humidi cerebri & frigidi, & diluitur vapor, & fuligo, & humor etiam. Et cum antecedit, plerumque fit somnus prolixus & profundus, & est pituitosus. Et cum subsequitur, consequitur vigilia, & delirium, & est insanabilis. Et facies multum mutatur, & oculi contrahuntur, & fauces inflammantur, & strangulantur in deglutiendo, & lingua nigrescit, & crassa fit. Et hæc est miseria humana, quandoque enim non excedit granum milij. Et tota spes est in robore virium, & coctione: & ideo non oportet mittere sanguinem, nisi ab initio, & tunc si conuenit, fiat usque ad extremum; dissoluitur enim persæpe. In aliis nutriatur æger etiam cum carnibus, & indulgeat somno, & superponantur emplastra, & sint quæ à Galeno descripta sunt 11. *Methodi*, cap. 18. & 13. *eiusdem*, cap. 21. & 22. ex serpillio, spondyljo, castoreo cum aceto, & fiant perfusiones, & etiam illinatur palatum ex decoctis origano, thymo, pulegio in lethargo, & applicentur futuris: & cucurbitulæ imponantur, inde concitetur valida sternutatio cum struthio & albo helleboro, cum speratur quòd concoctus fuerit. Et ut videretur morbus dolosus, (qui occidit quasi incautè, ut persæpe videantur ægri bene se habere, & æger moritur intra horam, aut duas horas, quia putredo communicatur ventriculis cerebri, & corrumpitur spiritus animalis, & cessat motus pectoris, & homo strangulatur repentè;) ita oportet curare ægrum curâ quasi ridiculâ: ac si fingamus illum non ægrotare,

ægrotare, in victu & iocis, non solum quoad ipsum, sed astantes etiam, nisi quod non bibat vinum, & medicamenta sint capitalia, cuiusmodi est agaricus, centaurium minus, aristolochia, helleborus niger, crocus, peucedanum, aqua ardens, amaraci semen & ruta, serpillum & spondylium, erythrodanum, spica Inda. Et vtaris prædictione suscipiendo eos pro mortuis; & si nolunt, non te intromittas, ne iniuste infamiam subeas. Signum autem incumbentis, in aduentu accessionis, (plerumque enim febris languidior comitatur,) cataphora altera, quarum vigilans deterior multo est, & decubitus cum prolapsu ad pedes, & vrinæ nubes quasi puluerulenta, & substantia turbida aliquantisper, & mitor ille deflorescit: post subsidet sedimentum, & substantia attenuatur, & contentum fit crassum, & tum iam non est spes: & cum post hæc fit nigrum alterum eorum, tunc mors proxima est. Manifestum est autem quod hic morbus ætoniti quasi species quædam est cum febre, aut ex febre. Et primus quidem cerebri putredini apud Hippocratem: secundus Græcorum phrenitidi proximus.

F I N I S.

LI 2 INDEX





INDEX

RERVM, ET VERBORVM NOTABILIVM.

A

A B



Abscessus. pag. 95
Abscessus in gin-
guâ multifa-

ry. 112

Abscessus per incrementa. 192

Abscessus celeriter occiden-
tes, præcipuè clam inua-
dentes cerebrum. 529

Absinthium. 404

A C

Accipitris steruus. 379

Acetum. 254

Acria validissima. 265

Admotæ cutim exurunt,
abradunt pilos, & cor-
pus glabrum reddunt.
266

Acria quaque, & sicca uri-
nam movent. *ibid.*

AD

Adiantum. 424

Æ

Æruginosa. 380

Ætas. 94

A G

Agallochum. 279

Agaricum. 397

A L

Alimentorum genera. 177

Aloë. 384

Alopecia. 95

Altercum radix. 263

Alypum. 365

A M

Ambra. 279

Ammoniacum. 326

A N

Angina cura. 186

Anima alba. 279

Animalia. 178

Animi affectus. 182

L I 3

A P

INDEX RERVM,

A P
Apios. 386

A Q
Aqua. 180
Aqua proprietatis, plus cale-
ficientis per accidens,
quàm per se refrigeran-
tis. 261

Aquam ducentia qua. 367
& seqq.
Aqua thermarum. 401
Aquarum calidarum bal-
nea somnum inducentes.
 254

A R
Argentum. 287
Argentum viuum. 390
Aristolochia. 387
Arteriaca. 187
quid. 190

A S
Afarum. 385
Assa dulcis. 279

A T
Atheroma. 95
Atra & arginosa pur-
gantia qua. 380 &
seqq.

A V
Aurum. 278
Auxiliorum genera in cu-
stodia & cura. 102

B
BA

B *Alneum.* 105
BI

Bilis. 234
Flaua. 328. & 382
Nigra 360. 390. 394

Bilem flauam ducentia qua.
 328 & seqq.
Bilem nigram ducentia qua.
 360. & seqq.

Bilem utranque purgantia
qua. 380. & seqq.
Bilem flauam & pituitam
ducentia qua. 382. &
seqq.

Bilem atram, & aquam pur-
gans quod. 394

BR
Brassica marina. 369

C
CA

C *Æpe.* 233
Calefacere, aut refri-
gescere, quibus maxime
conueniat. 247

Calefacientia parum, mul-
tumque astringentia,
concoquunt, & empla-
sticam habent faculta-
tem. 267

Caliditas

ET VERBORVM.

Caliditas desipientiam pa-
rit. 252

Caliditas triplex. 253
potestate Calidum, aut fri-
gidum, temperaturve,
quid. 232

nihil dandum est Calidum,
quod à calore corrumpa-
tur. 245

Calidum an possit astringe-
re. 254

Calidum externum ab in-
terno differt. 260

Calidi operationes varia.
224. & seqq.

Calidi in actu, ac frigidi or-
do quadruplex. 248

Calida actu vehementer
phlegmonas augent, &
dolores. 251

Quinetiam sine phlegmo
ne sola caliditas, vel
dolor in corporibus re
pletis fluxionem facit.
ibid.

Quin & generat rigorem
& horrorem, ubi cor-
pui plenum fuerit hu-
moribus. *ibid.*

quacunque Calida sunt ve-
hementer potestate, sunt
etiam calida actu. 251

Calida reponuntur in genere

corum, qua sedant dolores.

255

Calida & emplastra, & un-
ctiones, & suffitus gra-
uitatem faciunt capitis.
256

Calida quandoque adhiben-
tur necessitatis causa.

257

Vitanda si absit necessi-
tas. *ibid.*

Inter potestate calida &
actu interest. *ibid.*

Calida oculis amica. 258

Calida per se dicenda qua-
264. & seqq.

Calida quadam sunt, qua
tamen frigidum exhibent
alimentum. 265

Calida in quarto ordine &
tenuium partium, absu-
munt carnem mollem
promptè, & citra dolo-
rem. *ibid.*

Calida vehementer in affe-
ctibus renum vitanda.

266

Calida & humida vehe-
menter, attrahunt, &
expellunt. *ibid.*

actu Calidorum, ad huma-
num corpus comparato-
rum effectus, 244

Ll 4

Calor

INDEX RERVM,

Calor putridus an sit po-
testate talis, an actu.

232

Calor ignis quomodo debi-
litet calorem naturalem,
& calor operimentorum
conferuet, & calor pue-
ri, vel virginis augeat.

242

Calor admotus exterius quo-
modo possit confirma-
re calorem natium.
ibid.

Calor etiam refrigerat, id
que sapius, ac multifa-
riam.

252

Calor naturalis. 314
Siccus aduentitius. ibid.
Nec putridus. ibid.

Calor in tempore non pro-
portione respondenti, sem-
per ledit, & aggrauat.

256

omnis Calor, & frigus in
actu vehemens, la-
dit corpus vehementer.
ibid.

Calor non naturalis quare
deiciat vires. 157

Calor non naturalis duplex.
ibid.

Calor per se, & per accidens
differunt. 258

Caloris incommoda. 254
post frigiditatem vehemen-
tem viribus validis Ca-
lorem vehementem ad-
mouere non solum li-
berat ab affectu, sed
etiam voluptatem affert.

257

Calorem innatum excitantia,
& περιεσχια, ἢ πυρρὰ.

410

Caphura. 326

Cappares. 350

Caput ventriculo contra-
rium. 246

Carnea. 84

Carnis differentia. 179

Carnis generantia nimis re-
frigerant, quam epuloti-
ca. detergunt autem circa
morbum. 273

Carnes. 84

Caryophyllum. 279

Cassia nigra. 322

Cassutha. 341

Cataporia. 429

Centaurium minus. 395

Cerealium precipua que.
178

CH

Chachile. 370

Chalybs. 278. 287. 374

Chamapitys. 327

Chamelas.

ET VERBORVM.

Chamelæa. 409
Chironium vlcus. 95

CI

Cibus, & potus. 177
Cibus frigidus sitim extin-
guis, & confirmat calo-
rem naturalem; sed ta-
men debet esse tempera-
tus. 262
& etiam frigidus. *ibid.*
Ciborum viginti vnum ge-
nera. 479
Per euacuationem. 476
Per preparantia. 487
Cibos inter, & medicamenta
interest. 267
Ciclamen. 390

CL

Clematis secunda. 388
Clysteria. 203

CN

Cnicum. 353

CO

Colocynthis. 354
Compositio acquisita. 74
Concoctio calore multo, mo-
derato in magnitudine,
temperato in humido &
sicco. 267
Convulsio. 95
Corpus scabiosum actu
an debeat censerî mun-

dum, vel immundum.
 118.

Quare facîle exoluatur.

121

Corporis purgati signa qua-
 6

CR

Crustam inducentia, vren-
tia sunt, & crassa omnia.
 273

CV

Cucumis anguinus. 402
Cucurbita. 358
Cucurbitularum vis. 249
Utilitas multiplex. *ibid.*
Cura generalis. 86. 103
Specialis. 87. 103
Communis. *ibid.*

Cura pertinentes ad membra
confirmantia. 106

Curandi modi quatuor.
 102

Curatio. *ibid.*

Quid & quotuplex. 78.
& seq. & 142.

Custodia communis. 103

Custodia, seu cura pro-
phylactica. *ibidem &*
 144

CY

Cynanche. 117

Cynocrambe. 406

Ll 5 D

INDEX RERVM,

D

DE

D Ens quid.	1
in Dentis generatione antequam erumpat, folli- culus quidam supertendi- tur.	3
Dentis laxatio.	209
Dentes genitos erumpi, post quam infans exortus est, & alios generari.	3
Dentium tria genera.	2
duodecim Dentium radices in utero generari in sin- gulis mandibulis.	3
Eorum cavitates per to- tam ferme radicem ex- tendi.	ibid
Quod extraginginas pro- minet totum esse soli- dum.	ibid.
Eorum vena, & arteria ad imam radicis per- ueniunt.	ibid.
Dentium erosio.	10
Avulsio.	ibid. & seqq.
Eorum meditationum proprie genera nouem.	16
Dentium affectus in specie	17
Dolor.	18

Commotio.	23
Imbecillitas.	25
Stupor.	27
Deformitas.	28
Dentium reuulsionis usus.	202
Dentibus qua inimica.	4
Amica qua.	ibid.
Dentibus lassis parum, aut debilibus, aut ubi signa lasyonis apparuerint, qua custodia adhibenda.	ibid.
Dentibus seruandis propria qua.	8
Iisdem fricandis qua.	9
Curandis qua.	ibid.
Dentibus post primam iu- uentam carere homines regionis Africa, & cur.	147
Dephnoides.	359
Deriuatio.	104
DI	
Diuersionis duplex modus.	104
Diuretica calida & sicca atque tenuia, & non pa- rum.	272
Diuretica sudorem prono- cant.	273

E

ET VERBORVM.

E

EC

E Clegmata, seu Arterial-
ca, quæ. 190

EG

Egestio naturalis. 141

EL

Elephas. 95

EM

Empetron. 406

Emplastrum ex chamamelo
an plus calefaciat cali-
dum, quàm tepidum, &
an celerius. 262

Emplastra in genere. 256

EP

Epithymus. 364

Epulotica qua cicatricem
inducunt, siccant & refri-
gerant. 273

ER

Ericij terrestris caro. 367

Erysipelas, eiusque cura.
250

ES

Escharotica, vide Fontes.

EV

Eupatorium Mesuës. 384

Euphorbium. 393

•••••

F

FA

F Acultas vitalis quando-
que salutis signum. 147

Facultates secunda & tertia
oriunda ex primarum
miscellâ. 264

Fames canina. 95

FE

Febris ardens. 95

Febri cuiusnam an conueniat
sectio vena. 464

Febres alia mordaces, alia
sicca. 74

Ferrum. 287

FI

Ficus. 95

Ficus lac. 368

Filix. 327

FL

Fluxio frequentissima cause
morborum dentium. 34

Fluxionum tria genera. ibid.

Membrorum. ibid.

Humorum. 37. & seqq.

Spirituum. 47

FO

Fontes diurni. 105

Superficialij, & escharo-
tica. ibid.

FR

Frigida ut tenuiora sunt, &
calida

INDEX RERVM,

<i>calida ut crassiora, eo</i>		HI	
<i>magis cutim mordēt.</i>	266	<i>Hippophaë.</i>	407
<i>Frigidi operatio.</i>	260	<i>Hippophastrum.</i>	393
FV		HV	
<i>Fumaria.</i>	389	<i>Humores corrupti.</i>	377
G		<i>tres Humores purgantia,</i>	
GA		<i>qua.</i>	395
G <i>Allinastercus.</i>	379	<i>tenuēs Humores educētia,</i>	
<i>Gargareō affēctus quo-</i>		<i>qua.</i>	404. & seqq.
<i>modo.</i>	126	<i>Humores tenuēs.</i>	ibid.
GI		<i>Crassi.</i>	412
<i>Gingiuarum ulcerum & abs-</i>		<i>Incerti.</i>	414
<i>cessum causa.</i>	108	<i>corruptos Humores ducentia</i>	
GL		<i>qua.</i>	377. & seqq.
<i>Glans unguentaria.</i>	359	<i>crassos Humores purgantia</i>	
GR		<i>ex ventriculo, & venis, ac</i>	
<i>Granatus.</i>	381	<i>etiam articulis.</i>	412
<i>Gratiola.</i>	389	<i>certos Humores purgantia,</i>	
H		<i>qua.</i>	424
HA		HY	
H <i>Amodia.</i>	137	<i>Hyacinthus.</i>	382
HE		<i>Hypericum.</i>	425
<i>Helleborine.</i>	400	<i>Hyssopus.</i>	352
<i>Helleborus niger.</i>	397	I	
<i>Hemicrania.</i>	95	IC	
<i>Hemiplexia.</i>	ibid.	I <i>Chor.</i>	123
<i>Hemitritans.</i>	ibid.	<i>Icterus, vide Regius</i>	
<i>Herbaregia.</i>	430	<i>morbus.</i>	
<i>Hermodaētyli officinarum.</i>		IE	
350		<i>Iecur.</i>	93
<i>Herpes.</i>	95	<i>Iecoris tres morbi maxim.</i>	
		526. Antid. 307.	
		IR	

ET VERBORVM.

IR

Iris. 386

Iridis succus. 372

IV

Iuniperi lignum. 279

Ius galli antiqui. 412

L

LA

L *Abrusca.* 371

Lac. 178

Lac & semen generantium sanguinem concoquunt cum leui frigidityte, si generare debeant. 274

Lac asininum. 418

Lactis aqua. *ibid.*

Lactuca agrestis. 368

Ladanum. 279

Lapis caruleus. 365

Lapis Armenus. 366

Lapis Iudaicus. 413

Lapidis exterendi ratio. 280

& seq.

Latbyris. 407

LI

Libidinem excitantia partim corroborant cor, partim flatum crassum generant, partim semen, partim stimulant. 274

Lithonriptica. 275

LO

Lotionum extremarum par-

tium magna utilitas. 204

LV

Lupus salictarius. 338

LY

Lychnis agrestis. 345

Lycium. 358

M

MA

M *Andibularum cautitas.* 2

Mandragora. 391

Manna. 328

ME

Meatus quae aperiant, sunt calida & sicca immodicè, & crassa. 273

Medicamentum quum non purgat opportunè. 427

Eius cura. *ibid.*

Medicamenta omnia talia adhibenda, qualia sunt potestate. 250

Medicamenta cur debeant esse contraria morbo, & similia mēbro, & naturali temperamento. 261

Medicamenta quae intus assumuntur, an debeant actu esse calida, vel frigida, vel temperata, vel partim calida, partim frigida. *ibid.*

Medicamenta quae retinent sicca sint oportet, frigidaque

INDEX RERV,

- daque calidis sunt efficacia.* 267
Qua autem concoquunt, calida sint, & humida. *ibid.*
Qua verò attrahunt, calida & magis sicca, quàm humida. *ibid.*
Quaecunque autem calefacta refrigerant, refrigerata calefaciunt. *ibid.*
Medicamenta à cibis differunt. 267
Medicamenta exusta an retineant proprias vires suas. 275
Medicamenta purgantia in genere. 288
Eorum diuisiones. *ibid.* & *seqq.*
Medicamenta lenientia. 299
Medicamenta purgantia propriè dicta qua. 317
An qua leniunt, possint humores omnes educere. *ibid.*
Medicamenta purgantia in specie qua. 322
Purgando lenientia qua. *ibid.* & *seqq.*
Medicamenta varia, & pe-
nè ignota. 437
Medicamentorum electionis genera sex. 198
Medicamentorum facultates varia. 205 & *seqq.*
Medicamentorum facultates arte acquisita. 275
Medicamentorum compositionis ratio. 278
Medicamentorum vires precipua. 279
Medicamentorum lenientium species varia. 306
Astringendo qua leniant. 310
Alium qua leniunt experta, medicamentis per sepe sunt meliora. 312
Alium mouentia, iecur debilitant. 315
Medicamentorum conseruatio. 428
in Medicamentis qua conueniunt uni membro, qua scire oporteat. 286
Modi eorum qua sumuntur. *ibid.*
Medicina tradenda ratio. 52
Medicina partes quinque. 80
Medicus qua scire debeat. 214

Medici

ET VERBORVM.

<i>Medici in quibus peccare aperte, & turpiter soleant.</i>	201. & seq.	<i>Morbi institutio generalis.</i>	89
<i>Melancholia.</i>	95	<i>Morbi nomen, & morbus ipse.</i>	95
<i>Melicerides.</i>	ibid.	<i>Morbi nomina quadam nata à parte.</i>	95
<i>Membra alia calida calore proprio, vel frigida natura, calida autem aduentitio calore.</i>	261	<i>A similitudine.</i>	ibid.
<i>Vel exanguia & frigida natura.</i>	ibid.	<i>Ab effectu.</i>	ibid.
<i>Menses mouentia tanto calidiora sunt his quæ lac generant, quanto lac est frigidius sanguine.</i>	274	<i>A symptomate.</i>	ibid.
<i>Differunt ab his quæ mouent urinam.</i>	ibid.	<i>A proprietate.</i>	ibid.
<i>Mercurialis.</i>	324	<i>A causa.</i>	ibid.
<i>Metalla astringentia.</i>	278	<i>A quadam imagine similitudinis.</i>	ibid.
M O		<i>A materia.</i>	ibid.
<i>Morbus quid.</i>	59	<i>Ab imitatione.</i>	ibid.
<i>Eius differentia.</i>	ibid.	<i>A figurâ solâ.</i>	ibid.
<i>Causa.</i>	69	<i>Ab effectûs similitudine.</i>	ibid.
<i>Morbus à lesa facultate triplex.</i>	97	<i>Nomen commune.</i>	ibid.
<i>Morbus regius quis.</i>	210	<i>A nomine patientis.</i>	ibid.
<i>Maximus quis.</i>	ibid.	<i>Ab effectu proprio.</i>	ibid.
<i>Eorundem cura.</i>	211	<i>A Medico sortitum.</i>	ibid.
<i>Morbi contemplatio in communi.</i>	57	<i>A morbo alio compositum, aut comparatum.</i>	ibid.
<i>Morbi genus medium inter illum, qui curari potest, & qui non.</i>	82	<i>in Morbi essentia quæ cognoscenda.</i>	96
		<i>Morbi primarij differentia à secundario quæ.</i>	ibid.
		<i>Morbi longitudinis causa.</i>	100
		<i>Morbi omnes ad sex genera redacti.</i>	99
		<i>Morbi</i>	

INDEX RERVM,

Morbi qui caliditate constare dicuntur, an actu calidi sint, an potestate tantum. 232

Morborum octo genera. 85

Morborum differentia unde sumenda. 96

Morborum principalis diuisio in morbum per essentialiam. *ibid.*

Ob consensum simplicem. *ibid.*

Vel ob consensum cum materia. *ibid.*

Morborum causa, & symptomata. 97

Alias conuenire omnibus morbis, alias quibusdam solum. *ibid.*

Causa materiaria. *ibid.*

Causa procataretica, seu externa. *ibid.*

Morborum reliquorum modi qui. 212

in Morbis firma mantentia. 94

Mori radix. 369

Moschus Orientalis, praeputi. 279

MV

Munus. 94

MY

Myrobalani citrina. 334

Myrobalani Bellerica, Chellica, Emblica. 345

Myrobalani nigra. 360

Myxa. 335

N

NA

N *Astury semen.* 240

Natura consideratio.

93

NI

Nitrum. 349

NV

Nucum iuli. 341

O

OD

O *Dorata.* 275

Odorata praecipua tredecim. 279

Odores incundi & suaves, omnes calidi, acres calidissimi. 265

OP

Operationes necessariae quae.

99

Ophiasis. 95

Opopanax. 351

OR

Origanum. 364

OV

Ouum subuentaneum. 279

Oua. 84 & 178

P

ET VERBORVM.

P

P A

P <i>Alma Christi.</i>	418
<i>Papauer.</i>	275
<i>Paracynanche.</i>	127
<i>Parasynanche.</i>	ibid.
<i>Parulis.</i> 95. 107. & seqq.	
<i>Parulidis species.</i> 113. & 124	
<i>Nomen, & essentia.</i>	124
<i>Parulidis affectus causæ.</i> 130	
<i>Symptomata.</i>	135
<i>Signa prognostica.</i>	138
<i>Eiusdem affectus cura.</i>	
139. & 142	
<i>Parulidis morbus unde.</i>	143
<i>Parulidis cura propriè di-</i>	
<i>cta, & generalis.</i>	154
<i>Cura specialis.</i>	163
<i>Specialis per diatam.</i>	168
<i>Specialis per pharma-</i>	
<i>ciam.</i>	183
<i>Cura abscessus in gingi-</i>	
<i>ua.</i>	ibid.
<i>Symptomata morbi pro-</i>	
<i>positi.</i>	186
<i>Parulidis cura per chirur-</i>	
<i>giam.</i>	208

P E

<i>Pectoris morbi.</i>	106
<i>Peplium.</i>	400
<i>Peplum.</i>	ibid.
<i>Persici flores.</i>	406

P H

<i>Phagedana.</i>	95
<i>Phlegmone quadruplex.</i>	87
<i>Phthoe.</i>	95

P I

<i>Pilula, seu catapotia vita.</i>	
419	
<i>Piper.</i>	233
<i>Piper & sinapis.</i>	ibid.
<i>Piperis plura genera.</i>	206
<i>Piscium differentia.</i>	179
<i>Pituita.</i>	345. 382. &
390	
<i>Pituitam ducentia.</i> 445. &	
<i>seqq & 382. & seqq.</i>	
<i>Pituitam & nigram bilem</i>	
<i>educentia.</i>	390. & seqq.
<i>Pituitam & aquam ducen-</i>	
<i>tia.</i>	391. & seqq.
<i>Pityusa, seu Turpetum.</i>	408

P O

<i>Polium montanum.</i>	325
<i>Polypodium.</i>	417
<i>Polypus.</i>	95
<i>Potus.</i>	177
<i>Potus debet esse frigidus in</i>	
<i>aëre.</i>	261
<i>Non tamen frigidissimus.</i>	

262

P R

<i>Pruna.</i>	334
---------------	-----

P S

<i>Psyllium.</i>	319
------------------	-----

M m

P T

INDEX RERVM,

PT		Species quomodo redu-
Ptisana laudatur.	178	cantur ad vesicam fel-
PV		lis, & lienem. 445
Pulegium.	363	in Regij morbi cura, vinum,
Purgatio.	197	an aqua melior. 478
omnia Purgantia qua.	401.	Regij morbi sanabilis quin-
& seqq.		que species. 453
PY		Alia species. 455
Pycnocomon.	342	Causa coniuncta. 457
R		Signa prognostica. 459
RA		Regij morbi cura generalis
R Arefacientia, modicè calida sunt, ac te- nuium partium, & mini- mè sicca. 273		à bile flava. 471
		Abile nigrâ. 475
		Eius cura specialis per
		aërem, somnum, mo- tum, animi accidentia.
RE		477
Regius morbus, eiusque cu- ra. 432		Per cibos. 47
Cur ita dictus. ibid.		Regij morbi medicamenta
Eius nomina, nominum- que ratio. 434		propria. 488
Natura. 436		Aqua levis, & omnis
Differentia, & causa.		qualitatis expers eli- genda. 490
437		Eligenda ea qua agunt à
Regius morbus duplex. 440		proprietae. 491
Eius causa. 441		Potius sit aquarum natu- ralium calidarum. 492
Regius morbus an sit sym- ptoma. 447		Regij morbi cura à crisi.
Eius specierum signa.		493
448		A veneno. 494
Eius generis signa. 450		A sola caliditate iccoris.
Regij morbi species. 442		ibid.
		Ex inflammatione, vel phlegmo

ET VERBORVM.

phlegmone iecoris. 495
Ex sola abundantia congesta bilis. 497
Ex obstructione in superiore loco. 498
Duplex cura, ex obstructione lapilli, vel duritie iecoris, aut lienis. 500
Per consensum à ventriculo. 503
Ex obstructione in vesicâ fellis. 505
Propter imbecillitatem in vesicâ fellis, vel in attrahendo, vel in expellendo. 506
Cum febre. 507
Cum duritie iecoris. 508
Cum duritie splenis. 510
Cum fluxu hamorrhoidarum. 511
Cum hydropse asciticâ, vel tympanite, vel hypocrâ, & fluxu hepatico. 512
Ex accessione morbi Indici. 514
Ex accessione phthoes. 517
Cum accessione prauorum symptomatum, & sunt præcipuè duo, mala co-

elio ventriculi, & flatus: & fluxus sanguinis narium. 518
Regij morbi cura quatuor specierum, scriptarum ab Hippocrate. 522
Cura generalis proposita ab Hippocrate. 522
Symptomata qua relinquuntur, quorum numero præcipua sunt, alui durities, sitis, tristitia, & vigilia. 525
Custodia à morbo Regio. 526

in Regio morbo an secunda vena. 463

Renes. 246

Retentio sicco sit, minorèque calore indiget. 267

Reuulsio. 88. & seq. & 105
R H

Rhabarbarum. 382

R I

Ricinus. 408

R O

Rosa. 279

Rosarum succus. 335

Rosaceus syrupus, & saccharum purgans. 383

Rosmarinus. 326

S A

Sagapenum. 352

M m 2
Sal

INDEX RERVM,

<i>Sal lapideus & panis.</i>	348	<i>Signorum prognosticorum</i>	
<i>Sambucus, & ebulus.</i>	406	<i>quatuor genera.</i>	77
<i>Sambuci, & ebuli cortices</i>		<i>Sinapis.</i>	233
<i>medij.</i>	328	<i>S M</i>	
<i>Sampsuchus.</i>	369	<i>Smaragdus.</i>	380
<i>Sanationis, aut mortis cau-</i>		<i>S O</i>	
<i>sa qua.</i>	100	<i>Somnus, & vigilia.</i>	180
<i>Sanguis.</i>	418	<i>Somniferorum alia quidem</i>	
<i>Sanguis defluens de gingi-</i>		<i>humectant vehementer,</i>	
<i>uis, lethalis est.</i>	141	<i>alia autem quia cognunt</i>	
<i>Sanguinem purgantia.</i>	418	<i>spiritum, illius substan-</i>	
<i>Santalum.</i>	279	<i>tiam tenuiorem dissoluen-</i>	
<i>Sapor insipidus frigidus &</i>		<i>do, & ob id sistunt. Alia</i>	
<i>humidissimus.</i>	265	<i>quia utrumque faciunt,</i>	
<i>Sapphirus.</i>	381	<i>ob id papauer in pretio</i>	
<i>Sarcocolla.</i>	252	<i>habetur.</i>	275
<i>S C</i>		<i>S P</i>	
<i>Scammonium.</i>	343	<i>Spartium, & Genista.</i>	353
<i>Scilla.</i>	415	<i>Sphondylium, seu spondy-</i>	
<i>SE</i>		<i>lium.</i>	348
<i>Sena, & colutea.</i>	396	<i>Spina ceruina.</i>	426
<i>Sesamois.</i>	388	<i>S T</i>	
<i>SI</i>		<i>Status naturalis.</i>	94
<i>Signum.</i>	74	<i>Stercus columbinum.</i>	377
<i>Signum & symptoma diffe-</i>		<i>Stibium.</i>	414
<i>runt.</i>	75	<i>Styrax. 389.</i>	279
<i>Signa prognostica.</i>	99	<i>S V</i>	
<i>Signorum duo genera, de</i>		<i>Sudorifica calida sunt &</i>	
<i>monstratum, & pro-</i>		<i>sicca, sed tenuissima.</i>	273
<i>gnosticum.</i>	75	<i>Persape trahunt ad uri-</i>	
<i>Tertium genus est ve-</i>		<i>nas.</i>	ibid.
<i>nenum temporaneum.</i>		<i>Suffusus.</i>	256
76		<i>Vide Odorata.</i>	

Super

ET VERBORVM.

<i>Superpurgatio.</i>	422
<i>Triplex.</i>	423
<i>Suppuraciones circa gingi- uas, & nares.</i>	140

S Y

<i>Symptoma differt à signo.</i>	75
<i>Symptomata.</i>	72
<i>Eorum diuifio principa- lis.</i>	ibid.
<i>Symptomata morborū, qua- tenus morbus est ob lafio- nem operationis.</i>	98
<i>Symptomata confequentia magnitudinem morbi.</i>	98
<i>Alia fine morbo.</i>	ibid.
<i>Alia cum morbo alterius partis.</i>	ibid.
<i>Alia ob morbum, qui est in eadem parte.</i>	99
<i>Symptomatum differentia.</i>	98
<i>Triplex genus.</i>	ibid.
<i>Eorum cura.</i>	106
<i>Symptomatum & affectuum indicia, emendatio.</i>	210
<i>Synanche.</i>	127

T

T A

T <i>Amarindi.</i>	332
<i>Tartarum.</i>	349

T E

<i>Temperatura.</i>	114
<i>Tepida, fedant dolores, &</i>	

*expertia sunt noxe debi-
litandi vires, & conue-
niunt plerisque cataplas-
matibus.* 258

T H

<i>Thapsia.</i>	342
<i>Thlafpi.</i>	340
<i>Thus.</i>	279
<i>Thymelaa.</i>	410
<i>Thymus.</i>	390

T I

<i>Tithymalus platyphyllus.</i>	
	372
<i>Tithymali.</i>	411

T R

<i>Tragoriganum.</i>	339
<i>Tripolium.</i>	368

T V

<i>Turpetum.</i>	408
------------------	-----

V

V A

V <i>Apores, maximè acres, oculis inimici.</i>	258
---	-----

V E

<i>Vena fectio.</i>	197
<i>Quando ufurpanda.</i>	80
<i>In phlegmatibus quomodo ufurpanda.</i>	87
<i>Vena fectio renulsiua differt ab ea qua vacuat corpus.</i>	

105

<i>Venenarum ora aperientia, M m 3 calida</i>	
---	--

INDEX RERVM, &c.

<i>calida, sicca, terrena, crassa, acrida.</i>	273	<i>Vnctiones.</i>	256
<i>Verbascum.</i>	370	<i>Vnguentum rosaceum.</i>	325
<i>Vesica.</i>	246		
	VI		VR
<i>Vitæ ratio unde sumenda.</i>		<i>Vrentia putrefacere possunt,</i>	
83		<i>etiamsi tenuia sint, & colli-</i>	
<i>Vigilia.</i>	180	<i>liquare, & odorata esse.</i>	
<i>Vinum.</i>	84	273	
<i>Noxium.</i>	179	<i>Vrina descriptio.</i>	142
<i>Viola purpurea.</i>	333	<i>Eius conditiones quinque.</i>	
<i>Visci lignum.</i>	417	<i>ibid.</i>	
<i>Vita partes principales, quæ.</i>		<i>Vrtica.</i>	358
94			VS
<i>Eius media.</i>	<i>ibid.</i>	<i>Vstio.</i>	224. & 231
<i>Vitis alba.</i>	360		VV
<i>Agrestis.</i>	371	<i>Vulnus.</i>	95
	VL		Z
<i>Vlcus.</i>	95		ZI
<i>Vlnus.</i>	350	<i>Zlbethum.</i>	279

FINIS.



